

رنگارنگت کریمی

شامل جلد های ۱۱ و ۱۲ و ۱۳ و ۱۴



اشرطیع حاج میرزا حسین کریمی مراغه ای

رنگارنگ کریمی

شامل جلد های ۱۱ و ۱۲ و ۱۳ و ۱۴

اثر طبع

حاج میرزا حسین کریمی مراغه ای

سرشناسه	کریمی، حسین، ۱۳۱۰ -
عنوان و نام پدیدآور	رنگارنگ کریمی / اثر طبع حسین کریمی مراغه‌ای.
وصفیت ویراست	: [ویراست ۲۲].
مشخصات نشر	تهران، پیری، ۱۳۷۷ - ۱۳۸۵.
مشخصات ظاهری	ج. ۱۴ (در ۲ مجلد)
شابک	دوره: 964-6622-05-4 : ج. ۲: 964-6622-20-8 : ۶۰۰۰۰ ریال (ج. ۲، چاپ هفتم) : ج. ۲، چاپ پنجم : 964-6622-03-8 : ج. ۲: 964-8191-51-4
یادداشت	: مجلد ۱ شامل جلد‌های ۱-۲، مجلد ۲ شامل جلد‌های ۳-۶، مجلد ۳ شامل جلد‌های ۷-۱۰، مجلد ۴ شامل جلد‌های ۱۱-۱۴ است.
یادداشت	: بشیر اشعار به زبان ترکی است.
یادداشت	: ویرایش قبلی این کتاب با عنوان "رنگارنگ: کلیات ادبیات کریمی" توسط داکتر کریمی منتشر شده است.
یادداشت	: ج. ۱ (چاپ هفتم: ۱۳۸۲).
یادداشت	: ج. ۱ (چاپ هشتم: ۱۳۸۵).
یادداشت	: ج. ۱ (چاپ نهم: تابستان ۱۳۸۶).
یادداشت	: ج. ۱ (چاپ دهم: ۱۳۸۶) (فیبا).
یادداشت	: ج. ۲ (چاپ پنجم: ۱۳۸۳).
یادداشت	: ج. ۲ (چاپ هفتم: ۱۳۸۷) (فیبا).
یادداشت	: ج. ۳ (چاپ سوم: ۱۳۸۴).
یادداشت	: ج. ۳ (چاپ پنجم: ۱۳۸۷) (فیبا).
یادداشت	: ج. ۴ (چاپ اول: ۱۳۸۵).
یادداشت	: ج. ۴ (چاپ دوم: ۱۳۸۷) (فیبا).
عنوان دیگر	: رنگارنگ: کلیات ادبیات کریمی.
موضوع	: شعر ترکی -- ایران -- قرن ۱۴.
موضوع	: شعر فارسی -- قرن ۱۴.
رده بندی کنگره	۱۳۷۷ ۹۴۹/۷۳۱۲/PLT
رده بندی دیویی	: ۸۹۴/۳۶۱۱
شماره کتابشناسی ملی	: ۷۷-۱۳۱۸۲

شناسنامه‌ی کتاب:

نام کتاب: رنگارنگ کریمی ۱۴ و ۱۳ و ۱۲ و ۱۱

مؤلف: میرزا حسین کریمی مراغه‌ای

نوبت چاپ: دوم - پاییز ۸۷

ناشر: انتشارات پیری

چاپخانه: احمدی

تیراژ: ۱۰۰۰ نسخه

حروفچینی: انتشارات پیری

شابک ۴-۵-۶۶۲۲-۹۶۴ (دوره ۴ جلدی)

شابک ۴-۵-۶۶۲۲-۹۶۴ (دوره ۴ جلدی)

ISBN 964-6622-51-4 (VOL.4)

ISBN 964-6622-05-4 (4VOL.SET)

قیمت ۸۰۰۰ تومان

مراکز پخش:

تهران، انتشارات پیری تلفن ۳۳۹۲۴۷۵۳

مراغه، کتابفروشی کریمی تلفن ۰۴۲۱-۲۲۲۷۰۹۸

مقدمه‌ی ناشر

کتابی که اکنون پیش روی شماست جلد یازدهم رنگارنگ می‌باشد.

استاد کریمی شاعر بزرگ مراغه و ایران مجلدهای ۱ تا ۶ رنگارنگ را در زمان رژیم ستم‌شاهی و با جسارتی مثال‌زدنی در جوّ رعب و اختناق آن دوره به رشتهٔ تحریر درآورده است که نشانه‌ی بلوغ سیاسی این شاعر بزرگ و اهمیتی است که برای سرنوشت جامعه و ملت مسلمان ایران قائل بوده است.

نکته‌ای که استاد کریمی را از دیگر شاعران متمایز می‌سازد شجاعت و صلابت این شاعر است که بدون ذرّه‌ای ترس مشکلات جامعه را به زبان طنز بیان نموده و به مردم آگاهی داده است تا نقشی هرچند کوچک در پیشبرد اهداف انقلاب اسلامی ایران داشته باشد. استاد کریمی در این کتاب به غیر از مسائل سیاسی به مشکلات اقتصادی، اجتماعی، فرهنگی و سایر مشکلاتی که در آن دوره وجود داشته پرداخته و سعی نموده است تا با زبان شیرین طنز وجدان مردم را بیدار نموده و آنها را به تفکر در زندگی روزانه و اعمالی که انجام می‌دهند وادارد. این اشعار طنز با اینکه ظاهراً برای خنداندن و سرگرم نمودن مردم نوشته شده‌اند ولی باطناً هدف و منظور اصلی استاد جنبه‌ی پند و ارشاد مسئله بوده است که خواسته‌اند به این طریق مردم را از خواب غفلت بیدار سازند و آنها را از شرّ خفقان و ظلمت دوره‌ی ستم‌شاهی نجات و به سوی مملکتی اسلامی رهنمون سازند.

چگونه به استاد کریمی دل بستم

هزار خصلت نیکو به کُنه فطرت اوست

که من مُرید وی، او همچنان مُراد من است

بیش از چهل سال است او را می‌شناسم. با تمام خصوصیات و ویژگی‌های پنهان و آشکارش، شاید کمتر کسی از دوستان و همشهریان او حتی خانواده‌اش به اندازه اینجانب در جای، جای اعماق تفکر و کرانه‌های ذاتی این استاد یگانه و کم‌نظیر ولی بی‌ادعا به جستجو پرداخته و از برکات وجودش و کمال معرفتش شناخت جستجوگرانه تحصیل نموده باشد. حدود چهل و هفت سال پیش تقریباً در فاصله سالهای ۱۳۳۶، ۱۳۳۷ با اولین اثر استاد یعنی جلد یکم رنگارنگ با او ارتباط غیابی پیدا کردم و با مطالعه آثارش یک نوع اشتیاق و دلدادگی در سُویدای دلم نسبت به این شاعر و ارسته احساس نمودم و این علاقه به موازات مطالعه‌ام به سروده‌های او هر روز فزونی می‌یافت. نهایتاً یک سویه خاطر به وی سپردم. با وجود بُعد مسافت یعنی حدفاصل تهران تا مراغه، هم خود، و هم احساسات و اندیشه‌ام را در لابلای اشعار بظاهر طنز و به معنی حکمت او می‌دیدم تاجائیکه در اندوه فراق و فرط اشتیاق آشنائی با استاد طاقتم طاق شد و دامن شکیبائی از دست دادم و طی این مرحله بعید را به کمک نگارش و مکتوب به محضر استاد آغاز نمودم. خوشبختانه با توجه به عطوفت و تواضعی که در سیره ذاتی ایشان بود، در حلقهٔ مریدانش درآمدم که این روند در مسیر زمان به یگانگی پیوست و افتخار بزرگی نصیب صاحب این قلم نمود.

اما چه جذبه‌هایی در وجود استاد بود که مرا چون کهربائی به سوی خود

کشید؟! شاید مهم‌ترین عامل این جاذبه، انطباق وضع سرنوشت و شباهت اشکال زندگیمان بود! چرا که هر دوی ما از شرنگ حیات، تلخکامی‌هائی را تجربه کرده بودیم لذا در آن بُرهِه، کار و تلاش و نحوهٔ معیشت عارفانهٔ این مرد بزرگ و والدِ نیک‌نَفَسش برای اینجانب کلاس درسی بود که ضمن فراگیری مراتب پایداری و مُداومت و شکیبائی و مقاومت در مقابل شدائد، طریق قناعت و سیرهٔ مناعت را به‌نمایش می‌گذاشت و به اعجابم وامی‌داشت که: این اندیشمند فرزانه چگونه در حال انجام کار طاقت‌فرسای «ذوب موم» و «ساخت شمع» خود نیز پروانه‌آسا اگر نه بال و پر، لااقل فتیلهٔ جان و تن را به حرارت آن مایهٔ شمع می‌گذاخت و با دستان پینه‌بسته و تن خسته زمزمه می‌کرد:

سندن اوتور آخر قابار اولدی الیم ای پول

گل بیر الیمه قوی داخی بیر دینجلیم ای پول

و در کنار پدر فرهیخته و عارف وارسته‌اش ضمن اطاعت محض، از آموختن و طی طریق کمال فروگذار نبود، تاجائیکه کلامش و اشتهاى نبوغش از اقلیم بومی، فراسوی اقالیم کشور و مرزها را درنور دیده و در هر دیار و خانه و کاشانه‌ای که تُرک زبان بود پانهاد و در جان مشتاقان ادبیات ترکی و تشنگان طنز شیرین کلامش نشسته و مُلک دل آنان را تسخیر و سیراب نموده است.

عجبا! به رغم اینهمه شهرت و اقبال خوانندهٔ آثارش، کوچکترین تغییر حالى در تواضع و فروتنی ذاتی او به‌وجود نیامده بلکه بیش از پیش متواضع‌تر و عارفانه‌تر و شکسته‌نفس‌تر، به افرادی که احیاناً به منظور خوش‌آمدگوئی، او را با القاب خاصّ مخاطب می‌ساختند، می‌فرمود:

نه میرزا دی نه شاعر شیرین زبان منه

پیرم یاراشماز ایمدی چکیلیمیش دابان منه

نه فنّ طبع شعرده استاد بول منی
 نه عرصه‌گاه شعرده دی پهلوان منه
 من قانعم که ال قاباریلان قازانماقا
 دنیانی بۆلدولر یتیشوب بیر دکان منه

مناعت طبع و سعه صدر و عزّت نفس را بنگرید. آیا در خور ستایش

نیست؟!

من یک بار ندیدم حتّی در تنگناهای مشهود و عسرت‌های موجود که در
 نشیب و فراز گذر زمان با آنها مواجه بوده است، لب به شکایت بگشاید، یا
 تعلّق خاطری به زیاده‌خواهی و به داشتن بسپارد. این شیوه رفتار و این طرز
 پندار، در اعماق جاننش و در اقیانوس کلامش موج می‌زند و به آمیزه‌ای از
 حکمت در قالب طنز ریخته می‌شود و شاهد زلال گفتارش به کام مشتاقان، فرو
 می‌ریزد، بنگرید:

آچارام اوز شالیمی، پوزمارام اصلاً حالیمی
 دولارام گردنیمه زلف پریشان یرینه

و یا:

عدل و انصاف و مساوات و ترقّی آلورام
 مذهب و دین و حیا عصمت و ایمان گینه وار؟!
 دوز عقیده، دوز آدام، دوز کیشی، دوز داش تَرزی
 او قدیم‌دن قالان اوچ حلقه‌لی باتمان گینه وار؟!

هرگاه قلم شیرین طنزش به سمت و سوی انتقاد مسائل اجتماعی متمایل
 می‌شود، چه نرم و شیوا می‌نگارد:

آت بو یورقانی باشوندان یتیشوب وقت ناهار
 بولمورم آخ نه گوروب ملت ایران یوخودا؟!

کوتاه سخن اینکه: اگر در بین آثار شعرای ترک زبان عصر حاضر به کاوش بپردازیم، به نظر نگارنده بعد از «حیدربابا»ی شهریار، به اندازه آثار استاد کریمی در میان دوستداران شعر و ادب، بخصوص «شعر فرهنگ عامه» مستقبَل نداشتیم. اینجانب دلیل آن را نمی شکافم زیرا بُرهان این ادّعا همان انگیزه و احساسی است که در مجموعه «حیدربابا» در ارتباط با خوانندگان ملحوظ شده است و ۲۵ بار تجدید چاپ یا بیشتر از مجلّات آثار استاد مبین این مدّعا است.

آری مراد مُریدنواز ما، تواضع و قناعت و علوّ همت و مناعت را به فراسوی کهکشانهای می کشاند و در جائیکه حتّی به فرزندش اندرز می آموزد، می سُراید:

زمانه ائتمیوب سازش نه یاخشی نه یامانیله

زمان سنله باریشمان، سن باریش باری زمانیه

دایان بش گونلوق عمری وئر باشا یاغلی یاوانیله

دولان شهری، آریق، آخساق، یهرسیز مادیانیله

استاد کریمی از چهره های ماندگار و نامدار ادبیّات نه تنها در عرصه طنز بلکه در حیطة مدح و مراثی اهل بیت عترت و طهارت علیهم السّلام است که در سینه تاریخ همچون گوهر گرانبهائی درخشان باقی خواهد ماند.

اینک دیوان کامل جلد یازدهم رنگارنگ با افزایش و بازنگری در جدیدترین آثار استاد، پیش روی خوانندگان و علاقمندان این اعجوبه زمان در ساحت ادبیّات آذربایجان قرار دارد که بطور یقین همچون سایر آثار گذشته استاد، با استقبال اهل شعر و ادب زبان ترکی آذری روبرو خواهد شد.

انزاب خوئی

زمستان ۱۳۸۴

یوخولی یوخولی

قسمت اولدی بیزه بیر وقفه زیارت یوخولی
یوخولی گتندی قییتدی گینه امت یوخولی
هیئتین لذتی وار اونداک یولداش جور اول
قالانوب بیریرینون اوستونه هی ات یوخولی
یازدیق آتمش نفرین آدینی گتدوخ مشهده
ایکی محمل، یاری آقا، یاری عورت یوخولی
اسداللهیدی^۱ روح اللهیدی^۲ رهبریمیز
ایکی سرقافله یورقون ایکی حضرت یوخولی
بیر ماشیندا بیر اویاق گوز اودا راننده ایدی
نه زیارت جانا سیندی نه سیاحت یوخولی
دریانین خاطره سی کشتی لرین منظره سی
جنگلین ذوقی دونوب اولدی مشقت یوخولی
واقعا چرخسا ائویندن اوزونه ظلم ائلیوب
نیه غربتده وئورور روحینه زحمت یوخولی
بعضی دست انداز اولاندا آچوری گوزلرینی
بعضینون کسسون آتین بولمز او ساعت یوخولی

دال قاباق صحبتی صندل سؤزی یر کشمکشی
 نه صداقت یادا دوشدی نه رفاقت یوخولی
 دئدیم انصاف ائلیون یوخلامیون سیر ائلیون
 حیفدور طّی اولا بو طول مسافت یوخولی
 گلدی، بلبلدی، طبیعتدی، گوزل منظره‌دی
 بیر باخون لذّت آلون خوش دگی غفلت یوخولی
 ایکی مین بش یوز ئیلی یوخلامیسان بسدی او یان
 نه خبردی او یان ای کان کسالت یوخولی
 صندلینده اوتوران چورتا گندوب یومدی گوزین
 حرکت ایلدوخ القصه سلامت یوخولی
 سینه ووردوخ یوخولی هیئت گئتدوخ یوخولی
 هم زیارت یوخولویدی هم عبادت یوخولی
 یدوخ ایچدوخ یوخودا دریادا چیمدوخ یوخودا
 سرعینده ایکی یوز غسل و طهارت یوخولی
 یولدا گوز گورمدی شیخین^۱ قیچی گئتدی پاچالا
 قولی بورخولدی اولوب چیگنی جراحت یوخولی
 یوخلیاندا قولاق اولماز ائشیده یا که باخا
 یوخلیانلاردا نه هوش وار نه فراست یوخولی

قیشی یوخلا یایی یوخلا پاییزی یات یازی یات
 اویان اوز نفسوی بیر ایله ملامت یوخولی
 یوخلادون لای لاییلان نای ناییلان های هاییلان
 نه سعادت باشا دوشدون نه شقاوت یوخولی
 یوخلیان ملّتی دولت اویادار مین دلیلن
 داد و فریاد او گوندن اولا دولت یوخولی
 ملّتین مملکتین اوندا دوشر باشنه داش
 حبّ آتا چورتا گنده اهل سیاست یوخولی
 بی جهت ظالمی مظلوم انده جاق محکمه ده
 قاضی انصافین آتوب ائتسه قضاوت یوخولی
 عمر سرمایه سین افسوس اوتوزدوق قمارا
 وئردی نفعین ضرره اهل تجارت یوخولی
 مستمع اولمادی قوت وئره اهل سخنه
 قالدی اخبار و احادیث و حکایت یوخولی
 گر سخاوت مالینان اولسا زیارت حالینان
 نه زیارت قالی ناقص نه سخاوت یوخولی
 اویاق انسانلارا آئینه ی عبرتدی جهان
 کیمدی بو آینه دن اخذ ائده عبرت یوخولی
 اُطلبوا العلم من المهد الی اللّحه گوره
 مهددن لحه بیزه چاتدی جهالت یوخولی

کره‌ی ماهه‌ده مریخه‌ده یول سالدی بشر
 بیزه‌ده چاتدی کسالتله بطلالت یوخولی
 یرمی ستینده جوان بئل بوکولوبدی قوجالوب
 اسکلت تک آریوب اولدولا اوچ قت یوخولی
 حجه گئتدوخ یوخولی عمریه گئتدوخ یوخولی
 یاسا گئتدوخ یوخولی جشن ولادت یوخولی
 آتمش ایلده نمازین مسئله‌سین قانامشوخ
 حمد و سوره یوخولی گئچدی قرائت یوخولی
 هروئن کرخاناسی تریکی محکوم ائلدی
 سنه لعنت هروئن حوقیا رحمت یوخولی
 باشاباش ملتیمیز حافظ قرآندی ولی
 ادغام، اخفا، یوخودا گئچدی تلاوت یوخولی
 علممیز واردی عملسیز یوزومیز وار حیاسیز
 دردی‌میز وار دواسیز طبّ و طبابت یوخولی
 یوخولی یولداشیلان چیخما عزیزیم سفره
 نه بولر خنده نه تفریح و ظرافت یوخولی
 اون‌ایل انسان گوز آچیق عمر ائده ناراحت اولا
 اوندان افضلدی یوز ایل عمر ائده راحت یوخولی
 بیرده سعی ائت تله‌سن یولداشیلان چیخما یولا
 تله‌سن ترسه س.... ایلر اذیت یوخولی

علمی علم اوسته قالا مارکی دولار اوستونه یوخ
 مؤمن اول معتقد اول ائتمه لجاجت یوخولی
 یوخولی عالمه گلدوخ یوخولی گئتمه لیوخ
 بولمدوخ خلقت میزدن نه دی حکمت یوخولی
 پیر و درویش طریقت هامی گئتمیش یوخویا
 پیر مرشد یوخولی اهل ارادت یوخولی
 اهل مسجد یوخودا پیر خرابات خراب
 ساقی ساغر و مینای محبت یوخولی
 کور، شله، کار، چولاقا، لال، چوله، داز، کچله
 قره باشلور قوطورا طعن و شماتت یوخولی
 اوچزاد انسانه محکدی بونی یاز دفتریوه
 یادگاریدی عموندن بو نصیحت یوخولی
 قونشولوق بیرده سفردی بیریده حق و حساب
 دیورم من سنه من باب وصیت یوخولی
 الغرض یاتدی یاتانلار یوخی باسدی منیده
 ایلدیم بیر نچه اییات کتابت یوخولی
 حمد لله او گوزل قبری زیارت ائلدوخ
 بو زیارت اولو سوغات قیامت یوخولی
 مسعودی،^۱ نیری، هم نرگس صغرا بالامی
 ایلدیم گوشه ی غربته زیارت یوخولی

شمع و شاهد يوخولى محفل و مجلس يوخولى

شعر و شاعر يوخولى سير و سياحت يوخولى

مردم ايستور منى ده گوندره لر پارلمانا

يوخليان ملته خوشدى بو وکالت يوخولى

گنچمرم ميز دالينا ميز دالى چوخ قورخولودى

ائتمرم يوخليان اشخاصه رياست يوخولى

بو رياست ميزى ترش آلچادى آغزون سولانار

گوزون آچ، زهريدى فرض ايلمه شربت يوخولى

بنزيرى بعضى قلم شمر و سنان نيزه سينه

يوخلياندا اورگه ايلر اصابت يوخولى

رستمين، زال زرینده گوجى چاتماز قلمه

اول مواظب قلمه ائتمه اهانت يوخولى

واى او گوندن قلمه زور گله اهل ظلمه

اوندا دنيانى دوتار جرم و جنایت يوخولى

گورمدون ييرمى بش ايل اولدى على خانه نشين

مؤمين ائندى معاوييه بيعت يوخولى

زر ابى ذرلرى بيزار ائلدى جامعه دن

چونكه نامرد اليه دوشدى خلافت يوخولى

آيق اولسيديلا بير تخت رياستدن اوتور

فتنه ايجاد ائلمزدى او جماعت يوخولى

بير شیرين خاطره اولدى بيزه بو سير و سفر

حيف صد حيف كه فوت اولدى او فرصت يوخولى

سفرین زحمتیده لذتیده خاطره‌دی
 خواه او یاقلقدا گئچه خواه سیاحت یوخولی
 ای کریمی نیه بس یوخدی اوزوندن خبرون
 او گوزل عمریوی وئردون باشا مدّت یوخولی
 آز یاشا دوز یاشا آزاده یاشا دوزلی یاشا
 یوز یاشا کفلی یاشا یوخدی شرافت یوخولی
 یوخی دنیاده برادر ئولومین قارداشیدی
 دیریلقدان نه قانار اهل کسالت یوخولی



پندی دهمت شنو که ذلت نکشی
 باید ز بخیل پست منت نکشی
 بر گرد همه کشیدنی خط بکشی
 قلیان بکشی اگر خجالت نکشی

شانديز مشهد^۱

گوگل قوشی يتشوب نوبهاره شانديزده
 گتوردی مژده وصال نگاره شانديزده
 گلوب بروزه پذيرائی دن پذيرائی
 آتا بالا بيزی چکدی ناهاره شانديزده
 نجه گندر او ناهارين دادی دماغيمدن
 طبعی منظره لردن نظاره شانديزده
 آتور فشاريله فواره لر يمين و يسار
 هواده بوسه ويرور آبشاره شانديزده
 آسور نسيم بهشتی صفا وئرور اورگه
 وورور چناری ملايم چناره شانديزده
 بهادری و پذيرائی جعفر و صادق
 آئردی هادی بو جمعی اداره شانديزده
 بيرينه سو بيرينه چای بيرينه نوشابه
 دوشوبدی زحمته دؤزدی فشاره شانديزده
 طبيعت اوردا فقط لطفين انتهايه وئروب
 تبارک الله ائله ابتکاره شانديزده

خدا اجلدن امان وئرسه سال آینده

نصیب اولار بو ضیافت دوباره شانديزه

هزار و سیصد و هفتاد و هشت اوایل تیر

یازوبلا بو غزلی یادگارہ شانديزه



عزیزیم یارا دردی یار گلون یارا دردی

یادی گورسم گولرم دیرم یارا دردی



عزیزیم قانسالار سؤزلریمی قانسالار

کیشی وار قال یاتیردار ناکیشی وار قان سالار

چهار «پ»

اگر بو مملکتده دورد پی یون وار

داماغون چاغدی ساغرده می یون وار

ازل پولدی پلودی پارت و پاتلت

اله سالسان بو دوردی هر شی یون وار

وصلت

ایکی دکتَر قوویشسا بیریرینه
 آراسیندان چیخان مهندس اولار
 لوطی لاتیلَه ایلسه وصلت
 دوغولان لالابالی مفلس اولار
 تخمی پیس یرده ایلمه ضایع
 بونی بیل حاصلی پیسین پیس اولار
 خضر سو وئرسه آب حیواندان
 سارماشقدان اینانما نرگس اولار
 درس حکمت غلطدی نااهله
 چودانی تاپداسان مگر مس اولار
 بخت برگشته ازدواج ائلسه
 گلین ارکک چیخار یا سفلس اولار
 شانس دورسا بازاردا خورما ساتان
 گلی بیر گون وکیل مجلس اولار
 ای کریمی بوجوردی رسم زمان
 قاز گلر بلبله مدرّس اولار

دوشان ئیلی

مَلّت گینه اولموش نگران دوشان ئیلیندن
افلاکه چیخوب شور و فغان دوشان ئیلیندن



آی شانسووا اقبالووا لعنت گله دوشان
بدیمن آدووا سالووا لعنت گله دوشان
پیس طالعووه فالووا لعنت گله دوشان

فریاده گلوب پیر و جوان دوشان ئیلیندن

البته ئیلین وضعی عیاندور باهاریندان
اوزلی قاتقی فوری تانولار تاغاریندان
حاصل چاغالا وقتی، آمان ساختا قاریندان

مؤلرده اوزوم دوندی، آمان دوشان ئیلیندن

مین دورد یوز اون دو قوز سال قمر اولدی
بیرقطره یاغیش یاغمادی زحمت هدر اولدی
ایوای بیزه آی آیدان ئیل ئیلدن بتر اولدی

زنبق زمی لر اولدی تیکان دوشان ئیلیندن

یاغماز بو یاغش چُمچه گلین قالدی چُم اوسته
هی چاخ داشی چاخماق داشی حقدن یاغیش ایسته
آمن یُجیبه ختم دوتاخ دسته به دسته

بلکه دونه تقدیر زمان دوشان ئیلیندن

دوشان گمیروب ریشه میزی دوشدوخ ایاقدان
 قالماز یتیشن سال نهنگه بو سیاقدان
 فریاد و مصیبت اوجالوب عورت اوشاقدان
 . مشگل بیر آدام قورتارا جان دوشان ئیلیندن

رحمت گینه موش و بقره سال پلنگه
 گندی باهالیق تنگه بیزی ائتدی النگه
 مشگل بیرى سالم یتیشه سال نهنگه
 اولماز بولورم جان قوتاران دوشان ئیلیندن

هی چکدی که برگشته گندیر سفته دی واخواست
 روگردان اولوبدی فقرادن کره و ماست
 دردا ز که نالیم که از ماست که بر ماست
 ایوای و هرای داد و امان دوشان ئیلیندن

آل وئر دایانوب دوردی آلان یوخدی ساتان چوخ
 وجدان ئولوب الدن دوتان آز، شیلّا آتان چوخ
 دریای حوادثده چیخان یوخدی باتان چوخ
 وحشده دی اوتاد جهان دوشان ئیلیندن

یازدا دولی چوخ گورمیش یدوخ قاردا گوروندی
 اسرار طبیعتده بو ایش هاردا گوروندی
 پاداش عمل کوچه و بازاردا گوروندی
 یوخ عبرت آلان یا اوتانان دوشان ئیلیندن

کبلای ایمانی ساختا ووروب رنگی قارالدى
عصمت عظمت غنچه کیمی سولدى سارالدى

.....

مجانیدی سکتہ سرطان دوشان ئیلیندن

دوشان کیمی چولدن چوله ملت قاقاق اولدى
تریک کیمی انصاف و مروت قاقاق اولدى
بعضی آریوب ئولمدی بیرعدہ چاق اولدى

دولدوردی جیبین حاجی فلان دوشان ئیلیندن

ثلث اول سالدا دوغولانلار آناسیندان
لات لوت چیخاجاقلار بو ئیلین کرخاناسیندان
دویمده بیرى دوز چیخاجاق مین داناسیندان

سویمده کیلر پخمه چاخان دوشان ئیلیندن

دوران آیی آیدان ئیلی ئیلدن قره دوشدی
قسمتده نندن بس قره گون بیزلره دوشدی
بیر گون قاضیلاندىق آدیميز دیلره دوشدی

باتدی او گوزل نام و نشان دوشان ئیلیندن

بیر گون کرم و لطف و سخانی سئل آپاردی
بیر گون شرف و شرم و حیانی سئل آپاردی
ئل باخدی ساری تللی سارانی سئل آپاردی

گل خان چوبانین حالنه یان دوشان ئیلیندن

چیخدی بوشا چکلر کیمی سۆزلر یالان اولدی
یوزلر سیلینوب عفت و عصمت تالان اولدی
دنیا بو دویشده بیزه دیرناق چالان اولدی

باخدی بیزه گولدی همگان دوشان ئیلیندن
بیر حیوان آدیلا هر ئیله آد قویوب احرار
خوی خاصیتندن او آدین ئیلده اثر وار
بیزده دۆزروخ صبر اندروخ چکمروخ آزار

تا بیر گون اولا دینجله جان دوشان ئیلیندن
دوشان کیمی یاتدیقجا آتیللوخ قاچاروخ بیز
دورساق یوخودان باشلارا انگل آچاروخ بیز
یاتدیقجا قوسوب معده اوشاق تک س.... بیز

وئرمز یوخی بیر لحظه امان دوشان ئیلیندن
بولم دولی مسجدلریمیز نولدی بوشالدى
وحدت هارا گئتدی بیزه کیم تفرقه سالدی
محرابله منبر ائله شیخقنبره قالدی

چیخسین اوخوسون نقل و رومان دوشان ئیلیندن
باخ گور بو خانملار نه کلک گلدی حجابه
بو مقنعه مانتو ایشی لاپ چکدی خرابه
رحمت مینی ژوبلاردا اولان حق و حسابه

باخ گور نه ماراقلاندی مامان دوشان ئیلیندن

باخ گور، بو یاغیش ایسته سه یاغماز، نجه یاغماز
 سنبل کیمی تئلر آسه یاغماز نجه یاغماز
 مسجده وئره سس سسه یاغماز نجه یاغماز

امواته وئرر روح روان دوشان ئیلیندن

بیر کیلو پنیر مین تومنه دورما اوجوزدی
 پندیر نجه پندیر یاریسی سو یاری دوزدی
 قوسدی یدیقین اوتدوقین آخرده اوتوزدی

خلقین گورونور وضعی یامان دوشان ئیلیندن

تشویق ائدوری ورزشه دولت زن و مردی
 صبحانیه قیزلار ائدوری کوهنوردی
 آر باغدا خانم داغدا او بونداندا بتردی

عصمت دوتا جاقدی یراغان دوشان ئیلیندن

دای سنده کریمی سؤزی چکدون لوغاز اوسته
 سؤز قالدی دوگون دوشدی دیل اوسته بوغاز اوسته
 شیشدی اورگون دردیی توکدون کاغاذ اوسته

آنلار سؤزووی اولسا قالان دوشان ئیلیندن

بو سؤزلره بیر قلبه قارداش مکان اولماز
 سن مین هاوا چالسان ئولولرده تکان اولماز
 یوز بیت غزلدن سنه بیر گردکان اولماز

گئت ایشله چالش خرجی قازان دوشان ئیلیندن

تاکرلری دولدور قیشا، یاز گلیمه جاقدی
 یوز قیچ چالادا سینماسا گاز گلیمه جاقدی
 گاز مرثیه سین یازما یا یاز گلیمه جاقدی
 گاز گلسمده مشگل قیزا جان دوشان ئیلیندن

قاز یاز ایشیمیز یازماقا قازدیرماقا چیخدی
 ال بوش پشه میز قازماقا یازدیرماقا چیخدی
 شیطان کیمی ایشلر آدام آزدیرماقا چیخدی
 دوزلر دولانوب اولدی یالان دوشان ئیلیندن



افتتاح حمام سونای مراغه

گللندی چیچکلندی گلستان مراغه
کم کم یتیشور کامله نقصان مراغه



سَدی قوتاروب فکریمیزی ایلدی راحت
یانماز داخی سو حسرتینه اهل زراعت
دایردی فرودگاهی بسی جای سعادت
بیر گون تاپار اوز گمشده سین اهل فراست

گتتمز هدره زحمت نیکان مراغه
رادیو یتورور هر گونون اخبارینی گوشه
بیر نعمت عظمادی خبر اهل سروشه
گازدا ایشه دوشسه گتورر قانلاری جوشه
قیشدا قیزیشار خلق گلر جوش و خروشه

تبدیل اولی خرداده زمستان مراغه
شکر الله شهرین اوجالور نشو و نماسی
دایردی بو گوندن گوزل استخر شناسی
با شیوهی بهداشتیدی حمام سوناسی
بو هفتهی وحدتده شروع اولدی صفاسی
تبریک دیر بو گونی یاران مراغه

اُمید اُمردان بودی هر لحظه و هر آن
 یا بذل توجه ائده لر کامل نقصان
 بو شهر قدیمی اولا سرلوحه ی ایران
 اخیاره ثناخوان اولا ارواح نیاکان
 تابنده اولا نام درخشان مراغه
 صبريله نواقص چاتار اتمامه وطندن
 صبريله شیرین حلوا پیشر ای غورا سندن
 گر قسمتیمیز اولسا گلر شهر یمندن
 گر قسمتیمیز یوخدی دوشر فوری دهندن
 موکول اولونوب قسمته امکان مراغه
 بیر گون یاغاجاق بارش رحمت بو دیاره
 شهرین دونه جاق قارلی قیشی گُللی بهاره
 بو شهر قدیمین دوراجاق شانسی دوباره
 پاتخت هلاکو تاپاجاق باشینه چاره
 اُستانلارا سرلوح اولی اُستان مراغه
 حمّام سونانین بودی خاصیتی گویا
 اون تک یوموشالدير بدنی ایلوری حلوا
 دارائی کیمی ترله دیر انسانی سراپا
 طبّيله ائدير چاق اولان اشخاصه مداوا
 هر درده شفابخشیدی درمان مراغه

حمام سونا دایر اولوب وزنی آزاتسون
 سیز سعی ائلیون قویمیون هئچ ایش اورا چاتسون
 هرکیم کوکه لیر ایگنه وورون تنز شیشی یاتسون
 قیشقیرسا سیخون خیرخیراسیندان سسی باتسون
 های باسماقا قادر دگی مردان مراغه
 بوندان صورا چوخ یرده سنی ترله ده جاقلار
 حمام سونا چوخدی رقابت ائده جاقلار
 سعی ایله چاغالما چاغی چوخ اینجیده جاقلار
 آهسته قویوب منگنیه سینسیده جاقلار
 تا هر نه یمیشدی قوسا مهمان مراغه
 بو شهر، کریمی نه وفا ائتدی کبیره^۱
 نه اوحدی یه ملاّخیله نه ده میره^۲
 نه قویدی رصدخانه قالا خواجه نصیره
 بیر عمر جگر قانی وئروب ذاکر پیره^۳
 فعلاً سولانوبدور سنه میدان مراغه
 بو شهرین ازلدن بئله دور آب و هواسی
 هم عالمی گیزلین یاشیوب هم شعراسی
 اجر ایستمیوب زجره دؤزوبلر علماسی
 بو شهریده علمین هنرین یوخدی بهاسی
 قیمته بلور اولدی برلیان مراغه

۱ - کبیر آقا مجرم.

۲ - میر مرحوم.

۳ - ذاکر مرحوم.

استخر شنا شهره لیاقت وئره بولمز
 آلوده لره درس نظافت وئره بولمز
 حمّام سونا ناخوشا صحت وئره بولمز
 هیچ شیرلی داراق داز باشا زینت وئره بولمز
 هاردان دوزه لر وضع پریشان مراغه



تا جوانسان داماغون چاغدی سنون
 یاپ یورولما تنورون داغدی سنون
 عمل ائت حئی علی خیرالعمل
 ایکی دنیاده یوزون آغدی سنون



عزیزیم یوز داوار اللی ده وار یوزده وار
 اُپمه لی دابان گوردوم توپورمه لی یوزده وار



من عاشق ساز الینده سیزیلدار ساز الینده
 قانانا ئولوم اولسون قالا قانماز الینده

تقاضای نفت

رئیس محترم و باوقار شرکت نفت
 فغان که صبر و تحمل ز دست شاعر رفت
 هنوز چله بزرگ است و شدت سرما
 حواله‌ای ز محبت به ما رقم فرما
 مگر رواست که با پُست حضرت عالی
 ز نفت تانکر اهل هنر شود خالی
 اگرچه نیست در این عصر ما بهای هنر
 مزخرفات کذائی گرفته جای هنر
 چو استراحت شاعر نمی‌شود تأمین
 کجا کند به عزیزان نثار دُرّ ثمین
 فغان که یخزده شد طبع شاعر از سرما
 ز لطف، آفت سرما بگیر از سرِ ما
 نشسته‌ایم سر چاه نفت میدانیم
 برای نفت ز حسرت فسانه می‌خوانیم
 اگرچه طبع کریمی لطیف و سرشار است
 ولی ز شدت سرما ضعیف و بیمار است

داغ سفری

قسمت اولدی ییزه بیر داغ سفری
 بال چکوب داغ باشنا بش نفری
 من و مکاری و کبلای داود
 نفر چارمی حاجی محمود
 میزبان حاجی نوید آذریدی
 گلدی گتندی اودا بیر گونلریدی
 بال آلیرسان آتی مین داغ داشا چاپ
 گندوب آغ کنده نوید آذری تاپ
 کشینون قولی کیمی دوز بالی وار
 بلکه الله بگنن اعمالی وار
 اوچ مازی، قیللی دابان،^۱ طنطنه‌سی
 گللی دامن داغینون دامنه‌سی
 خشکسالی نه قویوب داغدا صفا
 نه پتکلرده قالوب نشو و نما
 آریلار جمله بکیف حالسیزیدی
 چون سبدلر قوطولار بالسیزیدی
 قورویوب چشمه و کاریز و بیلاغ
 اوغلو ئولموش آنا تک یاسلیدی داغ

گل چیچکدن نه خبر وار نه اثر
 سارالوب گوی زمی لر آغ یل آسر
 خشک اولوب جمله ریاحین و نبات
 سودی البتّه وئرن خلقه حیات
 قوجا دهقان چکوب ال مزرعه دن
 خرمن اوستین ائلیوب بیت الحزن
 بو ئیل الله غضبین وئردی نشان
 یاغمادی بیتمدی ئیل گلدی یامان
 نه یازیق کتلی ده ذوق حرکت
 نه قالب کننیده خیر و برکت
 چوبانین نغمه سی حسرت یارادیر
 نینون ناله سی محنت یارادیر
 چشمه لر کوریدی گؤل لر قورودی
 دره لر یانقیدی چوللر قورودی
 نه کشاورزده وار حال و هوس
 اوراق الده دولانور مثل عسس
 قوجا بیر کتلینی گوردوم عجا
 بیر الینده بئلی بیر الده عصا
 قوجالیق قویمیوب عیشینده خلل
 ایشلماقدان هله ده چکموری ال

گنه نومید دگول همّتی وار
 هله شغلینده فعالیتی وار
 دئدیم احسن بونون ایستی قاننا
 دردی دوشسون او جوانین جاننا
 نه گئدوب ایشلماقا رغبتی وار
 نه الینده ایشی وار صنعتی وار
 میندیروبدی ماتورا اوچ نفری
 دولانور قیز داليجا کوچه‌لری
 یازیقین نه دینی نه غیرتی وار
 لات و لوت نه پولی نه ثروتی وار
 بیر موتال پ.... شرفدن دالیدی
 یاخشی تریک هروئن دلّالیدی
 کاش انساندا اولاهم و شعور
 آری‌دان اورگنه تنظیم اُمور
 مکتب علمیدی کندوی عسل
 اوز یرینده هامی مشغول عمل
 اوز ایشینده هامی فعال و جسور
 نظم و ترتیبه بی‌نقص و قصور
 یدیقی پاک اوزی پاک صنعتی پاک
 حاصلی پاک فعالیتی پاک

بشر اما یدیگی شبهه حرام

حاصلی نجس سۆزی پخته و خام

ایشلری بیریره آزار و جفا

نه رفاقت نه صداقت نه صفا

او بونا بو اونا دوڤوز قویوری

گونده بیر رنگیله خلقی بویوری

یدیگی گیدیگی تنزیل و ربا

مسجدی منبری تزویر و ریا

مین اویوندان چیخور آلمور اوزونه

بونون الله نجه باخماز سۆزونه

بو یاغش ایستهسه یاغماز، نه یاغار

مؤمن ارکک گئچیدن سودده ساغار

بو عملر که بیزیم واردی داداش

یاغش ایسته عوضینده یاغا داش

نه یاغش ایسته نه قارداش یاغاجاق

ورهزن وقتی سو، قار، داش یاغاجاق

نه خانملاردا متانت نه حیا

نه آقالاردا امانت نه وفا

نه اداراتده انصاف و اصول

نهده بازاریده وار وجه وصول

مملکتده مین آغیز اولسا اگر
 اوردا مین قانون اولار خوشدی مگر
 هرکس اوز سودیگی آهنگی چالار
 خلق توپ تک ایاق آلتندا قالار
 اوندا ارباب فضیلت سیخیلار
 هرج و مرجه ائوی خلقین یخیلار
 سوخدولار میز باشینا هر شاغینی
 آری چالسین بولارین
 مرتضا و شلر اولار خانه نشین
 قارقالار اوندا گئدر قاز یریشین
 بشرین شرینه شیطان گیجلوب
 حيله سیندن آری دا تنگه گلوب
 آری یا مشق خیانت وئروری
 اوز ایشین اوزگیه نسبت وئروری
 مکرینی قویمش آریلان آری یا
 اورگدیر درس تقلب آریا
 اکدیقی تورپا دیور خارجه دی
 کفری دین آدینا قابلور نجه دی
 نه حیا وار نه اوتانماق تاریدان
 یکه انسان آد اوغورلور آریدان

دیلی یوخدور دیه آی کبله کریم

من آری یوخدی بو بالدان خبریم

آچارام بیر گون او شلوار باغوی

چالارام آپریدهرمدا

شکری بال یرینه باس یریسین

حاجیدی یول وئرون عباس یریسین

کرخانا ایرانین آرم انگلیسین

گیزلدور یاخشیلار آلتیندا پیسین

ایستمر دؤش وئره ایران آدینا

ساتوری آلمانی آلمان آدینا

سرچهنی رگله ایش اُست اُرتولودی

یاز قانادینا ژاپن ببلودی

بزه باس طلحهنی سلمان آدینا

اُپگلن گبری مسلمان آدینا

یینوا نه گونوزون وار نه گئجن

اوتی اوزگه پ..... اوسته گوجن

بارک الله آدیوا غیرتیوه

یاخگلان اوزگه پ..... اوز گ.....

هم مودون خارجه دندی هم آدون

دیلون اسلامیدی یوخدور سوادون

مؤمنه باخ نه داشی نه قومی وار
 یاخشی قیشقیرماقا گن حلقومی وار
 یاخشی مؤمندی بوغازدان یوخاری
 کشیه باخ نه گازی نه بوخاری
 کتلی لر بیر کیشیدن آلدی خبر
 نه دی آدون دئدی بیچاره عمر
 ووردیلار نه یمین ترشلی آش
 دئدی سهو ایلدیم عفو ایله داداش
 آدیم عمران دی منیم آنلامادیم
 یادیم دوشمدی خسته یدیم آدیم
 دئدیلر یاغلیون اوغلان زوغالی
 وورون آنجاق که جریلسین موتالی
 یورقان آلتندادی حتماً یوغونی
 عثمانین بوندادی الفیله نونی!
 بیزده بیر زاد هره دن جازلامیشوخ
 دنیا بش گوندی کئی سازلامیشوخ
 بو سؤزوم سؤز لریمین دوغروسیدی
 یازیق ایرانلی دا آد اوغروسیدی
 من کریمی نه بالیم نه پتگیم
 دولودی داشیله ینگیم آتگیم

آتورام من خوشوم هر سمتہ گلر

گوزله سین بورنونی بورنی یکه لر



بلاغا باخ نه قومی وار نه داشی

گوزله باخ نه گوزی وار نه قاشی

گئت ای جوجوق سندن منه یار اولماز

گوزوم تانیر آغیز یانديران آشی

سیاحتنامه

دلا غفلته سووما روزگاری
 سحر آخشام اولونجا گون قوتاردی
 اسیر اولما کمند آرزویه
 نه قائمدور غنی نون عیش و نوشی
 اجل گلسه سنه وئرمز مجالی
 اجلدنده قاباق دارائی یولداش
 سن ئولسنده ال اوزمزلر یاخاندان
 رقیبه قویما قالسین هر نه واری
 چکر بول روزگاروندن داماری
 سوه بیمه، برق، تلفن، شهرداری
 اماندور وئرمه نفسه اختیاری
 آچ خزان اولدی بهاری
 وئرمز مجالی
 اوزمزلر یاخاندان
 یولداش
 قاباق دارائی
 غنی نون عیش و نوشی
 قائمدور
 کمند آرزویه
 اولونجا گون
 آخشام
 روزگاری
 غفلته
 سووما
 دلا

گئچن عمری دالی قیتрмаق اولماز

گوروبسن هئچ سو آخسین باش یوخاری

قرا بختین قرا بختی آغارماز

چیمه گر سود گؤلونده چند باری

نقدری فابلاسان قاره گلیمی

آغارماز رنگین آتماز لاپ بو زاری

قرا بخت عشق ائدوب چیخسا شکاره

اولار یا بیر و یا اصلان شکاری

اگر دریا کناره گئتسه چیمسه

اولار تئز کوسه ماهی لر دچاری

الیم چاتسیدی چرخ کجمداره

سوروشاردیم بو تبعیض تباری

بیرینه وئرموسن الوان غذار

سحر صبحانه، بال قیماق سوخاری

بیری یوخسولدی تاپمور نان خالی

اولوبدی اشگ و خون آب اناری

بیری صاحبدی اون بش ساختمانه

بیری بیر زیرزمین تاپمور اجاری

بیری هر گون ایکی سنگکدن اوتری

قاچور گه یورقالیر چون اسب گاری

بیری مینلیک گورنده قلبی تتر

بیری ہی بستہ لیر چینلر دولاری

بیری اوچ ائشکے آرپا بؤلنمور

اولوب بوذرجمهر آموزگاری

بیری زیرکدی افلاطونه اوستاد

الی قوینوندا غمدن رنگی ساری

بیری وار اورگدیر لقمانه حکمت

قالوب آواره شهریندن فراری

بیری غربتده حیران و پریشان

اولوبدی طایفادان ئلدن کناری

بو مطلبلر ائدیر اعصابی خسته

تب ایلور طبعیمون قالخار فشاری

منه یوک چاتما ظرفیتدن آرتق

فلک، کامیون یوکون چکمز سواری

اگر یوز عندلیب اولسا معلّم

یقین بول قارقادان چیخماز قناری

سواد انسانه شخصیت قازانماز

گتور یاده شریح نابکاری

کیشی اوز اوغلونا ائدی شمات

آدام چیخماز که سندن ای تزاری

گندوب درسین قوتاردی اولدی دکتر
 ائدوب دایر مطبّ ابتکاری
 مطبّه ایلدی احضار آتاسین
 دئدی باخ گور آتا انجام کاری
 دئدون سندن آدم چرخماز گورورسن
 مطب تکنیسین خدمتگزاری
 مریضلر اوچ آیا نوبت دوتولار
 یاغور پول باشمه یوخدور شماری
 دئدی دکترلیق انسانلیق گورمز
 سؤزوم بیردور، گنده اولماز کراری
 آدم اولسیدون اولدن گلردون
 اُپردون اللریمدن افتخاری
 منی جلب ایلمزدون بو مطبّه
 یورولدوم پله چیخماقدان یوخاری
 اگر انساندان ائشک اولماسیدی
 گئچردی قیمت خر صد هزاری
 ادبدور شخصه تقوادور فضیلت
 ادبدور والدینون انتظاری
 گئت ایله حُمْلُو التّوراتی تفسیر
 قیزیل نوختا شریف ائتمز حماری

خلاصہ غرقیدیم دریای غمدہ
 منیم بو غصّہ لی غملی چاقیمدا اُسوب گلزاریمہ باد بہاری
 ویزی دہ ایلدی ہمراہ اوزینہ وودودہ بیر سفر چیخدی اداری
 مینی بوس نہضتین اوچ خانوادہ خدا ائتسون اونا ہر لحظہ یاری
 دوزلدی مشہدہ نہضت قطاری کریمی موسوی با خانوادہ
 جوانلقدان چوخ ایلہ استفادہ اوچومجی مالک خویش و تباری
 قوجالیق یورمامش جسم نزاری قوجا ہرگز جوان تک قد آچانماز
 زیارتدن سفردن غافل اولما مگر آوسونلیوبلار شاہماری
 شورفر آقاخلیل نہروانی گورورسن یوخدی عمرین اعتباری
 گوزل یولار گوزل یرلر دولاندیق مؤدب بیر جوان نقصاندان عاری
 شمالین خوشدی دشتی کوهساری

بلی مازندران بنزر بهشته
 چالوس آمل نکا بهشهر و ساری
 نکانی سیل اندوب بیر دفعه ویران
 ووروبدی بیربیره کوچه بازاری
 دئدیم بو خشکسالی ده بو طوفان
 بلادور گوشمال هوشداری
 قدری باشلادیق امن یجیبی
 یاغیشدان اوتری ائتدوخ سوگواری
 یاغیش دؤندی دولی اولدی قار اولدی
 بوجوردی کیفر پروردگاری
 مسلمانلاردا بو ناجور عملر
 گرک داش یاغدیرا الله نه قاری
 کیمون رفتاری گفتاریله بیردی
 کیمون دوزدور ایشی قول و قراری
 صوده ازبس سو قاتدیق خلقه ساتدیق
 سو سیل اولدی آپاردی گاوداری
 صوده قاتدیقلاری سو سیله دوندی
 آپاردی گلّه سیلن مال داواری
 حمیم ایلر ریا فرعونه نیلی
 خلیله نور ائدر اخلاصی ناری

اوغول دوز یول گئدن دوز بیل یورولماز
 آپارماز باشہ بتا کج دوواری
 چراغ قرمزی بیردفعہ گئچدوخ
 آچوب مأمورہ عرض اعتذاری
 قیامت کورپی سیندن گئچماق اولماز
 نہ رشوت وار نہ راہ اضطراری
 الوندہ اولماسا برگ عبورون
 چکلر دورہوہ اوددان حصاری
 الہی بیر گئجہ گرگاندا قالدوق
 هواسی شرحہ ابری ہم بخاری
 او یردہ کارواندان بیر ساک ایتدی
 ایچیندہ چادرا چارشاب ہر نہ واری
 دئدیم ناراحت اولما چادرا چرشاب
 دوشوب موددان داخی یوخ اعتباری
 گوزل خفّاشی مانتولار چیخوبدی
 عبائی حاشیہ گلگون نواری
 خانملار پیشمہ سین چادر شب ایچرہ
 خراب ائتمہ اورنگ تابداری
 عقاب آسا گزیر قیزلار هوئی
 قاناد باغلور اوچا افلاکہ ساری

یتشدوخ محضر سلطان طوسه
 بیزی اتندی موفق ذات باری
 گوروب خواجه اباضلی، مرادی
 پیشردوخ پارک ملّده ناهاری
 خانملار قاقماقا ایلولله سبقت
 بسان اسب تازی یا تاتاری
 اولار قاجدیقجا
 قباقدای اوینوری بیر جوت
 دئدیم رحمت کفن دزد قدیمه
 مینی ژوب گورمدی بو هرزه کاری
 باشوندا مقنعه هر ... یسین یی
 حجاب اسلامیدی یوخ انکساری
 عجب کهنلدی احکام شریعت
 ایاقلاندی کلام کردگاری
 اوغول آزاد یاشا گوگلون خوش اولسون
 مباح ائتدوخ ربائيله قُماری
 یوزون گورسنسه گورسنسین مباحدی
 دیزون گورسنمه سین بیرده یوخاری
 قدیم مکتب قدیم مذهب قدیم دین
 قدیم فتوالر اولدی طوطیواری

توکون گورسنسه زلفوندن آسالار
 بوراخ گئتسون بو رأی ناگواری
 حجاب ئولدی حجابی لر ئولن تک
 چیخات یاددان او روبند و خِماری
 عجب آزدی جماعت راه رسمین
 عجب تنز وئردی الدن شرم و عاری
 اولار که تابع اولدی ظلم و زوره
 اولار گورمزله روی رستگاری
 نه مظلومین قصاصی قالدی یرده
 نه ظالم اولدی ظلمین کامگاری
 فلک سقراطه وئردی شوکرانی
 ارسطویه ایچیردوب زهرماری
 کیمون صبحه کیمی یاندی چراغی
 کیمون شامه دایاندی اقتداری
 اسیر گور اندوب بهرام گوری
 آزیب اسپند تک اسفندیاری
 جلال و شوکت نوشیرواندان
 قالبوب مخروبه ایوان یادگاری
 معاویّه آدیلا دفن اولوبدی
 هله تترر علینون ذوالفقاری

یزیدی سالدی تخت سلطنتدن
 حسینون آلتی آلیق شیرخواری
 یزید آدی ائدوب تاریخی ننگین
 دوتوب گونی حسینون اشتھاری
 غرض قورتاردی ایام زیارت
 گنه قصد ایلدوخ دار و دیاری
 سحر چیخدوخ هتلدن شاد و خندان
 سوار اولدوخ چاغیردوخ هشت و چاری
 قووین آلدوخ بوز آلدوخ قارپز آلدوخ
 که بنزین سیز ماشین چکمز او باری
 ایاق تا قویدی گازه نهروانی
 قارینلار چالخالاندی نهره واری
 یتیشدوخ جنگل بابا امانه
 ادا ائتدوخ نمازیله ناهاری
 گوزل استخری خوش آب و هواسی
 اوجا فواره جالب آبشاری



شوفر که گاز وئروب که چکدی دنده
 شاما فوراً یتیردوخ شاه پسنده
 یدوخ ایچدوخ گنجه مسجده قالدوخ
 بهشتین عطرین اول مسجدهن آلدوخ

دئدیلر گورمه لی یردی، کبود وال
 اورانی گورمه سز ناقصدی اعمال
 علی آباددن بیر آز آرالی
 گوزل جنگل صفالی خوش هوالی
 روان اولدوخ کبود واله خرامان
 تعالی الله بسان باغ رضوان
 صفالی جنگل عالی آبشاری
 آلور غم غصّنی دردی فشاری
 یوز آتمیش پله چیخدیم من دایاندیم
 یورولدوم پله چیخماقدان اوساندیم
 دئدیم رحمت سنه ایوای جوانلیق
 نه تنز گئتدون الیمدن آی جوانلیق
 قوجالماقدان خوشوم بیر ذره گلور
 قاچانمور قیشلاریم قدیم دوزلمور
 خلاصه ائتدوخ اسبابی فراهم
 گوزل صبحانه قلیانیله باهم
 مینوب چاپدوخ چاتوب محمودآباد
 لب دریاده تنز اولدوخ پیاده
 موقت بیر چادر ائتدوخ اجاره
 داراشدوخ چیمماقا صونرا ناهاره

او ساعت واقعاً عمره ساییلدی

همان سو یاغ کیمی جانہ یاییلدی

سوار اولدوخ گینه گوزلر یومولدی

اویاق بیر بنده بیر راننده اولدی

اگر من یوخلاسیدیم سؤز قالاردی

او یاتسیدی مینی بوس دونبالاردی

اولوب اعصاب راحت بسکه چیمدیک

یاتان دورماز گوتورسن اللی چیمدیک

چوبان یاتسا قویونلار زنده قالماز

شوفر چورت وورسا تورموز دنده قالماز

قالوردی بیرجه ساعت چار و هشته

محبت کاروانی چاتدی رشته

یماخ ایچماخ خیالین باشند آتدوخ

یتیشدوخ نهضته یاتدوخ که یاتدوخ

فرایضدن صورا دوردوخ سحرگاه

سوار اولدوخ گینه الحمدلله

یتیشدوخ ساحل گیسومه، دوشدوخ

ولی اوملت پیشینجه بیزده پیشدوخ

یمه لی هر نه وار قویدوخ آرایه

یدوخ ایچدوخ دوزلدوخ آستارایه

او یرده واردی بیر مکاره بازار
 سویولار خلقی بعضی مردم آزار
 غرض اورداندا قورتولدوخ خرامان
 گینه یول باشلادوخ مسرور و خندان
 ناهار برنامه سین توکدوخ حراندا
 گلین آبگوشتی ساز ائتدی بیر آندا
 دره جنگلدی داغدی داشدی قارداش
 او آبگوشت اون چلودان باشدی قارداش
 بولود آنمیشدی گویدن جنگل اوسته
 قرا تور مثلی یاشیل مخمل اوسته
 یاغیشدا ذره ذره قطره قطره
 دگر هر قطره سی یوز قطره عطره
 ماشین هر یولاناندا جمله اوقات
 اولوب سیما خانم^۱ مسئول صلوات
 یوبانماق عیبی اهل سیله
 ساعات یدیدی یتدوخ اردبیله
 یاخینلاشدوخ غروب آفتابه
 یتیشدوخ طمطراقیله سرابه

ادا اولدی نماز شام و خفتن

نظر گئتماقدی نه شام و نه خفتن

ناهاردان ات پایی نوشابه میز وار

کئفاولسون آجلیق اولسون دای نه سؤز وار

یتیشدوخ تبریزه حال لار خوشالدی

یمه لی قورتولوب قابلار بوشالدی

عجب شیرده دوشوب بیر خانواده

بنابدا میربهار اولدی پیاده

بحمدالله والمته سلامت

مراغه چوققورون ائتدوخ زیارت

مراغه سن صفالی گلشنیمسن

سنون فرزند یوم سنده منیمسن

نه یون آسگیکدی آیری شهرلردن

سنی حفظ ایلسون, الله خطرден

سنی گوزدن سالوب دور زمانه

باخان اولسیدی اوخشاردون جنانه

نه استخرون نه جالب بلوارون وار

نه آگوننده خوتون وار شلوارون وار

امیدی کسدوخ اوستان اولماقوندان

باری سوستالما بستان اولماقوندان

داغیلدی باغلارون اولدی عمارت
 نج اولدی سنده کی ذوق طبیعت
 سن ای پاتخت ایوان هلاکو
 نج اولدی عزتون شوکت هلا، کو
 رصدخانه هانی خواجه هایاندا
 ندن بس سودیوی قویدون زیاندا
 نظر دگدی سنه دوشدون بو حاله
 اولوبسان ایمدی صندوق زباله
 اوجا دوت باشووی سالما اشاقه
 هامی گلدی سنی گئچدی قباقه
 نج اولدی چشمه های دلپذیرون
 هانی صافی هانی اشراق و میرون
 عموماً شهرلر دوشدی قباقه
 سنون شانسون یاتوب دورماز ایاقه
 اگر کوفته گتورسه رود صافی
 سنه یوخ بیر لپه چوخ وورما لافی
 سنه آد باستانی قویدی دولت
 سنه ال وورماق اولماز قال سلامت
 خراب اولدون مگر ویرانه باغلار
 سنه دوست آغلار ایمدی دشمن آغلار

دخیلی ذاکری سالدون ایاقدان
 هله سالما کریمینی داماقدان

دوست داشی

دشمن آتان آغاج بیلکدن دگر
 او داش آتسا باشدان کورکدن دگر
 صاقدان صولدان دال طرفدنده اولسا
 دوست آتان داش گله اورکدن دگر

رباعی

ایگیت اوغلوم قازانما اوز جییوه
 یتیش خالا دایی عمی بیییوه
 آی اول گون اول نورووی ساچ هر یانا
 پُسوز کیمی ایشیق سالما دیییوه

ياشاماق

جان خسته دی تکرار و مکرر یاشاماقدان
 مین دفعه ئولوم خوشدی محقر یاشاماقدان
 گئت نوحی سلیمانی سوروش مقبره لردن
 تاپ گور نه دییر خضر پیمبر یاشاماقدان
 عمر اوندا گرامیدی که عزت و ثره شخصه
 انسانه ندور فایده بی فر یاشاماقدان
 اون ئیل آقا آزاده سلامت یاشاماقدان
 افضلدی یوز ئیل قول کیمی نوکر یاشاماقدان
 آز عمریله، زیدین آپ ایاقیندن الیندن
 ئول قورتول ئولوم خوشدی محقر یاشاماقدان
 عمر اوندا گرامیدی که تقوائله گنچسون
 منظور عبادتدی برادر یاشاماقدان
 ایماندی دیانتدی نجابتدی فضیلت
 نه فایده یوز ئیل باشباش خر یاشاماقدان
 بیر گون دیریلیق یاخشیدی مین ایل ئولولوقدن
 عمر، عمر اولالا نه ثمر هر یاشاماقدان
 پربار آغاجین عمرینه طالبدی جماعت
 چوخ نخل گلر تیشیه بی بر یاشاماقدان

سۆز چوخدی سۆز آختار سۆز ائشید مغزیوه تاپشیر

یوخ فایده سی کر دوغولوب کر یاشاماقدان

شیطان نچه مین ئیلده بویوکدی بابامیزدان

نه فایده شیطان کیمی کافر یاشاماقدان

چون اُختی اُخی اُمی ابی زردی بو خلقین

گلسه داریخار بی زر ابی زر یاشاماقدان

ئل سنده اولان عمره دعاگودی کریمی

صبریله چغندر اولی شکر یاشاماقدان

توپ تک آتیلوب دوشمه تپیکلر قاباقیندا

پرهیز ائله میمون اولوب عنتر یاشاماقدان

فرهنگیمیزین فرینه اود ووردی اجانب

لازمی ئولوم بی فره کیفر یاشاماقدان

قربانم او اشخاصه که جنات نعیمی

هر بیر نفسه آلدیلا آخر یاشاماقدان

دوزخده معاویّه ندامت چکور ایمدی

حیف اولسون او ظلمیله دلاور یاشاماقدان

بدبخت ائلدی ماویهنی عشق ریاست

بیست آلدی بوتون درسیده حیدر یاشاماقدان

دیسگینیرم

باغدا ترلان گورنده دیسگینیرم

داغدا جیران گورنده دیسگینیرم

بیر کتاب آغزی آچ منه فالچی

هر نه الآن گورنده دیسگینیرم

گونه باخدوخجا گوزلریم قاماشور

ماه تابان گورنده دیسگینیرم

بسکه جان اینجیوبدی جامعهدن

قیز یا اوغلان گورنده دیسگینیرم

پادگانان قاجان وظیفه کیمی

هاردا دژبان گورنده دیسگینیرم

بیزده ات یاغ دوگی دوشوب قاجاقا

اودی مهمان گورنده دیسگینیرم

دین اسلامی ائتدیلر غارت

من مسلمان گورنده دیسگینیرم

قویسالار غارده گئدوب یاشارام

آدی انسان گورنده دیسگینیرم

قلم ایشدن دوشوب یازا بولمور

چون قلمدان گورنده دیسگینیرم

گوزلریم عادت ائتمیش آغلاماقا

لب خندان گورنده دیسگینیرم

بایقوشام عندلیبی خوشلامورام

باغ و بستان گورنده دیسگینیرم

راحتم من خرابه لرده یاتام

گل گلستان گورنده دیسگینیرم

شهرداری دن آبیاری دن

آبنومان گورنده دیسگینیرم

بسکه دارائی ترله دیر آدامی

اوردان اعلان گورنده دیسگینیرم

تلویزیون قازوبدی بینیمیزی

تار و قارمان گورنده دیسگینیرم

من که باغدان اوزوم درن دگولم

نیه باغبان گورنده دیسگینیرم

توالته حمامدا خوفلانیرام

جنلی تک جان گورنده دیسگینیرم

نجه بدیمنیدی بو دوشان ئیلی

چولده دوشان گورنده دیسگینیرم

نوح بیر طوفانا دوشوب ولی من

گونده طوفان گورنده دیسگینیرم

بابامی شیطان آلاؤبدی منیم
 هاردا شیطان گورنده دیسگینیرم
 یونومی قیخدیلا ر ساغیلدی صودوم
 ایمدی چوبان گورنده دیسگینیرم
 چکدی خان خانلقا محوطه میز
 قاچیرام خان گورنده دیسگینیرم
 شعر نو سالدی شعرى ارزشدن
 بنده دیوان گورنده دیسگینیرم
 من کریمی ضعیف الاعصابم
 هر نه حیوان گورنده دیسگینیرم



اوغلولم اوزیوی حفظ ائله الواطه قوشولما
 معتاده شرابخواره لوته لاتة قوشولما
 شلواریوی سات خرج ائله نامرده دل آچما
 تنزیه چکه سفتیه اقساطه قوشولما

وئله گئتسون

اگر دوستون ناداندی وئله گئتسون
 سفیه یولداش قاریندا شیشدی کوپدی
 سفیه یولداش قاریندا شیشدی کوپدی
 یلی سیخما آماندی وئله گئتسون
 رفیق نامناسبدن حذر قیل
 قوز آلتیندا چیباندی وئله گئتسون
 سفیه یولداش هم ایمانه ضرردی
 هم اعصابه زیاندی وئله گئتسون
 سفیه دوستون مثالی ساخسی قابدی
 یره دوشدی سیناندی وئله گئتسون
 رفیق نامناسب کیمدی قارداش
 بو دنیای یالاندی وئله گئتسون
 بو عفریته هزاران آر بوغوبدی
 هله قیزدی ماتاندی وئله گئتسون
 بونی آغوشوه آما گلین تک
 بو بیر افعی ئیلاندی وئله گئتسون
 بو اوز یولداشلارین آزدیردی یولدان
 بو خائن سارباندی وئله گئتسون

بونا بئل باغلاما دوشمہ داليجا
 بو قولدوردی چاخاندی وئللہ گئٹسون
 کیمہ هر نه وئروب صوندان آلوبدی
 بو شربت وئرسہ قاندی وئللہ گئٹسون
 بو اوز مهمانلارین ائتمیش پشیمان
 وفاسیز میزباندی وئللہ گئٹسون
 بو رستمیر یخوب زال ئولدیروبدی
 دلاور پهلواندی وئللہ گئٹسون
 کریمی قوی کنارہ طبع شعری
 سنہ زحمت قازاندی وئللہ گئٹسون
 بو گون دنیا دوشوبدی توپ داليجا
 توپ اهلی قهرماندی وئللہ گئٹسون



آتش خموش ائدوب عطش سوندورمک
 آغیزلی بورونلی کیشی ایشیدی
 آرا ووروشدوروب فساد قالخیزان
 اوزی شالاختادی آدی کیشیدی

ها ها ها

باشووی قویلاما کهلیک کیمی مؤمن قارا ها
 اجلین آوچوسی بیردن گونون ایلر قارا ها
 ائشیدوبسن جان آلان بیر ملک عزرائیل آدی
 گورمیوبسن ولی گورسن سالاسان شلوارا ها
 او گلن وقتده اعضا و جوارح دایانار
 قدرت اولسا قاچاسان دیرماشاسان دیوارا ها
 اودی مأمور الهی او گلن مرحله ده
 فرصت اولماز آداما هیسلنه یا یالوارا ها
 سنی دائم قوالیر دوتماقا بیر گون دوتاجاق
 قاچاسان گر دوبیه آنکاریا بلغارا ها
 او قارا ساچلاری تل تل هوروب آتما دالیوا
 هر تلینده نچه دیوانه چکوبسن دارا ها
 آتما صاقدان صولا صولدان صاقا گیسولریوی
 دونه جاق بیر گون آخوردان یغیلان موشقارا ها
 وورمیشام چنگ او قارا تللریوه شانه کیمی
 حُسنوه یوخدی تفاوت داراما یا دارا ها
 دردیمی یاری قویوب من نجه اغیاره دیوم
 بوشلا اغیاری گرک یار دییه دردین یارا ها

گوزه‌لیم، سن گوزه‌لین حاجتی مشاطیه یوخ

قاشلارون خنجر اولوب باغیریمی ایستور یارا ها

من هارا سن هارا مسجد هارا میخانه هارا

چکوب عشقون گتوروب عاشقی هاردان هارا ها

ایمدیه باخما جوانلار چکوری حسرتیوی

سالالار قول قولا سنلن چیخالار بلوارا ها

چوخ گوزه چکمه او سینونده کی بیر جوت م....

اوزولر خسته مریضین گوزی دوشسه نارا ها

گلی بیر گون داغیلار دور و برونندن رفقا

بنزه سن کهنه چاکتدن سوکولن آستارا ها

مِشلی تللر بوزارار بوز پشیکین قویروغی تک

ناز و غمزه قر و عشوه داخی گلمز کارا ها

پاییزین شاختاسی سولدوردی حیاتین باغینی

قیش یتیشدی نه خیال ایلموسن زومهارا ها

اوزون ئولسنده کریمی سؤزووه مشتری وار

خواه زنجان اولا تبریز مراغا آستارا ها

نعمتین قدری بولونمز قدر الده اولا

بیر گونی خان چوبان آنلار نه گلیندی سارا ها

نہنگ ٹیلی

گنہ نہنگ ٹیلی گلدی عجب قشنگ اولاجاق
 بالیق اوتانلار الہ دوو سالوب نہنگ اولاجاق
 هامی بالیق کبابندان دویون قارین ییہ جاق
 قاجاق شرابی ایچوب تولکولر پلنگ اولاجاق
 اولوب قالان حیانی شرمی ساختا دوندوراجاق
 آتوب حجابی هامی تابع فرنگ اولاجاق
 دو چہرہ شخصہ منافق دیردیلمر گئچن ٹیل
 جماعتین یوزہ ہفتادی ہفت رنگ اولاجاق
 گنہ الو یانا جاق چارشنبہ سوری دہ
 ترقہ توپ بوم و چاتداتما و فشنک اولاجاق
 سہندعلی دوزہ جاق ہفت سینی دورہ سینہ
 سبد سہین سمنی سوب سوماق سپنگ اولاجاق
 اگرچہ دوشان ٹیلیندن شکایتون چوخودی
 نہنگ ٹیلیندہ ایشون نالہ ونگہ ونگ اولاجاق
 او قدری داش یوموروق کلہوہ دگوب دگہ جاق
 باشوین اورتاسی چوقورلاشوب ہونگ اولاجاق
 دوبارہ دن باہالیق ائولرہ فغان سالاجاق
 گنہ آر آرواد آراسیندا گوندہ جنگ اولاجاق

بیر عدّه پیسرینی گونک تک یوغونلاداجاق
 بیر عدّه نین آری یوب بوینی بیر شلنگ اولاجاق
 یوز ئیل قاباق وئریلن وعدهلر یرین آلاجاق
 بیرآزدا صبر ائلساخ تیشه میز کلنگ اولاجاق
 شمو ممو جانعلی گلصنم موبایل آلاجاق
 ملک نسا دگیشوب آدینی ملنگ اولاجاق
 فاطی فرانک، خانم بستی ماهنی، مسمه ژیلی
 سجیلیسین دگیشوب کلب حسین پشنگ اولاجاق
 وفا و رحم و مساوات جرگه دن چیخاجاق
 نهنګ ئیلینده اورکلر تمامی سنگ اولاجاق
 حشیش و الکل و تریاک و مورفن و هروئن
 ماشین ماشین گله جاق ویسکی شرب و بنگ اولاجاق
 پچاق قویاردی کیشی احتیاطچون جیبینه
 بو ئیل جوان قوجا هر جیبده بیر سورنگ اولاجاق
 پُفکدی نقشه لر ایش میس فقط اشی مشیدی
 پُفک کیمی هامی یونگوللشیب دبنگ اولاجاق
 بیر عدّه ائوده خجالت بازاردا شرمنده
 نه دیزده قوه نه یوزلرده آبرنگ اولاجاق
 لیسانس الینده دوشوب قاپلارا ایش اختاراجاق
 غذاسی خون جگر شربتی شرنگ اولاجاق

نهنګ تک چکه جاق کامینه بویوک کیچیگی
 ضعیفه عاجزه مظلومه عرصه تنګ اولاجاق
 گنه بیر عدّه ریاست میزینده دوش وئره جاق
 دماغی چاق کئفی ساز عیشی رنگ رنگ اولاجاق
 قدیم مثلدی تانولار ئیلی بهاریندان
 بهار اگر بهار اولسا او ئیل قشنگ اولاجاق
 ئیلان ییوب چوخ آدام اژدها اولوب گئچن ئیل
 بو ئیل قانادلانیب عنقای تیزچنگ اولاجاق
 وقوع زلزلیه واردی احتمال قوی
 شدید خفیف اولا آنجاق که بی درنگ اولاجاق
 خسوف کلّی مرئی سه شنبه بیستم دی
 گلوب ظهوره فلکده خطرلی زنگ اولاجاق
 بودور نتیجه سی بازار اقمشه یاتا جاق
 سینان سینوب قالانین اقتصادی لنگ اولاجاق
 امانوی کسه جاق شهرداری دارائی
 اثاث خانه طلبکاره شالهنګ^۱ اولاجاق
 دوغولسا هانسی قیز اوغلان بو ئیل آناسیندان
 سفیه و پخمه چاخان شارلاتان جفنگ اولاجاق

بیر عده حيله ترازوسینی دولاندیراجاق
 بیر عده ده او ترازویه پارسنگ^۱ اولاجاق
 قلملر ایشلیه جاق روزنامه لر یازاجاق
 عمل گورونمیه جاق کاروبار لنگ اولاجاق
 بو ئیل کساد اولاجاق چادرا چرشابین بازاری
 بولار قاری قوجانیندی جوانه ننگ اولاجاق
 خانملارا تازا مودلار اروپادان گله جاق
 نه ماکسی ژوب، مینی ژوب دانداندا شوخ و شنگ اولاجاق
 نهنګ ئیلینده خانملار ریاسته چاتا جاق
 آقالارین ایشی اما دولنگ النگ اولاجاق
 نهنګ حضرت یونس کیمی نبینی اودوب
 گورون پیمبر اوتان امته نه، هنگ اولاجاق
 ائدرله معنویاتی فدای مادیات
 جماعتین ایشی ریب و ریا و رنگ اولاجاق
 یالانچی شایعه لردن یالان خبرلردن
 باتوب قولاقلاریمیز مغز رنگ رنگ اولاجاق
 حواله سفته و چک اعتباردن دوشه جاق
 نه سؤزده ذره جه ارزش نه انگ انگ اولاجاق

اوغول مسیر قضا و قدردن اولما ملول

توپ اوینویوب هامی سرگرم ساز و چنگ اولاجاق

بئله یازیر بو منجم باشی کتایینه

که خلق شعبده ده حیلده زرنگ اولاجاق

مرکباته نباتاته واردی بیر آفت

مزارع اکثر یرده دچار زنگ اولاجاق

بو ئیلده منگهی فقر ملّتی سیخاجاق

جوانلارین چوخی سرگرم بنگ و منگ اولاجاق

اذان دیینلره گولدوخ بو گون نوار مود اولوب

اذان مسجده گلدسته لرده زنگ اولاجاق

جماعتین گونی گوندن یوکی آغیرلاشاجاق

یخان مسافری قیل کورپی دن بوشنگ اولاجاق

کریمینون قلمیندن همیشه اود یاغاجاق

قلم دونوب داخی سرنیزه و تفنگ اولاجاق

تلویزیون

عجب آلوب الیمیزدن فراغتی تلویزیون
 حرام ائدوب هامیا استراحتی تلویزیون
 داخی نه صحبتہ فرصت قالب نه بوس و کنارہ
 چوویردی تفریقہ یاخشی وحدتی تلویزیون
 غریبہ مظهر طاغوت اولوبدی بُت رولون اوینور
 کہ بُت پرست ائلیوب جملہ ملّتی تلویزیون
 ازل حرامیدی ہم مصرفی خرید و فروشی
 هر ائوده مسکن ائدنمزدی لعنتی تلویزیون
 قویاندان آدینی اسلامی اولدی آفت اسلام
 رواج ائدوب نقدر رسم بدعتی تلویزیون
 قاچاقچیلیق آدام ئولدورمه فیلمهای مهیج
 ائدیر جوانلارا تعلیم سرقتی تلویزیون
 توپ اوینویان گولہ شنلر شفاقلی ائشیکده
 چکور حضوره قیز اوغلانی عورتی تلویزیون
 ستاد امر به معروف بس هایاندا یاتوبدی
 بوجور قالب حسناہ قباحتی تلویزیون
 باشیندا مقنعه سایه گوزونده روژ دوداقیندا
 تلاطمہ گتورور بحر شهوتی تلویزیون

قالیدی کاش حراملقدا دوشمییدی حلاله
 دگشمییدی او اوّلکی حالتی تلویزیون
 قاتوب ترینگه‌نی قرآنه عیش نوشی عزایه
 گتوردی لعنتلن قاتدی رحمتی تلویزیون
 فقط خانملارا عیاشلیقین سلیقه‌سین اوینور
 وئرور آقالارا درس جنایتی تلویزیون
 دامیندا آتنن اولان ائوده سینه وورمازیدوخ بیز
 دولاندی اولدی عجب دینی هیئتیی تلویزیون
 اگر بو شرعیدی بو غیر شرعیلر نه دیور بس
 دگیشمیوب او قدیم رسمی عادتیی تلویزیون
 قوالدی سازیدی دونبکدی تاردی ضرنا دهلّدی
 داغیتدی غصّه‌نی چورت و کسالتی تلویزیون
 بیزی حدیثله قرآنلا تولادون سنه لعنت
 نصیحت آدینا وئردون فضیحتی تلویزیون
 عجب آجی دوزی شیرین شکر حسابینه قویدون
 فضایل آدینا سوخدون حکایتی تلویزیون
 پفکدی شامپودی فاب روبدی سوسدی ایلوری تبلیغ
 سالوب اله سری‌یوبدی جماعتی تلویزیون
 او قدری چکمز ائدر هامّونی یا عینکی یا کور
 دچار سکتہ ائدر یا که امتی تلویزیون

نه وار مطالعه نه وار مباحثه نه تفکر
 نماز شبدن آلوب قصد قربتی تلویزیون
 غریبه کُرد آشی تک حلمه جُلْمه اولدی شریعت
 قاتوب قاریشدیروب آداب و سنتی تلویزیون
 بو اولماسیدی نه ویدیو نه ماهواره اولاردی
 وفور ائدوب بیزه هر ناز و نعمتی تلویزیون
 عروسک اوینادیر آتمش یاشندا کافتارا بیر باخ
 هایاندا کورلاردی وقر و شرافتی تلویزیون
 خانم ایکی گوز ایکی عینکیله یاخشی باخانمور
 اوچونده اوزگه دن آلمش امانتی تلویزیون
 زبس باخور توپا باش بند اولور غذا کوله دوندی
 نقدری آج قویاجاق پخمه کلفتی تلویزیون
 آجا لوته تویوقین دولماسین دولا سالاد اورگت
 یالاندان اومدیراجاق کبله قدرتی تلویزیون
 تروردی فتنه دی سرقتدی فیلملردی مزخرف
 گتوردی تحفه بیزه قتل و غارتی تلویزیون
 کچل قوتور قره قیز ووردی بیر چیچکده چیخادی
 ائدوب جمالینه تکمیل زینتی تلویزیون
 گئدوب آر آرواد آراسینداکی وقار و محبت
 آپاردی عاطفه مهر و محبتی تلویزیون

خانملارین سۆزین آچدی قیز اوغلانین یوزون آچدی

گوتوردی شرم و حیا قیدی عفتی تلویزیون

قیز اوغلانینلا فیلم اوینوری باخور باجی قارداش

ایتوردی ننگی اوتانماقی عصمتی تلویزیون

کوراوغلی اصلی کرم شاه صنم عاشق غریب ئولدی

یغشدیروب گوزل آداب و سنتی تلویزیون

بو ملت متعهد بو امت متعصب

آتوب تعهدی سیندیردی بیعتی تلویزیون

نولیدی کاش دوغوردان اولیدی خلقمیز اسلام

نشان وئردی بساط قیامتی تلویزیون

گوریدوخ اوندا جهنم بهشتی خوبله زشتی

تانیتدیریدی منافق جماعتی تلویزیون

یالانچینون باشینا داش دوشنده محشرده

نشان وئردی جهانہ او زحمتی تلویزیون

اویونبازین رباخوارین شرابخوارین ریاکارین

ائیدیدی پخش سزای خیانتی تلویزیون

چکنده نعره‌ی هل من مزید ناری جهنم

گوریدی اوددا اولان سوز شدتی تلویزیون

صراطده وقفوهم صداسی صادر اولاندا

ائیدیدی مسخره فرمان قدرتی تلویزیون

صدای وحشت یاویلنا چیخاندا سپهره
 یابیدی عالمه اعلان وحشتی تلویزیون
 دینده اُمّتی یالیتنی وَ کُنْتُ تراباً
 مریدلرینه ائیدیدی شفاعتی تلویزیون
 گلیدی کاش آدام صورتینده حشره منافق
 گوریدی نیلور او وحشتلی ساعتی تلویزیون
 هُمُ الَّذِینَ عَنِ اللّٰغُو مغرضوندی موفق
 چتین سالار تورا اهل ریاضتی تلویزیون
 بو سحر و شعبده‌لر مؤمنین باشین قاتا بولمز
 هر اعتقاده وورانماز خسارتی تلویزیون
 حیف بو صنعتی کیم سوءاستفاده‌لر اولدی
 وئروب اراذل و اوباشه فرصتی تلویزیون



آغزیمدا دئسم چوخلی سؤزوم وار دئمک اولمور
 انواع غذالرده گوزوم وار یمک اولمور
 انسان قوجالیر کهنه ماشین تک دوشور ایشدن
 تورموز قیریلیر دنده یر آلمور کومک اولمور

من یینمرم

دنیا نی دولدوروب یمه لی من یینمیرم
 وار چوخ ائشیدمه لی دئمه لی من دینمیرم
 خوش رختیدی لباس تملق یاراشمالی
 ایمی دی بو عصریده مود اولوب من گینمیرم



س - او نیه اللرین آتوب دالنا
 ج - آپارانمیر قولون چاتوب دالنا
 س - نیه قدین آگوب اولوب ایکی قات
 ج - عمرینی آختاریر تاپا - هیهات



گئت گوروم چوو چالیب گلیم دوتاسان
 سحر آخشام حامامدا لیف دوتاسان
 گییه سن اگنوه اوزون پالتو
 رۇسا تک همیشه کیف دوتاسان



سَقْلَه

مشتری بسکه چوخ اولوب سَقْلَه
 لاپ بنمازلاردا دولوب سَقْلَه
 چونکه صلاحیتَه مدرکدی بو
 مفسد و مصلح سوخولوب سَقْلَه
 هر گنجینون سَقْلی وار کسمیون
 چونکه پناهنده اولوب سَقْلَه
 تله گورور رونقی وار سَقْلین
 باشند انوبدی قوشولوب سَقْلَه
 قیچینی گوردوم بوغی قیرخیر دئدیم
 وای قره گونلی توخونوب سَقْلَه
 ضرناچیلاردا اوزادیب سَقْلین
 یوخسا جوایز قویولوب سَقْلَه



نولیدی آت مینیدیم بیر چاپیدیم
 دولانیدیم ایتن عمری تاپیدیم
 جوانلیق تندیرین بیر قیزدیریدیم
 یاییدیم کونده ایستی ایستی یاپیدیم

یا شانس و اقبال

یانسیدی انسانین چراغی مکر و حيله دن
 احمد داداش دالی گتی مزدی جميله دن
 احمد داداش همیشه قاباقدیدی بولمورم
 نولدی بو مرحله دالی قالدی دفيله دن
 گیرم که میلیه گیلیفین احتیاجی وار
 شانس آخسادی گلیف قابا قا گئچدی میله دن
 هر ائوده بیر خانم سوخولوبدور وکالته
 بیر گونده پارلمان دولاجاقدی وکیلده دن
 لازمدی هر وکیله خانم امتحان وئره
 احکام استحضه کثیره قلیله دن
 هر لالابالی یول تاپا ییلمز بو مجلسه
 ابن سییل کام آلا ییلمز سییله دن
 صدها شبانه روز ده صدها شبان گلر
 آخرده بیر اویس چیخار مین قبیله دن
 یاندرسا بیر چراغ علی (ع) کاخ عدلیده
 مین لر چراغ روشن اولار بیر فتیله دن
 بیر سوزناک آهله مین ائو خراب اولار
 مین لر وسیله برهم اولار بیر وسیله دن

بیر حوض عطری نصف لیوان بول، نجس اندر
 حفظ ائت محسناتی صفات رذیله دن
 هر خرمگسدن ایلمه بال جستجو سینی
 ابریشم اولماز آی بالا هر کرم پیله دن
 بیر گون الینده قیچی کولوک گزدرن کیشی
 بیر گونده بئل کورکله چیخارمیش طویله دن
 قرآندن بو یتیمیش ئیلی باش تاپانمادون
 گئت باری درس عبرت اوخی الف لیله دن
 دنیانین عیش و نوش و نشیب و فرازینی
 قابوسنامه دن خبر آل یا کلیده دن
 بش گون ریاست عشقینه اویناتما چیگنووی
 اوز نفسیوی پیشیک کیمی اومدورما قیله دن
 اولسون ریاستین بالاسی اوزگه دادی وار
 شیریندی آلمادان هولودان هم شلیله دن
 چوخلار ریاست عشقینه قارداشین ئولدیروب
 عالمده کیم گئچر بو مقام جلیله دن
 دوشسه ریاستیله عبادت گولشماقا
 محروم اندر یزیدی نماز غفیله دن
 آغزون یتشمین ات حرامدی کریمیا
 قصّاب دهر هر کسه وئرمز بو فیله دن

آمان قوجالیق

ن قدر عمر جواندی کیشی بنزر دیشیه
 ایله که سن سوویشدی دیشی اوخشار کیشیه
 اوندان اولده که سن من اولاسان من سن اولام
 الیوی وئر الیمه منله گئداخ باغ مشیه
 قوجالاندا گئده روخ مسجده دوللوخ نمازا
 بودا بش گوندی سوخول هر اویونا هر پشیه
 سن که قان تشنه سی سن قانلی لارین قانینی سور
 تازا بیچاره لرین قانینی دوتما شیشیه
 جانسیزین که قانی اولماز دامارا باخ قانین آل
 دورا بولمور بو یازیق قیشلاری بنزیر طشیه
 حلال آختارسان اوغول آج قالاسان جامعده
 حمل بر صحت ائله هر نه گلور باس خشیه
 ای کریمی بو چتین قافیه هاردان تاپیلوب
 قافیه زور گلوری آز قالور انسان
 قیش گلیر سن هله گئت قافیه آختارماقووا
 پول قازان پول داداشیم انسانی قویماز اشیه

دینمگه دگمزدن تضمین

ای لبلری پسته بویی بسته بالا گلگز
 عمرین باهاری فوری گنچندی اوخی، گول، گز
 ساده گیین شاد یاشیان شاهه باش اگمز
 بش گوندی ریاست دوه‌سی مینمگه دگمز
 بش گوندن اوتور مینمه مینوب ینمگه دگمز



هی خاطرهلردی گوز ئونوندن وئروری سان
 بش گوندن اوتور هر گلنه سینه وورورسان
 افسانه‌دی انسان یوز ئیل عمر ایلسه این‌سان
 شیرین یوخودی لذت رویائی انسان
 بیر لحظه بو شیرین یوخی دیسکینمگه دگمز
 دنیا سنه بیر مزرعه‌دی جالب و زیبا
 بو مزرعه‌نین حاصلیدی توشه‌ی عقبا
 دنیا طلبان حشریده محشور اولی اعما
 مولا دئدی بیر جیفه‌ی گندیده‌دی دنیا
 بو مزبله‌ده ایت کیمی سومسینمگه دگمز

دنيا اوزى شرمندهدى دائم قوناقیندان
 شربت یرینه زهر ایچیردی چاناقیندان
 بیر ذره ایشیق قالمادی ظلمین چراغیندان
 بیر سالخیم اوزوم درماقمیز اوزگه باغیندان

مین دفعه یوزی قویلی یره سینمگه دگمز

بیر گون گوره جاق شخص نتیجه عملیندن
 دفترچه‌ی عمری بوکولنده اجلیندن
 چوخلار بونا بئل باغلامیوبدی ازلیندن
 مین جام آلاسان ساقی ایامین الیندن

بیر شربت ئولوم جامینی تمسینمگه دگمز

غم‌لر سنه موج ایلسه دریاکیمی صبر ائت
 دنیا سنی اینجیتسه مسیحا کیمی صبر ائت
 جبراً باشووی کسسه یحیا کیمی صبر ائت
 آريله بؤلونسن ذکرِیا کیمی صبر ائت

حفظ ایله وقارون دل آچوب دینمگه دگمز

آچ دفتر اشعاری باهار گلدی کریمی
 گل بلبله ناز ایلدی یار گلدی کریمی
 یازماقدا یورولماق سنه عار گلدی کریمی
 ختم ایله قوتار قافیه دار گلدی کریمی

اوتقونماقا زقینماقا دومتینمگه دگمز

ئىل بايرامى

گىنە بايرام گلورى خلقى سالا دردسره
 باھالقدى قاپونى باغلا داداش قاچ سفره
 شىزنى آجىل باھا، ميوە باھا، تشرىفات آغىر
 آتادان قالما بايات ثروتى وئرمە ھدرە
 گىت دولان گز گوروشى ساخلا سفردن گلنە
 عاقل اول زىرك آدم نفعىنى وئرمز ضررە
 گلن اولسا گوروشە قوى قاپونى امضالاسىن
 خاطرات دفترى اولسون قاپى ھر رھگذرە
 بايرام اوندايدى كە ملتە صداقت واريدى
 داي اوركلر داش اولوب كىم يانورى بير نفرە
 گوتورولدى ايچىمىزدن كرم و مھر و وفا
 دولانوب قىزمى بايراملاريمىز اولدى قرە
 نە محبّت نە امانت نە سخاوت نە صفا
 آوجونى وارلى قسوب يوخسولى آلاماز نظرە
 بايرام اوندايدى كە ائولر دولى، نعمت بؤلودى
 ايمدى كلفت شامى كامل يسه قالماز سحرە

اوجاق ایستی قوجاق ایستی بوجاق اون، قیله، دوشاب

قورا شیرین ملاقی صف صف آسيلمش پَسَره^۱

کیشی اللر حنالی گُللی جوراب بوزمه لی دون

خانمین ساچلاری زنجیری توکولمش کمره

سوجوقون حلوانین ایده یمیشین گردکانین

برکتلیدی قالاردی چوخی سیزده بدره

جان دیین جان ائشیدن اوندا یا باخ ایمیده باخ

اولدی جان جانلار عوض، درد، مرض، چور، زَهَره

اوتوزوبلار آشقی جامعہ اوینور چولونا

ایش بئله گئتسه نه مطرت^۲ قالاجاق نه مَطَره^۳

آیری قارقیش سنه جایز دگی باعث دیورم

باباوین گوورونا گلممه عمی اوچ فقره

شوشه یین بارداقین آبگوشتی نه لذتلی ایش

دولدوراردیق ایچینه قیله یومورتا و تره

آی قوناق گلدی بیر آز قیله بیر آزدا لپه سال

واقعا قارقیب الله بیزی دوشدوخ خطرہ


کئفه باخ اوچ کیین اوچ صیغیه دویمازدی کیشی

گینه بوندان بئله اوخشاردی نفیری فَنَره

ایمدی بیر آروادی راضی ائلینمور خان عمو
 شب جمعه کیشی بوزبوز باخوری ماه زره
 ایمدی کیمدی قویا شوربا قوناقین سفره سینه
 گرک آماج اولا ریشخندیله مین نیشتره
 ایکی پیش میز ایکی بشقاب ایکی چنگل ایکی کارد
 باشاباش دوز، نه یه، بیر آلمیا بیر گلبسره
 شدتیه تازا بدعتلری محکوم ائدیرم
 دئسون هر نه دیه جاقدی فجره یا کفره
 بایرام اوندایدی که انصاف و مروّت واریدی
 هر آقا لطفله بایراملیق آلاردی نوکره
 بایرام اوندایدی که هرزاد صلواتیدی بالام
 نه چایا قنده او قیمت واریدی نه شکره
 قویمادی ملّته بایرام قالا بو رسم جدید
 ایمدی بیر سالخیم اوزومدن ساری دیرماش چپره
 قاش آتاردیق پنیره شور لورا سوزمه قاتقا
 سفره میزده واریدی ایستی لواش تازه کره
 ایمدی قارقا کیمی بیر قاش پنیرین حسرتی یوخ
 آری دنیاده مکافات عمل وار بشره
 ای کریمی او گوزل نعمته کفران ائلدون
 ایمدی ائت نفسیوی تسلیم قضا و قدره

جشن نیکوکاری

دلا جشن نکوکاران مبارک
صفای وحدت یاران مبارک



برو ساقی مده جام شرابم
من از عشق علی مست و خرابم
توجه گر نماید بو ترابم
موفق اهل خیراتم ثوابم

ولای سرور مردان مبارک

اگرچه نیمه‌ی اسفند ماه است
مشامم پر ز عطر گل گیاه است
حضور مردمان خیرخواه است
اگر خاموش بنشینم گناه است


قدوم جمله مهمانان مبارک

شب عید است و خوش باشید و خندان
حمایت کرده‌اید از مستمندان
ز ایجاب دعای دردمندان
همیشه کامتان چون قند و قندان

سغا و بخشش و احسان مبارک

شب عید است و یاران در خروشدند
 همه در جست و خیز و جنب و جوشند
 که مشغول خریدند و فروشدند
 ولی یک عده مأیوس و خموشند

عیادتها ز بیماران مبارک
 کریمی نعمتان مجهولتان است
 یکی صحت دگر امن و امان است
 مریضی بدترین امتحان است
 عیادت جزو خیر است و حسان است
 نکوئی از نکوکاران مبارک



هر کسین که دوشونن آروادی وار
 هئچ زادی اولماسادا هر زادی وار
 باوفا عورتیلن کیمیانین
 خلق ایچینده اوزی یوخی آدی وار

آختاریرام تاپانمورام

گزیرم کوچه و بازاری نگار آختاریرام
 قوتاریب عمریمی اغیارله یار آختاریرام
 لبلرون غنچه یاناق لاله‌دی ای سبز قبا
 هله من فی الشجر الاخضر نار آختاریرام
 م..... ک.... ایچینده نه گونه ساخلا میسان
 گورموسن خسته و بیمار انار آختاریرام
 بیر گوزل عهدیلی دوستون سراغیندا گزیرم
 منه باخ کهنه سوویددن گیلنه نار آختاریرام
 من دیین سویمه‌لی دوستون آدی واردی اوزی یوخ
 خیر اولاق قیش گونی بستاندا خیار آختاریرام
 تشنه‌یم لطف و صفایه کرمه جامعهدن
 وای منه خار آغاجیندان هله بار آختاریرام
 یوخودا ملانصیرالدینی گوردوم چیغیرور
 آی تاپان بیر قره قوشقونلی حمار آختاریرام
 دئدیم آی ملا اولاغ فصلی گئچوب بیر ماشین آل
 دئدی اوز صرفه‌می من لیل و نهار آختاریرام
 ماشین آلسام گونی گوندن بالا بنزین باهادی
 اولاغ آلسام سامانا یونجویا بار آختاریرام

مینرم انسانا آسان نه سسی وار نه تسی
 سودی سوددی یونی یون مثل داوار آختاریرام
 دئدیم انسان آدامی یخسا دورانماز ایاقا
 دئدی فنین بولورم اوندا فرار آختاریرام
 دفتر شعری کریمی جیروب آت مزبلیه
 ایمدی پول دوره سیدی مارک و دولار آختاریرام

سنگ مزار

مپنداری ز مردن ناگرام
 که ماند اندر جهان تا من بمانم
 بخوان بر تربتم یک حمد و سوره
 که محتاج دعای دوستانم



آدین کیشی قویان لیاقتیندن
 دولدوردیقی قابی ووروب جالاماز
 سؤز دانیشدی قیمت وئرر سؤزونه
 چاخان اولوب توپوردیگین یالاماز

مینى ژوب گتدی کیسی ژوب گلدی

نجه هر اجنبی جناب اولماز
 باجی ماتو گلوب حجاب اولماز
 شرعی موم تک الونده اویناتما
 سنده پیغمبره جواب اولماز
 چیخما دیندن اگر مسلمانسان
 اوخی قرآن کیمی کتاب اولماز
 مست مدهوش ائدوب منی باخیشون
 مست می من کیمی خراب اولماز
 تُنگ تنگون خماریم ای جان
 هئچ قدحده بئله شراب اولماز
 او دوداقدان چیخان دعا گوزه لیم
 نجه مرکزده مستجاب اولماز
 سن دعا ایله من دیوم آمین
 گور بو صدام دلکباب اولماز
 سن یاغیش ایسته گور یاغار یاغماز
 سئل داشوب وارد بناب اولماز
 مینى ژوب گتدی کیسی ژوب گلدی
 هئچ بئله حُسن انتخاب اولماز

باخمیوم نیلیوم باخیم نیلیم
 گوز گورنده آغیز پُرآب اولماز
 تر دوروب ژاله تک یانقلاردا
 کیم دیور لاله دن گُلاب اولماز
 دینی اسلام و مذهبی شیعه
 آدی مستوره، بی نقاب اولماز
 هره بیر نقشه کئفلنوب گیجه لیر
 هر گیجلدن شراب ناب اولماز
 قابلیت لیاقت اختاریرام
 هر باشی داشلی مستطاب اولماز
 عورتین ارزشی حجابده دی
 بی حجاب عامل ثواب اولماز
 صورت شرعه سالما هر عملی
 پولهمه قارقادان عقاب اولماز
 آهیمی سوندورنمدی اشکیم
 سو اولان یرده التهاب اولماز
 دئدی بیر بوسه وجهی جان آلانام
 اونودا نقد علی الحساب اولماز
 دئدیم ارزاندی من آلان دگولم
 قوجادا حالت شباب اولماز

باتمانی قابلاما چرک دوتانا
 هر سؤزه هر قولاقدا قاب اولماز
 آغاران توکلر اولدی باشه بلا
 نقدر ایلسم خضاب اولماز
 قول قیچ آغیر نه گوز قالوب نه قولاق
 بئل دوزلمور بئله عذاب اولماز
 ای کریمی شیرلیتیا قولاق آس
 صبر اولان دله اضطراب اولماز



نه نازيله گوزل قیز رفته شفته
 بویوت وئر بیر نفر گردن کلفته
 نشان وئرسین فلانین جیب یریندن
 داش اولسون باشووه نعمتدی مفتی

سهندیہ کریمی

مرحبا مرحبا هوای سهند
 حَبْدَا حَبْدَا صفای سهند
 وَ جَعَلْنَا الْجِبَالَ اَوْتَادًا
 اوجالور دمبدم ندای سهند
 قَلَّه سِیْنَدَن گُور سلام و درود
 فَلَکِی چولقیوب ثنای سهند
 آدی محسن شناسی نرج آباد
 اولدی بیر جمعه رهنمای سهند
 ائتدی دعوت بیزی سهنده قوناق
 اودی سالار کدخدای سهند
 کبلا داود^۱ و شیخ حسن، بنده
 جلوه گر^۲ نیکخو^۳ فدای سهند
 مشه مُحسن مجید یدّی نفر
 هاموسی رهنورد پای سهند
 هر ایشی بوشلادیق روان اولدوخ
 که قضا اولماسین ادای سهند

روز یکشنبه آخر خرداد
 عازم اولدوخ هامی برای سهند
 دۆشه‌دوخ دامن طبیعتده
 گلدی صبحانه ابتدای سهند
 جلوه‌گر آتمش استکان چای ایچوب
 بسکه چوخ ایچمه‌لی‌دی چای سهند
 کسدیلر بیر قویون کباب ائلدوخ
 ییزی حاجی ائدوب منای سهند
 سبلان باخما اشتهار آپاروب
 اونی کئفلندیروب فضای سهند
 وار سهندین باشندا چاللی پاپاق
 سبزی شال بئله گلدی پای سهند
 قلّه‌سی کهکشاندن باج آلور
 مرجبا همّت علای سهند
 دامنین دولدوروبدی بال پتگی
 کامی شیرین ائدر سخای سهند
 گل چیچک دولدوروبدی هر طرفین
 عطر جنت یایور صبای سهند
 سینه‌ی کوهه خیمه‌لر قورولوب
 آفرین میهمانسرای سهند

ایکی مرد سخی بیرى اِحرام
 بیرى اقبال خوشلقای سهند
 ائتدیلر بیزدن عالی استقبال
 میهمان دوست و آشنای سهند
 یدوخ ایچدوخ خَشَللنوب یاتدوخ
 یاییلوب جانلارا غذای سهند
 یل چالیر ینگه لر اوخور اوینور
 خوش گلور روحه لای لای سهند
 مراغا باشینی اوجالدوبدی
 شهرت و شأن اعتلای سهند
 هر گیاهی که از زمین روید
 وحده گوست بر خدای سهند
 حاصلی بسکه چشمگیریدی وار
 کلّ ایرانه اکتفای سهند
 اولمادی حیف بیر فلیم بردار
 خوشودی فیلیم سینمای سهند
 هی مجید بنده زاده دن یاد اولوب
 محسنه یار باوفای سهند
 شیخ حسن شوره گلدی بلبل تک
 نایی دیللندیروب نوای سهند

گنجہ بیر بحث اولوب سیاستدن

یوخودی بحثه اقتضای سهند

بیزه نه مملکت نه وضعده دور

نولاجاق عاقبت بلای سهند

آت غمی دوت دمی غنیمتدی

چونی محکوم ائدر چرای سهند

داغیمون قلّه سین دومان بورودی

دیه سن باشلانور عزای سهند

بیری چکسین دیمه بیری سولویا

پیه تبدیل اولونجا های سهند

داغیمون گوزیاشی بلاقلاردان

آخوری بللیدی بکای سهند

گنه بوندان بئله دایاقدی منه

منه محکمدی مُتکّای سهند

اوجا قالسین باشون پاپاقلی داغیم

یاشاسین فیض دلگشای سهند

قوشلارین نغمه سیندن آنلاشیلور

ذکر تسبیح ربّنای سهند

برکتدی، عطادی، رحمتدی

ابتدا تا به انتهای سهند

یوردلاردا چادرلارا گتتدوخ
 الغرض محسن اولدی باعث خیر
 قسمت اولدی بیزه نمای سهند
 گرچه بهروزی زحمتہ دوشدی
 اونا نوش اولدی هر جفای سهند
 هر نیین ناله سینده ظاهر دی
 هی هی و هو و های های سهند
 ای کریمی همیشه لقدی سؤزون
 نقدر باقیدی بقای سهند

تازا مود

بیر عدّه سمندر کیمی دائم اود ایچینده
 ابراهیمه بنزر شرر نمرود ایچینده
 بیر عدّه قودورقون مود ایتورمش مود ایچینده
 قیزلار قره عمّامه ئی بوک مصری آخوندی
 اوخشار کشیشه چون بورا دانمارکا یاخوندی

خوی ماکو خاطره‌سی

قسمت اولدی یولومیز دوشدی خویا

حیف اولسون یاسا گئتدوخ نه طویا

زنگ ووردی حاجی «انزاب» منه

چون اودور زبده‌الاحباب منه

وئردی تلفوندا منه بو خبری

که اجل درک ائلیوب «نوحه‌گری»

«نوحه‌گر» زینت بزم عرفا

بیر متین شاعریدی اهل صفا

بزم یاسینده گرک شرکت ائداخ

تئز حاضرلاش گلورم یاسه گئداخ

گون هایاندان چیخوب ایشلر دوزه‌لیر

اون‌بش ئیلدن صورا «انزاب» گلیر

نه اوغول قیز خانمی یاده سالور

تکینه بیر پژو مینمش قووالیر

دگمز ال تورموزا، دنده ایاقا

طی‌الارض ایلوری طهران، مراغا

صبريله هر ایشه جبران ائده‌رم

دؤزه‌رم دردیمه درمان ائده‌رم

صبريله ير گوی ائدرمش حرکت
 صبريله بوینوز اولارمش حَجَمَت
 اون‌بش ایل صبر مع‌العُسر حرج
 آچیلوب‌دور یوزومه باب فرج
 بیر گئجه قالدی ائدردی عجله
 تیر گیروب توت چیخانا بیرده گله
 او قدر توت چیخاجاق تیر گیره‌جاق
 نخل امیدیمیز حاصل وئره‌جاق
 انتظار اوخلاری قلبی دله‌جاق
 اون‌بش ئیلدن صورا بیرده گله‌جاق
 تلفن ائتدوخ حاج‌حسن^۱ دوشدی یادا
 قوناق اولدوخ باغا صادق‌نژادا^۲
 پاشادا^۳ گلدی قوشولدوخ پژیوا
 اوچ‌نفر نامور اوز قویدی خویا
 یولا دوشماقدا شتابان گئدیروخ
 گاهی محزون گهی خندان گئدیروخ
 قالیوبلار یولا تای تای سوغانی
 ذلیل اولمش نه آلان نه ساتانی

قوجا دهقان اوتا چکدی تایانی
 قویدی بو ئیل ضرره سرمایانی
 بو ئیل ایراندا کساد اولدی سوغان
 عامل جُرم و فساد اولدی سوغان
 داو، دوشوبدی شلیه شفتالیا
 سوغانی باسدی تکبر دالیا
 بیر زمان سفره‌لره زینتیدی
 جانا قوت آغیزا لذتیدی
 متکبر هله‌ده خوار اولاجاق
 هله بونداندا گرفتار اولاجاق
 ات آجی گیرمه بو آشپزخانا
 شاید آشپز سنی خائن تانیا
 گورمدون شاه نجه اولدی ات آجی
 قویدی آخر گ.... آتدا تاجی
 ای سوغان قوزا باشون مزبله‌دن
 گوزون آچ عبرت اوخی مسئله‌دن
 گیرمه بعضی‌لری تک یدی دونا
 که اودون تک یاناسان جهل اودونا
 یولون آنجاق دامارین بیچدی پژو
 بناب آذرشهری گنچدی پژو

خسرو شه ئیلخیچی تبریز و مرند
 باسدی گئچدی نه شهر قویدی نه کند
 ولو، نیشان، دوو چاتماز پڑویا
 بیزی اوچ ساعته آندیردی خویا
 صرف اولوندی یاس اولان یرده ناهار
 روحینه فاتحه‌لر اولدی نثار
 هانی خویدا او قدیمکی جلسه
 ئولماقا خوش دگول انسان تَلسه
 هانی شیخ جابر فاضل یارب
 هانی شیخ جعفر او کانون ادب
 هانی حیدر نسب اول عالی‌نژاد
 هانی طایر نه مرید و نه مراد
 هانی ذاکر حاجی احمد حاجی‌پور
 حاج حسین صاحب ادراک و شعور
 تک قالب شعر و فضیلت آقاسی
 قوجالان شیریدی «دانش آقاسی»
 گوزده عرفانی باخیش نور آزالیب
 دله عشق و هوس و شور آزالیب
 سالدی قول بوینومیزا حسرتیلن
 آغلادی گئچمشینه شدت‌لن

آی تانشلار گلون انصاف ائلیاخ
 اورک آئینه سینی صاف ائلیاخ
 قید و بندی قیراخ آزاد یاشیخ
 جان دیاخ جان ائشیداخ شاد یاشیخ
 ال اله مهر و محبتله هله
 شاید الله رضاسی گلسون اله
 نه منه نوحه دی نه باشوه چال
 ساغلقیمدا منی گل یادیوه سال
 هوشووی یغ باشا مست اولما داداش
 دیرینن مرده پرست اولما داداش
 یاخاوی جیرما چکوب اوزمه گیلن
 قبریمون اوستونه گل دوزمه گیلن
 قدریمی بیل منه هئچ ساخلاما یاس
 نچه گون گیمه جانیم قاره لباس
 نه قرا گی نه ده احسانیمه گل
 نه منیم شام غریبانیمه گل
 نقدر من دیری یم یانیمه گل
 بیر یتیش دردیمه درمانیمه گل
 من ئولندن صورا گئت قرمزی گی
 قبریده ایلرمم عرض گلی

اوزادوب سقلیوی سالما دۆشه
 نه شال آچ قبریمه نه حلوا دوشه
 ساغلیقیندا باجی قارداش کوسولی
 بال یاخار آنسه‌سینه بعضی ئولی
 بو نه شیوندی بو نه نوحه‌گری
 ساغلیقیندا تانیون «نوحه‌گری»
 شاعره ساغ گونی امداد ائلیون
 ائوینی قبری تک آباد ائلیون
 حافظین باخما او باغ باخچاسینا
 قویمادی نورلی چراغ تاخچاسینا
 سعدی آج گئتدی پریشان یاشادی
 باباطاهر یازیق عریان یاشادی
 دوز او شاعرلری بیریر قاتارا
 گل گئداخ تبریزه باخ شهریارا
 ساغلیقیندا هامی آتمیشدی داشین
 ائله که ئولدی اوجالدوبلا باشین
 خیابان قهوه‌خانا شهریارین
 زورخانا شورباخانا شهریارین
 ساندویچ بستنی کلبه کابارا
 هامیسی وقف اولونوب شهریارا

بولسه دارائی اونون ثروتینی
 خُمس آذربایجان شهریارین
 نچه هیئتده شراکت ائلدیم
 من حسین ابن علی نوکری‌یم
 گزرم تعزیه بزمین تاپارام
 صورا «انزابی» اولوب نوحه‌سرا
 پاشازاده رضا اشعار اوخودی
 خوی قوتاردی گئدیروخ داش ماکویا
 ناهارا دعوتیدوخ انجمنه
 محفل انس صفا بیر باغیدی
 دورد طرف عرشه دایانمیش داغیدی

تربتینی تورباسینا آت چکر
 ئولی تشویقله چک قیر دامارین
 ائلدیم ارادت ائلدیم
 وار قاره علم مشتری‌یم
 کیمی بیر پای آپارام
 آغلیاندان اوخیانلار چوخودی
 یوز پژو بیر باش ماکویا
 حامد شیرین سخنه
 دورد طرف عرشه دایانمیش داغیدی

یدوخ ایچدوخ گینه باشلاندی غزل
 هره بیر شعر اوخودی دوزلی گوزل
 منده باخدیم ماکونین باغلارینا
 بولودیلا آپوشن داغلارینا
 چرسین، آغری، داغی باشدا آارات
 چشمه‌لردن آخوری ماء فرات
 اوجا داغلار نه گئدوبسوز فلکه
 همی شاه ئولدیریسوز هم ملکه
 هانی سردار ماکونین طمطراقی
 نیه بس باغلی قالوبدی اوطاقی
 هانی خاتون آنالی نازلی خانم
 عشوه‌لی نازلی گوزل دوزلی خانم
 قورد کیمی هر کیمی دوتسوز ییه‌سیز
 باخجاجیق قصرینی قویدوز ییه‌سیز
 گئجه قالدوخ شاما مهمان ماکودا
 آجدیلار سفرهی الوان ماکودا
 صبح صبحانه‌نی ویردوخ بدنه
 آلدی فرمان گنه «انزابی» اله
 نچه گونده ایشیمیز صحبتیدی
 باهالقدان هامی ناراحتیدی

نه بویوکلرده قالوب صدق کلام

نه کیچیکلرده قالوب صبر و دوام

نه مساوات و نه انصاف و اصول

هامی ناراحت و محزون و ملول

نه تجارتده وار انصاف اثری

جمله آل وئرلر اولوب حيله‌گری

باخ گور «انزایی» نه غوغا ائلیوب

نه گوزل تاجری معنا ائلیوب

تی توکلدی خدای ازله

تاجر اللهه وئرسین ال اله

اگر اللهه توکل ائلسه

ایستمز رشته‌ی انصافی کسه

الیف ایماندی امانندی ولی

اولماسا فعلی خیانتدی بلی

جیم اشارتدی جسور اولماقینا

صاحب جته صبور اولماقینا

را، تجارتده فقط رابطه‌دی

رابطه تاجره خوش واسطه‌دی

حُسن خُلُقيله ساغار مشتریسین

قائلی سالآخ کیمی سویماز دریسین

الغرض داغ دوشی باغلار آراسی
 رفقا تک تکی بیر آی پاراسی
 چایا باخ قلیانا باخ قارپزا باخ
 رفقانی قباقیندا موزا باخ
 چلووا باخ کبابا باخ کرهیه
 گله باخ بلبله باخ منظره‌یه
 نجه کروان کوچر آثاری قالار
 قافله یولانار اخباری قالار
 یماق ایچماق هاموسی گتدی بادا
 بیر گوزل خاطره ضبط اولدی یادا
 من کریمی گئدهرم سؤز قالاجاق
 یادگاریم گئجه گوندوز قالاجاق
 باغلانان وقتده برنامه‌لریم
 داد وئرر خلقه سفرنامه‌لریم



نه‌منه ذره‌بین عینک یاراشیر
 نه کوله قدیمه کونیک یاراشیر
 عصر عصر سینمادور صنما
 منه ضرنا سنه دونیک یاراشیر

قوچ ایگیت داییا چکر خاتین قیز خالیا

حیف قیشداندا چتین گئچدی بو ئیل کی یایمیز
 چاره یوخی بویومش چرخ فلکدن یایمیز
 یوموشاخ یاتمالی بستر بیره یوخ مغمغا یوخ
 حیف اولا اوزگه دیلیلن چالنور لای لایمیز
 یخدیلا کسدیله ناخوش قوزو تک باشمیزی
 نه کسنده قانمیز چیخی نه ده ایوایمیز
 اصلمیزدن برکت اوچدی دوشوب نسلمیزه
 گونی گوندن گئچوری کامپیاتردن سایمیز
 قوچ ایگیتلر داییا چکدی خانم قیز خالیا
 خالامیز بختور اولسون یاشاسین خاندایمیز
 زحمتی قونشویا وئردوخ اوزومیز راحت اولاخ
 اوزگه چیگنینه گرک منزله گئتسون تایمیز
 ایش اونون صنعت اونون زحمت اونون خدمت اونون
 دیش بیزیم هیچ بو زیرکلدا تاپولماز تایمیز
 دورولوب گاهی بولاندوخ قورولوب رقص ائلدوخ
 چون ازلدن بوشودی هم سویومیز هم یایمیز
 چالماقا اویناماقا خارجه دن مشق آلاوخ
 گورموسن اوزگه نیندن اوجالور نای نایمیز

بیز ووریدوخ گرک اوّل کهری ماهه علم
 یوخلادوخ اوزگه لره ئل باغی اولدی آیمیز
 نقدر رنگ و ریا صاحبیوخ شعبده باز
 غصّه و درد و کدرلن گئچه جاق ایل آیمیز
 اوینادالار آینون الله دوشمش بالاسین
 اله دوشدی همی جیرانلاریمیز هم آیمیز
 دوشه دسگاهی گتور منقالی حوقا ماشانی
 قلیانی چاق ائله قوی یاخشی دم آلسین چایمیز
 بوغازون یرتما کریمی سسون آتما باشوا
 نقدر قیشقراسان بیر یانا چاتماز هایمیز
 هر طرفدن آچیلوب غارت الی دینیمیزه
 هله قوی چورتونی وورسون حاجیمیز کبلایمیز



اورک بیر پارچات بیر لخته قاندی
 ولی آئینه تک فوراً سیناندی
 نجه آئینه سینسا دای دوزلمز
 گوزتله قلبی سیندیرما آماندی

تقدیم به کوهنوردان

ای نوجوان به همت خود پایدار باش
مانند کوه در عظمت استوار باش
آزاده باش کوهنوردی شعار کن
سر بر فلک کشیده به اوج وقار باش
از داستان کوهنوردان روزگار
درسی بگیر و بر همه آموزگار باش
در جمله‌ی حوادث و طوفان سیلها
مانند کوه محتشم و پایدار باش
از قلّه‌ی سهند بین آیت خدا
وانگه به قلّه‌ی سبلان رهسپار باش
کوه است در مقابل طوفان و رعد و برق
دامن پر از گیاه و گل و لاله‌زار باش
از کوه درس طاقت و صبر و وقار گیر
ورنه ز جمع کوهنوردان کنار باش
با شیر پنجه نرم کن و نفس را بگش
در کوهسار از پی صید و شکار باش
ورزش برای نسل جوان راز صحت است
خواهی که تندرست شوی راهوار باش

سردسته‌ی مبرز نام‌آوران علیست

در بزم و رزم پیرو آن نامدار باش

از قهرمان کوه اُحد یا اُحد شنو

با رمز یاصمد همه در کارزار باش

آموزگار نامی نام‌آوران علیست

گر شیعه‌ی علی نشوی خوار و زار باش

همّت بجو ز ناد علی یا علی بگو

پیوسته پای‌بوس شه ذوالفقار باش

مولای من کریم و کریمی ملقبم

بر شعر من به چشم هنر خواستار باش



ما به دل تخم وفا را کاشتیم

حاصل جور و جفا برداشتیم

در ره جانانه جان بگذاشتیم

«ما ز یاران چشم یاری داشتیم

خود غلط بود آنچه می‌پنداشتیم»

ماشاءالله نامه

از انزاب

به به نه گوزل سیر و تماشادی ماشاءالله
 پست اوسته مقام اوسته نه دعوادی ماشاءالله
 میز صندلین آلتندا نه غوغادی ماشاءالله
 آقا قره واشدی، خانم آقادی ماشاءالله
 آلت اوست اولوب عالم نه معمادی ماشاءالله



خوش دوره دی نه درد و کدر غصّه نه غم وار
 نه رشوه نه تبعیض و نه ظلم و نه ستم وار
 سرنیزه کیمی زهریلی، اللرده قلم وار
 هر زاد متناسبدی نه افزون و نه کم وار
 بو ئولکه دئماق جنت مأوادی ماشاءالله

بیربیرلرینه ملت اولوب یار و مددکار
 هی عاطفه دی لطیفدی یردن گویه قالخار
 یوخسول الینه باتسا تیکان وارلی سیزیلدار
 هر مفلس اورک دردین ائدیر منعمه اظهار
 هر عیبندن افراد میرادی ماشاءالله

حق گون کیمی روشندی مگر حقّی دانان وار
 نه حيله و تزویری قانان نه اینانان وار
 نه شرم و حیا وار نه قاچان نه اوتانان وار
 نه جامعهده فقر و فلاکتده یانان وار

ملت گوزل اعماله مهیادی ماشاءالله

نه چک قایداری سفته نه مفلس چیخار آدم
 بنیان تجارت توکولوب پایده محکم
 تاجرلریمیز بوذر و سلمانندی مسلم
 ابروسینه، یوز دفعهده سینسا گتیمز خم

چون بیع و شرا حکمینه دانادی ماشاءالله

نه بیرکسه آزار و نه همسایه زحمت
 نه بیربیرینه دالدا یامان اوزده محبت
 دائم ادب ایلولله دانشماقدا رعایت
 بیر کامپیتر ایستوری قویسون بیزه قیمت

بو جامعه هر ایشده مجزادی ماشاءالله

بیرعهده فکیردن گئجه گوندوز یاتا بیلمز
 درسین قوتاروب کوچده سیگار ساتا بیلمز
 ایش یوخ الی بوش هر اویونا باش قاتا بیلمز
 بیر عصریدی یارب بالا دردین آتا بیلمز

پول ایمدی هامی درده مداوادی ماشاءالله

بیر عدّه گلن مالی اوتار خرجینه گلمز
یا زوردی حلالدی یا حرام هئچ زادی بیلمز
ایگده آغاجی سینسا دوزلسه دؤزه بولمز
«انزاب» اوزووی یورما چووالدوز داشی دلمز

قالیندی خیال ائتمه مقوادی ماشاءالله

بیزدن ایراق عالم اوزون «اینترنته» باغلور
بو امت مرحومه اوز احوالینه آغلور
بعضیسی کسور بعضی ییور بوغلاری یاغلور
بعضیسی بالاخ قیرخیری بعضی دوه داغلور

چاتمیر منیم عقلم بو نه معنادی ماشاءالله

مردم دیور ایش یوخدی فراواندی بکارلیق
ایش اولسادا قویماز بیزی بدبختی بیارلیق
عادتدی ازلدن بو جماعت چکه دارلیق
نعمتدی ئولوم یوخلوقا قرباندی بو وارلیق

معجزدی بو ملت هله احیادی ماشاءالله

گل ایله دعا بلکه کراماته یول اولسون
اکناف جهاندا نه صاق اولسون نه صول اولسون
ابنای بشر بیریرینه گوجلّی قول اولسون
گتتسین ایکیلیق وحدت و ایثار بول اولسون

اوندا دییرم سویمه‌لی دنیادی ماشاءالله

جوابیہ از کریمی

نوروزیدی باغلار گینه خرمدی ماشاءاللہ
 داغلار باشی قات قات قالانان چمدی ماشاءاللہ
 داغلاردا بولودلار قره پرچمدی ماشاءاللہ
 گلشن دولی شبو گل مریمدی ماشاءاللہ
 گویدن آلهنن ژاله دی شبنمدی ماشاءاللہ



صحرائی مزین ائیوب سنبل و لاله
 هر لاله اولوب حیّ مِنْ المَاء پیاله
 هر برگ یازیر مکتب توحیده رساله
 شمع و گل و پروانه و بلبلده مقاله
 عشاقه عجب عیش فراهمدی ماشاءاللہ
 گل گلشنه بلبلرین آوازینه بیر باخ
 دلسوخته نین سوزینی گور سازینه بیر باخ
 نرگس باخشیندان توکولن نازینه بیر باخ
 نقاشی قدرته کی اعجازینه بیر باخ
 اسرار طبیعت هله مبهمدی ماشاءاللہ

نورانی ائدوب عالمی فانوس طبیعت
 هرلظه چالور مارش فرح کوس طبیعت
 نازيله گزير گلشنی طاوس طبیعت
 هر ذره ده پیچیده دی قاموس طبیعت

آیات اوخویان اولسا مترجمدی ماشاءالله
 حیرتدهیم انساندا بو موسمه غم اولماز
 بو عشق بهارینده اورکده ورم اولماز
 اما دلی گوگلوده غم و غصه کم اولماز
 نیلیم باخورام کیمده درم وار کرم اولماز
 وار کیمده کرم اوندای درم کمدی ماشاءالله

بیر عدّه گئجه صبح آچیلینجا دولار اوینار
 هی بادهی نایله پیاله دولار اوینار
 قول بیر ماتانین بوینونا هر گون دولار اوینار
 استخریده بیزلر سولاشاندا اولار اوینار
 بیر عدّه یه ده عمر جهنمدی ماشاءالله

بیر عدّه ائدوب مسئله اسلامی الینده
 موم تک سالور هر نقشیه احکامی الینده
 یاهو دیوبن اوینادوری جامی الینده
 ساتر ائدوب هر عیینه احرامی الینده

وابسته دیناریدی درهمدی ماشاءالله

بیر عدہ ائدیر ملعبہ قرآنی کتابی
 بیر عدہ قویوب مسخریہ شرعی حجابی
 آرواددا آتوبدور چولہ روبند و نقابی
 آخر بویومش شیوہی اسلام بنابی

بوینومدان آنمیر یری محکمدی ماشاءاللہ

ول ول دولانور کوچہ و بازاری جوانلار
 تریک هروئن دلّالی دیل آنلامیانلار
 گر امربہ معروف ائلہسن فوری یامانلار
 دوز یول گئدن آزدی اگر اولسا هامی دانلار

اوغلان قیزا قیز اوغلانا محرمدی ماشاءاللہ

هرکس اوزی اوز خیرینه قرآنی وراقلیر
 پانبوق تک ایشور، یون کیمی احکامی داراقلیر
 بعضیسین آلور باشینه بعضیسین ایاقلیر
 بیرعدہ اوزاقدان بئلہ اشخاصی قاراقلیر

کول باشوہ سئچمه دگی درهمدی ماشاءاللہ

بیر عدہ الینده ائدوب اسلامی بهانه
 بنزیر عملی حرملیه شمر و سنانہ
 دوشدی طاسمیز دامدان عجب دوندی زمانہ
 تنہا قدیم اسلامدن آثار و نشانہ

ظاہرہ اوروجلوقدی محرمدی ماشاءاللہ

مست اولموش هامی جهل و جفا میخاناسیندان
 قیزلار آنادان شاکی گلین قیناناسیندان
 قارداش باجیدان قهریده اوغلان آتاسیندان
 هرکیم تازا مولود چیخادیر کرخاناسیندان

یا عایشه یا زاده‌ی ملجمدی ماشاءالله
 هر بدعته اسلام آدی قوی باس چمدانه
 قرآندان اوتانما سوله جام‌تار م.....
 یا شاخ نفیر آدی یاراشدیر قمه‌دانه
 بو یول که دوتوبسان گندر اوغلوم همدانه

هر رستمعلی سن دئمه رستم‌دی ماشاءالله
 هر بلبل ائدیر اوز گلونی الده بهانه
 حامد ماکودان گوندیریر انزابه ترانه
 اولمش مراغا شهری منه مرثیه‌خانه
 «انزاب» کریمینی سالار یادینه یا نه

من گوشه‌ده دوسلار هامی باهمدی ماشاءالله

حُبِّ الْوَطَنِ مِنَ الْإِيمَانِ

وصالین لذتین درک ائتمین هجرانندان آیریلماز
 بهار ایّامی بلبل سرودن بستانندان آیریلماز
 گلنده آیریلیق آدی چیخار توستی نهادیمدن
 فراقین حسرتی بو سینه‌ی سوزانندان آیریلماز
 باشیمدا چتر آهیمدن بولود تک چال پاپاقیم وار
 سهندیم تک اوجا داغین باشی طوفانندان آیریلماز
 حصار صبریمی سیل سرشکیم ایلدی ویران
 گنه غوغای عشقون بو دل ویرانندان آیریلماز
 رموز عشقه الهام آلمشام پیر مرادیمدن
 بو مکتبخانه‌ده چون معرفت عرفانندان آیریلماز
 دولاننام هفت‌شهر عشقی معشوقین سراغینده
 نوید وصله جان بذل ایلین جانانندان آیریلماز
 منه مکتبه اوستادیم دیوب بیرلیکده‌دور دیرلیک
 کتاب اُنسیله مأنوس اولان انسانندان آیریلماز
 یوزی کسمه بوروندان آی آراز، ایستکلی ایرانیم
 باکودان نخجواندان یا شکی شروانندان آیریلماز
 اگر گُل باغدان آیریلسا بولودلار داغدان آیریلسا
 منیم ایستکلیم آذربایجان ایرانندان آیریلماز

گوزل توپراقیمه جانیم کیمی عشق و علاقم وار
 مسلمانم اگر حبّ الوطن ایماندان آیریلماز
 کریمینی اگر ائتسه موفّق حضرت باری
 وطندن چارده معصومدن قرآندان آیریلماز



ادبلی دویقولی دوشونن انسان
 دوستون اوجوز آلوب اوجوزا ساتماز
 نمک ییوب نمکدانی سیندیرماز
 آتینی یسه ده سوموگون آتماز



بیر سؤزوم وار هامی یارا یولداشا
 قیزیلا یازیلسون نه مسه داشا
 آز دولان چوخ گزن قیچ تنز یورولار
 آزی آزیات آزدانیش راحت یاشا

آیریلیق


سزیدلار سوزیله ساز آیریلقدان
 دونرمش حسرته ناز آیریلقدان
 آراز ائتدوخجا دریا تک تلاطم
 یانار تبریز و قفقاز آیریلقدان



دیرلر آیریلقدا داغ داش آغلار
 فراق ایّامی گوزلر قانیاش آغلار
 او تایدا باجیدی بو تایدا قارداش
 اوزاقدان باجی آغلار قارداش آغلار



اگر بیر گل دریلسه پیراقیمدان
 گلر مین ناله و شیون طاقیمدان
 رضایم آریلا باش پیکریمدن
 ولی آیریلما داش توپراقیمدان



منیم عشق وطن چیخماز اورکدن
 گرکدی قبره گئتسون قونداقیمدان
 آچون زنجیریمی الدن ایاقدان
 گندوم اصلی دیاره دوستاقیمدان

میموندان انسان اولماز

اوغلوم نصیحت اهلی هرگز پشیمان اولماز
 وئرسن قولاق سؤزومدن قلوبون پریشان اولماز
 ساخلا یادوندا اوغلوم هر مشگل آسان اولماز
 ایت اللی دفعه چیمسه زمزمده جیران اولماز
 کوردان منجم اولماز لالدان سخرنان اولماز
 عیسی معلم اولسا میموندان انسان اولماز



آموزشله اولماز کفتار مثال آهو
 رنگین آتوب آغارماز کوثرده چیمسه هندو
 بادام تلخه وئرسن باغ بهشتدن سو
 عتابه ایگده بالعکس یا گردکانه لیمو
 قاره بادمجانا موز پیوندی سالسان اولماز
 عیسی معلم اولسا میموندان انسان اولماز
 بایقوش هایاندان آنلار آزادلقین بهاسین
 یوز گلستانه وئرمز ویرانه لر هواسین
 بلبل بولر قفسده زندانین ابتلا سین
 بیر گلدن اوتری دائم خارین چکر جفاسین
 بلبلده کی ترانه بایقوشدا اوغلان اولماز
 عیسی معلم اولسا میموندان انسان اولماز

بیر عده قلبلر وار مملو عداوتيله
 پیس یاره تک شیشوبلر چرک و کثافتيله
 یا مستراحه بنزر دولمش نجاستيله
 تاپماز اولار سعادت وعظ و نصیحتيله

مین ماهر اوستا گلسه شاشدان گلابدان اولماز

عیسی معلم اولسا میموندان انسان اولماز

بیر عده وار ائدوبلر فسق و فجوره عادت
 ظلم و زنا و غیبت شرب و قمار و سرقت
 افیون و بنگ و شیرہ رشوه ربا خیانت
 بیردن اولا سراسر فرمانبر شریعت

صبر ایستر آیلار ئیللر کفريله ایمان اولماز

عیسی معلم اولسا میموندان انسان اولماز

ائتمش وطن فضا سین تیره هوای رشوه
 هر درد دن چتیندی حقّا دوا ی رشوه
 ایلر جهانی ویران جور و جفای رشوه
 طاعون دن و بادن پیس دی بلای رشوه

نوزادی رشوه خوارین دوزگون مسلمان اولماز

عیسی معلم اولسا میموندان انسان اولماز

هر شوره زار فاسد ير زعفران بيتيرمز
 هر يل معطر اولماز هر سئل باليق گتورمز
 ايت قورساقی مثلدی عالمده ياغ گوتورمز
 کار موعظه ائشیتمز کور دوتدوقون اوتورمز

هر تتلیدن بگ اولماز هر بوغلودان خان اولماز
 عیسی معلم اولسا میموندان انسان اولماز

هر قلدور و قلندر پیر طریقت اولماز
 هر صاحب ریاضت اهل حقیقت اولماز
 هر سقلین اوزالدان مرد شریعت اولماز
 هر بیر اوزون پاپاقلی سردار ملت اولماز

چوخلار باشین سریتلر اما کریمخان اولماز
 عیسی معلم اولسا میموندان انسان اولماز

چوخ مفرغه وئرلر آب و طلا کلکدن
 ظاهرده خوش پاریلدار چیخماز ولی محکدن
 چوخ مؤمن و مقدس سیماسی خوش ملکدن
 آلتاوست اولوب آندی گنچدی بوتون الکدن

هر اوستی باشی اونلو صاحب دگرمان اولماز
 عیسی معلم اولسا میموندان انسان اولماز

چوخ آرتهدن دورانلار بیردن یخیلدی یاتدی
 حتّی مخالف اولدی پالوده دیش چیخاتدی
 کیم بو یاتان گروهی بدخواب ائدوب اویاتدی
 یاتدی پیس ایگ چیخاتدی دوردی جهانی قاتدی

من بارها دئیمیشدیم بوندان دوز انسان اولماز

عیسی معلم اولسا میموندان انسان اولماز

فرصت طلبلر ایستور آرسین بو انقلابی
 وئرسین بو پخمه خلقه عطر آدینا گلابی
 خائنلرین الهی اولسون شدید عذابی
 وار نچه مین شهیده محشرده نه جوابی

بش گون ریاست اوسته بیر بیله طوفان اولماز

عیسی معلم اولسا میموندان انسان اولماز

اللی بش ئیل آزادلیق دونمیشدی کیمیایه
 هر ائوده بیر ساواکی آچمیشدی ال جفایه
 الله توجه ائتدی بو قوم بینوایه
 کفران نعمت ائتساخ ناخوش گلر خدایه

بیر اود یاغار علاجه دای بیرده امکان اولماز

عیسی معلم اولسا میموندان انسان اولماز

راوی دیور ائشیتدیم بیر پیس خبر داداشدان
 طویلاردا کئفلنوللر ایش باشلانور تازاشدان
 تار دونبگین صداسی قویمور یاتاخ اوباشدان
 مینلر شهید آناسی گوزلر دولوبدی یاشدان

مین آیه نازل اولسا بوجهل سلمان اولماز

عیسی معلم اولسا میموندان انسان اولماز

باخ وضع مسلمینه اسلامی مملکتده
 احقافدن اثر یوخ نه شهریده نه کتده
 رشوه ربا خیانت اعلاهی ملعتتده
 بیر عدّه مصلحتده بیر عدّه شیطنتده

انصاف ائداخ عزیزان انسانلوق اینسان اولماز

عیسی معلم اولسا میموندان انسان اولماز

بیر عمر مودباز اولدوخ داماد تک بَرندوخ
 نه بیر هنر نه صنعت بیر ایگنیه دیلندوخ
 بیگانه هر نه وئردی بهبه دئدوخ بگندوخ
 چاتدی یوکی یوک اوستن بیز گرنشوب گوجندوخ

هئچ بولمدوخ قمارباز اسلامه سلطان اولماز

عیسی معلم اولسا میموندان انسان اولماز

آمریکا گوردی یوخدی ایرانندان استفاده
 آخر چالیشدی ائتدی چوخ نقشه‌لر پیاده
 صدامی دعوت ائتدی وئردی دویونجا باده
 کئفنلندیروب قودوتدی گوردی سفیهدی ساده

ایرانه بیر شیخون بو فرصت هر آن اولماز

عیسی معلم اولسا میموندان انسان اولماز

من دورموشام دالوندا دورما سوخول آماندی
 پول اسلحه کومکلیق بیزدن دئمه یالاندی
 ترش آلچا بولدی صدام فوراً آغیز سولاندی
 ایمدی گورور او خلعت پالتو دگول پالاندی

نامرددن کرامت مُفلسدن احسان اولماز

عیسی معلم اولسا میموندان انسان اولماز

ایمدی دیور عربلر ایوای بلالی صدام
 بیر بلله شوردان اوتری یرتدون موتالی صدام
 موش تک بادامدان اوتری سوکدون چووالی صدام
 دگدی عجب باشوندان الله زوغالی صدام

الله ووران تپیکدن بول قورتولان جان اولماز

عیسی معلم اولسا میموندان انسان اولماز

ای ارتشی بسیجی ای قهرمان سپاهی
 سیزسوز بو گون دوغوردان بو ملتین پناهی
 سالدوز نجه نفسدن صدام روسیاهی
 مرگ است توبه‌ی گرگ ای لشکر الهی

صدامدا تسلیم اولسا آمریکا شیطان اولماز
 عیسی معلم اولسا میموندان انسان اولماز

ظلمین اوجاقی یانماز یا یلله یا اتکله
 دیوار ظلم اوچاندی یا ناللا یا دیرکله
 ناکس دونوب کس اولماز یا نازلا یا کوتکله
 صدام ایشون قوتولدی یا لوکله یا ایمکله

بیر درده دوشموسن که دای بیرده درمان اولماز
 عیسی معلم اولسا میموندان انسان اولماز

ایران اولوب سراسر پیر و جوان بسیجی
 ایرانه جان بسیجی جان قهرمان بسیجی
 وئر دشمنین جواین ای پهلوان بسیجی
 پیل دمان بسیجی شیر ژیان بسیجی

سیز اولماساز صفالی ایرانیم ایران اولماز
 عیسی معلم اولسا میموندان انسان اولماز

سۆز لر گلور کریمی گاهی اوجا گه آلچاخ
 یوخ عفت قلمدن حظون سۆزون تومانیچاخ
 هرکس گلوب بو خلقی ائتدی الینده قولچاخ
 خلق اولدی توده توده زنداندن قوتولچاخ

اشعاره دون گیندیر سۆز بيله عریان اولماز
 عیسی معلم اولسا میموندان انسان اولماز



صنم شوقی سالوب قلییمده ریشه
 صمد عشقینده گریانم همیشه
 بیلون قدرین بو بش گونلوق حیاتین
 اجل بیر داشدی جانلار مثل شیشه

مجلس تودیع

ای دریغا وصلها بر سوی هجران می‌رود
 از میان جمع ما شمع فروزان می‌رود
 سالها با صحبت جانانه الفت داشتیم
 جان به سوز اضطراب افتاده جانان می‌رود
 دوستان از جام غم مستند چون از بوستان
 باغبانی کاردانی از گلستان می‌رود
 سرپرستی با صداقت یا صدیقی باصفا
 از مراغه باوفا مردی به زنجان می‌رود
 یار ما آقای عبداللّهی آن مرد شریف
 می‌دهد غمهای غربت را به پایان می‌رود
 جمله کادر بانک‌ملّی از فراقش دل ملول
 چون فراق دوستان نیشی است بر جان می‌رود
 هر کجا باشد الهی از حوادث دورباد
 چون دعای خیر ما همراه ایشان می‌رود
 هر وصالی را کریمی یک فراق اندر قفاست
 میزبان را ساعتی سخت است مهمان می‌رود

مقام قارپزی

مقام قارپزینون منطقه ده شهرتی وار
 کسه سن کرسی باشیندا بیه سن لذتی وار
 نخودون کشمشیلن قات قیشی دولدور جیبوه
 قیزاسان بولمه سن اصلاً سویوقین زحمتی وار
 تبریزین کوفته سی آذرشهرینده سوجوقی
 اسکونین گل دوشابی بال کیمی خاصیتی وار
 ایلخیچی کشور ایرانه سوغان صادر ائدر
 هم یرآلماده عجب شیر آدی وار سبقتی وار
 بنابین قلبه یاتاندی کبابی گلبسری
 اهلینون ایشلماقا شوقی فعالیتی وار
 مراغا شهری ائدوب تکیه سهندین داغینا
 آدی تاریخه صفا داغدان اوجا همّتی وار
 سوجوغی وار بالی وار کشمشی وار پشمشی وار
 صابونی آلماسی وار آلچاسی وار نعمتی وار
 سدّ صافی چاینون منظره سین ائندی خراب
 سو کسیلدی گنده گزماقا خوش حالتی وار
 گرچه گیزلینده قالب اوحدینون مقبره سی
 تانیا بولسن اوجا گنبدینون رفعتی وار

هی دیوللر بیزه بوستانویز اوستان اولاجاق
 باشا گلور اوزی یوخی سؤزی وار صحبتی وار
 زادگاهوندی کریمی مراغا قدرینی بول
 وطنوندی دئمه غربتدی منه محنتی وار

دعوت

قبله‌گاها بعد از ابلاغ سلام
 سایه‌تان بر سر ما مستدام
 بنده منزل را مزین می‌کنی
 با قدوم خود برای صرف شام

قوناق

بعضی قوناق بنزر ایتین زادینا
 گیرسه شیشر چیخماقی آسان دگول
 پیس یارا تک اینجیدر ائو صاحبین
 بو یراقاندور بالا مهمان دگول

یک جلد مفاتیح الجنان کادو برای جشن تولّد
دوستم «ایلانی» تقدیم داشتم و بنگاشتم

کتابی که مفاتیح الجنان است
برای مؤمنان خوش ارمغان است
به ایلانی رفیق مهربانم
برای جشن مولودش نشان است
ایا ایلانی مولودت مبارک
چه نیکو ساعت و شیرین زمان است
الهی تا ابد خُرم بمانی
که خرم بودن عیش جاودان است
به نیکوئی رسی بر سالمندی
که نیکوئی طریق عارفان است
بترس از حرص و آز و کبر و طغیان
تواضع شیوهی اسلامیان است
کَیْم من تا کنم عُجب و تکبّر
تکبّر مال خلاق جهان است
ز عمرت بهر عقبا توشه بردار
که عمر اندر مَثَل آب روان است

علی فرموده خیرُ الزَّاد تقوا
 که تقوا مرد را کُهِف امان است
 نگهدارش خدا از شرّ شیطان
 که شیطان دشمن دین است و جان است
 الهی امتحانش را سبک گیر
 بلی دنیا مقام امتحان است
 کریمی را چه غم از رنج پیری
 که شاعر همچو اشعارش جوان است
 خودش گر می رود از دار دنیا
 کتابش در حضور این و آن است
 همیشه در مؤدّت پایدار است
 دعاگوی وجود دوستان است
 به پای دوستان خاکست و اَمّا
 به چشم دشمنان تیر و سنان است
 موفقّ بودنش در فنّ اشعار
 ز فیض ذاکر خلدآشیان است
 کادوئی نیست شیرین تر ز اشعار
 کریمی شاعر شیرین زبان است

آقای انزابدن بیر قطعه بیزیم قسمتیمیز

چوخ زاماندور آجیلارلا گئچر ایل ساعتیمیز
 هاچان الله گوره سن قورتولاجاق محتیمیز
 بیزی ازبسکه بلا غم خوناوا چولقالادی
 نه دوزوم قالدی نه صبر ایلماقا طاقتیمیز
 نه نشان قالدی صفادن نه صداقتدن اثر
 دوندی بیر پارچا داشا الفت و انسیتیمیز
 جان دیوب جان ائشیدن جانلارا دن دوشدی مگر
 داریخارکن آجیا چالدی شیرین صحبتیمیز
 سؤز قوتولمش دانشیق یوخ یا آغیزلار یومولوب
 یا که سوسماخلیقا یوخدور دئمه لی علّیمیز
 بیر مثل واردی بیزیم حالیمیزه یاخشی اوپور
 گرچه بو سؤزلره ترک اولمیاچاق عادتیمیز
 گویون اولدوزلاری دُرسه بیرى دوشمز باشیما
 دیه سن یوخدی بو دنیاده بیزیم قسمتیمیز
 آرازین داش قومی لعل اولسا بیزه بیر دانا یوخ
 یای گونی خزنیه گیرساخ دوناجاق
 آما تنها یر اوزونده دورا بیر قللی ذکر
 سوخولار تنز بیزه ازبسکه شیریندور اَتمیز

علمی افلاکه چکوب کشف ائلدی خارجه‌لی
 هله یاتمش یوخودا حوری گورور ملّیمیز
 ائله بورمانج ائلیوب بیزلری اُختای زمان
 حوری دنیانی دوتا ذرّه جه یوخ قدرتیمیز
 باهالقدّا بو طرفدن تپه‌سین تپدی بیزه
 قیمت آرتدیقجا اگیلدی آشاقا قامتیمیز
 اولدوخ اوچ باره‌ده شرمنده‌ی اولاد و عیال
 وار نه پول، وار نه معیشت نه ایشه رغبتیمیز
 بخت اگر یار اولا دوران‌دا موافق دولانا
 شن حیاتین گئچرینده بولونر قیمتیمیز
 امّا بو وضعیده گر فیرلانا اوضاع فلک
 وار یقینیم که تومانسیز قالاچاق کلفتیمیز
 بوشلا «انزابی» گئده قافیه آختارماقینا
 ادبیّاتده توپدان اوجادی شهرتیمیز
 ایکی‌مین بیت‌دن اشرفدی بو گون بیر پنبات
 قالمیوب مکتبه شعر و غزله رغبتیمیز

نامه‌ای از آقای عباس بارز ارسبارانی
و جواب آن در بحران خفقان رژیم شهنشاهی

سنسبز منه گوندوز شب یلدادی کریمی
گل گور نجه گوزیاشیمی دریادی کریمی



چو خداندی سنی گورمه‌میشم ای منه قارداش
هجرونده آخار سو کیمی گوزدن یوزه قانیاش
آرزوم بودی که بیرده گوریدیم سنی ای کاش
وصلون منه هر لحظه تمتادی کریمی
داغلار آرانی کسمسه اولماز بئله دشوار
تتز تتز گوروشوب ایلپه‌ریک دوسلاری دیدار
بو مشکلی سن حلّ ائله غمدن منی قورتار
باشیم دولوسی عشقه سودادی کریمی

انصاف ائله قارداش که گوزی یولدا قالان وار
حالی پوزولان رنگی سولان قلبی دولان وار
نه نامه نه قاصد نه گلوب یاده سالان وار
کیم‌دن سوروشوم بنده که هاردادی کریمی

بو ملک قرا داغدا تاپولمور منه همدم
 حالیم سوروشان غصّه‌دی دیداره گلن غم
 زندانه دونوبدور منه وسعتلی بو عالم

هر یاندان ایشیم شورش و غوغادی کریمی

سن یاخشی بیلورسن که سیخار عاشقی هجران
 رنگی سارالوب باغری اولار لاله‌کیمی قان
 درد ئولدیرر انسانی اگر اولماسا درمان

غم خسته‌سینه شعر مداوادی کریمی

دردیم بیریدی ایمدی گنچوبدور نچه یوزدن
 آل نشتری بیتله یارامی بیر بالا یوزدن
 بیرده نجه سئچسین بیرسی اگرینی دوزدن

دنیا نه یامان قورخولی دنیادی کریمی

اوغلان قیزی هر یاندا چکور بزم فساده
 غیرت کیمی‌مش شهریده سالمور بیری یاده
 نه قان تاپیلور خلقدّه قارداش نه اراده

آزادلقون اسبابی هویدادی کریمی

باشسیز قویونا بنزیری ایمدی بو جماعت
 نه شرم و نه وجدان نه حیا وار نه دیانت
 ایوای گوره‌سن بس هارا گنتدی او صداقت

شیطان بیزی آزدیردی نه اغوادی کریمی

قارداش سورینون اولماسا چوپانی دایانماز
 بشمین تومن اولسون قویون آج قورد اونی قانماز
 چوبان ائله یاتمیش که چیغیرساندا اویانماز

داشلی دره لر قوردلارا دالدادی کریمی

آرتدیقجا تمدن چوخالیر فتنه و عصیان
 قرآن و شریعتدن آچور فاصله انسان
 افساری قیریلیمیش دویه اوخشوری نسوان

آزادیدی هاردا، یدی خیخلادی کریمی

دانشکده لر ایشلری لاپ ایلدی تکمیل
 قیزدا قاریشوب اوغلانا علم ایلوری تحصیل
 سنده داداشیم مکتبوی ایلمه تعطیل

ساکت اوتوما وقت تقلادی کریمی

دجالی دونن کوچه ده گوردوم گوزی یاشلی
 باشی دوشی چلپاقیدی نه آلی قماشلی
 گورجک منی دوردی دندی یاز آی باشی داشلی

سندنده گوزل یازماقا اوستادی کریمی

هابیلله قاییلی او دم یادیمه سالدیم
 دریای تفکرده جوموب فکریده قالدیم
 شیطان نه زمان بس ئوله جکدور خبر آلدیم

چیخ گئت دندی اوغلان گوزی یولدادی کریمی

یازسام اوره گیم دردینی یوزمین بو قدر وار
 طول وئرمورم اما سؤزه دردسرون آرتار
 بیر نامه ده سن یاز منه ای مخزن اشعار
 عشقون منی لاپ گویلره قوزادی کریمی

حمال باشی گر ایلسه پالانینی ترمیم
 بیر یول قوتارار بیزده کی بو پیچ میچ و حیم جیم
 مندنده سلام ائت آتامیز ذاکره تقدیم
 بو طفل دبستانه او ملادی کریمی


بو نامه ده هذیان دانشوب هر یانا آزدیم
 یولسوزلارا قازما گوتوروب بیر قویو قازدیم
 بیر جمله سلامیله دعا آذره یازدیم
 جانیمی آلان هجر احبّادی کریمی



قولاقیم سسده دی گوزوم قاپودا
 یار گئجه گلمدی سحر گله جک
 گئجه م سحر اولدی سحریم آخشام
 بولمورم باشیما نه لر گله جک

جواب نامه‌ی آقای بارز

چو خدان و ورورام آتش هجرانه پر ای دوست
 هجرونده گوگل برگ خزان تک اسر ای دوست
 نامه‌ن یتشوب ایلدی رفع کدر ای دوست
 نظمونله منی ایلموسن مفتخر ای دوست
 گوندردیم اودور پیک صبادن خبر ای دوست



به‌به نه گوزل نامه بسی قابل تمجید
 هر جمله‌سی بیر موعظه هر کلمه‌سی تنقید
 قلبیمده ائدوب کهنه محبت‌لری تجدید
 آسدی دیه‌سن گلشنه باد سحر ای دوست
 گل‌تک آچیلوب قلبیم اولوب تازه‌تر ای دوست
 قلبونده اگر مهر و وفا اولسا کماهی
 داغلار دره‌لر سدّ ائلینمز سنه راهی
 قوی جبرئیلون باشینه قارداش بو کلاهی
 بو عذر و بهانه منه ائتمز اثر ای دوست
 ایمدی کرواته سفر ایلور بشر ای دوست

بیزدن نه عجب ایلمیسن پرسش احوال
قوی شرح ائلیوم کندیمیزین وضعینی فی الحال
یازماقدان او افصلدی گلوب بیر نچه گون قال

چون گورماق ائشیتماقدان اولار معتبر ای دوست

من باب نمونه یازیرام مختصر ای دوست

کندین هله اوضاعی بو گونلرده یاماندی
داغلار دره لر سئلدی دومانلیقدی بوراندی
گوزلر بره لیر اوستومه دیللمه آماندی

لال اول هله چون دیلدی نگهبان سر ای دوست

بیهوده دانیشماق منه ایلر ضرر ای دوست

هر گون یتیشور بیر خبر تازه بو کنده
هر آی قویولور بیر جوره اندازه بو کنده
هر ایل آچیلور بیر یکه دروازه بو کنده

حیرتده دی بو ایشلره صاحب نظر ای دوست

ایشلر گورونور بیر بیریسیندن بتر ای دوست

بیر کدخدامیز وار دیه سن قارنی کوهولدی
ایش یوخ پشه میز شام ناهارا ضرنا دهولدی
دوران دولانوب سن گورن اشخاصلر ئولدی

مش قربانعلی حاجقلی کبلای صفر ای دوست

کبلای غلام اوغلی اوزی نورلی جفر ای دوست

بیر عدیه گوندرمشیدون عرض تحیت
 افسوس اولاردان بیریده یوخدی سلامت
 ئولدی حاجی‌اسلام حاجی‌رحمت حاجی‌نعمت
 عزتقلی، ایمانقلی، ملاظفر ای دوست
 بیریر ائلدی دار بقایه سفر ای دوست
 قالمور بیرى فعلاً او سخالی کیشی‌لردن
 نورانی گوزل ریش و قبالی کیشی‌لردن
 ایمانی قوی آغزی دعالی کیشی‌لردن
 بعضیسی ئولوب بعضی اولوب دربه‌در ای دوست
 البته بودور کار قضا و قدر ای دوست
 عصمت سرطان دوتدی یازیق ئولدی قوتولدی
 عفت‌ده اونون آیریلقیندان تلف اولدی
 قدرت حاجی‌همت ائله بیردن بیره سؤلدی
 عزّت، عظمت، شوکت اولوب دیده تر ای دوست
 ئولدی حاجی‌خان دول قالوب ایمدی گهر ای دوست
 بیرگون واریدی کندیده هرزاد صلواتی
 مجّانی گوارا سولار اولدی کیلوواتی
 دن‌دن ساری یاغین یرینی آلدی نباتی
 ایمدی هانی بیزده او قدیمکی کمر ای دوست
 نه قولدا توان وار نه قلجدا کسر ای دوست

دورد آرواد آلاردی کیشی با حکم شریعت
اون صیغه قوشاردی اولارا با ید قدرت
اون دورد خانما بیر آقا ایلردی کفایت

اون ف.... گورردی بولا سال بیر ذ..... ای دوست

آرواد ائله آروادیدی آر ایله آر ای دوست

ایمدی کیشی بیر آروادی راضی ائلینمور
پسته توکولوب سئل کیمی دیش یوخدی یینمور
حسرتله باخور قویروقا بیر کلمه دینمور

بیر سؤز دئماقا گورمور اوزونده هنر ای دوست

آدی کیشیدی لیک نه زور وار نه زر ای دوست

ائتمش بو نباتی یاغی خلقی باجی قارداش
اوغلان سیخیلوب گوشیه قیزلار اولوب عیاش
نه بیر لوطی وار کتده نه بیر قلچماق اویناش

بو یاغ نجه گور ایلدی شق القمر ای دوست

باهم دولانور شهریده دختر پسر ای دوست

قویدی او زماندان که قدم کنده تمدن
ائتدی کیشینی آروادینا بنده تمدن
خیر و برکت قویمادی کوشنده تمدن

سالدی باهالیق خرمن صبره شرر ای دوست

نه ات تاپیلور ایمدی نه قندوشکر ای دوست

دویمیش کیشی‌لقدان هامی ایستور اولاه عورت
هر گون یازیق ایلور اوزینه مین جوهره زینت
قیز تک بزه‌نوب حیف قالب ائلچیه حسرت

چال اوینا آتیل دوش آدینی قوی هنر ای دوست

بوندان صورا یوخ بیزده صفای دگر ای دوست

باش ساخلماق ایمدی بو ولایتده چتیندی
یوزلر آچیلوب لاپ هامی سرتلدی سلیندی
ایشلر دگیشیلدی دیشی‌لر ارککی میندی

آخرده بیزی ائتدیله زیر و زیر ای دوست

یات یوخلا دایان بلکه آچیلسون سحر ای دوست

من راضیم اوغلوم بالا ایشلر بئله قالسین
قورخوم بودی بوندان بتر اولسون سس اوجالسین
کندین قاریشوب وضعی گلن بیر هاوا چالسین

بوندان صورا دنیاده گولن بیر دوداق اولماز

قالسان گوره‌جاقسان گورونن داغ اوزاق اولماز

مندن بو سلامی یتور احباب کرامه
شیدا و امینی ایکی اوستاد کلامه
هم نظمیه هم آذره هم مشدی غلامه

وقت اولسا اگر تبریزه سالسام گذر ای دوست

اوردان دولانوب ایلرم عزم اهر ای دوست

ای شیوه اشعاره فصاحتده مبارز
 خیل ادبایه ادبیاتده بارز
 دیندیرمه کریمینی دانشماق دگی جایز

ذاکر منه بیر پند وئروب مختصر ای دوست
 چوخداندی ووروب آغزیمه مهر خطر ای دوست



دوست ناشناسم جناب آقای
محمدرضای تهرانی با تقدیم سلام

صبا تو شیوهی مهر و وفا اگر دانی
 برو به کوی محمدرضای تهرانی
 ز من سلام بگو بر حضور انور او
 ازل سلام بُود شیوهی مسلمانی
 به نام نامی من تازه آشنا شده‌ای
 پس از خرابی بصره به عمر پایانی
 کتابهای من از مرزها گذشته کنون
 چرا تو غافلی از شعر بندهی فانی
 به عصر خویش هنرمند خوار و مغبون است
 که هست مرده‌پرستی شعار ایرانی
 کتابهای من اکنون به چاپ معذور است
 اشاره بهر تو کافی بُود اگر دانی
 کریمیا اثرت چون بجاست خسته مباش
 جبین به خاک نه از بهر شکر یزدانی

باخ - باخ

به به گوزل نگارده حُسن و جماله باخ
 ابرو و چشم لعل و لب و خطّ و خاله باخ
 تسخیره چکدی جانیمی جادوی چشمه
 ائتمز خطا، ختا و ختنده ماراله باخ
 هئچ گلستاندا میوه گورن یوخدی سروده
 گل گل بو سرو نازده جوت پرتقاله باخ
 گورسه گوزل جمالینی افطار ائدر فقیه
 گل آسمان حُسنده بیر جوت هلاله باخ
 بیر بوسه وجهی جان وئروم ناز ائدیر گنه
 گل بوندا ناز و چمخمه باخ منده حاله باخ
 رفتاری کبک نغمه سی بلبل اداسی ناز
 طاوس مسته دشت غزلده غزاله باخ
 دوشمش خانملارین الینه سرنوشتیمیز
 قوزا باشون زمانده قحطالرجاله باخ
 بسکه بو گون مقلّدی چوخدور خانملارین
 بیزده خانمدا ایستوری یازسین رساله باخ
 معشوقه قانمش عاشقین عقلی گوزونده دی
 گیسوی زلف عاریه مصنوعی خاله باخ

دورد پی دن اوتری پارت و پلو پست بیرده پول
 دنیای پنجروزده نقل انتقاله باخ
 بیر قطرهی منیده منیت تقدیریمش
 بش گون ریاست ائتماقا جنگ و جداله باخ
 یارب قیچی سینیدی بو میز ریاستین
 بیر هایهو و وحشت و قتل و قتاله باخ
 بش گون وکالت ائتماقا بو پخمه ملّته
 یر گوی اولوبدی عکسیله دارالوکاله باخ
 تبلیغله چکور هره اوز جنسینی گوزه
 شگر یرینه دوزدی باسولار چوواله باخ
 بقال داداش پنیر آدینا شور قورود وئیر
 توکמוש دوشابی طشته دیور شهد باله باخ
 غیبت یالان مخاصمه دنیانی دولدوروب
 تزویر و کید و حيله و وزر و وباله باخ
 شیرین و شور و تلخی قاتوب خلق بیریره
 صلواتله قرائته ضرنا قواله باخ
 عقلی گوزوندهدی هامونین باخما باطنه
 عقل و کمالی چال داشا مال و جماله باخ
 خالص حلال آختاریسان چیخ بو شهریدن
 گئت داغلارا بلاقداکي ماء زلاله باخ

پرونده‌لر قالب چورو یوب بایگانی‌ده

اوست اوسته قات باقات قالانان عرضحاله باخ

قرآنه وار مسابقه شطرنج و توپ کیمی

ایمانه باخ عقیده و عقل و کماله باخ

پولدان تانولاً مردی نه صوم و صلاتدن

آئیندا مهره باخما جیبینده ریاله باخ

سلمان اولا ابی‌ذر اولا سیم و زر گرک

پولسوزدا سرفکنده‌لقا انفعاله باخ

مهریه‌لرده سکه‌ی آزادی اوسته‌دی

بیر چینیم آتده قیمته عزّ و جلاله باخ

پولسوز جوان بو جامعیه بار دوشدی

هجر آتشینده یان گوزیوی تیک وصاله باخ

فرق ایلمز ایلان قره آغ چالسا ئولدیرر

سن رنگه باخما خاصیتین بیل خصاله باخ

هانسی قویون ملیر دریسی پوستین اولور

الده پیچاق چوبان دایانوبدی زوغاله باخ

آهو دونوندا بینوا صیّادی آلا‌دان

ببر و پلنگ و خرسک و گرگ و شغاله باخ

بیر عده‌نین فقط باهالیق قانینی آلوب

ضعف‌الرّیال اسیری غریق ملاله باخ

نه جیبده اسکناسی نه یوزده حیاسی وار
 ول ول گزن خجالت اهل و عیاله باخ
 بیر عده نین کریمی دن عقل انتظاری وار
 مردمه حُسن نیتّه باخ احتمالّه باخ
 عقل اولسا شاعر آز دانیشار آز بلا چکر
 شاید که، لا محاله دیوب لامحاله باخ



جوانلیقدا آز چوخ آدام کئف چکور
 قوجالیقدا یولسوز فلک قوسدورور
 یازیق بولموری هانسی دردین چکه
 مرض زور گلیر تای باسیر او

یا شانس

دئسم یوخدی شانسیم منی ئل قینار
 فلک فیرلادان چرخه مینسم سینار
 قراخت اگر مینسه طیّاره یه
 هواپیما اوینار اورک چیرپینار
 قطاریله ائتسه سفر طهرانا
 بخاری آچیلماز سویوقدان دونار
 دوتار ساختا طوفان دومان داغلاری
 داغا چیخسا شمشک شاخار اودلانار
 نه جور نو ماشین مینسه اوراق اولار
 شوفر زقینار هی ماشین اوتقونار
 شب شعره گتسه چراغلار گئدر
 یازیق مکرافون الده هی زقنار
 بیریندن چک آلسا اگر بوش چیخار
 بیرینه اگر نسیه وئرسه دانار
 اگر گتسه سلمانیه اصلاحا
 دولار پانبوقا اللی یردن قانار
 هتله آسانسور گیر ایلر یازیق
 داریخما باسار هی دقیقه سانار

قوناق گتسه اگلشه سرفرده
 باشیندا آشین کاسه سی فیرلانار
 قوناق گلسه آشپزخانا اود قاپار
 وورار باشه آغلار قوناق قیرجانار
 باغین حاصلین وئرسه هر تاجره
 اگر میلیانر اولسا تاجر سینار
 چیخار شانسینا بیر یونولماز قوهوم
 نه الله تانیر نه صداقت قانار
 کریمی همیشه گزر سؤز بزر
 قانانلار قانار قانمیانلار یانار



هر موعظه قلبه هیجان و حرکتدی
 نیسان یاغیشی هر یره یاغسا برکتدی
 دل دلدی که دللردن آلا درس نصیحت
 افسرده دله دل دئرم یخزده آتدی



سفر بخیر

سخن اوّل به نام حیّ و احد
 که اودور لم یلد و لم یولد
 بعد از آن بارها سلام و درود
 به ابوالقاسم احمد و محمود
 صلوات و سلام لیل و نهار
 سیزده تن ائمه اطهار
 الله شکر ثولمدوخ قالدوخ
 گینه اسلامشهره یول سالدوخ
 شب شعر ولایت مولا
 منعقد اولدی عالی و اعلا
 گنه منصوریان خوش اقبال
 مندن ائتمیشدی عالی استقبال
 من شکاری مفسّر قرآن
 عازم اولدوخ مراغه تا طهران
 پیشوازه گلوب گراوندی
 قدسی، واجد جمالی گورسندی
 خاصّه آقای لطفی قربانی
 گتوروبلر پڑو و پیکانی

خاطرات گذشته یاد اولدی
 اوره گیم فوق العاده شاد اولدی
 نچه زاد رفع ائدر کسالاتی
 بیریده دوسلارین ملاقاتی
 فیض دیدار قسمت اولدی بیزه
 فوق العاده محبت اولدی بیزه
 شب شعره گلوب اناث و ذکور
 شب رحمت شب نشاط و سرور
 اهل اسلام شهر و مسئولین
 آدیلار دوره می یسار و یمین
 علما با معیت اُمرأ
 رؤسا اهل معرفت شعرا
 بزم عیش و سُوریله دولدی
 شب شعر علی تمام اولدی
 یتشوب نوبه نیمه ی رجه
 روز سوک عقیلة العربیه
 کیمدی زینب عزیز جان بتول
 آتا قارداش امام جدّ رسول
 نه خانم عمّه ی امام زمان
 آدینی انتخاب ائدوب یزدان

بویوروب مهدی یگانه نسب
 و علیکم بعمّتی زینب
 نجه کیم گون گلنده آی گلمز
 زینبه دای جهاندا تای گلمز
 هاشمی قُمدّا نصب ائدوب پرچم
 خانما اون گئجه دوتوب ماتم
 نوحه خوانلار گلوبله هر یاندان
 نوبه نوبه کلامی زنجاندان
 منده فیض مجالسه چاتدیم
 خلقی گه گولدوروب گه آغلاتدیم
 هاشمی واعظ موقّردی
 همی شاعر هم اهل منبردی
 ائوینی دارالاعتلاف ائلیوب
 دفتر حلّ اختلاف ائلیوب
 گلدی بیر عدّه شاکی دفترینه
 دلدّه عرض گلایه محضرینه
 بیر بونوندان آسلیوب قولونی
 بیرینون هس دوتور بوغاز یولونی
 بیر سسلور اونون ایپین قیرّام
 منه بیر سؤز دئسه چکوب جیرّام

هرهنی بیر دلیله رام ائلدی
 جنگ مغلوبه‌نی تمام ائلدی
 دئدیم آقای هاشمی احسن
 همی واعظسن همدہ قاضی‌سن
 موسوی سید بلندتبار
 دعوت ائتدی وئروبدی یاخشی نہار
 قُمدَا معصومه قبری جنتدی
 شیعہ مرکز زیارتدی
 قُم دئمہ خلقہ کعبہی آمال
 منبع عزّت و جلال و کمال
 قُم نہ قُم مکتب علوم رجال
 حوزه‌سی حکمتیله مالامال
 قُمدَا معصومہ‌نین زیارتی وار
 کربلا تک هوای جنتی وار
 او خانم فخر آل‌عصمتدی
 قاپوسی منبع کرامتدی
 گئتدوخ آیری عفیفہ تربتینہ
 کھکھ زینبین زیارتینہ
 بیر خانمدی خانملارین تاجیدی
 اودا معصومیہ گوزل باجیدی

باجیسیندان صفالیدی قبری
 هاردا وار بیر امامزاده ی پاک
 غبطه ایلر او تربته افلاک
 او گوزل مرقدی طواف ائلدوخ
 اوردا بیر ساعت اعتکاف ائلدوخ
 زایر اولدوخ نماز ادا ائلدوخ
 ایکی چای صرف اولوب صفا ائلدوخ
 هم جوانشیر نوحه خوان صدیق
 هم صفا یار باصفا و شفیق
 قییدوب قُمدای ظهری شام ائلدوخ
 هاشمی منزلین مقام ائلدوخ
 اوچ گئجه محضرینده فیض آلدوخ
 او وفا پروره قوناق قالدوخ
 حاجی شیخ فاضل عالم مشهور
 بیزی بیر سوریلده ائدوب مسرور
 گوز که دویماز او بزمی گورمکدن
 بال کره کله پاچه خدکدن
 الغرض قُمدان ایلدوخ رجعت
 گنه منصوریان ائدوب دعوت

بیر قوناقلیق وئروبدی احبابه
 خبر ائتمشدی جمله اصحابه
 گنه جمع اولدی باشیمه اُمرّا
 فضلا اهل علم هم شعرا
 اوخودوم شعر مجلسی قاتدیم
 گولدوروب گاهی گاه آغلاتدیم
 باجیم اوغلی جواد گراوندی
 آتاسی با کمال خرسندی
 قدسی، واجد، خدائی، قربانی
 هاشمی اهل فضل روحانی
 گز دیروبلر حقیری هریانی
 قُمی اسلامشهری طهرانی
 باصفا کافّه لرده چای قلیان
 وَ لَکَ الْحَمْدُ یا ذوی الاحسان
 واردی بیر کاروانسرای قدیم
 اوچ یوز ئیللوق بنا، رباط کریم
 قوناق اولدوخ رئیس ارشاده
 مرد فاضل آخوند عزیزاده
 آداما بیر دیزيله نوشابه
 نسگل اولسون تمام احبابه

کاروانی کوچوب سراسی قالبوب

طمطراقی گئدوب نماسی قالبوب

یاخشی میرائیدی گئچنلردن

آیریلیق جامینی ایچنلردن

حملهی باد و برف و باراندان

انبساطین وئروب دوشوب جانندان

پارا دیوار نه مرور زمان

نقش ائدوب کلّ من علیها فان

هانی بو کاروانسرانی سالان

دنیا باشند باشا یالاندی یالان

کهنه بیر کاروانسرادی جهان

گئجه گوندوز دوشور کؤچور کروان

اولدوق اوردان روانه داش قالیا

مین یوز ئیلدن بناسی باش قالیا

نجه قلعه نجه حصار حصین

طول تاریخ داغلیوب سینه سین

بیر زمان جایگاه عیشیدی نوش

غرفه سینده بالا قویوب بایقوش

هانی بو قلعه ده قالان خانلار

نیه خالی قالبودی ایوانلار

بنزیری بیر قوجالمش انسانه
 ئل ایچینه اولوبدی بیگانه
 داغیلوب دوره سیندن اقوامی
 غمیلدی اسکلت تک اندامی
 دئمه من شاعرم سؤز آختاریرام
 عبرتیه باخان گوز آختاریرام
 وورمشام عبرت عینکین گوزومه
 یازدقیم پندی یازمشام اوزومه
 اول انسان اوزون ملامت ائدر
 صورا اطرافنه نصیحت ائدر
 عالم بی عملده یوخ بهره
 پند شیرینی اوخشویار زهره
 عاملم علمیمه بقدر توان
 شعریمه مشتریدی پیر و جوان
 من کریمی مراغه شاعریم
 تا سؤزوم واردی ئولمرم دیرییم
 باخون اشعاریمه اولون دلشاد
 صلواتیه ایلون منی یاد

اشغال تلفن

آی خانم اللّٰها باخ تلفونی اشغال ائلمه
دوتموسان بسدی بوراخ تلفونی اشغال ائلمه



بیزه نه مشولینون اوغلی اولوبدی ژیگولی
بیزه نه بورجعلی بیگ ترسه ووروبدی فوقولی
بیزه نه فاطمانسانین قیزی دوغمش دوقولی

بو وسیله اوزی نعمتدی جماعتدن اوتور
واجبی ایشلریچون خاصّه تجارتدن اوتور

بیر ناغیل باشلامسان نه انی وار نه اوزونی
بیزه نه مصمهنین احمد بوشویوب بالدیزینی
سیندیروب حکمعلی اوز آروادینون یانبیزی

اختراعات جدیده بیزه نعمتدی هله
داز باشا شیرلی داراق، قوندارا باشماق چوله

وئرمشوخ قدرتی جدّیتی بیز انگیمیزه
سؤزولن وقتینی آللوخ دوشه کیم چنگیمیزه
بو صنایع هله جور گلموری فرهنگیمیزه

بابا تلفوندا آدم سؤز دییر افسانه دئمز
ایکی ساعت طرفین وقتینی آلامز سریمز

ازبر اولموش دیلیمیزده گنجه هم گوندوز الو
درد الو سانجی الو جانوه دوشسون دوز الو
آغزیمیزدان ایکی ساعتده چیخور بش یوز الو

هله بو دبديه خلقیمیزین یوخ چیخاری
بو ولایتده هله چایلار آخور باش یوخاری

نصف شب زنگی وورار فوری او یاننام یوخودان
قاچارام گوشینی سرعتله گوتورم نگران
الو، بعلی اورا حمام صونادی ائودی دکان

دییرم آی ددهمین دردی یاپیشسون بی بووه
منی بدخواب ائلدون سویله نه گیردی جی بووه

ملل راقیه ایستور بشری راحت ائده
بشرین راحت و آسایشینه خدمت ائده
گون به گون صنعتینه شهرتینه دقت ائده

آدی مسلم قویو قازماقدادی دین قارداشینا
گونده بیر بوک تیکوری قویماقا خلقین باشینا

بابا تلفون یارانیب رفع نیاز بشره
نه که تفریحیله خلقی سالاسان دردسره
گوره سن زلفعلی ائولندی، خاتین گتدی اره

خجه نین بیر نوه سی اولدی دیوللر چریدی
گوشینی قوی یره تلفون نه بو سؤزلر یریدی

بسدی کهلیک کیمی قاقلداما تلفوندا خانم
 خط دوشر خطّه پشیمان اولاسان صوندا خانم
 سنه نه تازه خبر وار تلویزیوندا خانم
 پخش اولور خارجی برنامه لر اسلام آدینا
 کفنی قابلا دیلار سنگیوه احرام آدینا
 خانمین آنکی قیزوب صحبتّه تئز تئز دانشور
 گوشه الده گهی تلفوندا کوسور گه باریشور
 ناگهان اود دوتوب آشپزخانا گازدان آلیشور
 هرزمان که ایشی تاپشوردولا نااهل الینه
 ایله بول وئردیله قرآنی ابی جهل الینه
 ایشلین ال اولارا دوشدی فعالیتلن
 آجی توستی آجی دل چاتدی بیزه قسمتلن
 مرگ بر انگلیس آمریکا چیغیر شدتلن
 دشمنین قوت بازوئه سیندیر بئلینی
 دله وئرمه عملونله طرفین کس دینی
 آز دانش تلفونی اشغال ائلمه حنجره دن
 قیزوب آنگون اوشاق ایستور یخیلا پنجره دن
 گهی داغدان گهی باغدان تپه دن گه دره دن
 الی آرخین سویونی قاتما خانم بیریرینه
 اوزگه نین وقتینی آلاماز آدام اوز خاطرینه

بیرده تلفوندا بالام هر سۆزی بی پرده دئمه
 گئچه سن بنده خدا کرده و ناکرده دئمه
 اورگون شیشسه سۆزون مرده دی نامرده دئمه
 سۆز آغزدان که چیخور قیمتی سنگیندی خانم
 یره که دوشدی سینار ظرف بلوریندی خانم
 هر سۆزی هر قولاقا گوبسمه دردر آچار
 سۆز آغزدان قوتولاندا یکهلر شهیر آچار
 اهلینه سات سۆزی زر قیمتینی زرگر آچار
 هر سۆزی اهل نصیحت که دییر هر قولاقا
 دوهیه شیشکی سالماقدی یا چمدیک اولاقا
 ایکی مطلبدی که انساندان ائدر فرصتی فوت
 دینمین وقته دانیشماق، دانیشان وقته سکوت
 گوشینی قویما الوندن اونی بوشلا بونی دوت
 آی باشی قبض گلنده گولرم احوالووا
 ترلین وقتده مینلیکلی اینوی حالووا
 دلی شیطان دیوری تلفونی وئر کونتورولا
 قولاقی بیر بورولا بیر نچه شالاق وورولا
 بلکه بو ضرناچی جارکش پولمکدن یورولا
 چکه لر دیشلرینی ضرناسینی سیندیرالار
 تنگه گلدوخ بابا بسدی بئله ده بیر ایش اولار

دئمه تلفوندا که بیر عدّه آجیندان سارالیر
جیب کسنلر توکولوب مملکته خلقی تالیر
یوک باسیر مفلسی یوخسول نفسین دالدان آلیر

ای مزاحم یورولان کارگری قوشق ائلمه

قولاقیم باتدی گئده گوشینی بوشلا پولمه

پوله منده باباوین گورونا آ..... پولرم

سن اوطاقدان پولوسن منده ماوالدن پولرم

سن آغیزدان پوله سن منده موتالدان پولرم

سن قویون من گئچی باهم مله یولداش ملیاخ

آتدان اوستن ایکی میزده پوله قارداش پولیاخ

پوله گون حیف ائلمه قوی قالا مانقال باشینا

سن که عادت ایلوبسن بالا مانقال باشینا

نعشهوین وقتی گئچور یورقالا مانقال باشینا

توستی چک توستی پوله توستویه وار چوخ هوسون

جان سنون حوقا سنون چک نقدر وار نفسون

هی پوله یلله اتکله داخی یانماز اوجاقون

وار یوخون غارته گئتدی بوشالوب بور بوجاقون

ایمدی گئت کلیه وی سات خشله چاغ اولسون داماقون

آج قودورقون اولی لوت اویناغان آی کول باشووا

ئول قوتول دردسر آچما باجووا قارداشووا

من دلی سن دلی بیگانه دلی یار دلی
 ائو دلی شهر دلی کوچه و بازار دلی
 تلویزیون دلی رادیو دلی اخبار دلی

پوله بلکه بو جهالت توزی دلدن سیلینه

پوله تتز تتز قولاقیم یا ائشیده یا دلینه


باخ کریمی نین ائوی بیر بالا تلفونخانادی

بش اوغول بش گلینه تلفونمیز بیر دانادی

دوزولوبلر صفه گل گورمه لی بیر فرتانادی

زنگ وورسان بیزه، دؤز آی دا باتاندان صورا وور

گئجه گئچسین یاریدان خلق یاتاندان صورا وور



آلدیقون بیر کیلو آتدی ایکی شام اوچ ناھارا

اوداکی یاندی نخودلار هاموسی گئیدی قارا

سماوار یاندی کول اولدی باشووی قویلا قارا

گوشینی قوی یرہ تتز گل فیلیمه ائت تماشا

یدی ایچدی یرینه گئچدی ناغیل چاتدی باشا

دئمه تلفوندا که قرآنی قاتوبلار قاوالا

قاریشوب آغ قرهیه شور شیرینه سرکه بالا

حمل بر صحت ائله یوم گوزووی باس چووالا

سؤزه باخ گیج دانا تک قالما ناخیردان دالیا

گرک انسان گیرینه هر نه گئچور شاقالیا

دئمه تلفوندا که اوردک گئدیری قاز یریشین
جامعه فرقینی بولمور قیزیلیلا گومیشین
قارنوون فکرین ائله بیر دادی وار هر یمیشین

نه حرام و نه حلال باخما خانم آغ قرهیه

به جهنم دئدیلر سور درهیه سور درهیه

صادراتین قاباقین آلدی خیانت بدرک

هی بیر اوجدان سینوری اهل تجارت بدرک

یینوا شیطانا قالدی قوری لعنت بدرک

یازیق ابلیس بنی آدم آدیندان چکیلور

هاردا انسانی گورور تئز بو طرفدن اکیلور

من آلواننام آلو سسلنرم سن پولوسن

عصبانی اولورام هیسلنیرم سن گولوسن

داش یامانسین یوزیوه هئچ آرییورسن ئولوسن

ائلیوب بسدی یالان سؤزلره عادت قولاقیم

پولمه بینوایام قوی قالا راحت قولاقیم

خارجه صنعتی گوتدی مودو گوندردی بیزه

یدی ایچدی یالادی قازماقینی وئردی بیزه

باسدی نیرنگله درمان آدینا دردی بیزه

هروئن تریک حشیش نغشه بیزیم شانس بیزیم

تلیفون کامپیتر ویدیو اونون دانس بیزیم

هروئین گور نجه بو ملّتی پیس حاله سالوب
دوخسان ئیللیق قاری تک تازه جوانلار قوجالوب
گوز چوکوب رنگ قاچوب غنچه دوداقلار قارالوب

تپه دن دیرناقا قیر توستی دوتوب رگلرینی
یازیقین گورموسن آنندا خجالت ترینی

آدی مسلم ایاقی آتدا سالوب احکامی
هره دن بیر شئی اوغورلور آقا، دین دن نامی
کاش اوزی کافر اولیدی عملی اسلامی

الی اگری دیلی اگری اوزی چیدی سؤزی چپ
سوخا سوخدی چکه چکدی باساباسدی تپه تپ

قویمور ئل طایفا منی اوز باشیما ایش باشارام
هر گلن دانلاماسا آروادی اوّل بوشارام
ساتارام رادیونی تیلویزیونی راحت یاشارام

چکرم تلفونی کوکدن سیمی قیرّام آتارام
قولاقیم بیرده یالان سؤزلر ائشیدمز یاتارام

انزابدن خطاب

ای محتشم ادیب سخن پرور ای صابین
 هرچند ادبه «انزاب» اولانماز سنون تاین
 جانسوزدور کریمی نیوندن چیخان نوا
 محکم دایان بوشالماسین ای محتشم یابین



قارا خال لعل لب ناب اوسته
 نقطه‌ی نون اولوب عتاب اوسته
 زلفین افشان ائلینده یوزونه
 بنزیری هالیه مهتاب اوسته
 چک کناره تلیوی قویما دوشه
 سایه اول مهر جهانتاب اوسته
 گول یاناقوندا دوشن دانه‌ی خال
 داغ اولوب لاله‌ی سیراب اوسته
 نولی بیر بوسیه مهمان ائده‌سن
 اوره‌گیم یاندی تب و تاب اوسته
 تاریخین قصه‌لری تازه‌لنور
 رستم آغیر گنه سهراب اوسته
 آتا اوغلون باجی قارداشی دانور
 به‌به‌لر چاقو چکور باب اوسته

بیر زمان پهلوی لر حاکم اولوب
 ساواکی توکدوله طلاب اوسته
 نه رسائل نه مکاسب نه اصول
 جیردیلا توکدوله ابواب اوسته
 ساواک آتدان قوتولان آج ملت
 تیرینی شوشله دی پرتاب اوسته
 شانس دوردی پشیگه چاتدی قاناد
 سرچهنی زورلادی میزاب اوسته
 انقلاب ایلدوخ اللهدان اوتور
 جنگه باخ شهرت و القاب اوسته
 کیم عدالت سؤزینی آچسا گرک
 شقه لنسین باشی محراب اوسته
 جوربه جور ایشلره اولدوخ عصبی
 قویدی سوء اثر اعصاب اوسته
 سؤزله خلقی مگر آلا تفاق اولار
 نه زمان نقش قالار آب اوسته
 خفه لنماقلا سودا قال میاجاق
 آتاجاق مُرده نی مرداب اوسته
 بیر زمان مسخره اولموشدی حجاب
 ایمدی آغ نور هامی چرشاب اوسته

فاب ساتیلمازدی وئردوخ اوروسا
 ایمدی قول قیچ سینوری فاب اوسته
 گلمدی سو گلیفی یاش ائلدوخ
 حمله ائتمش هامی میراب اوسته
 قوی هله بختی یاتان ملتمیز
 گمی تک فرلانا گرداب اوسته
 بولمورم رمزینی بو، آتده نه وار
 گون به گون قوزوری قصاب اوسته
 بئله گئتسه ئوله جاق آرواد اوشاق
 چاره نایاییدی کمیاب اوسته
 گنه بوندان بئله آرواد دوزوری
 سفرده بشقابی بشقاب اوسته
 آی ضعیفه بو نه ایشدی دی گوروم
 قویا جاقسان نهیی بوش قاب اوسته
 گئچمشین حسرتی هر دم آخیدیر
 اشگ خوناییمی خوناب اوسته
 مطربا غصه داریخدیردی آپار
 صحبتی تاريله مضراب اوسته
 ساقی تنگین باشین آچ توک قدحه
 آتشین شربتیی قنداب اوسته

قوی آپارسین اوره گیمدن کدری
 گلمه سین غم سئلی سیلاب اوسته
 قالمشام دوست کمندینه اسیر
 قویمشام عمریمی احباب اوسته
 رندم اوقاتی می صرف ایلمیشم
 روز و شب خدمت اقطاب اوسته
 هرکیمه پیر دیوب دوره له دوخ
 زوغالین یاغلادی اصحاب اوسته
 منه اوستاد گوزل نامه یازیب
 یری وار نصب ائلیم قاب اوسته
 لطفی شاملدی ولی ایلمه سین
 حامدیلن جدل «انزاب» اوسته
 ای صبا عرضیمی طهبازه یتور
 گذرون دوشسه میانداب اوسته
 سوله ای خوش دانشیق خندان رو
 لطفی بیر آز آپار ارباب، اوسته
 دل فراقوندا بالق تک چابالیر
 چابالار ایله که قُلاب اوسته
 هم کریمینی گوروب عرض ائده سن
 گوزومی قویما قالا باب اوسته

وقتون اولمور یاز اقلأ ایکی خط
 سوق وئر «انزایی» ارغاب اوسته
 یازیرام بونلاری بیر حالدہ کیم
 گوزلریم میل ائدیری خواب اوسته

کریمی دن جواب

مین دن گئچر حساب ائلسم دوسلارین سایین
 اما هله تاپانما مشام «انزاین» تاین
 مین بندهیم تصدقویمله دگیشمرم
 آیریلجا قین ماشیندا اونون مرسی بای باین



عمری صرف ایلدیم اشعار اوسته
 قانمادیم نفعیمی بازار اوسته
 مرغ طبعیم دولانور شانه کیمی
 خال و خط زلف سمبار اوسته
 جانیمی ثروتیمی فرصتیمی
 قویمشام طبع گهربار اوسته
 هله من فکر ائدیرم قافیه ده
 گئتمه سین قافیه تکرار اوسته

نه عروض و نه بدیع و نه بیان
 شعر نو ایشلیری تالار اوسته
 هر الیف بی اوخویان شاعر اولوب
 زقینور زور وئورر اجبار اوسته
 من او لیلایم اوتوزدوم واریمی
 یاتمشام ایمدی تولانبار اوسته
 یا او منصورم انالحق دیرم
 گردنیمده دوغاناق دار اوسته
 مرشدیم خرقه‌ی ارشاد وئروب
 خوشام اورادیلہ اذکار اوسته
 هفت‌شهر هنری سیر ائلدوخ
 من به زیر گذر عطار اوسته
 ای زمانه منی فرض ائتمه خلیل
 منی چکمه محکه نار اوسته
 عینکیم ترسه باخور جامعیه
 گورورم کاکلی دستار اوسته
 قیوریلار افعی یاتار گنج اوسته
 ایشه باخ گنج قالب مار اوسته
 دای مینوبدی بابانین پیسرینه
 دایی دای آتدا قالب بار اوسته

مانتو خفّاشی قیزین رنگین آچور
 آت چوله چارشابی شلوار اوسته
 کافر ایمانی نقاب ائتدی یوزه
 آرم دین نصیدی زنّار اوسته
 معنویاتی یخور مادیات
 دینده گئتدی بادا دینار اوسته
 تولکی لر میندیله شیرین بئلینه
 نجه کیم سرچه مینر سار اوسته
 گئج دوغولدوم نه نه دن گنج یاشادیم
 جهلیمه گلیمیشم اقرار اوسته
 نولی یاریم دیه جان دعوتیمه
 نجه دکتر گلی بیمار اوسته
 وئرمیشم بایقوشا گلخانه لری
 بلبلیم یاسه باتوب خار اوسته
 دوو پیکان پژیوا ناز ائدیری
 «هی» دیردی اوکه جار جار اوسته
 قیزیلیلان قیزیلین فرقی بودور
 او جومار آلتا بو قالخار اوسته
 مشت خرواره نمونهیدی ولی
 مشته موش یدی خروار اوسته

چىخماسىن قىلباش او بارماقلارىوا
 مطربا گزدير الون تار اوسته
 دلده كه نه هيجان وار نه رملق
 گوبه لكدى گويروب قار اوسته
 سazyوى كوك ائله سوزيله دانش
 يورولوب خسته دل، افكار اوسته
 داغلارين باشى دوماندى منه نه
 منى قوى خلوتيله يار اوسته
 بيزه نه قارقا قونوب نى شكره
 طوطىنى قوودولا مردار اوسته
 ياراديب بلبلى خالق قفسه
 قوى گزه قوزقونى گلزار اوسته
 حال طهبازى سئوال ايلميسن
 چكميسن لطفوى سرشار اوسته
 نچه مدّتى اولوب بازنشست
 دولانور منطقه نى كار اوسته
 چىخمورى خلوت اوطاقدان ائشيكه
 موجى اللشديرور اخبار اوسته
 جوانا ايش تاپيلور تا قوجويا
 گئت سيغار ساتماقا بلوار اوسته

خیاباندا ایتی وورسان داشیلان
 س... جاق دیپلم بیکار اوسته
 یوللورام، حامده انزابه سلام
 سرمشم عشقیمی طومار اوسته
 گر کریمینی سوروشسان «انزاب»
 گوندی آخشام چاغی دیوار اوسته
 قیشدا بیر قول وئروبسن گلهسن
 آدیمیز ثبت اولا زوار اوسته




«آی قارین»

آی قارین کوپ دوتاسان دوی منی رسوا ائلمه
 بیر اوزون دویماقا مین مفسده برپا ائلمه
 شیشه سن پاتدیاسان چاتدیاسان دینجله سن
 آز یی آزاده دولان بیر بئله دعوا ائلمه

الدين دو تماق على دن قالوب

گلون اسفند آینی لاله لی خرداد ائلیاخ
غملینی غصه لینی غصه دن آزاد ائلیاخ



گلون ئیل تازه نور بایراما پیشوازه گنڊاخ
گول دیاخ گول ائشیداخ باهم اولاخ شادلیق ائداخ
کوسمیش اولساخ باریشاخ تفرقه لردن قیداخ
شاد اولاخ بیکس و بیچاره لری شاد ائلیاخ
جشن گلریزی دی گول گللری خندان ائلیاخ
گول سپاخ گل دوشوراخ شهری گلستان ائلیاخ
دست همیاری آچاخ بیریره احسان ائلیاخ
سرطانی لره ناخوشلارا امداد ائلیاخ
صفت جود و سخاوت بشرین زیوریدی
ئولمیوب زنده دی دنیا بویی حاتم دیریدی
هرکس الدن گلن الدن دوتا بیلسه یریدی
قرض و احسانله ماتملری اعیاد ائلیاخ
بیز که جمع اتندیقیمیز ثروت امانت قالاجاق
مالیاتله عوارض الیمیزدن آلاچاق
من ئولندن صورا دای کیم منی یاده سالاجاق
ئولمه مشدن گلون احسان ائوین آباد ائلیاخ

چوخلاری مارکی دولار اوستونه قات قات قالادی
 دولدوروب کاسهی آمالینی بیردن جالادی
 خانمین صونکی آری قولارینی چیرمالادی
 دئدی کیف جوهرینی آغزیمیزا داد ائلیاخ
 نه گوزل سؤز دئدی سعدی اونا مین دفعه درود
 شرف مرد به جود است و کرامت نه سجود
 هر که این هر دو ندارد عدمش به ز وجود
 گلون ایثار و کرمدن هنر ایجاد ائلیاخ
 بش گون عمری کئفه باخ گیماقا خشله یماقا
 هاردا گوردون یخیلان وار الون آت قوزاما
 خوش مثلدور که یغالار آشقی اویناما
 قیز چوکور داخ سوبای اوغلانلاری داماد ائلیاخ
 یوخسولا یوخدی قلم چون یوخا سؤز یوخ آقالار
 آج قاریندان گئجه لر مین جوهره آواز اوجالار
 توخ قارین نعهش لیدی صبحه کیمی فیشقا چالار
 یمین خشله یمین وارلیا ایراد ائلیاخ
 دنیا عبرتخانادی گیرمه صلاحه فسادا
 قره گونلی سوغانا باخ نجه دوشدی کسادا!
 بختور سیب زمین تاخجادا اوینور کاسادا
 سبزیه گردکانا نقشه چکاخ یاد ائلیاخ

گئچن ئیل سرمايا تنخواهیدی تجّاره سوغان!
 بو ئیل اما توکولوب کوچه و بازاره سوغان!
 دئدیم اولما ات آجی بیر بئله بیچاره سوغان!
 سوزشوندن قدر ناله و فریاد ائلیاخ

ایمدی قال توربا تلیسده خفه لن بوغلا سوغان
 تلیسین هر طرفیندن شیش اوزاد زوغلا سوغان
 وئریر آلما داداشا میدانى سن دیغلا سوغان
 درس آلاخ مسئله دن ملّتی ارشاد ائلیاخ

گلون ایمان باغینا سو وئراخ آرامشیلن
 بزه یاق همّت ائوین زینت و آرایشیلن
 یاشیاخ عزّت و انصافله آسایشیلن
 شاد اولاخ شاد یاشیاخ ئل لری دلشاد ائلیاخ

ای کریمی سؤزووه مشتری وار قویما نازا
 ات آجی اولما سوغان تک ایاقون قویما گازا
 تازا سؤزلر یاز عاشقلار سؤزووی سالدی سازا
 بیزده هر بیتوی تحسینیه تعداد ائلیاخ



لن تُنالُ البرَّ حتّى تنفقوا ممّا تحبّون

عزیزان شاد و خندان گل بریزید

به یاد نوبهاران گل بریزید

برای جشن گلریزان در این بزم

به پای میهمانان گل بریزید

شب عید است و جشن نیک‌کاری

الا ای نیکمردان گل بریزید

عزیزان توشه بردارید از عمر

برای مستمندان گل بریزید

کریمان، دست بی‌چیزان بگیرید

در این ایّام احسان گل بریزید

برای بینوایان دردمندان

به هر نحوّ و عنوان گل بریزید

در جنّت به روی خلق باز است

به وجه باغ رضوان گل بریزید


ز «حتّى تنفقوا ممّا تحبّون»

به استقبال قرآن گل بریزید

به هریک صد دهند البتّه پاداش

عزیزان حتّى الامکان گل بریزید

درخت میوه باشید از سخاوت
 به بستان و گلستان گل بریزید
 خدای ما کریم است و رحیم است
 کرمداران کریمان گل بریزید
 دو روز است این بهار زندگانی
 به فردای زمستان گل بریزید
 در این سال علی همّت گمارید
 به عشق شاه مردان گل بریزید
 به اشعار کریمی بهر تشویق
 عزیزان نازنینان گل بریزید



دولدورسا جهانی ناز و نعمت
 عارف دایانار دیلینده وورماز
 گویدن باشینا قیزیل آلتسه
 باخماز یوخاری الینده وورماز

فرزانه‌ی دوران

گنجینه‌ی سرشاریدی گفتار کریمی
 سازنده و پاینده‌دی افکار کریمی
 فرزانه‌ی دوران پدر طنز معاصر
 پند و هنر و علمیدی پندار کریمی
 داغلار نقدر جاه و جلالتلی اولارسا
 داغداندا جلالتلیدی مقدار کریمی
 ایرانی اویاق ائتماقا صرف ایلوب عمرین
 دین و هدف عشقیدی معیار کریمی
 مین‌چهره‌لی انسانلاری رسوا ائلیوبدی
 شمشیر قلم تیغ شرربار کریمی
 اشعار عبیدالله زاکانیدن الآن
 سبقت آلوب الحق گوزل اشعار کریمی
 هر بیر سؤزی گل‌واژه‌ی عرفان و حقیقت
 خوشرنگ و صفابخشیدی گلزار کریمی
 آتشکده، بستان و گلستانینه باخسان
 طوفان ائلیوب عشق سزاوار کریمی
 بزم‌غمه، زینتدی اونون، شعله‌آهی
 هم مرثیه هم نوحه‌ی غمبار کریمی

«آذر»^۱ نَقَدَرِ وَّارِدِ اَثرِ شَعَرِ وَّ اَدَبِ

کهنلمیه جاق دهریده آثار کریمی

هر بیر سؤزین حقیّتین اعلان ائلیوبدی

دینه وطنه خدمت شایان ائلیوبدی



بویوک انسان عزرائله اگیلمز

شهامتله جان آلانا جان وئور

امیرکبیر کیمی حمّام فینده

گوله گوله قان آلانا قان وئور



بش اون گون که زمانون خوش زماندی

هوای نفسه تُولانما آماندی

یاپیش السیز ایاقسیزلار الیندن

چورک کسمه چورک کسمک یاماندی

لطایف و ظرایف

ساقیا می ساغرین توک قلب سوزان اوستونه
 بارش احسانی یاغدیر نار حرمان اوستونه
 قاشلارون خنجر کیمی قان توکماقا آماده دور
 اوینادیرسان بولموسن هی قان توکور قان اوستونه
 گوزلرون صیاد اولوب قاشلار کمان کیپریکلر اوخ
 وور یارالی قلبیمه پیکانی پیکان اوستونه
 قاره خالون گوشه ی لعل لبونده اگلشوب
 کیم قویوب هندونی یارب آب حیوان اوستونه
 چوخ گنجه صبحه کیمی هجرونده اولدوز سایمشام
 گون چیخینجا قویمادیم مژگانی مژگان اوستونه
 سیخما اینجیتمه یارالی بیر شکاروندور گوگل
 سرچه لر ترلر ترسدن ترپنسه طرلان اوستونه
 غبطه ایلر مرغ روحیم شانه نین اقبالینه
 گور نه نازیله قونوب زلف پریشان اوستونه
 قوی سالیم قول بوینووا باخسین آجیخلانسین رقیب
 میمونا باخ دیرماشیب سرو خرامان اوستونه
 اوستومه غم لشگری هر سمتدن اولمش بسیج
 گوئیا صدام ائدوبدور حمله ایران اوستونه

سرزنش تهمت مذمت اوستومه ایلر هجوم
 فی‌المثل مشروطه‌چی آغیر، صمدخان^۱ اوستونه
 اهل علم و فضلی دائم خار ائدوبدی روزگار
 میندیروب سلمانی مش‌سلمانی، سلمان^۲ اوستونه
 بعضیلر چینلر دولاری، مارکی، پونتی قات باقات
 بعضی یغمیش من کیمی دیوانی دیوان اوستونه
 خواجه‌نصرالدین طوسی‌لر اولوب عزلت‌نشین
 روستائی بیت آتور حکمتلی لقمان اوستونه
 باخ یازیق سعدی نه گل دودی نه قاریز فال‌لادی
 بی‌جهت جان قویدی بستان و گلستان اوستونه
 بینوا حافظ خیال وصل یاریله یاتوب
 عالم رؤیاده هی توو سالدی شیطان اوستونه
 خیمه تیکماقدان یازیق خیّامین اولدی قدی خم
 وصله‌نی هی وصلیه وصل ائدی بیر نان اوستونه
 بیر اوزون مدّت بابا لوت گزدی عریان آدلانوب
 یاتدی عریان چکمدی بیر کهنه یورقان اوستونه
 اکباتاندا مرقدی اولموش مطاف عاشقان
 تربیتندن اوپماقا قیز آغیر اوغلان اوستونه

مولونون مولوسی یرمی یردن پاره‌دی
 ایمدی قبرینده چیخولار سیر عرفان اوستونه
 شهریارین قدرینی ساغلقدا بیر کس بولمدی
 ایمدی آدین ثبت ائدوب کوی و خیابان اوستونه
 ایمدیده نوبت کریمی‌نیندی شغلون بوشلیوب
 هی یازیب هی پوزدی هی اود قویدی قلیان اوستونه
 سگه‌ی آزادینی قاپدی عاشقلار توپچیلار
 چاتدی استقلال و پیروزی‌لر امکان اوستونه
 چالخالاندیقجا دولاندیقجا زمانه نهره تک
 یاغ گئدیر یاغ اوستونه ایران‌دا ایران اوستونه
 آصف‌ابن‌برخیالر قالدی پشت پرده‌ده
 دیوسیرت‌لر چیخوب تخت سلیمان اوستونه
 ننگیدی مرده‌پرستی واقعا بیز ملته
 مدرکیم وار گنچ‌مرم بیر کلمه بهتان اوستونه
 ساغلقیمدا قدریمی بول نیلورم مندن صورا
 دوز مبارک قبریمه گلدانی گلدان اوستونه
 ای کریمی ملته دستان دئماقدان ساکت اول
 سؤز اوزانسا ایش چکر هجویله هذیان اوستونه
 باعث ابیات فوق «انزابله» «طهباز» اولوب
 گئتدیلر شوقه توکم یاقوتی مرجان اوستونه

سندہ منده دلی

گون به گون چو خلاشیر وطنده دلی
داغیلوب گور نه شهره کنده دلی
دلیه ایمدی که قلم یوخدی
گل اولاخ قوخما سندہ منده دلی
قدیم انسان قاچاردی قورخاردی
بازارا کوچیه گلنده دلی
ایمدی دیوانه لیق هنر سایلور
اگلشوب صدر انجمنده دلی
دول قالیدی عیالی صدّامین
خلقمیز اولدی بوم دوشنده دلی

هشدار

یاشون یتیمشه یتدی ای بوالهوس
 یاخونلاشدی منزل سیزیلدار جَرس
 آغاردی باشون سَقْلون غَصّه دن
 خزان سنبلِی، ایلدی خار و خس
 قولاق گئندی گوز گئندی دیش قالمادی
 قرا خالون اولدی یوزونده عدس
 قفسده نه چیرپینار عندلیب
 اوجور سینه ده مضطربدور نفس
 ذخیره سنه یتیمش ئیل عمریدن
 بو یورقون نفسدی بو کهنه قفس
 گلور سینه دن ناله لیت الشّباب
 چغیرام سسیمه وئرن یوخدی سس
 کس ایستور کسه یول کسه مقصده
 کس آختار بو ناکسدن امّیدی کس
 تالان وئردیلر جمله سرمایه وه
 تاپار فرصت اوغری یاتاندا عسس
 قاباق چوخ قرانلوقدی یول پیچ و خم
 نه بیر رهنما وار نه بیر دادرس

یاتوب قاف سینونده سیمرخ عقل

مبادا اولاً صید نفس مگس

وجود بشرده لیاقت گرک

یوز ئیل قالسا، سلمان اولانماز آنس

داداش حمل بر صحتین وقتی وار

یوما دونقوزی پاک ائدنمز آرس

مکانه مکیندندی شأن و شرف

صفاهان و تهران و یزد و طبس

ئولوم حقیدی ایسته یا ایستمه

مُعیندی وقتی یوبان یا تَلَس

کریمی یولون چوخ اوزاق توشه آز

توکلْتُ لَکْ یا شَیدالْتَمَسْ



مریض جان اوسته‌دی مریضخانادا

دکتر جیبین گزیر شی می آختاریر

یازیق گئچی جانی‌نین هایندادی

قصاب داداش هله‌ده پی آختاریر

کریمی

کریمی مالک ملک سخندی
 کریمی مایه‌ی فخر وطن‌دی
 کریمی اختر برج فصاحت
 کریمی گوهر دُرُج بلاغت
 اولوب زیور سؤزی فرش زمینه
 یتوب آوازه‌سی عرش برینه
 گلستان ادبه باغباندی
 فرید عصر و سعدی زمان‌دی
 بئله اوستاده قربان جان گرک‌دی
 نه بیر جان بلکه مین قربان گرک‌دی

اسلامشهر، نجفی.



آمان‌دی ائتمه ظالمدن حمایت
 همیشه ایله مظلومی رعایت
 مبدا نیمه‌شب بیر اهل حاجت
 انده معبودینه سندن شکایت

انزابدن بیر نامه

سلام ای کریمی ادیب سخنور
 سۆز اوستادی ای مرد با دانش و فر
 دیانت نشانی جمالیندا پیدا
 صداقت وجودوندا چون شمس اظهر
 کلامون شیرینلیکده مانند حلوا
 بیانون حلاوتده قند مکرر
 فرح بخش دور سۆزلرون ایلک یاز تک
 وئریر شعریوین نشئه سی سُکر ساغر
 سنون نیش طنزوندن آسوده اولماز
 نه فاسد نه حاسد نه خاسر نه منکر
 چیخاتسان اگر تیغ نقادی قیندان
 یقین جان قوتارماز الوندن ستمگر
 آلور باج شعرون فحول سخن دن
 اندیر قطع ناحقّی چون تیغ حیدر
 عیان سۆزلرینده صفای معانی
 سوزور کلک سحرآفرینوندن عنبر
 زلال و روان شعرون ایچره فصاحت
 آچوب حرف حرفینده الوان چیچک لر

زبس نرم و شیریندی اشعار نغزون
 ائدوب مرد و زن پیر و بُرنالر ازبر
 وجودون کمال و ادبه نمونه
 دیانتده محکم شرافتده مظهر
 رفاقتده پایا و ایماندا قائم
 عقیدتده متقن چو سدّ سکندر
 حسدن سنه طعنه حاسد ووراندا
 صبور اول ملال ائتمه اولما مکدر
 گوره‌نمز اگر شب‌پره آفتابی
 سیخیلما حذر ائتمز اوددان سمندر
 «حوادثده صبر ائت» منه سن دیوبسن
 خوشا صبر ایوب و حلم پیمبر
 دئسم یازدیقین سؤزدی الهام غیبی
 گزافه دگیل ادّعام ایله باور
 نهانون عفیف و عیانون لطیف‌دور
 مُهتّا مصفاً مُعلاً مُعطرّ
 هَئیا لک اول می که سن نوش ائدوبسن
 بئله مست عرفانسان آلله اکبر
 نولی لطف ائله بیر پیاله او می‌دن
 عنایت‌دن «انزابه» ای مهر‌پرور

سنی سئچمیشم جانہ پیر طریقت
 اولوبسان بو آقیر مریدیوه مفخر
 کریمی یازیدور قضا قلبیم اوسته
 حضورون اگرچه دگیل چوخ میسر
 جهالتده غرقم منی چک کناره
 الیمدن دوت اول مامن عشقه رهبر
 گئچیب عمریم آتمیش بشه دولدی سنیم
 گهی سر به خاک اولدی گه خاک بر سر
 قضا و قدرله جدل ائتماق اولماز
 جهان گلسه تغیر تاپماز مقدر
 گناه چوخ ولی طاعت آز بارالها
 ندور چاره لطف ائتمه سن روز محشر
 امید بابی البتہ باغلانمیوبدور
 خطابخش و غفاردور حی داور
 گر عصیانمین یوخی حدّ و حدودی
 کرامات رحمان وار اوندان فراتر
 بو اشعاری یازدیم بیر آز بالبداهه
 باغیشلا گر اولدی مقدم مؤخر
 قال ای «انزاین» قبله گاهی مُردی
 سریر ابدہ همیشه مُصدّر

جواب نامه از آتشین خامه

گتور ساقیا جام می‌دن مکرر
 ایچوم مست اولوم لالابالی قلندر
 او می‌دن گتور کیم اونون جرعه‌نوشی
 آچوب پر ائدر کهکشانی مسخر
 بودور فکر بکریم گزم هفت‌شهری
 الیمدن اگر دوتسا مولای قنبر
 خیالیم بودور الدہ شمشیر ایمان
 یارام سدّ ظلماتی مثل سکندر
 منم مست مستم منم می‌پرستم
 او پیمانه‌دن که وئروب شاه محشر
 بودور آرزوم نوش ائدم آب حیوان
 اگر رهبریم اولسا خضر پیمبر
 گنه نوبهار اولدی صحرا بزندی
 طبیعت آچوب دشته فرش اخضر
 عروس چمن زلفینه ووردی شانه
 گیوب خلعت سبز سرو و صنوبر
 گنه ووردی گل گلشنه طاق نصرت
 بهار، اولدی جیش خزانه مظفر

زمان باصفا و مکان باصفا تر

من و گلستان تنگ می دست دلبر

تلاوت ائدون اِن یکادالّذین

سالون آتشین مجمره عود و عنبر

اوخی لاله دن وحده لاشریکی

ائشید نغمه دن صیت الله اکبر

گتورمیش فضا طبع «انزابی» جوشه

آچوب نطقی کاخ محبته دفتر

گنه بلبل اگلشدی گل مسندینده

اولوب شاخ گل عندلیبانه منبر

یازوب نامه سالدی کریمینی یاده

دوزوب رشتهی الفته دُر و گوهر

حلاوته حلوا طراوته طوبی

نه نامه ظرافتده، تهران مصور

نه گیتی اکر «انزابا» تای سخندان

نه دنیا دوغار چون کریمی سخنور

یازوب نامه ده صبر ائله مشگلته

که ما عابریم این جهانست معبر

دایاننام شدایدده چون کوه الوند

نه باکیم سهند اوغلیام ای برادر

منیم کربلا شاهی تک یاوریم وار
 آقام شاه محشردی حیدر غضنفر
 باشیمدا دومان آه، سینمده آتش
 ولی دامنیمده آچوب گل چیچکلر
 نه سیم و زر عطشانیم نه ریاست
 نظردن زری آتمشام چون ابی ذر
 مثلده گونه بنزهرم داغ باشیندا
 یتوب یتیمشه سنیم اولدوم مُعمر
 سینیق کشتی تک ناخدا ناخودآگاه
 نظردن سالوب سالمشام بوردا لنگر
 سؤزوم خلقه حنظلدی اما دوادی
 فساد اتتسه قان جسمه لازمدی نشتر
 ولی بعضی نالایق ایشلر گورنده
 قضادن ملولم قدردن مکدر
 قالوب بلبل آواره کنج قفسده
 آچوب زاغ گلشن فضا سینده شهر
 اولوب روستائی هنرمند دوران
 هنر زاغه سینده بوغولموش هنرور
 بیر عدّه چغندر دیور تورپا عمدّا
 بیر عدّه عنادّا دیور فابه شگر

تنور ایچره اوددا چالیقلاار بالیقلاار
 اولوب اولوب اشعری لر طرفدار قرآن
 غلافه قویوب تیغینی مالک اشتر
 گوزل ماهرولر حجابہ مخالف
 سالوب زشترو لر باشا یدّی معجر
 کیم من وئرم دور افلاکه تغییر
 درآمد مقید سرآمد مقدر
 همین یاد دارم وصیت ز مادر
 روانش مطهر مزارش منور
 ضمانت قبول ایلمه، اولما شاهد
 گوزونله بیر ایش گورمه سن ائتمه باور
 اوغول هامونی اوغری بول اگری فرض ائت
 اگر شانسووا دوزده چیخسا چه بهتر
 نه تشویق و تمجید خلقه اینانما
 آلان باشه بیر گون سنی داشه گو بسر
 باغیشلا اگر نامه طول اولدی «انزاب»
 دیشیلسه یارام مرهم اولماز میسر
 کریمینی دیندیرمه قوی ساکت اولسون
 دانیشسا وورار بیربیره خلقی یکسر

تقدیم به استاد کریمی مراغه‌ای

کریمی سن گل خندانیمیشن
 ادب باغین عجب ایلوبسن آباد
 بو حکمتده سنی بولمزدیم اما
 سنی مجذوب ائدوب اخلاصون آری
 دیردیم فخر ائدیر سنلن مراغه
 ئولنده شهریار اولدوخ مکدر
 سنون لطفون کریمی بیکراندور
 چراغان ایلدون اسلام شهری
 نه مخلص باادب مهمانیمیشن
 عرقانیمیشن محفل چراغ
 که الحق سعدی دورانیمیشن
 لقمانیمیشن اولا آباد
 بو عصره بوذر و سلمانیمیشن
 نه بلکه مفخر ایرانیمیشن
 سارالمیش گلشنه بارانیمیشن
 که الحق معدن احسانیمیشن
 نه مخلص باادب مهمانیمیشن

غار آبی سهولان کردستان

بهار اولدی گنه بلبل دل آچدی
 بنفشه یاسمن سنبل گل آچدی
 بَزَنَدی کوه و صحرا گل چیچکدن
 جمال لاله گورسندی پیچکدن
 گُل اوز ماهیتین وئردی ظهوره
 گتوردی بلبل شیدانی شوره
 سرود آبشروا گلدی هوادن
 وَ یُحیی الارضَ بَعْدَ مَوْتِهَا
 دوزولموش لاله لر دشت و دمنده
 بهشتین عطری وار صحن چمنده
 سالیندی فرش اخضر کوهساره
 گلوب بلبل گُل اوسته وصف یاره
 صدای بریط و چنگ و چغانه
 نوا و ناله و شور و ترانه
 گلور هر غنچه دن مین عشوه و ناز
 ائشید هر سمتدن مین گونه آواز
 اگر عقلون گوزون وار اولما گمراه
 اوخی هر برگده بیر قُل هُوَالله

هزار و سصد و هشتاد شمسی
 چاغیردوخ صدقله اشباح خمسی
 مه اُردیبهشت ایام نیسان
 یاغیر نمم یاغش چون دُر غلطان
 دوزلدی قافله سگَز نِردن
 بو جمعی ساخلا الله بد نظردن
 عزیزی،^۱ نیکخو،^۲ زاهد یگانه^۳
 مجید بهروزی^۴ محفل عارفانه
 کریمی^۵ شعرپرور کبلا داود^۶
 محبت اهلی اسفندی^۷ و مسعود^۸
 اندیر بو کاروان عزم مهاباد
 گنداخ غار سهلانه اولاخ شاد
 تازا پیدا اولوب بیر غار آبی
 یوخ عرض و طولینون حدّ و حسابی
 اولار که یول سالوب زیرزمینه
 تاپوبلار دوردمین ئیللوخ بیر خزینه

۱ - کریلایی احد عزیزی. ۲ - حسن نیکخو. ۳ - کریم آقا زاهدیگانه.

۴ - مجید بهروزی. ۵ - کریمی. ۶ - داود کریمی.

۷ - مشهدی علی اسفندی. ۸ - مسعود کریمی.

یوز اون دورد پله آندوخ لاپ اوصاندوخ

قایقدا اگلشوب غاری دولاندوخ

او گون هر ساعتی بیر لیلۀ القدر

دوشوبدور یادیمه غار علی صدر

بیری باخسا بصیرتله بو غاره

تاپار یول قدرت پروردگاره

بو غارین بانئسی معماری کیمدی

فقط خلاق قهار و حکیمدی

بونون معماری حی لامکاندی

فقط سرمایه سی بیر کُن فکاندی

دیون انکار ائدن گل سین دولانسین

اوتانسین قانسین آز آللهی دانسین

دیه بولم او شور انبساطی

دؤشه دوق غار قباقینده بساطی

هانی قلیان اورکلردن غم آلسین

چایی قوی پیکنیکه فوراً دم آلسین

خیالون غصّه دن سالما فشاره

مقابله نظر قیل آبشاره

سو داغدان داشلانیر جوشان خروشان

چکور هی عربده چون باده نوشان

یره دوشجاق اولور خاموش و آرام
 طبیعتدن دل ایستور آلسین الهام
 بشر طغیان ائدوب چوخ توند گئتمه
 اوزیوی اوزگه نی ناراحت ائتمه
 ائشید فواره دن درس نصیحت
 اولارسان سرنگون ائتمه منیت
 سنی که اولون هنج آخرون هنج
 تکبردن منیتدن اوزاق گنج
 تکبر ائتموری قدون خمیده
 منیت تا چه بیر قطره منیده
 آلودور عقلوی باشند ریاست
 اولوبسان غرق امواج سیاست
 هانی سندن قباق کی دوش وئرلر
 بدنلردن قووین تک باش درنلر
 باخ انسانیت و جدانی آتما
 آدامسان دینیوی دیناره ساتما
 روشده آبشار اولما یخیلما
 گلن بیچاره نی سیخما سیخیلما
 سنی نفس دنی قویماز که قویماز
 او قارنون پاتداسین دویماز که دویماز

نسیمون نکهتی ابرین گلابی
 عزیزی شیشلدی تئز تئز کبابی
 اوجا داغ باشی سنگک داغ کباب داغ
 رفاقت داغ محبت داغ داماغ چاغ
 یدوخ ایچدوخ دولاندوخ گون قوتاردی
 صمیمت همان داغلقداداردی
 یغیشدیردوخ بساطی داغ باشیندان
 خبردار اولدی یولداش یولداشیندان
 رنو پیکانیلن داغلار آشاردی
 ایکسی بیریریلن باغلاشاردی
 گینه بیر باصفا یرده اوتوردوخ
 بدندن قارپیزین باشین آیوردوخ
 مهاباده یتیشدوخ سرعتیه
 نمازه عازم اولدوخ قربتیه
 مهاباتدان هره بیر سوغات آلدی
 مجید بهروزیه بیر ضبط قالدی
 دئدی هم رادیودی هم ضبط و ساعت
 دقیقاً اوچ ایشه ایلر کفایت
 دئدیم هرکس اوچ ایش دوتسا بیر اله
 اونا کامل دئماق اولماز مثله

گرک انسان بیر ایشده کامل اولسون
 او علمی که واریدی عامل اولسون
 بیر ایشده ثابت اول چکمه ملالت
 یالاندان هر ایشه ائتمه دخالت
 بیر ایش گور یاخشی گور علم و عملده
 که عاقل دوتماز اوچ قارپیز بیر الده
 بیر ایشده کامل اول تا کامکار اول
 او ایشده آل نتیجه کامیار اول
 اوچ ایش بیر خرده رادیودان دوز اولماز
 بونون اخباری ده دوزگون سؤز اولماز
 بیر ایش گور هر نه ایش وار قوی کناره
 همه کاره اولارمیش هیچکاره
 بیزیم یرده بیرى اون شغله شاغل
 بیرى قالمش الی قوینوندا عاطل
 بیرى اون کسبه دارا اشتهاى
 بیرى باش غم دیزینده دستخالی
 وئروبلر بش میزی بیر بی سواده
 لیسانس الده بیرى قالمش آراده
 بیرى دورد الی بیر تختی قوجاقلیر
 بیرى ایشسیز یازیق باشین قاراقلیر

سوخور باش هر يره تصديق الينده
 طلبکار قويموب توک سقلينده
 بيري سگز ايشی قاتمش قباقه
 گزير دوردونده تاپسين وار علاقه
 غرض اوتدوخ ماشيندا چم خميله
 رنو، پيکان گئدير زير و بميله
 يول اوسته نیکخو آندی موز آلدی
 قوروموشدی بوغاز کئفلر سازالدي
 سفر قورتاردی دوسلار محضرينده
 يازيلدی خاطراتين دفترينده
 يازاندان ياد ائدنلردن ياد اولسون
 کریمی ذاکرين روحی شاد اولسون
 گلر بير گون دورار شانسيم اياقه
 يتر آواز شعریم هر قولاقه
 تاپاندا رنج هستی دن فراغه
 آديملا افتخار ايلر مراغه
 قورالار يادبوديمده همایش
 وئرلر عکسیمی خلقه نمایش
 گوزلر قبریم اوسته گل دوزلر
 اوخولار يادواره مده غزلر

یا زالآر شرح حالیمدن مقاله

ئولوم قوی، اوندان سن گل باخ جلاله

بیزوخ بیز ایچمه مشدن مست و مستوخ

دیری لردن بزن مُرده پرستوخ

خوش آنکس کز چغندر قند گیرد

ز اشعار کریمی پند گیرد



ای نابغه بول ارزشیوی مفتی ساتیلما

چوخ چوخ آتیلان جَرَجَنک اولدی سن آتیلما

خالص قیزیلین مثلیسن ای بندهی خالص

ایستولله سنی مفرغه قاتسونلا قاتیلما



آنا دیلی کیمی شیرین دیل اولماز

نجه لای لای دیوب ائله یاتمیشام

بوم دوشسه ده منی او یادا بیلمز

یتیمشه یتیمشم هله یاتمیشام



سفر مبارک

آسدی نسیم صبح گینه کوهساردن
 مژده گتوردی بلبه فصل بهاردن
 داغ دولدوروبدی دامینی گل گیاهله
 تکلیف اندیر گلوب گئدنه افتخاردن
 اُردیبهشت عکس گوتورموش بهشتدن
 پخش ایلوری صفای جنانی نواردن
 صهبای حوض کوثر و مینای سلسبیل
 هرلحظه جسمه روح وئورر آبشاردن
 نرگس بنفشه زنبق و شبو و یاسمن
 گلزاره طاق نصرت آچوب هر کناردن
 گل شاخه‌سینده بلبل شیدا گلوب دیله
 گویادی مدح و منقبت هشت و چاردن
 هفت آسمان زمینله شش‌دانگ شش‌جهات
 دولموش سراسر آیت پروردگاردن
 یازمیش تمام برگده لیس کَمِثْلَه
 نقّاش لم‌یزل قلم زرنگاردن
 هر لاله بیر پیاله شراب طهوردن
 هر غنچه بیر رساله او چشم خماردن

سال هزار و سیصد و هشتاد شمسی ده
 حاصل فراغت اولدی بیزه روزگاردن
 تاریخ بیست و هفتم اُردیهشت ماه
 فیض زیارت عزمینه چرخدوخ دیاردن
 بیر عشق کاروانی اناث و ذکوردن
 برجسته بیر گروه صغار و کباردن
 ساعت بش اولدی عصردن اولدوخ ماشین سوار
 قاسم^۱ اذانی باشلادی رسم شعاردن
 هی شیرنی پسته آجیل و نوشابه گتدیلر
 کیفلر دولوبدی میوه و موزدان خیاردن
 مکاری^۲ بیر مدیریدی روح الله^۳ بیر مدیر
 سرعت دوتوب شهاب رنودان سواردن
 دوتوموشدولار ازل ماشین اما چه فایده
 آخرده دبه صادر اولوب دبه کاردن
 انسان توپوردیگین یالاسا کسر شأنیدی
 بیر عده قوسدوقون یالیور اضطراردن
 بعضیلری قویوبلا یالاندان آدین کیشی
 چیخماز کیشی یالان دانیشان نابکاردن

تنها علامت کیشی لیق اولسا بیر قارینج
 بژازین اوندا متری گئچر صدهازردن
 انسان دانیشدیقى سؤزونه صاحب اولماسا
 مین مرتبه دالی گتورر چارواداردن
 سؤز اوندا سؤزدی که دانیشان قیمتین بوله
 یوخسا مثال شرطادی تحت الحماردن
 راننده لر عقیده ده سنی دیلر ولی
 ذره تخلف اولمادی قول و قراردن
 هر دینده هر عقیده ده سوز رادمرد اولون
 بیهوده سالمیون اوزوزی اعتباردن
 زنجاندا دوشدی تخلیه هم فریضیه
 چون نهره لر دولوبدی لبالب ناهاردن
 واضحدی نایلونون بازاری اوندا گرم اولار
 معده داشاندا کهنه قاتق تک تغاردن
 هئچ کس سفرده راضی سالانماز مسافری
 کیمدور گلایه ایلمه سین حمله داردن
 بارماقوی بالا باتیروب سوخ بوغازینه
 سسلر چیخات یانور بوغازیم زهرماردن
 شام صرف اولوب نماز قیلیندی شتابله
 روح الله قلیانی چیخادوب کوله باردن

اوغلو م گیلنلریم نوله ر همسریم باجیم
 اطرافیمی آلوبلا یمین و یساردن
 دوسلار وفالی جاده صفالی ماشین شهاب
 طیاره دنده راحتیدی هم قطاردن
 قاتمیش بوئین زهرا طریقین قباقرینه
 دوغرور یولون دامارلارینی ابتکاردن
 عباسی پاک نیت و کنعان و نیکخو
 زرین نشان حاج اسماعیل عالی تباردن^۱
 ثروتفامیندا پیس دگی یولدا رفاقتی
 زحمتلره دؤزردی سخادن نثاردن
 رد اولدی ساوهنی یتوروب بیر محلده
 قیلدوخ نمازی یاد ائلدوخ کردگاردن
 شوق زیارتیله یتیشدوخ غرض قومه
 معصومه نوری طالع اولوب هر مناردن

۱ - حاج علی عباسی - محمد علی پاک نیت - کنعان - حسن نیکخو - حاج اسماعیل نجف پور

حضرت معصومہ علیہا السلام

معصومه	کیمدی	حضرت خیرالورا قیزی
معصومه	کیمدی	والشمس و والضحی شرف انبیا قیزی
معصومه	کیمدی	دختر مولای مؤمنان
معصومه	کیمدی	لاسیف و لافتی علی المرتضا قیزی
معصومه	کیمدی	مظهر ناموس کبریا
معصومه	کیمدی	مقتول زهر کین حسن مجتبا قیزی
معصومه	کیمدی	نایبهی خیرةالنسا
معصومه	کیمدی	معصومه کیمدی تشنه ذبیح القفا قیزی
معصومه	کیمدی	عابدهی زین العابدین
معصومه	کیمدی	معصوم هفت باقر امام هدا قیزی
معصومه	کیمدی	صادق آل محمدین
معصومه	کیمدی	ایستکلی مهربان نوهسی مقتدا قیزی
بنت امام	أخت امام	عمهی امام
کوثر	ضمیری	حضرت خیرالنسا قیزی
باب الحوائجین	قیزی	باب الحوائجه
حلال	مشکلاتیدی	مشگل گشا قیزی
معصومه	کیمدی	فاطمهی ثانی زمان
همشیرهی	رضادی	قضایه رضا قیزی

معصومه‌دی بهشت ائلین قم دیارینی
 محجوبه صاحب صلوات و ثنا قیزی
 معصومه کیمدی نور جمال محمدی
 وابسته‌ی جلال و کمال محمدی



عزیزیم قوخما مأمور اجلدن
 اونون آدین ائشیدجک قویما الدن
 هرای داد آی مسلمان قورخ اوزاق گز
 ناشی دکتر ائدن ناقص عملدن



دکتره باخ دکتر سلاخ کیمی
 سوکدی بو بدبختی خراب ایلدی
 دوتدی یونوندن دریسیندن دوشک
 چکدی اتین شیشه کباب ایلدی

اقامت در قم

اوچ ساعت اولدی قُمدا قرار و مداریمیز
 یولاندی جمکرانه محبت قطاریمیز
 قیلدوخ نماز مسجدی اخلاص قلبه
 دوز یا غلط قبول ائلسه کردگاریمیز
 اورداندا عازم اولدوخ امامین مزارینه
 تا گئتمه سین قضایه نماز و ناهاریمیز
 آچدوخ بساطی شوقله صحن امامده
 نوشابه جای پلو کوتولت موز خیاریمیز
 چک سفته یا حواله غمین باشند آتمشوخ
 سیر و سیاحتیله گئچور روزگاریمیز
 بازاریمیز خرابیدی یا جنسیمیز کساد
 قالدی وطنده محنتیمیز، آه و زاریمیز
 پولسوز سفردهده قره گوندی حضردهده
 پول بولدی نیلر اولماسا مارک و دولاریمیز
 بیز عادت ائتمشوخ یماقا یاخشی یاتماقا
 نیلیم که بوندان آرتقا یوخدور چیخاریمیز
 نه صنعت اهلیوخ کروی ماهه یول تاپاخ
 مثل ژاپن جهانی دوتا اشتهاریمیز

بیز چکماخ ایچماخ آدمیوخ چالماق اویناماق
 یوخدور بوخاریمیز یانار اما بُخاریمیز
 بیز اوزگه‌نین غمین ایچری سالساخ آغلاساخ
 اوندا بو ناز و نعمت اولار زهرماریمیز
 بوشلا غمی دی باشلا دمی اولما ئل غمی
 المؤمنون إخوه‌دی گرچه شعاریمیز
 سؤزلر گلور بوغازدان اثر یوخدی قلبه
 احسن اشاقه‌میز باراکالله یوخاریمیز
 بازار حشریده عمل ایسته‌لله شخصدن
 تنها توکلیله موز اولماز بیاریمیز
 زر بوطیه قویولمادا کامل عیار اولار
 ئول قوطیه گیراخ اولا کامل عیاریمیز
 القصه کؤچدی قافله‌میز سمت مشهده
 قون، کؤچدی روزگاریله قول و قراریمیز
 وقت غروب باشلادی عباسی بیر اذان
 نه قالدی دلدۀ غصّه نه یوزده غباریمیز
 سرعتله کاروان یتیشوب شهر سمنانا
 دوران عمردن یوخودی انزجاریمیز
 سُرخه آدیندا شهیده بیر مسجد عظیم
 گویا بهشت قصرینه دوشدی گذاریمیز

چای مفت، داغ سو مفت غذا بوللی رایگان
 ای کاش اوجور اولاهامی شهر و دیاریمیز
 مسجد گرک بو جور اولاه الله مکانیدی
 جداً نظافت اوستهدی پایان کاریمیز
 راننده اوچ کاکا اوچوده باادب متین
 سرمایهی ادبی بویوک اعتباریمیز
 اخلاق دور ادب بشرین پشتوانه سی
 هرکس ادبیلدی اودی سرمایهداریمیز
 ابراهیم و جلالیدی بهمندی ساربان
 نامرد الینه اولمادی افسار باریمیز
 بیر نیل گنچردی ساعتیمیز واقعاً اگر
 دوشسیدی بیر دبنگ الینه اختیاریمیز
 حتماً گلردی باشلارا شامین مصیبتی
 اولسیدی بیر سفیه گده سر رشته داریمیز
 نااهلی قویمیون اولاه اهل زمامدار
 گر ایسته سوز گوزل گنچه لیل و نهاریمیز
 سعی ایلین محول ائدون ایشچی ایشی
 اولماز فشاریله خلبان چرواداریمیز
 گل همت ایلایخ عمله وئرمیایخ دیله
 انشاللهیله خرما گتورمز چناریمیز

شهر نیشابور شهر خیّام و عطار

نیشابورا یتیشدی سحر وقتی قافله
 گتندوخ امامزاده سینه عشق صافله
 بیرجوت امامزاده که غمدن اوصاندیلار
 هر تک تکی دیری دیری آتشد یاندیلار
 بیر جوت ضریح فخر ساتار هر مساجده
 گویا یتور نسلبری سلطان ساجده
 خیّام اوردا خیمه ووروب شاعر اصیل
 گویا اوزون سالوب او امامزاده دخیل
 شاعر اولا سخنور اولا شهریار اولا
 مغبون اولار گر آل علیدن کنار اولا
 هر رتبه هر مقامده سن کامکار سن
 دکتر مهندس اهل هنر اهل کار سن
 آل محمدین اتگیندن ال آچمیون
 عزّت بولاردادی بابا اغیاره قاجمیون
 شاهلار بو آستانه لره یوز قویوب گندوب
 کبر و منی لباسینی تندن سویوب گندوب
 خیّام اگلشوبدی او رؤیایی خیمه ده
 بیزدن ائدوبدی یاخشی پذیرائی خیمه ده

ایچدوخ یدوخ نشاطیلہ شکر اولسون اللہا
 جمع ایلدوخ وسایلی گلدوخ قدمگاها
 ثروتقامیلا نیکخو دیرماشدیلار توتا
 بلکه تبرکاً چالالار زایرین اوتا
 توت اولمادی مسافر او توتدان یینمدی
 قالدی ایکی حسن ده آغاجدا انمدی
 قارداش باشاردیقون ایشه گئت سینما دنیادا
 اوزمک باشارمسان نه ایشون واردی دریادا
 ایمدی بو توت بو سیز چالا بولسیز چالون داداش
 محکم دوتون توتی گئدیروخ بیز قالون داداش
 ترکی مثلدی بو چورکی وئر چورکچیه
 آشیز ناشی اولاندا قاتار پیشمیشی چیه
 ائتدوخ نزول مشهده نصف النهاردن
 گوگلوم آسوب تلمهده وصل نگاردن
 مشهده نه مشهده عزتی وار احترامی وار
 اوردا آقام امام رضانین مقامی وار
 مین اوچ یوز ئیلدی بیر آقا غربتده جان وئروب
 دنیا بویی زمین و زمانه تکان وئروب
 مظلومین آهی ناقهی ظلّامی پیلدی
 بولدون اونون سیاستی مأمونه نیلدی

تاریخ روزگاردن عبرت آلان هانی
 بش گون ریاست عشقینه گل قاتما دنیانی
 قویدوم قرا یوزی او گوزل آستانیه
 تالینکه مرغ طبعی گتوردوم ترانیه
 قربان اولوم رواقلاریوا یا ابالحسن
 زواریوه قوناقلاریوا یا ابالحسن
 السلام ای ضامن آهو رضا
 می کشم در عشق تو یاهو رضا
 السلام ای کشته ی زهر جفا
 می کنم در صحنها سعی و صفا
 حاجت ما را روا کن از وفا
 با اُمیدی بر تو کردم رو رضا
 مشهدت گل درگه و دربار گل
 گنبد و گلدسته گل تالار گل
 خادمان گل قبر گل زوار گل
 خوش خصال و خوشگل و خوشخو رضا
 از مسلمانان هزاران کاروان
 می شود هر سال بر مشهد روان
 درگهت دارالشفا ی شیعیان
 بر مریضان می دهد دارو رضا

السَّلام ای مطلع شمس الشموس

خرّم از یمن وجودت ارض طوس

من هو غیڑک انیسی من نفوس

تربیت از مشک تر خوشبو رضا

آه شبگیر تو ای شب‌زنده‌دار

کاخ استبداد را داد انفجار

دشمن دین را نمودی خوار و زار

بر تن قرآن توئی نیرو رضا

اهل ایران با تو دارند افتخار

خاک میهن را نمودی لاله‌زار

رخ نمی‌تابند خوبان زین مزار

گر رضا از ما رضا شد او رضا

سن کریم‌الذاتسن یا بوالحسن

دستخالی سائلی قیترمه سن

درگهوندن گتتمرم پای وئرمه سن

ای رواق اطیبون مینو رضا

من کریمی دلدۀ حاجت گل‌میشم

ائتماقا قبرون زیارت گل‌میشم

ائتموسن لطفیله دعوت گل‌میشم

وورموشام درباریوه زانو رضا

گینه گل‌دیم

الهی روضه‌ی رضوانه ئولمدیم گینه گل‌دیم
 سلامه شاه خراسانه ئولمدیم گینه گل‌دیم
 دُوزوب او قدری دایاندیم خزان مشقتینه تا
 بهار سیر گلستانه ئولمدیم گینه گل‌دیم
 رضا زیارتی حج اکبرین برابریدور چون
 طواف کعبه‌ی عرفانه ئولمدیم گینه گل‌دیم
 رضادی شمع شبستان دودمان ولایت
 او شمع اولماقا پروانه ئولمدیم گینه گل‌دیم
 الیمده پای ملخ تک هدیه نقد حیاتیم
 مقام قُرب سلیمانہ ئولمدیم گینه گل‌دیم
 غریبه آغلاماقین اجری مغفرتدی جزاده
 غریبه شام‌غریبانہ ئولمدیم گینه گل‌دیم
 بو آستان ملک پاسبانہ یوز گینه قویدوم
 زیارته قیزیل ایوانہ ئولمدیم گینه گل‌دیم
 یورولموشام همی جسمیم مریضیدی همی روحیم
 طبیب حاذقه درمانہ ئولمدیم گینه گل‌دیم
 آقام رضا قاپی‌سیندان گدانی بوش یولا سالماز
 مقام و منبع احسانہ ئولمدیم گینه گل‌دیم

سنی زیارت اندر صاف شیعه مؤمن خالص
 بو آزمایش ایمانه ئولمدیم گینه گلدم
 برات کرب و بلانی غریب طوسدن آلام
 اندر حواله بو مهمانه ئولمدیم گینه گلدم
 باخوب فراهه گوزوم یاشین ایلرم یوزه جاری
 صفا وئرم دل عطشانه ئولمدیم گینه گلدم
 دیلمده زینب آدی تلّ زینیّه ده دورّام
 خانم بو کلبه ی احزانه ئولمدیم گینه گلدم
 او قانلی قتلگهیندن آقامین عطرینی آلام
 توکم سرشکیمی دامانه ئولمدیم گینه گلدم
 اگر قرا یوزی قویسام او قرمزی داشین اوسته
 دونر گوزوم یاشی مرجانه ئولمدیم گینه گلدم
 او آلتی گوشه لی قبره یولوم دوشیدی دیدیم
 حسین بو قبره ذلیلانه ئولمدیم گینه گلدم

گریز به اربعین

دوشندی زینب او پوزقون مزارین اوسته دیردی
 حسین دوباره یانا یانه ئولمدیم گینه گلدم
 آدون دیلمده حسین پاره پاره کوینگون اله
 آیشدیم آتش هجرانه ئولمدیم گینه گلدم

گتورمیشم توکم آغ ساچلاری بو قبریوین اوسته
 ئولونجه ایلهرم شانه ئولمدیم گینه گلدیم
 گرک دوشم سورونم قبرون اوستونه یوزی قویلی
 گوزلدی سجدهی شکرانه ئولمدیم گینه گلدیم
 دئدیم اجل گلر ئولم قییترم بو سفردن
 نفس یتیشمدی پایانه ئولمدیم گینه گلدیم
 باشون دالینجا گزوب شهرشهر کوچه به کوچه
 بو غم هوالی بیابانه ئولمدیم گینه گلدیم
 طلسم ظلمتی سیندیرمیشام بسان سکندر
 کنار چشمهی حیوانه ئولمدیم گینه گلدیم
 بو سرزمینده بیر اکبر آدلی یوسف ایتوردوم
 سراغ یوسف کنعانه ئولمدیم گینه گلدیم
 ولی مسافرتیمده یزیدی سالدیم ایاقدان
 تفاقین ائتدیم عزاخانه ئولمدیم گینه گلدیم
 باشیوی طشتده گوردوم او ظالمین قباقیندا
 آجاج وورور لب و دندانده ئولمدیم گینه گلدیم
 دئدیم کسیک باشا ظالم اهانت ایلمه بسدی
 دوداقلاری بویانوب قانه ئولمدیم گینه گلدیم
 بالان رقیه‌نی قارداش سوروشما مندن اوتاننام
 اولوبدی مدفنی ویرانه ئولمدیم گینه گلدیم

نولیدی کاش ایکیمیز بیر لحدده باهم اولیدوخ
 دگولدی عشقمیز افسانه ئولمدیم گینه گلدم
 نجه چیخاتدون او اوچ شعبه‌لی اوخی اورگوندن
 مصیبتون سالار اود جانه ئولمدیم گینه گلدم
 ساغالمیان یاراوا زینبون فدا باجون ئولسون
 مزارون اوستونه افغانه ئولمدیم گینه گلدم
 فراقون آتشی دلدہ امید وصل گوگلده
 دوام ائدوب غم هجرانه ئولمدیم گینه گلدم
 کریمیم کوله‌باریم دولوبدی معصیتله
 عطایه بخششه غفرانه ئولمدیم گینه گلدم



شاعره هر نه یدیقى نوش اولار
 اوددا یسه معدده خاموش اولار
 شاعریله قویسا بیرى باشباشا
 فوری ندامت اوخونا توش اولار

رجوع به مطلب

یاز ای قلم آماندی سفرنامه‌نی قوتار
 بسدور یوبانما حاشیه‌ده ایمدی گون باتار
 حُسن سفر بودی هامی باخانواده‌دی
 تک پاک‌نیتیه خلیل پایاده‌دی
 اهل و عیالین سفرین امتیازی وار
 خاصه خانم یانوندا اولا اوزگه نازی وار
 الله جهاندا آغزیویزی دادسیز ائتمه‌سین
 حتی سفرده‌ده سیزی آروادسیز ائتمه‌سین
 وار مین‌لر عالمین بو خراساندا تربتی
 ازجمله شیخ‌بھائینون اوردا زیارتی
 هر عالمی که اولماسا وابسته ولا
 علمینه قرمزی قلمیله چکلله لا
 هر عالمین ارادتی آزدور ولایت
 بیهوده عمری صرف ائدوب علم و عبادته
 عالم که آچدی فاصله آل عبائله
 دفن ائت وجودین علمین عبا و قبائله
 وئرم قسم الهی کمال محمد
 وصل ائت بیزی محمد و آل محمد

اون گون امام سفره سینه میهمانیدوخ
 نه واهمه نه دلهره نه ناگرانیدوخ
 هرکیمسهده فراغت قلب اولماسا اگر
 باغ بهشته دولانا داد وئرر مگر
 اللهدان ایستیون سیزه دنیا دار اولماسین
 ثروت وئروب فراغتوزی الدن آلماسین
 دنیا منیمدی مارک و دولار چوخدی نیلورم
 گر زندگانلیقیمدا صفا یوخدی نیلورم
 آسوده اولسا فکر عزیزیم کئف اوندادی
 آبدوخ چورک وئرر سنه قنداب پلو دادی
 الله سیزی دچار غم و محنت ائتمه سین
 الله جهاندا فکروزی ناراحت ائتمه سین
 مشغولدوخ زیارته آسوده فکریله
 دائم توسللیله نمازیله ذکرلیله
 عباسی نیکخو حسن آقامجید جوان
 روح الله شیر بادیه مکاری پهلوان
 سعی ایله هر بلادیده سن شهر و قریه ده
 سال آخر صفر اوزیوی شهر مشهده
 اوردا نمونه کنکره زوار عشقیدی
 عشاقی دعوت ایله سمینار عشقیدی

قربان اولوم آقامداکی شأن و جلالته
 عشقی سالوبدی زمهری عشاقی حیرته
 شاه و گدا سالوب اوزونی آستانینه
 بیریر قولاق وئورر هامونین داستاینه
 ساییز جنازه‌دی گتوروللر رواقینه
 کاش ئولمه‌مش گلیدی امامین سراقینه
 گل ئولمه‌مش دولان باشینا آل‌عصمتین
 تابوت ایچینده لذتی اولماز زیارتین
 ساغلیقدا اولماسا سروکارون رضائله
 قرآنله، حدیثله، بزم عزائله
 تشییعوئه اگر ایکی یوز آغلیان گله
 ترحیموه یوزاللی نفر عرشه‌خوان گله
 اوچ‌یوز نفر هتله وورا سینه باشا
 بیهوده‌دی یاغیشدی برادر یاغیر داشا
 بیر کس که عمری قورتاروب عیش سروریله
 شطرنجیله، قماریله، فسق و فجوریله
 گوندرمه نعشینی عتباته یالان یره
 طویدان صورا حنانی یاخالار فلان یره
 ایوای بر کسی که به این توده درفتاد
 با آل‌مصطفای که درافتاد برفتاد

هی عقدیدی حرمده اوخولار علی الحساب
 بو دفتر طلاق دگول خانمان خراب
 ازبسکه دیلر اگریدی گوزلر بوتون چری
 مشهد اولوب بیر عذیه ماه عسل یری
 پیغمبر عقدیوی اوخوسا بام کعبه ده
 ایمانون اولماسا سنه وار نار موقده
 شرم و حیانی غیرت و ناموسی دانمیشان
 خجلت چکوب امام رضادن اوتانمیشان
 القصه چاتدی آخره طاعات گونلری
 صحن و رواقلرده مناجات گونلری
 روز دوشنبه بعد ناهار و نمازدن
 ائتدوخ وداع سرور ملک حجازدن
 طی مسافتینده شتاب ایلدی شهاب
 بال و پر آچدی سرعت سیرینده چون عقاب
 پارک بابا اماندا نزول ائتدی کاروان
 بیر باصفا مکان نجه دلچسب گلستان
 شام صرف اولوب نماز قیلیندی دعائله
 سالدوخ خیاله دوسلاری سیر و صفائله
 پارک بابا امان گوزل آب و هوالیدی
 فواره آبشاری دوغیردان صفالیدی

باش قُوزیوب سپهره کهنسال آغاجلاری
 بیحال مرده قلبه وئورور حال آغاجلاری
 باغ بهشتی گلشن و گلزاری یاده سال
 جنّات تجری تحت‌الانهار یاده سال
 نقّاش لم یزل قلم زرنکاریله
 اوز قدرتین بروزه وئروب ابتکاریله
 قلیان و چای و پیسی و سبزی خورش پلو
 صاحب‌دلا ز حاشیه مگذر بیا جلو
 ای اهل ذوق گل بو گروهه مصاحب اول
 اما گوزتله مغمغالاردان مواظب اول
 تاپدی گنه ماشیندا مصاحب مصاحبین
 صلوات اوخی بقیّه‌سی واردی مطالبین
 مهدیه، دل ندیده، درایتدی باز صبح
 قیلدوخ عجالاً ایکی رکعت نماز صبح
 هر کورپی‌دن عبور ائلینده بلاددن
 یاد ایلدوخ زمانی و صادق‌نژاددن
 گویدن یاغیش ملایم‌تيله گله گله
 گوزلر گوله گوله آرابا دوشدی جنگله
 گردانیمیز یاری گوز آچیق یاری یوخلادی
 روح‌الله دورمامش هله مکاری یوخلادی


گر نشمه آسنمه پولمه عطسه گاه گاه
 اولدی ماشین وطن کیمی القصه خوابگاه
 سازنده ساز الینده نوازنده یوخلادی
 خواننده لال اوتوردی سراینده یوخلادی
 راننده یاتدی تورموزولان دنده یوخلادی
 حتّی رئیس یاتدی نماینده یوخلادی
 بافنده ووردی چورتونی ریسنده یوخلادی
 اهل کتاب یاتدی نویسنده یوخلادی
 شاگرد یاتدی یوخلادی اوستاد یوخلادی
 تازه عروس یوخلادی داماد یوخلادی
 ازبسکه چورت چورتا قاریشمیشدی خواب خوابا
 چورت عالمی موبایلی مجید سالدی زیرابا
 بیر گون گلر قصور قصوراً قبور اولار
 اوندا آچار گوزون یوخودان نفخ صور اولار
 سالدی شهاب آغیرلقینی گاو و ماهیه
 یولاندی نچه ساعتین عرضینده شاهیه
 گئتدوخ امامزادهی سیّد محمّده
 موسی بن جعفر اوغلی نماینده مشهده
 صحنینده کاج و سرویله انجیر و ناردن
 صبحانه صرف اولوب دوزه لوب مختصر بدن

ای کاش همان صفاده اولیدی تمام شهر
 اولده شاهی اولوب ایملی امامشهر
 قویدی ماشین مسابقه تیر شهابله
 فی الفور آتیلدی آملی یولاندی بابله
 تعجیلله گئچنده فریدون کناردن
 آلدوخ کئفون چکینجه قوویندان خیاردن
 سیّاره سرعتینده دایانماز عبوردن
 محمود آبادی قیچیلیوب گئچدی نوردن
 عباس آباد زینت خطّ کناریدی
 تنکابنه یتنده زمان ناهاریدی
 صرف اولدی رامسرده ناهار اشتهاالله
 تفریحیله ظرافتله هایهالله
 دوسلار حضوری جنگل ایچی دریانین یانی
 روح الله هارداسان بالا چاق ایله قلیانی
 ساعت بش اولجاقین کلاچایدان گئچوب قطار
 اُستان رشته سرعتلن اولدی رهسپار
 احسانیدی ماشیندا که احبابه وئردیلر
 هی دال بادال کلوچه و نوشابه وئردیلر
 ناگه خبر گلوب قییدون جاده باغلیدی
 سو اعتصاینه هامونین قلبی داغلیدی

بو خشکسالی ایلیه جاق فتنه لر بلند
 ملّت جُئب قالار بو سودا اولسا جیره بند
 بیر نقطه ییل رحیم و رجیمون نشانه سین
 الله گرک کسه بولارین آب و دانه سین
 بدبخت سو دیلنمه گیلن آبیاردن
 تاپ معرفت یاغیش طلب ائت کردگاردن
 عصیان که قویمیوب قالا بیر آبرو سنه
 یول باغلاما چتین چوویره آب، رو سنه
 اسلامدن قوری بیر آدا دالدا لانمیشان
 سویله نه وئرمیسن قورو آددان آلانمیشان
 مردار یله تمیزی قاتوبسان نه ایستوسن
 دنیادن اوتری دینی ساتوبسان نه ایستوسن
 زیباکناردن کسه یول واردی بندره
 راننده گتدی مرکبی جولانه یکسره
 سیّاره بندر انزلیه چاتدی ماحصل
 فوراً اذانی باشلادی عبّاسی ال به ال
 اون کیلومتر آستاریا یول قالان کیمی
 وار بیر امامزاده سی باغ جنان کیمی
 ایستردی باش افقدن آچا کاروان صبح
 سرعینه دوشدی تور زیارت زمان صبح

بیرعدّه چیرمانوب چیمه بیر عدّه چیمه‌دی
 بیر عدّه دیندی دانلادی بیر عدّه دینم‌دی
 اعصابی جمله ایلدی راحت گامیش گولی
 نه خسته‌لیق قویوب نه کسالت گامیش گولی
 هر کس گلور او گولده شفاسین آلور گئدیر
 هر دردمند اوردا دواسین آلور گئدیر
 بعضی اوایاندا کیسه‌لنور بعضی لیفلنیر
 بعضی گامیش گولونده گامیش مثلی نفلنیر
 سرعینی‌ده قوتاردی او برجسته کاروان
 یوز دوندروب مراغیه دلگرم و مهربان
 گرچه قراچمن یولی شیب و فرازی وار
 تبریزدن یاخوندی بیزه امتیازی وار
 اما ماشین گلنده دولوبدی گئنده بوش
 نه شیرنی نه بخور بخور و نه بنوش بنوش
 تیکمیشدی قیرخ نفر گوزونی ایکی قارپیزا
 گوزگوز ائدردی قارپیزین آنجاق تاقین پوزا
 آلدی حاج اسماعیل^۱ ایکی قارپیز دوباره‌دن
 احسانینی کماله یتوردی دوباره‌دن

گلدوخ گنه مراغیه مأمَن مراغهدی
 مسکن مراغهدی منه مدفن مراغهدی
 سیخسین نقدری سیخسادا اصلاً داریخمارام
 بوردا دوغوب آنام منی اطرافه چیخمارام
 غربتده خشلرم نه قازاننام مراغده
 گزدیم هایاندا گللم اوزاننام مراغده
 هر بیر مسافرتده سفرنامه یازمیشام
 اهل کماله گورمه‌لی هنگامه یازمیشام
 سقل آغاتمشام بو مکاندا بوی آتمیشام
 اوز شهریمین باشین باشا دوشسز اوجاتمشام
 آثاریمه باخاندا منی سنده یاد ائله
 خسته روانیمی صلواتیله شاد ائله



یاندیم شرر شمعه پروانه یانان تک
 قاندیم ضرر و نفعیمی دیوانه قانان تک
 زلفون منی صنعان کیمی سوق ایلدی کُفره
 داندیم یولومین پیچ‌وخمین شانه دانان تک

بازنشستگان طبیعت

بیا جای سیر و تماشاقت اینجا
 ببین معرض دیدنی‌هاست اینجا
 خبرکن به چابک‌سواران مغرور
 که پایان ایسگاه دنیاقت اینجا
 مکن دست‌وپا گم به مستی هستی
 بهوش آی بی‌دست و پاهاقت اینجا
 همه دفتر خاطراتند اینها
 همه آلبوم عکس فرداقت اینجا
 ز چین و چروک جبینهای پیران
 چه خطهای برجسته خواناقت اینجا
 بیا دیدن خانه‌ی سالمندان
 پسر را بگو مادر اینجاقت اینجا
 ببین همّت رادمردان خیر
 چه آثار خیری مهیاقت اینجا
 وَ مَنْ يُقْرِضُ اللَّهَ قَرْضًا شَیْئاً
 بیا با خدا سوق سوداقت اینجا
 به یک درهم اینجا عوض صد هزار است
 بدان قطره‌ها کُرّ و دریاقت اینجا
 ز اشخاص خیر به شهر مراغه
 برازنده ارزنده اهداقت اینجا


کنون خانه‌ی سالمندان بهشت است
 چه زیباست زیباست زیباست اینجا
 به عبرت نظر کن به احوال پیران
 توانا بود هرکه داناست اینجا
 بیا پریشی کن ز حال غریبان
 به تحصیل عبرت معماست اینجا
 از این موسفیدان سیه‌روزگاران
 بپرسید آخر چه غوغاست اینجا
 همه آرزوها به دل بایگانی
 همه نقشه‌ها نقش رؤیاست اینجا
 کجایند همسایگان آشنایان
 که این پیر فرسوده تنهاست اینجا
 چه بهزیستی وه چه خوش استراحت
 بر این دل‌شکستان تسلّاست اینجا
 الهی عوض ده به همت گماران
 کسانی که بانّی و بناست اینجا
 تو گر عشق ورزی بر این امتحانات
 بیا نمره از بیست بالاست اینجا
 بیا دیدن موزه‌ی باستانی
 نشانه‌های عبرت هویداست اینجا
 کجا گلستانی از این باصفا تر
 کریمی غزلخوان و شیدا است اینجا

شبی از شبهای سهند

اولدوخ اوبایه بیر گئجه مهمان سهندده
زواره کسدیلر ایکی قربان سهندده
الله قویوب نمایشه اوز کار دستینی
اوز قدرتین ائدوبدی نمایان سهندده
بی منت و ازا دوشویوب خوان نعمتین
آچمیش عمومه سفرهی احسان سهندده
بسکه طبیعتین بشره وار نوازشی
احساس غربت ایلمز انسان سهندده
آثار رحمتین برکات و کرامتین
وئرمیش بروزه خالق سبحان سهندده
آسدوخجا هر نسیم یمین و یساردن
هر لحظه مرده جسمه وئورر جان سهندده
آلدوخ مرخصی ایکی گون روزگاردن
آلام روحه ائتماقا درمان سهندده
محسن مجید و کبلایی داود و نیکخو
زاهد یگانه جمعیدی یاران سهندده
بهروزی و عزیزی حسن بیرده جلوه گر
مجلس صفالی محفل عرفان سهندده

وار محسنین سهندده پست ریاستی
 ساخلار حریمین ئل اوبا چوپان سهندده
 یر صاف گوی صفالی سرین سو تازا لواش
 ایستی کباب چالخاما آیران سهندده
 قیماق قاتق کره ساری یاغ پُهره بال پنیر
 یادش بخیر سفرهی الوان سهندده
 لای لای چالیر آخار سو چادردا یاتانلارا
 نه دوده وار نه نعرهی کامیان سهندده
 ایتلر اولاشماقیندا قویونلار ملشمهده
 کوثر بیلاغی چشمهی حیوان سهندده
 شام و سحر ئیلات و عشایر چالیشمادا
 نه دردسر نه غیبت و بهتان سهندده
 راحتلیق ایسته سن بو جماعتدن آیری گز
 وئر عزتیه عمریوه پایان سهندده
 رزق حلال آختاریسان چیخ بو شهردن
 دوز قول و دوز عقیده دوز ایمان سهندده
 حقّا بهشت و حور قابار اللرینکیدى
 دینین رعایت ایلسه دهقان سهندده
 اولدوزلارین گوز ایلمه سی آی قاش آتاماسی
 شبزنده دار عشقه دیور جان سهندده

بهروزی باشماقین ایتوروب گتدی دارلیقی
 هی لوله‌دی صاقا صولا حیران سهندده
 بیر عدّه یاتدی یوخلادی یورقون اُکوز کیمی
 بیر عدّه اولدی داغلارا حیران سهندده
 بیچاره‌لر نه یوخلامیسوز بسی بیر دورون
 اولماز همیشه گزماقا امکان سهندده
 بس که هوا لطیفیدی همراهلر ظریف
 طبع کریمی اولدی غزلخوان سهندده



قوجا بیمان

هر گون اوزیوی بیر مودا سالما قوجا بیمان
 آلاّتما منی عقلیمی آلاّ قوجا بیمان
 بیر بوسه جوانلقدا وئروبسن منه بسی
 هی وئردیگیوی باشیما چالما قوجا بیمان
 بیر سؤز دئدیم اوندا سنه اُپدیم دوداقوندان
 دائم بئله قال گوزله قوجالما قوجا بیمان
 بیر جوت یاناقون آلمیا بنزردی شافاقلی
 آلاّ دولانوب اولدی یرآلاّ قوجا بیمان

درویش

تواضعینده اگر خاکساردور درویش
 بلندمرتبه والاتباردور درویش
 دوداقلاریندا تبسم اورکده شعله‌ی عشق
 همیشه لاله‌صفت داغداردور درویش
 باشیندا جبه‌الفقر فخری طبعی غنی
 رهین منت پروردگاردور درویش
 اورکده عشق علی شور کربلای حسین
 غلام خواجه‌ی دلدل‌سواردور درویش
 مقام شعریده اوستاد زمهری شعرا
 نچونکه همنفس شهریاردور درویش
 باشی دومانلی گوزی‌یاشلی سینه‌سی داغلی
 عجب سهند کیمی باوقاردور درویش
 سالوب ایاقدان اونی آرک‌تک مرور زمان
 ولیک آرک سیاق پایداردور درویش
 اونا بو مجلس تجلیل چوخ مبارکدی
 عزیزیدی زر کامل عیاردور درویش
 آسوبدی درگه مولایه عجز کشکولین
 فصیح منقبت هشت چاردور درویش

بدیع و قافیه علم عروض و نطق و بیان
 متاع فنیله سرمایہ داردور درویش
 وجودی سینه‌ی ارکه مدال پیروزی
 مجالس هنره افتخاردور درویش
 صفای چهره‌سی گلشن وفاسی ماء زلال
 اورک غمین داغیدان لاله‌زاردور درویش
 جوشان بولاغ‌کیمی جوشقوندی طبع‌سرشاری
 نباته روح وئرن چشمه‌ساردور درویش
 دامار گوزل قلمیندن طلای سرخ‌وسفید
 همیشه زنده قالان یادگاردور درویش
 کریمی ایستر اونا طول عمر خالقندن
 محبت اهلینه آموزگاردور درویش



دنیانی گلن مذمت ایلور
 شیطانہ دیل آلتی لعنت ایلور
 دورد الی قوجاقلیوب بوراخمور
 شیطانیلہ گونه خلوت ایلور

آینالی جنگل

گینه لطف ائندی حضرت باری
 بیر طرفدنده بخت ائدوب یاری
 گینه دوشدی باشا هوای سفر
 غمی زایل ائدر صفای سفر
 بشنفر اهل دل رفیق شفیق
 شرط اول رفیق ثَمَّ طریق
 قارداشیم مشکریم نوحه سرا
 خادم آستان آل عبا
 حاج حسین چاکر عالم و شاعر
 دستفرمانی پخته و ماهر
 حاج یدالله مرد خوش مشرب
 نعمتی فرد خوش ادا و ادب
 گوزل انساندی خوش رفاقتی وار
 بولامادن ولی کراہتی وار
 بولامانی توکن زمان طاسینا
 تنز دوشردی اورک بولانماسینا
 هره بیر شئی دکان ائدوب اوزینه
 گوز برلدير اونون بونون یوزینه

بیری جنن قاپور بیری جانان
 کدودان پاخذلادان بادمجانان
 من ولی قوخمارام قلع قمه دن
 پسته دن کله پاچه دن م.....دن
 قورخارام من اوچ اوزلی انسانان
 شکلی انسان نهادی حیوانان
 حاج حسین گنچدی پشت فرمانه
 رخشی رستم گتوردی جولانه
 صبح تبریزدن ایلدوخ حرکت
 سفر ما بخیر و با برکت
 تا علمدار گرگره چاتدوخ
 اوردا صبحانه نی قورولداتدوخ
 بال کره نیمرو نان داغیله
 چای و قلیان دماغ چاقیله
 حاج حسین دنده چکدی باسدی گازا
 تا یتیشدوخ کناره آرازا
 آرازین ماجراسی جالبیدی
 بیزه آخشامه تک مصاحبیدی
 وار شعیب ادلی بیر امامزاده
 اولدوخ اوردا نمازه آماده

گون باتان کام دل حصول ائلدوخ
 آینالی جنگله نزول ائلدوخ
 نجه جنگل بسان باغ جنان
 ائدير انسانی واله و حیران
 قلم زرنگار حضرت حق
 حق مع الحق یازوب ورق به ورق
 نقشه‌ی شاهکار لم یزلی
 شاهد قدر قدرت ازلی
 نارونلر که باش چکوب فلکه
 سسلنور ربّی لاشریک لکه
 بلبل و کبک قمری و یاهو
 هامونین ذکر ییحق و یا هو
 لطف حق اولدی بیزلره شامل
 بطن جنگلده ایلدوخ منزل
 یولی آزدوخ اگرچه اولده
 غم کریمینی بوغدی جنگلده
 آینالی جنگلینده بیر ویلا
 دربداغون اولوبدی واویلا
 بیر اثردی قدیمکی دوراندان
 «تُمانی یاس» آدینلی بیر خاندان

آرمنی میش بوکنده ارباییمیش
 دایماً مست بادهی ناییمیش
 بیر زمان بو ماحاله سلطانمش
 میرزا کوچک کیمی بویوک خانیمیش
 نه خانمدان خبر نه ده خاندان
 بیر خرابه قالبودی ایواندان
 کندین اهلی اولوب پراکنده
 قالدی بیر خانواده بیر کنده
 رستم زالی ثولدیرن دنیا
 سقراطا شوکران وئرن دنیا
 تُمانی یاسین انگینه زیتدار
 بیزی واللّه توخوم کیمی چیتدار
 نه کلنتر نه بگ نه خان قالاچاق
 نه چپاولگر و چاخان قالاچاق
 نه جنگل نه سیاحتگاه
 یولی صعب العبور وحشتگاه
 کرهی ماهه یول چکور انسان
 جنگله یول چکنموری ایران
 نقدر کشف سورولدی جنگلده
 لحظه به لحظه ضبط اولوب دلده

گز دولان تا الونده امكان وار
 قوجاليق تك قباقدان زندان وار
 اوندانكى گئىدى عمرىدىن برىك
 اوتدوقون يردن ائتمه سن حركت
 گورمه ليدى صفاسى آينالينون
 گوزل آب و هواسى آينالينون
 اوخى چاكر زيارت عاشور
 سال كريم نوحه ويله جنگله شور
 كبلا داود چاقلا قليانى
 وقتى فوت ائتمه فرصتى فانى
 خسته ليق چيخدى ياخشى دينجلدوخ
 دوروب اوردان كليبره گلدوخ
 دوشه دوخ پارک لاله زارينده
 قلعه ي بابكين كنارينده
 كريمين دست پختى عالى ناهار
 دادى قالدى آغيزدا ليل و نهار
 ياخشى پيسدن جهاندا آد قالاچاق
 يماق ايچماق گئىندى داد قالاچاق
 بير ماشين قيز بصورت اوردو
 ديه بوللم كه بير سوري آهو

مانتو سینه جلوکمر باریک
 تُنگ لب تُنگ و طَرَه‌لر تاریک
 ظاهراً با لباس اسلامی
 اتی یانسین توکولسون اندامی
 سوبای اوغلان تاپا یتیشمیش قیز
 سوسوز انسان گوره سرین قارپیز
 اوزونی ساخلیا دۆزه دایانا
 دییرم مرحبا اوغول دوغانا
 کیمدی بو گلّه‌نین نگهبانی
 یوز قیزا بیر جناب روحانی
 اوزونی ساخلیا دۆزه دایانا
 شمعہ بارماقلارون دوت اوددا یانا
 صاحب اوردو اوردووا تپه‌لر
 اوردووا بلکه یوردووا تپه‌لر
 هارا گئتدوخ شولوخ پولوخ اوردو
 واقعاً اوردو پ... یوردو
 عجب ایمانی ساتدیلار هیچه
 اولدی اسلام الده بازیچه
 کفری ایمانله قاریشدیردوخ
 قویونی قوردولا باریشدیردوخ

آی کیشی قوی بو درسینی اوخوسون

دون بیچوب کوت تیکوب گلون توخوسین

بونی تشویقله چیخاتما داغا

بو گوزلدی دوشکده اویناماقا

بونا تیر آتماق ایلمه تعلیم

بونا وئرمز اجازه عقل سلیم

خانمون فوقالعاده ارزشی وار

جبههی جنگه قهرمان کیشی وار

کاراتا کشتی اوردو مرد ایشیدی

خانما چاتما بو یوکی دیشیدی

ایشی نااهله وئرمه ایش چیخادار

یرینه دوشسه پالدا دیش چیخادار

بونا تحریم ائدوب جهادی خدا

بو تفکچی دگول جُعِلْتُ فدا

قیز ندی اوردویا قوشولدی ندی

هر گلن شاخهده قوش اولدی ندی

یا مَقْسَم اموال

صرف اولور گور هالاردا بیت المال

دم گرامیدی دُرّ و گوهردن

چرخدوخ آخشام چاغی کلیبردن

یاخشی یولداش صفا وئورور سفره
 وارد اولدوخ اذان چاغی اهره
 یوخودی بحثیمیز مجادله‌میز
 گلدی تبریزه چاتدی قافله‌میز
 اخوی‌نین عیالی سرعتلن
 شامی آماده ائتدی لذتلن
 دؤشه‌دوخ صبح بعد صبحانه
 شهناز آغزیندا چای و قلیانه
 ایکی وارسته مرد بامعیار
 بیریری شیوا بیریری امین افشار
 شعرا بیریریله اولدی تانیش
 گئتمز اصلا محبت اهلی یانیش
 احتراماً ائدوبله چوخ اصرار
 صرف اولوب راستوراندا یاخشی ناهار
 صبح سه‌شنبه دوّم مرداد
 چیخدی تبریزدن هامی دلشاد
 کاروان قصد ائدوب میانه یولون
 ییز قالاخ ساغ و سیز سلامت اولون
 پهن اولوندی میانه‌ده دسگاه
 هر شی آماده‌دی بحمدالله

وار اما مزاده سيد اسماعيل
 ايكى ركعت نماز ادا ائلدوخ هامى الطاف فيضينه نايل
 اوردان اولدوخ روانه زنجانه هامى ئل طائفانى دعا ائلدوخ
 خوش صفا واردى پارک ميشمه ناهارا گفته سفره شاهانه
 شيرين انگور و خربزه انجير وار نسيم بهشت هر دمده
 يارب از ما فراغ قلب مگير
 همدانه قالاندا بير مقدار واردى بير آبگرم آدينلى ديار
 اوردا وار ايستى سو وجوده شفا
 سرعينده هانى او ذوق صفا
 پيشدوخ اما او سو ياييلدى جانا
 سانکه سالدون چغندرى تيانا
 سو دورويدى بسان دُرّ عدن
 رفقا چيمدى دينجلوبدى بدن
 گون دونوب يوز چوويردى گون باتانا
 قافله وارد اولدى اکباتانا

گفتدوخ اوّل نظامی محضرینه
 فخر اندردوخ حضور انورینه
 مغتندور وجودی فاضلدی
 علم و فضل و ادبه کاملدی
 یارب ائت ناامید حاسدینی
 رستگار ائت حمید و حامدینی
 مرسلین، ساخلا هر بلالردن
 فتنه‌دن شردن خطالردن
 قارداشی نوحه‌خوان بنام حبیب
 اهل صدق و صفا جوان ادیب
 گنجه‌نی یاتدوخ عشق باغیندا
 علم و فضل و شرف اوطاقیندا
 صبح گلدی محرم صمدی
 نقدر لطفی وار اسیرگمدی
 حبیب آقا ناهاره دعوت ائدوب
 خوش‌پذیرائی عالی خدمت ائدوب
 ائتسون الله عزیز همسرینی
 ساخلا‌سین زینین اباذرینی
 حاجی قُربی آدیندا بیر قصاب
 ارغوانی لقبدی اهل ثواب

اهل سرمايه ياخشى ثروتى وار
 آل طاهايه چوخ ارادتى وار
 ائوينى ايليوب حسيني خانا
 خاكپا اهل شعره نوحه خوانا
 بزم ماتمه مرد ميداندى
 مالى جاني حسينه قرباندى
 بيره يوز اجر آلوبدى دنياده
 بيره يوزمين آلاندى عقباده
 بعضيلر ملته تالان وئوروى
 بير تومن خشليينده جان وئوروى
 بيرى عشق حسينه دولانور
 بيرى هيئت گورنده سانجیلانور
 بيرى وقف ايليوبدى ماملکين
 بيرى آوجين قيسوب يزید تکين
 حاجى قُربى نين هيئتین گوردوخ
 فيض آلوب استفاده هم وئردوخ
 اودا دعوت ائدوب ييزى ناهارا
 محترم دور حسينچى گئتسه هارا
 روز مولود زينب کبرا
 بزم جشن ايلميشديلر برپا

چوخ	مجلّدی	جامع	همدان	
بارالها	بخاطر	سجاد	اٹله	آثاره فخر ائدر ایران
هرکس	اولسا	مساجده	خائن	ساخلا دائم مساجدی آباد
بیزه	لطف	ائدی	سروان	الیاسی
عازم	اولدوخ	سیاحت	غاره	سیرتی پاک و خوشدی سیماسی
واقعاً	غار	گنج	حکمتیدی	اسرار غیبه نظاره
اوردا	اوردو	سوخولدی	یوردومزا	آیتیدی
همدان	باصفا	مکانیدی	آجی	بلله تپیلدی اوردومزا
برج	قربان	و	مرقد	یحیی
ایکی	مرقد	ایکی	بارین	مستر
			مردخای	بیری
			استر	

ایکی صندوق آبنوس قدیم
 قولاق آس شوقله دئمه دئمدم
 خطلر وار بصورت میخی
 ایکی مین دورد یوز ئیلدی تاریخی
 اوردا بولم نه شور و حال واردی
 کبلاداود باشینی یاردی
 موزهی هگمتانه حکمتیدی
 واقعاً بیر کتاب عبرتیدی
 وه چه موزه چه یادگار بهین
 اوردادی یازدقیق سنق لولهین
 سنگ تابوت ایچینده بیر مُرده
 بیر نفر اسکلتدی پڑمرده
 دئدیم ای اسگلت منیله دانیش
 میزبانسان قوناقه باخما یانیش
 سن ئولی من دیری دل آچ دانیشاخ
 کوسمیش اولساخدا وئر الون باریشاخ
 کیمسن اشرافدنسن اعیانسان
 فعلهسن کارمندسن خانسان
 بیسوادسان و یا کیم عالمسن
 یول کسن رشوهخوار و ظالمسن

دی گوروم عالم حیاتوندن
 سویله جنتده غرق رحمت سن
 منله سویله مشخصّاتوندن
 سن دی یا من دیوم جهاندا نه وار
 اسگلت بیر اویاندی دیسگیندی
 دئدی من بیر عزیز دورانم
 منه دقتله باخ منم ملکه
 شاه گردون حشم مصاحبی یم
 من غلام و وزیر صاحبی یم
 یدقیم ایچدقیم کباب و شراب
 دئدقیم ائتدقیم عتاب و خطاب
 سُرْمه هر گون چکردیلر گوزومه
 اوتاناردی گونیش باخا یوزومه

قان داماردی گوزل یاناقیمدن

ایمدی بیر شکل استخوان گوروسن
بال سوزردی شیرین دوداقیمدن

یتورون بو سؤزی خانملاروزا
منی تابوت ایچینده دیندیرینسن

دئمیون گلروز سارالمیاجاق
چوخدا پابند اولماسونلا پوزا

اولمیون عیش و نوشوزه مغرور
او وجاهت او حُسن قالمیاجاق

ائمیون استفاده قدرتدن
اولاجاقسوز اسیر خانه‌ی گور

دینوز اولسون منیت ایلمیون
سالاجاقلار سیزی ریاستدن

یته‌سوز هر مقام و اجلاله
اوزوزی غرق لعنت ایلمیون

حفظ ائدون اوز حجاب و عصمتوزی
دوشه‌سوز سیزده من دوشن حاله

عورتین ارزشی نجابتیدی
دین و ایمانوزی شرافتوزی

آبروسی حیا و عصمتیدی

حمید آقا محبت ائندی گینه
 لاله جین مرکز ظروف سفال
 گز مه لیدی گورن اولور خوشحال
 دولانوب لاله جینی سرعتیله
 ساخسی قابلاردان آلدوخ عزتیه
 بو حدیثی حمید ائدوبدی بیان
 ائدیرم منده سیزلره اعلان
 یولدا قالساز وسیله سیز ناچار
 نه هواپیما نه ماشین نه قطار
 یدّی صلوات و یدّی انزلنا
 اوخویون دردوزه ائدله دوا
 بابا طاهر مزاری عرفاندی
 قبری بیر پارچا نورباراندی
 قبر پرنور بوعلی سینا
 همدان شهرین ایلوب سینا
 حاج حسین سوردی جدول اوستوندن
 ساخلادی ال که وار ال اوستوندن
 یتیشوب روز جمعه وقت فراق
 دوست مشگلدی دوسدان آیریلماق

آیریلیق داغ داش آغلادار های های
 ائتدوخ آخر نظامی دن بای بای
 قویماروخ ذره غم یته گوگوله
 گینه گلدوخ یتیشدوخ ایستی گوله
 وارد اولدوخ طبیعی خوش حماما
 یووینوب سربه سر اولاخ شاما
 او سو یورقونلوقی بوتون آلدی
 صرف صبحانه ابهره قالدی
 پارک ابهرده صرف اولوب سحری
 قوی مسافر باشا وئره سفری
 مختصر رد اولاندا زنجانی
 اخوی چاق ائدوبدی قلیانی
 داود ائندی ناهاری آماده
 خلیلی دوغراما قووین ساده
 یولدا یولداش کسر بهانه یولون
 قباقا قاتمشوخ میانه یولون
 خشکه سالی غریبه داد ائلیور
 باخيسان هر یانا ئیلان ملیور
 قیزیل اوزن، چایی ائله قورویوب
 اود آلو تک دومان داغی بورویوب

گلون اوغلان چیخاق مصلایه
 یاغا بلکه یاغیش بو صحرايه
 چیخاداق کوچه لرده چمچه گلین
 بلکه الله آچا کرامت الین
 قالمیوب آب، چاه و جولرده
 گئدوب آیله آبرولرده
 چشمه لر خشک اولوب دولوب چشمه
 اولدی گوزیاشلاری آخار چشمه
 ملتین مشگله دوشوب گئچری
 کسیلوب باشی قان گئدیر ایچری
 بویوروبدی رسول عالمیان
 گلسه هر خانوادیه مهمان
 نازل ایلر خدای باعظمت
 اورا مین رحمتیله مین برکت
 قوناق اوردا تقدری لقمه ییه
 حج و عمره ثوابی هر تیکیه
 نه گوزلدور حدیث و پیغمبر
 اکرموا الضیف کان لو کافر
 خشکسالی اولوب بویوک آفت
 هامونی ایلوبدی ناراحت

قورویوب جمله رودخانه قویی
 جیره‌بندی ائدوب مباح سوی
 ای خدا چکه امتحانه بیزی
 سالما کمبود آب و نانه بیزی
 هاچان الله بیزی سویندیره‌جاق
 هانسی اعمالوزه یاغیش وئره‌جاق
 یاسدا آرایشله لفلماق
 طویدا آسایشله کئفلنماق
 دولدوروبدی جهانی فسق و فجور
 نقشه حيله دسیسه جوربه‌جور
 معنویاتی یخدی مادیات
 بیرده صدق و صفا تاپاخ هیهات
 باغلانان کیمدی اللهین ایینه
 گلی بیر گون سودا دوشر کوپنه
 چاتدی تبریزه کاروان صفا
 اکیب معرفت گروه وفا
 اخوی‌نین ائوینده یاتدوخ شاد
 خوانی گسترده خانه‌سی آباد
 ایکی گون دینجلوب دابان قیزدی
 بیزی گرماق هواسی قالخیزدی

ایله که دینجه قالدوخ آی قارداش
 بیزه وئردی زمانه راحتباش
 گلدی منصوریان خوش اقبال
 ایلدوخ دعوتیندن استقبال
 اونا ایستکلی قارداشام بنده
 قرار اولدی قوناق گئدک کنده
 گلدی صبحانه نی ووروب بدنه
 عازم اولدوخ میانه حومه سینه
 تاکسیمیز سرعت آلدی یللدن
 ردّ اولوب توبه تو تونیللردن
 رجب اسماعیلی خجسته خصال
 شوهرخواهر همان اقبال
 ائتدی بیزدن گوزل پذیرائی
 ائله باخماز باج اوغلویا دائی
 ساخلا یارب تمام عائله سین
 علی سین هم سمیه راحله سین
 واردی بیر عدّه باشرف انسان
 قوناقا جانینی ائدر قربان
 سیامانصور، بیر گوزل کتدی
 اورا منصوریان مولددی

چونکہ منصوریان اورالیدی
 کند اوزی واقعاً صفالیدی
 دشت سرسبز دامن بُزگوش
 آلوری الدن عقل باشند هوش
 سالدی رانندہ گہ بوشا برکہ
 وارد اولدی آرابامیز، ترکہ
 ترکہدہ وار قدیمی داش مسجد
 جسم تاریخہ بلکہ باش مسجد
 طرحی سگّز یوز ئیل قباق بنیاد
 کندوان بخشینی اندوب آباد
 باستانیدی مسجد سنگی
 اصل میراث فصل فرهنگی
 بوردا کیملر گلوب نماز قیلوب
 کیم بو منبرده کشف راز قیلوب
 تاپدی تشکیل بیر نچہ جلسہ
 اوردا انسان روا دگول تَلّسہ
 چون قباقدہ وفات زہرا وار
 ناگزیرم قیتماقا ناچار
 سیامانصور، جنگلستانی
 باور ائت گزمہ لی گلستانی

آما اہلی قاچوبلا طہرانہ
 کندی تبدیل ائدوبلہ ویرانہ
 حیف او گلزارہ باصفا چمنہ
 اوتوز ائودن اضافہ یوخ سکنہ
 وار امیدیم کہ دولت ایران
 یارادا اہل کندہ چوخ امکان
 بوشلیوب کتلی کندی قاچمیالار
 دردسر اہل شہرہ آچمیالار
 ہارا گتدی صفاسی کندیمیزین
 گزنہ سی، کدخداسی کندیمیزین
 تازا دوزسوز کرہ سرین ایران
 سود قاتق بوللو لور پنیر احسان
 اخیر آیدین سو داش بیلاقلاردان
 ساچلی قیزلار باخیر قالاقلاردان
 مطبخین چولمگیندہ تندیر آشی
 صبح صبحانیہ نزیک لواشی
 بوردا نازلی گلین تولوق چالخیر
 اوردا خرمن دوگوللہ توز قالخیر
 بو طرفدہ خاتین اینک ساغیری
 برکتلر یاغیش کیمی یاغیری

کُرسی اوستونده ایده شبچره دن
 هئچ اثر قالمادی او منظره دن
 سود قوویتماشلاریندان آد قالدی
 خامادان آغزیمیزدا داد قالدی
 ولی، ولِ ولِ سورردی مشدی ولی
 نه ولی وار نه ولِ قالوبدی ولی
 دولانوب جارجار اولدی خرمنکوب
 کتلینون عیشین ایلدی منکوب
 آلا قاشقا اُکوز هانی شوخوما
 او گئندنن آفات گلوب توخوما
 ایشلر آسان اولوب نتیجه چتین
 قانمور انسان صلاح و مصلحتین
 کاش او قدری اولیدی امکانات
 بو گونه دوشمیدی وضع دهات
 بو مهندس قالیدی کندینده
 دکتراسین آلیدی کندینده
 اوندا هر کند اولاردی شهرستان
 طهران اولمازدی مجمع البُلدان
 بو یازیقدا دیلین دگیشمزدی
 یولون آزمازدی انگین اگمزدی

انگلیسی اوخور یازیر فارسی
 دیلی یاددان چیخوبدی زیر فارسی
 داخی اویمازدی اوزگه نین فلینه
 خدمت ایلردی کندینه ثلینه
 مود مودا دیل دیله قاریشمازدی
 بوردا اوزگه دیلی دانیشمازدی
 واریدی بول غذاسی کندیمیزین
 بیر گوزل کدخداسی کندیمیزین
 کدخدا قاچدی ایش قیزیلندی
 غم توزی باسدی چولقادی کندی
 کتلی یر تاپمادی سؤزون دئماقا
 قاچدی طهرانه دود قازول یماقا
 داغیلوب ئل اوباسی کندیمیزین
 یاد اولوب اقباسی کندیمیزین
 قوزونون توخلنون ملشمه لری
 کپیچین کورپه نین گولشمه لری
 چوبانین خوش نوای نی لکی
 ایستی قورقا اولوب پفک نمکی
 اوز ثلین بوشلیوب دهستانی
 نسل بالنسل اولوبدی طهرانی

آنادان اولدوقی یری دانیری
 دوز آدین سسلینده متدانیری
 جانعلی سسلینده هسلنیری
 چاغیر عالیجناب هوسلنیری
 او گئچن گونلری چتین تاپاسان
 اکوب اوندان بیچوب یایوب یاپاسان
 بو گئجه طویلده کیمون طویودی
 او محبت سرینلهدی سووودی
 کندی ضرنا دهل دوتوب سازیلان
 خجه سلطان گلین گئدیر نازیلان
 غصه دن قارنین آوکالیر کتلی
 گور ئولوب یا هله قالیر کتلی
 باخما ظاهرده شکلینه پوزونا
 هئچ کسی ذره سایموری قوزونا
 بیر موبایل الدهدی بیرى بئله
 ایکسینده قویوبدی منزله
 دای بو بوغدا اکوب بیچین بیچمز
 قازانوب تون تون آلمادان گئچمز
 بو گلوب بیرده کند آباد ائلمز
 او گئچن روزگاری یاد ائلمز

بوشلیوب دام داشی قاچوب شهره
 شهره سی شهره بهره سی بهره
 سۆز سۆزی گتدی اصل سۆز ایتدی
 حاشیه متندن اوزون گتدی
 گلستاندان امام جمعهی گل
 شکرزاده اندوبدی طی سُبُل
 گلوب اوردان منیم زیارتیمه
 اوره گی باغلیدی محبتیمه
 بیر قویون کسدیلر کباب ائلدوخ
 ایاق اوسته ییوب شتاب ائلدوخ
 شکرزاده یله مینماقیم تابه
 بیر شیرین خاطره ییدی احبابه
 بیزی منصوریان یولا سالدی
 اوزی حسرت باخا باخا قالدی
 یاشاسین یوسفیله توحیدینی
 هم چین مرضیه یله ناهیدینی
 الغرض دوسلاری وداع ائلدوخ
 سیامانصوردان انقطاع ائلدوخ
 شهریمین اشتیاقی فکریمه
 دورما گلدیم مراغه ذکریمده

آتش ائتدی جگر یانوب تابه

یولدا صرف اولدی بوزلی نوشابه

ازلیندن مراغه دور وطنیم

بوردادی گلشنیم باغیم چمنیم

سنّ وسالیم جواندی یا قوجادی


من سهند اوغلیام باشیم اوجادی

من کریمی مراغه شاعریم

تا آدیم واردی ئولمرم دیرییم

قالاجاقدور کتاییم اللرده

آدیم ازبردی جمله دیللرده



بشر هر قدری قیسّالسا اوزانسا

دوشه شاید یولی بیر گون اوژانسا

یخالارّ باسدیرالارّ قوسدورالارّ

سلامت چیخماقی قالدی او شانسا

کله پاچه

نجه مطلوبیدور عشوه، ظرافت نازلی دلبردن
 نجه دویماز جهاندا عصره‌میش قیز لذت آردن
 نجه دلچسب اولار بوسه لب لعل صنوبردن
 اوجور صبحانه خوشدی کله‌پاچه حاجی‌حیدردن
 وئروب بیر کله‌پاچه چای و قلیان حاجی‌قنبرلو
 کناره سالماسین الله اونی مولای قنبردن
 گنه انزابله عالی‌نژادین ساجلاری قیزدی
 منی گزیدیردیلر خویدا تماشا اتدوخ هر یردن
 گنه اولدوخ موفق بیرده دیدار احبّایه
 سیاحت عزمینه تاپدوخ فراغت چرخ اخضردن
 ازل عالی‌نژادین دودمانین ایلدوخ منزل
 خدا ساخلا اوزین هم اهل بیتین هر بلالردن
 خویون ارزشلی شخصیتلری دوریمده جمع اولدی
 آچیلدی منطق اشعار گوناگون دفتردن
 گوزل شاعر حاجی‌زاده قشنگ انساندی چوخ ساده
 هم افتاده هم آزاده غنی طبع سخنوردن
 نصیری مرد بافرهنگ قربانزاده دانشمند
 امینی بیرده سهرابی گلوب دیداره هر یردن

نبات و قند اولانماز صحبت احبابدن شیرین
 خصوصاً نغمه‌ی «انزاب» شیرین شهد شکرده
 قورولدی مجلس عالی که جای دوستان خالی
 خبر یوخ، نوحه‌گردن، حاج حسیندن، شیخ جعفرده
 آغاسینی، زیارت ایلدوخ اما مزارینده
 گزوب شیخ جابری تاپدوخ لحدده زیر مرمردن
 هانی میرحیدر بزم آشنا، پیروزیان، ذاکر
 نه تئز ال چکدیلر شعر و غزلدن یار و یاورده
 عجب چرخین جفا سیندن یالان مهر و وفاسیندن
 آیوردی یاری یاردان جسمی جانان روحی پیکردن
 هزار افسوس مادیات آزیبیدی معنویاتی
 صداقت عاطفه یوز دوندروبیدی ماده و نردن
 باجی قارداشده اینجیکلی آتا اوغلونده اینجیکلی
 عمودن عمّه خاله خاله‌دن خواهر برادرده
 سالوب طول امل حبّ‌الریاست دینی تعطیله
 نه اللّهدان حیا ایلور جماعت نه پیمبرده
 دبیر امتحان پور ابوسفیان اولان گوندن
 علی‌لر نمره کم گتدی ابوموسای اشعردن
 زییر و طلحه اگلشسه اگر پشت ترازوده
 سئچیلمز عمرعاص بیحیالر مالک‌اشترده

ووروبلار پشت پا شرم و حیايه دين و ايمانه
 قورو بير آد قالب اسلامدن شرع مطهردن
 س.... مستضعفين هر زاديني بير زوردور بير زر
 زر ايلر ضرناچی زينالی مستحسن ابي زردن
 سؤزوم دوزدی دئسم بانگی دوتولار کعبه دن اشرف
 گزوللر سامری گوساله سين دگان زرگردن
 جماعت نيش تنزيل و ربانی نوش جان ايلور
 بدنده قان فساد ائتسه تاپالار چاره نشتردن
 خانملار پرچم حریتی برپا ائدن گوندن
 ائله مينديرميشم انديرمرم جانانی پيسردن
 باشيندا روسری سینه آچيق تلر طلائی خوش
 اگر واعظ گوره نعره چکر الله اکبردن
 نماز و روزه و حج و جهاد انساندان اولادی
 عبادت ايستمز پروردگاريم گاويله خردن
 گلون برنامه دن طرد ائتمياخ آیات قرآنی
 گئداخ الله يولون ال چکميخ محراب و منبردن
 گلون بير وحدت ايجاد ايليخ اقشار مردمده
 چکاخ معروفه بو خلقي اولاخ بيزار منکردن
 سؤز هاردان باشلانوب هاردا قوتاردی هارداسان ساقی
 اولوب ناراحت اعصابيم منی مست ايله ساغردن

منی تنز تردماغ ایله گتور قلیانی چاغ ایله
 بلورین استکانه بیر گوزل چای توک سماوردن
 گرک لبسوز اولا لبدوز اولا لبریز اولا چایلار
 توکنده فنجانا عطری باسا زنجانه ابهردن
 قوتاردی کله پاچه لذت دیدار قورتارماز
 همیشه یاد اولار «انزابدن» احباب دیگردن
 کریمی اهل عرفانین یانندا درج گفتارون
 گرامیدور گراندور لعل و مرجان دُر و گوهردن



رنج و زحمتدی سربه سر قوجالیق
 ائدر انسانی دربدر قوجالیق
 ای جوان چوخ گوونمه هیکلیوه
 چوخ پسرلر ائدوب پدر قوجالیق



مشهد اردهال - قالی شویان

از لده الله آدیلان شروع اولور عنوان
 اودور مسبب اسباب و خالق سبحان
 تمام ماخلق الله لطفی متتی وار
 اجازه وئرمسه نطقه کیمون جسارتی وار
 همیشه حالیمه شاملدی لطف سرشاری
 کرامتیندن اولور طبع نهر تک جاری
 همیشه مدّت عمریمده یتمشم کامه
 شیرین شیرین یازیرام آیدا بیر سفرنامه
 یتیشدی یتیمشه سنیم پوزولمادی چمنیم
 شافاقلیدی گونی گوندن صفالی انجمنیم
 خدایه شکر اولا لطف ائتدی ئولمدیم قالدیم
 بیر ئیلده ایکی اوغول مکّه یولا سالدیم
 عنایت ائتسه گینه آرزو گلون درم
 قالان اوچ اوغلومی دا کربلایه گوندرم
 هزار و سیصد و هشتاد - ماه مهریدهیم
 بو گون غروب چاتان گون کیمی سپهریدهیم
 بو ئیلده دعوت اولوب «تاسرانه» قافله میز
 که قالی شوئی فین دنده قالماسین گله میز

گوزل ماشین ایکی راننده رستمی کرمی

صادق اولار اوچی معمولی من یوغون کلمی

ماشین آشوب ملکاندان چاتوب میاندا به

او یرده صرف اولونوب رغبتیله نوشابه

بیر آز ماشیندا گولوب آغلادوخ یدوخ ایچدوخ

بیر آز زماندا بوکان سقزی باسوب گئچدوخ

ماشین پر آچدی اوچاردی سنندجه چاتدی

صبحاحی شام ائلدوخ قاش قارالدی گون باتدی

یتنده دهلورانا رستمی مریض اولدی

ائله پوزولدی دئدوخ حتماً ئولدی قورتولدی

اوژانس قروهده وصل ائتدیلر سوروم یازیکا

ائله یخیلدی دیردون ایاقی گئتدی زیقا

منی سفرده ایکی رستمی ووروب لنگه

بیری نجفده بیری قروهده سالوب تنگه

بیری قیزیشما دوتوب ترلهدی حرارتدن

بیری قاشینما دوتوب تتره‌دی کسالتدن

بیریسی باش قاپودان هی قوساردی بلواره

بیری آتک قاپودان گوج باساردی شلواره

سوروشدی دکتروغول شام ناهار نمه یمیسن

بو حاله دوشماقووین علتین نیه دئموسن

دندی گلابی قووین بیر کیلو اوزوم یمیشم
 دیدیمیوب زورولان بیر نفر اوزوم یمیشم
 نجه چالا چوله توش گلر چوماق چولاغا
 ناخوشلادیم منیله سازش ائتمدی مراغا
 مرضلرین هاموسی معده دن بروز ایلر
 قارین که کوپدی بوکر سرو قدی قُوزا بیلر
 منی همیشه قویورسان شمات آتدا قارین
 دویانمسان نیه کوپ سانجیلان دی پاتدا قارین
 نقدری دولدورورام دویموسان مگر خشه سن
 گلن گئدن یولووی باغلا سین مرض شیشه سن
 الیمه هر نه دوشور یاخشی پیس حلال و حرام
 موتاللیرام سنی افسوس دوتموسان آرام

آمان قارین

قارین دئمه بشرین باشینه بلادی قارین
 گئجه گونوز مرضه درده مبتلادی قارین
 گهی قورولدوری قورباغه تک گهی چ....
 گهی دهل کیمی با هیبت و صدادی قارین
 دوشوب قباقه منی هریانا سوویر چکوری
 منه امیریدی رهبردی رهنمادی قارین

پلودان اُتری منی هی چکور اویان بویانا
 اوتانمیری ائله بیشرم و بیحیادی قارين
 گلن آچیق قاپونین آستانه سین اُپورم
 گینه گلیلی دی مندن دئمه رضادی قارين
 باش اگرم گلنه بیر تیکه چورکدن اُتور
 آجیندان ئولسه ده ئولسون نه بد ادادی قارين
 مگر قارين قولویام قارنما اطاعت ائدم
 ابوهریره لره کعبه دی خدادی قارين
 عجب سیزیلتیسی وار ضرنا تک زیریلتیسی وار
 غزل اوخور هامی آهنگه آشنادی قارين
 دولوب ربائله رشوه یله مال سرقتله
 آچور کریمیه مین فتنه و فساد دی قارين
 دولور اذیت ائدیر بوش قالور مشقت اولور
 همیشه صاحبنه خوفیدی خطادی قارين
 دویور قیزیر قودورور دویمور آه و ناله ائدیر
 ییور طوی آختاریری بوش قالور عزادی قارين
 دمیر یسم آریدر زر یسم اَزر چورودر
 چکر کاما گله نی مثل اژدهادی قارين
 غریبه کارخانا اوستن گلور گئدیر آتدان
 مگر ایکی قاپیلی کاروانسرا دی قارين

خلاصه ساوده دوشدوخ سیاحته ناھارا
 باسیلدی یاغلی یاوان اشتھائله تاغارا
 یغشدیروب هامی سور ساتی خیمه نی یخدوق
 گنچوردی ساعت اوچی بیزده ساوده ن چیخدوخ
 مینوب سراغ ائلدوخ اردهال مشهدینی
 جناب سلطان علینون صفالی مرقدینی
 سوار اولوب کرمی داو گوتوردی جرآتله
 گئردی اما نجه یوز ایگیری سرعتله
 او قدری گنچمدی رد ایلدوخ دلجانی
 قاتوب قباقه گئردوخ طریق کاشانی
 علیرضا حاج ابوالقاسم اشتیاقیله
 نراقی - خاوه نی رد اولدوخ اتفاقیله
 یتشدوخ اردهالا مشهد تولایه
 گوزوم ساتاشدی همان بارگاه اعلایه
 امام باقرین اوغلی مقام رفعتی وار
 امام صادق قارداشدی چوخ کرامتی وار
 او مشهدين نه گوزل بی شمار زواری
 عجب مراسم عالی عجب عزاداری
 گلوله فین دن اوچ یوز نفر چماقداران
 سالوا چشمیه قالینی یاحسین گویان

مین اوچ یوز ئیلدی اون اوچ قرن سال هجرتدن
 شهید ائدوبله اونی کینه و شقاوتدن
 وجود اطهرینی قطعه قطعه دوغرا دیلار
 او حاله خاوه و فین اهلی دائم آغلادیلار
 گلوب هراینه فین اهلی اتقاقیله
 کلنگ و بیل و پیچاق دشنه و چماقیله
 همان او رسم گنه اهل فین ده قائمدی
 گلوله هیئتیه گورمه لی مراسمدی
 مقام شامخ سلطانعلی مجلّدی
 اونون حکایتی بیر مبحث مفضلدی
 امام صادقین عیناً بو اوز عبارتیدی
 اونون زیارتی جدیم حسین زیارتیدی
 اودور که شام و سحر قبری نورباراندی
 او مشهدين لقبی کربلائی ایرانندی
 ایکیمجی جمعه سی مهرین گلوله هر یانندان
 خصوصاً عده ی مخصوص فین کاشانندان
 اذان ظهریده چاتدی مراسم اتمامه
 یوووبلا قالینی پایانه یتدی برنامه
 یدوخ ناهاری حسینیه ده جماعتلن
 دوروب ایاقه خداحافظ اولدی هیئتلن

سوار اولوب ماشینا باغلادوخ کمربندی
 سواری طرفه العین ایچره گنچدی راوندی
 ماشین نراقی گنچوب وارد اولدی کاشانه
 شیرین شیرین قوون آلدوخ باسیلدی انبانه
 نه چون زیارتیله باشلانوبدی برنامه
 گرک صفای زیارتله چاتسون اتمامه
 گنځاخ قما که ایاخ آستان اطمیدن
 مگر زیارت معصومه کمدی زینبدن
 جناب هاشمینون دعوتین اجابت ائداخ
 ائوینده تعزیه وار سالیانه شرکت ائداخ
 یغیشدی باشیمه ارباب فضل الحاصل
 جناب حجة الاسلام حاجی شیخ فاضل
 قوناق قالوب نچه گون هاشمی کنارینده
 سوواردوخ عمریمیزی دوسلارین جوارینده
 دیار قم متبرکدی چوخ فضیلتی وار
 که اوردا حضرت معصومه نین زیارتی وار
 ائدوبله بو باجی قارداش بهشت ایرانی
 بیر ائدوب قمی مسکن بیر خراسانی

زیارت حضرت معصومه

قمی بهشت ائلیوبدی مزار معصومه
 خزان مشقتی گورمز بهار معصومه
 او یرده دفن اولانین خوفی یوخ جهنمدن
 جوار رحمت حقدور جوار معصومه
 باسوبدی قارداشینون نامه سین اورک باشینا
 مزاریدن اوجالور آه و زار معصومه
 گوزی باخار یولا قارداشینون یولون گوزلر
 قوتارمیوب هله ده انتظار معصومه
 گل ای قویان گوزومی یولدا ناگران قارداش
 یانار غمونده دل داغدار معصومه
 رضا باجون سنه قربان منی ده یادیه سال
 غمونده گون به گون آرتار فشار معصومه
 سینه مده ساخلامشام دستخطیوی قارداش
 بو نامه دی سند افتخار معصومه
 رضا فراقوه یاننام غمونده اودلاننام
 همیشه غصه لیدی روزگار معصومه
 خلاصه حوزه علمیّه قمی ایراندا
 او شهره رتبه وئروب اعتبار معصومه

او یرده دفن اولانا یوخ فشار قبر و سؤال
 محلّ امن و اماندور دیار معصومه
 آتا امامیدی قارداش امام جدّ امام
 یتّر رسول کرامه تبار معصومه
 مزارینون توزونی توتیا ائدر علما
 عمومّه کحلّ بصردی غبار معصومه
 او بیر خانمدی که هیچ فردی ناامید ائلمز
 عطا و جود و کرمدر شعار معصومه
 کریمینون قما حددن زیاده رغبتی وار
 صفا وئرر اورگه لاله زار معصومه



یاشا کولگونه جانلار کولگه لنسین
 قاپوندا اهل حاجت قوی دیلنسن
 دعالر یارون اولسون ساغلیقوندا
 ئولنده اوستووه رحمت آلنسن

بہارِ دان خزانہ کیمی

ائشیدون باخ دیورم من اوجدان
 واجبات ایستور اللہ قوجدان
 یتیشور دار - یرہ عمرین گئچری
 بوشالیر خرگز آغاج تک ایچری
 گوز ایشیقدان دوشور اعضا یورولور
 یریینده یولی قیشلار بورولور
 اُسگورن وقتده یل حاصل اولور
 آسقیران دمده نماز باطل اولور
 قویموری پاک قالا شلوار قوجالیق
 گر ئولوم اولماسادا وار قوجالیق
 دم ووران تیر و کماندان قمه‌دن
 یاپشان کورپہ اوشاق تک مہمہ‌دن
 نہ قالور قوہ ال آتسین قمیہ
 نہ او حال وار کہ سوواشسین مہمہ‌یہ
 ایاق اوستہ دورایلمور یخیلور
 سیخیلور خود بہ خود ئلدن چیخیلور
 قاریشور فکر حسابیلہ کتاب
 ورد و ذکر ی بودی یا لیت شباب

آغاروب قاره‌لر آغلار قیزاروب
 قویشوب لاله یاناقلار بوزاروب
 ایکی عینک هره‌سی بیر سبیه
 بیر گوندوز بیر لازمدی شبه
 عینکین هر گوزی بیر نلبکیدی
 دال بادال سود چالینور - سمعکیدی
 ایاقا دورماقا باشی گیجه‌لیر
 اودی الده چلیک اوچ قیچلی گلیر
 قرصلن شربتیلن کپسولونان
 ئیلده بیر حاله گلور آمپولونان
 اسکلت معجزه باخ ترقالانیر
 صانکه بیر توریا سوموكدور دولانیر
 سالمندان طرف ایله گذر
 بشرین آخرین آختارسان اگر
 سالمندان گوزل عبرت یریدی
 ائشیدن اولسا نصیحت یریدی
 ماهرولردی اولوب آبله رو
 مشگ‌مولردی دونوب پنبیه مو
 کاردانلاردی اولوب بازنشست
 کاروانلاردی تاپوب یولدا شکست

غنچہ لبلردی دری تک بوزولوب
 ال ماتیکدن روژلبدن اوزولوب
 قارا تلر بویاناردی مشیلن
 بیر یوماق قلدی قیزیلدی ائشیلن
 فرتنی فرمژه و شانه هانی
 بو سونن شمعیدی پروانه هانی
 یرتیلان بیر توپ اولوب شوخ م....
 هادادی تازه جوانلار امه لر
 بیر زمان ک.... ایچینده هولودی
 هم شیرین هم یمه لی هم سولودی
 ایمدی اوخشور یلی سوزمیش طیره
 تاغی اولموش سارالان گلبسره
 بیر زمان اللری الدهیدی ائله
 ایمدی ده اللری بئله هابئله
 بو همان قیزدی پسندیده جمال
 ئلچی لر بیریره وئرمزدی مجال
 من تانیردیم بو گوزل دلبریدی
 نئجه سیمین بر و مه پیکریدی
 اولی حوری فرشته یدی ملک
 آخرین گور نه گونه قویدی فلک

بوئیدی دوزلو غزله گوزله
 عشقینه قوشما قوشولار مزه لی
 چه شد آن قامت آی سرو روان
 من نَعْمَرُهُ نُنْکَسَه بخوان
 الف قامت دالا بنزر بوکولوب
 گوز دگوب گوزله گورنه سوکولوب
 ای جانیم بو نیه بو حاله قالب
 دئدیلر بولموسن آیا - قوجالوب
 دئدیم ئل طایفاسی بس هاردا یاتوب
 نیه گوزدن بونی اولادی آتوب
 دئدی ئل طایفا یامان گونده قاچار
 قوجالیق باشلارا انگلر آچار
 دئدیم الحق بورا وجدان یریدی
 پول اولا واقعاً احسان یریدی
 دئدی هر پولدا تاپولماز برکت
 ام خیریّه ده ائتسون حرکت
 شارلاتان بوک قویانا ال کسنه
 قسمت اولماز بئله قرض الحسنه
 پوللولار ایمدی اروپاده گزیر
 عیش و عشرته فقط مینلیک ازیر

بعضی بلغاردا وئروور بادہ پولی
 سالمندانہ اونون یوخی یولی
 دئدیم عبرت شریفہ یاریدی
 اولاریندا بئلہ گوندن واریدی
 اولاریندا گلی بیر گون سولاجاق
 مارک و دینار و دولار قورتولاجاق
 یوخ امیدی اونداه انسان قوجالار
 اونداه آنلار نہ چکوللر قوجالار
 بیر سفرنامہ دی دنیا بشرہ
 اوخی آگاہ اولاسان خیر و شرہ
 فرق قویماز قوجالیق بیر احدہ
 قوجالیق بیر کسہ یولدی لحدہ
 قوجالقدانہ زہر چور واریمیش
 سالمدان واریمیش گور واریمیش
 دوش وئرن پوزلو خانم چم خمیلہ
 سایمیان محرمی نامحرمیلہ
 شورت و پیراہن ابریشمیلہ
 اوینویان سندہ گوزل عالمیلہ
 تلویزیوندا او کیف و کمیلہ
 ازیلن مہوشیلہ مریمیلہ


باغدا حوری کیمی اهل دمیله
 داغدا رودابه کیمی رستمیله
 اوخویان نازیله زیر و بمیله
 دانشان قاش گوزوله کوندمیله
 هر گونوز هر گئجه بیر همدمیله
 مرت ووران بابکیله خرّمیله
 یارالار روفه‌لین مریمیله
 صبرلر درهم ائدن برهمیله
 مست ائدن عاشقی جام جمیله
 تر یوزونده دانشان شبنمیله
 قوجالاندا یاناچاق ماتمیله
 اولاجاق قول بویون آخر غمیله
 بو شیرینلقد سؤزه چاتماز عسل
 وُلدی حیّ علی خیرالعمل
 قبل از آنی که باشون دگدی داشا
 عمل خیریله وئر عمری باشا
 چاتمامش عمر بهاری خزانای
 قازان اوغلوم دوگونی سال قازانای
 عمرین آخرلری چوخ زحمتیمیش
 اونئیل آرتیق یاشاماق ذلتیمیش

هامی ئیل طایفا آدامدان چکیلور
 یاشادیقجا هامی بیربیر اکیلور
 آخری مفتہ ساتولار آدامی
 سالمندانہ آتولار آدامی
 ای «کیمی» یاشا عزتلی یاشا
 ادبیلہ حیا حرمتلی یاشا

بلکه حق لطف ائده قلوبن سووینہ
 الی بوش گتیمیه سن قبر ائوینہ



از گردش آسمان دو مرد ناپاک
 هر یک به عقوبتی زبون گشت و هلاک
 فرعون به منیتش نگون گشت در آب
 قارون به جنایتش فرو رفت به خاک



مراغه

به پیش اهل ادب آنچه به ز سیم و زر است
 هنر بود که سزاوار عزّت بشر است
 مراغه شهر قدیمی است مهد دانش و فضل
 هزار حیف که این شهر مدفن هنر است
 هزارها هنر اندر مراغه مدفون است
 مپرس علتش از من مزید دردسر است
 ز من جواب چراها مپرس ای عاقل
 زبان سرخ به انسان علامت خطر است
 برای وسعت این شعر از رصدخانه
 نگاه کرده‌ام عقرب به چهره قمر است
 ز پایتخت هلاکو نشانه حالا کو
 الهی کور شود هر کسی که بد نظر است



همیشه مسئلت ایله خدادن
 بش عضوون ساخلا سین الله خطادن
 گوزوندی دال قباقوندی دیلونندی
 یکه قارنوندی که دویماز غذادن

کرایه نشینی

الله کاسبا درد گراندور کراکشلوق

البته ئولومدنده یاماندور کراکشلوق

بیر عده ائده بولموری اوز خرجین اداره

بیچاره ائدیر ساعتینی گونه شماره

آی باشه چاتاندا بیر آغیر وجه اجاره

نه دارسینوری ایپ قیریلور جان چیخور آخر

باشی کیلوب نه سسی نه قان چیخور آخر

بعضی لری بش مرتبه ویلانی بگنمور

فورمین دگیشور هشتینی ایوانی بگنمور

بلغاری گوروب نقشه ایرانی بگنمور

هر کهنه نی ایستور وئره قربان مود روزه

حتی تازا - داماد - سرین سو تازا کوزه

بیر عده ده حسرتله الیر اشکین عذاره

یوخ قدرتی بیر زیرزمین ائتسون اجاره

ایلور اوجا ویلالره حسرتله نظاره

قوش شوقله قوشلوقدا دوزلدیب گنه لانه

انسانلارا افسوس نه ایش واردی نه خانه

بعضیلری یوخسوللوق ائدوب عاجز و خسته

پول یوخدی سالا تازه هونگه تازا دسته

بیر کهنه اوطاق رهن ائلیوب سقفی شکسته

حیزانلاری کهنه یل اسن وقته جیریلدیر

تا گویده بولود دوردی اطاقدان سو شیریلدیر

اټو دامجی خانم سانجی پریشان ایکی جانلی
 قلبین اټوی داغلار باشی تک توسی دومانلی
 کسمیش قاپونی نټچه طلبکار گوزی قانلی

مالکده دیور قورتاروب اوقات اجاره

تحویل آلورام ملکیمی قیل باشوه چاره

شعریمده نه وار طنز و نه تفریح و ظرافت

چوخدور بټله اشخاص اینان عین حقیقت

خوش حالینه هر کس ائده مظلومه حمایت

هر کس ائده بیر دربدری صاحب خانه

قبرینده آچار دریچه لر باغ جناحه

هر کس وټره مسکن ائده بیر یوخسولا امداد

الله اونا بیر قصر بهشته ائدر آباد

بنیاد اټلیون مسکنی مسکین اټلیون شاد

آلمش کراکشلیق کاسبین تاب و توانین

مستأجرین ایستور هله مالک سورا قانین

بسدور کیشی مستأجری چوخ قویما فشاره

آز گیر حماما - برقی چوخ ایشلتمه ستاره

یا چیخ یادا آرتیر بابا آزدی بو اجاره

هی دول بوشال آخ بیر بټله گل گشت قوناق اولماز

کروانسردی - اټو که بو قدری یاتاق اولماز

اولده دیوردون بیر الیم بیرده باشیمدی
 بو کیمدی عمیمدی بو دایمدی داداشیمدی
 بو عم قیزیمین قیناتاسی کبلاهاشیمدی
 بو ائودی حسن سوختو دگرمانینی گئچدی
 هر آیدا نئچه وئرسن اجاره گنه هئچدی
 مثل اینکه پیشیک ساخلا مسان تنز آپار آزدیر
 دیواری دیشیر - هی عمله سال بنا قازدیر
 فوراً آپار آزدیر یا قراردادیده یازدیر
 من وئردیم ازده بو ائوی اوچ باشا قارداش
 یر یوخ پیشیگه - یا تویوقا - یا قوشا قارداش
 دیواره پونیز قویلاما میخ چالما آماندی
 تلویزیونی باغلا سسینه اوغلان اویاندی
 سیگار چکیسن توستوسین اوت آخ نه دوماندی
 توستو در و دیواری قاراتسا کیم آغاردی
 بیچاره کراکش هارا گئتسون هارا واردی
 آج سفره احسانوی شامسیزلارا شام وئر
 تاپ السیز ایاقسیزلاری وامسیزلارا وام وئر
 داردان قوتار انسانلاری دامسیزلارا دام وئر
 دنیا سنه هر نمه وئروبدی آلاجاقدی
 خوش آد قوی ئوزوندن آداما آد قالاجاقدی

هر کس ائده آواره لری صاحب مسکن
 خشنود ائدوب اللّٰهینی احسانینه احسن
 پاداشی بیره اون وئره جاق خالق ذوالمن

انسانه قالان جود و کرامتدی کریمی
 ثروت بیزه اللّٰه دان امانتدی کریمی

هی برج آپارتمدی گئدیر گونده هوایه
 همسایه گرکدی سالا همساییه سایه
 هر گون گونه حسرت قال اوغول ائتمه گلایه

چوخدا یوخاری باخما که بورکون دوشه باشندان
 داش قلبلی انسانلارا باخ آغلا یاواشدان

وار بیر پارا اشخاص مدبّر ملک اندا
 فعّالیدی مغز متفکّر ملک اندا
 چالسا ال اله مردم خیر ملک اندا

همّت کمرین باغلاسا بیر عده محسن
 انشاالله ائدللر هامونی صاحب مسکن

آرزوی ما

اوجالام میهنین باشی اوجالسا
مدارس دولسا زندانلار بوشالسا

او گون میهن دونر باغ جناحه
چاتار هر فتنه دن امن و امانه
اوخور بلبل ائدر قمری ترانه
یتر بیر صلح و آرامش جهانه
سووینوخ مقدم صاحب زمانه

عدالت باشلار اوسته سایه سالسا
مدارس دولسا زندانلار بوشالسا

اولار بسته قضاوت عدل و داده
اولار قانون اسلامی پیاده
تاپار مردم گرایش اعتقاده
مجال اولماز قماره اعتیاده
وورالار پشت پا قتل و فساده

یرین قانون قرآن یاخشی آلسا
مدارس دولسا زندانلار بوشالسا

بیزیم احکامیمیز وار اینجه اینجه
 تمامی شادی آوردی سووینجه
 بیزوخ دارای شصت و دست پنجه
 نتیجه احسن آلولوخ دسترنجه
 بیزیم مکتبده یوخ زندان شکنجه

گوزل ایران ملک‌لردن باج آلسا
 مدارس دولسا زندانلار بوشالسا

اوخور قرآنی مردم سوره سوره
 هامی ازبردیله آیات نوره
 آچولار گونده دیل عجل ظهوره
 نه حاجت فتنیه فسق و فجوره
 یتیر ایمانیمیز حد وفوره

اگر دیلر ئورکلر باهم اولسا
 مدارس دولسا زندانلار بوشالسا

گرک بیز ائتمیاق قوله کفایت
 عملدور شرط انصاف و مروّت
 ائداخ بیمارلردن چوخ عیادت
 اولار زندانی‌لردن خوش حمایت
 همان ملت تاپار فیض و سعادت

جهالت آرمانندن آزالسا
 مدارس دولسا زندانلار بوشالسا

ایا ای حجت حی یگانه
 ظهور ایله ئورکلر دوندی قانه
 یتیش ای صاحب عصر و زمانه
 ئوزون امداد ائله مستضعفانه
 آقا سن حامی سن اسلامیانه

سنی سسلر بیرى مشکله قالسا

مدارس دولسا زندانلار بوشالسا

الهی خاطر محبوس بغداد
 ئوزون بیچارگانه ایله امداد
 ئوزون زندانی لردن ایله آزاد
 دوتولمیش قلیبر شاید اولاشاد
 داخی زنداندا یر یوخ داد و بیداد

«کریمی»نین حالی بیر گون خوشالسا

مدارس دولسا زندانلار بوشالسا

نظر ایله ئورکده دود آهه
 یانار زندانیان بی گناهه
 دوشوبلر مثل یوسف قعر چاهه
 فقط الله کومکدی بی پناهه
 زمانه دوندیرریش کوهی کاهه

دوه اوسته ئیلان انسانی چالسا

مدارس دولسا زندانلار بوشالسا

هر زاد بویاما

گوزه لیم گوز بویاما خال بویاما قاش بویاما
 گورنه تصویره چکوبدی سنی نقّاش بویاما
 داداشون بوغلارینی یاغلادی سن تلریوی
 یاخشی ایستکلی اولوبسوز باجی قارداش بویاما
 سن که ساتدون کره بال بلله سینی ساندویجه
 سوب آدیلا توکولر خیده گیوه آش بویاما
 سنه نقّاش طبیعت یارادوب آیله رنگ
 بو نه سیستم دی بالام دیب بویاما باش بویاما
 یاخشی سالدون دالوا عشقوین آواره لرین
 یغمیسان باشوه بیر باشه مین اویناش بویاما
 داخی تریاکیده ده قالمیوب اوّلکی صفا
 او زماندان که اولوب رنگیله خشخاش بویاما
 گوهر اصل وئرر دیده صرافه صفا
 رنگله لعل بدخشان یرینه داش بویاما
 ای کریمی داخی سؤز قالمادی نظم ائتمیه سن
 نه ئوزون سال درییه نه داغا دیرماش بویاما

غزل

جانا آتميسان منی گوزدن من آتمارام
 تا جان چيخينجا من سنی ياددان چيخاتمارام
 جان نقدينه من عشقيوی ائتديم معامله
 عشقون گران گلوب باشا مجانی ساتمارام
 سؤز وئرميشم سنه سؤزوم اوستونده ثابتم
 عياش جوان کیمی گلنه شيش اوزاتمارام
 بير دفعه چاتميشام دالیم بو آغير يوکی
 چاتديرمينجا مقصده مقصوده چاتمارام
 گل بير سراغيمه گنه دیداری تازهله
 ناراحت اولما تئز يولا سالام يوباتمارام
 بختيم حريم قدس وصالونده ياتسادا
 قوی يوخلاسين نقدري ياتوبدی اوياتمارام
 افلاکه عشقده سن آی اولسان من اولدوزام
 گوزدن دوشن سرشک تک آخسامدا باتمارام
 گرچه مجازی کورپی سايوبلار حقیقه
 من سالکم مجازی حقیقته قاتمارام
 پیمانه تک ئورک دولو قاندی بوشاتمارام
 حتی گونوم قرادی گئجهمدن آغاتمارام
 عاشق منش «کریمییم» آلوده دامنم
 وزر و وبال غیبت و بهتانه باتمارام

شوخیها

عزیز و گرامی جناب عبادی
 سه سالست آخر به من قول دادی
 کتابی که بر قول و در ذمّهات هست
 چرا تاکنون این ودیعه ندادی
 توئی حکمران بزرگ مراغه
 تو که اهل لطفی و انصاف و دادی
 اقلّاً به قولی که دادی عمل کن
 مکن بیوفائی مشو غیر عادی
 وگرنه به شخصی کنم از تو شکوه
 که دارد به ما شیوه اوستادی
 کریمی همان شاعر طنز پرداز
 که مام وطن مثل اورا نزادی
 چو افتی به طنز جناب کریمی
 نه مارا بود یار و نه از تو یادی
 مکن با نقیب این چنین خلف وعده
 و یا از کریمی شنو انتقادی

جواب

نقیبا ای منه یار گرامی
 عبادی دن قبول ائت بو سلامی
 یتیشدی نامه شیرین عبادت
 نه نامه سر به سر مهر و محبت
 دئیشدیم بیر کتاب ابن خلدون
 چوخ آهسته نه در پشت تربیون
 ولی وعده وصولدان با صفادی
 دایان صبر ایله عهدیم با وفادی
 کریمی دن کباب آلماق چتیندی
 عبادی دن کتاب آلماق چتیندی
 گرک انساندا اولسون صبر دریا
 پیشیرم غوره دن صبريله حلوا
 اگرچه صبرده عسر و حرج وار
 ولی الصبر مفتاح الفرج وار
 سنه من وئرمیشم وعده مسلم
 سوروشسان وقتینی واللہ اعلم
 به نام چارده معصوم دوز سؤز
 اوچ ئیلدی دؤز موسن دوز اون بیرئیل دؤز

اگر چه اوّلی صبرین چوخ آجی
 ولی آخرده شیریندور نتاجی
 دُوزوب یوسف بلای قعر چاهه
 یتوب آخر سریر پادشاهه
 کریمی یله منی تحدید ائدیرسن
 فشار قلبیمی تشدید ائدیرسن
 منیم حقیّمده مولای سلونی
 بویورمیش یا عبادی فاتّقونی
 قالا مکنون قوی اسرار کنونی
 اوخی من قال ما لا تعلمونی



باشارسان آزی تا قوسدورماسونلار
 چکوب دستوری آمپول وورماسونلار
 ائله رفتار ائله دار فناده
 ئولنده انگووه او....ماسونلار

بگندیم


صنم لر ایچره صمد خلق ائدن نگاری بگندیم
 ایکی قلم قاشین آلتندا خوش خماری بگندیم
 غزال حُسنیوه خاطر ئوزومی داغ داشا ووردوم
 اوخومدا دگسه داشا نازنین شکاری بگندیم
 داریخمارام گئجه گوندوز اوتورام عشق یولوندا
 هامی وصالی سؤزومده انتظاری بگندیم
 مریض عشقه معالج تاپانمادیم متخصص
 منه یازیلدی بو نسخه بو ابتکاری بگندیم
 شراب شهد ایکی عَناب لبدن ایلیمیشم نوش
 شبانه شبچره دن پسته و اناری بگندیم
 سرود ساز و نی و چنگ و عود بریط و مضمار
 گوزلدیلر ولی من نغمه هزاری بگندیم
 شمیم عطر و گل و یاس و یاسمن سنون اولسون
 ولی من ئیلمگه زلف مشکباری بگندیم
 قدیم مثلدی دییه لر که قاره اوستونه یوخ رنگ
 اودور که شانه صفت منده زلف تاری بگندیم
 اسیر. زلف کمندم نگارین عشقینه بندم
 هامی بگنمسه ده من بو روزگاری بگندیم

صفای فروودین، اردیبهشت رونق خرداد
 فصول اربعه‌دن من اوچ آی بهاری بگندیم
 سریع سیریدی عمرین قطاری ایلمه غفلت
 گذشت عمره مثل وورماقا قطاری بگندیم
 بیری گولر بیری آغلار بیری چالار بیری اوینار
 من عشق مجلسینه چشم اشکباری بگندیم
 یغار کنارینه خلقی هایاندا بارلی آغاج وار
 من عمده دوزلقا تک سرو جویباری بگندیم
 دوز انتقام آلا ظالمدن عدل محکمه‌سینده
 علی الینده فقط اگری ذوالفقاری بگندیم
 گنه انا رَجُلٌ قوزانوب ریاسته خاطر
 بو انتخاب آراسیندان من‌الفراری بگندیم
 عجالاً هامی خادم‌دی یوخ منافق و خائن
 بگنمه‌سمده بگندیم بو اهل کاری بگندیم
 گتور او تُنگی شاریلدات گنه پیالیه ساقی
 سنون الونده‌کی مینای آبشاری بگندیم
 طریق عشقده لیلای دهره عقلی اوتوزدوم
 قمارخانه‌ده منده همین قماری بگندیم
 به من چه جنتی آت دینی باشون آلتنا قوی یات
 صلاح کاردن اوتری عیار کاری بگندیم

منم که تشنه خدمت به خلقم و نه ریاست
 عملده اولماسا قولیمده بو شعاری بگندیم
 یانوبدی لاله کیمی باغیریم آهیمون شرریندن
 بو لاله زارده نالم وار آه و زاری بگندیم
 «کریمیا» هنر شعریده قیامت ائدورسن
 بو صنعت و بو بدایع بو شاهکاری بگندیم



حوادثده شدایده سیخیلما
 مقاماته سوخولما تا چیخیلما
 اوزاق یول وار قباقداننگ و تاریک
 یوکی یونگول گوتی پلدن یخیلما



ائشیدسن نعمته کفران ائدنلر
 یرین آلاماز داخی الدن گئدنلر
 بنا اولسیدی هر گئتمیش قیتسین
 چورومزدی یر آلتیندا بدنلر



اینک ئولدی اینک ساغان سیندی

یخیلوب ساقی استکان سیندی
 قوموج آیریلدی استخوان سیندی
 جالانوبدی سبد لیوان سیندی
 اوخومیز ایریلوب کمان سیندی
 اینک ئولدی اینک ساغان سیندی

اوچدی میخانه قالمادی باقی
 کوچه ده داش کلم ساتور ساقی
 پوزولوب باغی یاتدی چارطاقی
 قالدی آواره باغبان سیندی
 اینک ئولدی اینک ساغان سیندی

گوزهلیم کسمه لطفون عاشقدن
 عشقیمی درک ائله علایقدن
 ئوره گیم اینجه دور شقایقدن
 اونا سانجیلسا بیر تیکان سیندی
 اینک ئولدی اینک ساغان سیندی

منی آردونجا چوخ دولانديرما
 قلبمی الله ساخلا سیندیرما
 بو یازیق جان سنوندی یانديرما
 رونق باغ و گلستان سیندی
 اینک ئولدی اینک ساغان سیندی

قاشلاروندان خجل هلال اولدی

نطقوی طوطی گوردی لال اولدی

گوزلرون عاشقی مارال اولدی

ساجلارون گوردی پرریان سیندی

اینک ئولدی اینک ساغان سیندی

روز و شب یولدا قویموسان گوزومی

سنی تاپسام ایتورم ئوز ئوزومی

درد هجران آغیر آلوب دؤزومی

تا گران سیندی ناگران سیندی

اینک ئولدی اینک ساغان سیندی

دوشلرون سینهدده انار اولدی

قدیوه سرو شرمسار اولدی

لبلرون غنچه گوردی خوار اولدی

دیشلرون گوردی برلیان سیندی

اینک ئولدی اینک ساغان سیندی

قوی دالونجا گلوم حمامه کیمی

من باخوم سن یوون شمامه کیمی

دولاشیقدی ایشیم عمامه کیمی

طاقتیم چاتدادی توان سیندی

اینک ئولدی اینک ساغان سیندی

ای خمار گوزلی قویما چوخ نازه
بسی نازونده گوزله اندازه
ئوره گیم غنچه دی تروتازه

قلبمه دگسه ال همان سیندی
اینک ئولدی اینک ساغان سیندی

گلین ارکک چیخوب طوی اولدی عزا
بگی مشاطه له ائدولله رضا
اوزگه نقش اوینادی منیله قضا

بختیمون آیناسی یامان سیندی
اینک ئولدی اینک ساغان سیندی

گتدی ذوق و صفاسی کندیمیزین
کئفلنوب کدخدای کندیمیزین
دگیشیلدی هواسی کندیمیزین

بیگ «گزیر» قاچدی چیزمه خان سیندی
اینک ئولدی اینک ساغان سیندی

اوخشاماقین باشارمیان احمق
ئولوسون تونبتین سالار الحق
داخی مجلسده قالمادی رونق

میهمان قاچدی میزبان سیندی
اینک ئولدی اینک ساغان سیندی

اوبادا ایت هورور خروس بانلیر

آبادانلقدی هر گلن دانلیر

قورد نه الله تانیر نه دیل آنلیر

دگنک نیلبک چوبان سیندی

اینک ئولدی اینک ساغان سیندی

صونسوز آخرده بیر اوشاق تاپدی

سؤوینوب دوتدی شونبلون قاپدی

هره بش گون گلوب آتین چاپدی

قول قیچین یخدی مادیان سیندی

اینک ئولدی اینک ساغان سیندی

کوسا گتدی اوجاقه مطلب آلا

سقل عشقینده بوغدا گتدی بالا

نه تویوق نه یومورتا قالدی فاللا

یرتیلان یرتیلوب سینان سیندی

اینک ئولدی اینک ساغان سیندی

توش گلر بینوا چولاق چولویا

داز کچل باش دوام ائدر دولویا

بیری چکدی دمه بیری سولویا

قورتولان قورتولوب قالان سیندی

اینک ئولدی اینک ساغان سیندی

ئولی بنزردی بیر قیزیل یوماقا

خوتدادی دوردی مرده شور یوماقا

قوجا قاچدی داما اذان دئماقا

شانسی دونبالدی نردبان سیندی

اینک ئولدی اینک ساغان سیندی

بال سنونکی بالاسین ایستمروخ

تویوقی وئر فالاسین ایستمروخ

چک اینکدن بالاسین ایستمروخ

بو....یوخ اینکده جان سیندی

اینک ئولدی اینک ساغان سیندی

ریشه سیندن کسنمدوخ فسادی

آش همان آش کاسا همان کاسادی

پارلماندا وکیل ملک نسادی

یدی - بالدیددا گردکان سیندی

اینک ئولدی اینک ساغان سیندی

رادیو از بس دئدی عزیز دهقان

ایمدی دن ده قاچوب دیور قان قان

کتلی گورجک اونا باخور یان یان

سن گورن کتلی قوسدی قان سیندی

اینک ئولدی اینک ساغان سیندی

بیر موبایل الدهدی بیرى بئله

بیری منزلهدی بیرى چوله

اون نفر صف چکوب مقابله

بیر قلم - یدى پهلوان سیندی

اینک ئۆلدى اینک ساغان سیندی

هر زادین راه رسمی واردی باشار

هر نه ظرفیندن آرتق اولدی داشار

تیریلینن وانت دوگوشسه آشار

اولوب اوراق اویان بویان سیندی

اینک ئۆلدى اینک ساغان سیندی

بویومش ملتین چیخار بیچری

کسیلوب باشی قان گئدیر ایچری

چکدی قولدورلقا ایشین گئچری

قول قیچی بورخولوب دابان سیندی

اینک ئۆلدى اینک ساغان سیندی

جیب کسنلر دولوبلا بازاره

آبرو قویمیوبلا تجاره

مردمی کسدى قاچدی بلغاره

شارسالندی که شارلاتان سیندی

اینک ئۆلدى اینک ساغان سیندی

هانسی قانوندی سیندرا بٹلینی

یدیقین قوسدورا کسه دیلینی

قوی سویوب خلقی یاغلا سین تِلینی

گوره سن شیشدی بیر زمان سیندی

اینک ئولدی اینک ساغان سیندی

امّت شیر و قهرمان پرور

شرق و غربه بوگون اولوب سرور

آروادا آر دایاقدی بوستانا ور

دوستان باسدی بوستان سیندی

اینک ئولدی اینک ساغان سیندی

آخر ائتدوخ پیاده اسلامی

صادر ائتدوخ جهانہ احکامی

آهیمیز یاخشی دوتدی صدامی

کله دن دیدن اورتادان سیندی

اینک ئولدی اینک ساغان سیندی

بودی اسلام ناب ماحصلی

یویوموش دادگاه عدل علی

دؤزه بولسن یوز ئیل هر ایش دوزه لی

گوره جاقسان یالان پالان سیندی

اینک ئولدی اینک ساغان سیندی

ه‌ارا گئتدی قدیمکی عاطفه‌لر

هامی هر یاندا بیریرین خفه‌لر

هر کسی هر کس ایستیه لیفه‌لر

میلچی زور گلدی سرمه‌دان سیندی

اینک ئولدی اینک ساغان سیندی

هله کهلیک باشین باسوبدی قارا

قورخ او گوندن یازیق گله شکارا

گونونی ایلیه شکارچی قارا

قارنی یرتیلدی چینه‌دان سیندی

اینک ئولدی اینک ساغان سیندی

طبعی اولموش کریمینون مزه‌لی

بیریره قاتدی طنزیله ه‌زلی

مثنوی آدینا باسور غزلی

قافیه سجع و شایگان سیندی

اینک ئولدی اینک ساغان سیندی

مَنْ أَحْيَا النَّفْسَ كَمَنْ أَحْيَا النَّاسَ جَمِيعاً

هر کس که حیاتینده بیر انسانی دیریلدوب
گویا که اولوب واسطه دنیانی دیریلدوب



هر کس اولاً باعث دیريله بیر سرطانی
اون دفعه زیارت ائلیوب بیت خدانی
احسن او جنبه اولاً خیر ایشلره بانی
خیر ایشلره اقدام ائدن ایرانی دیریلدوب

بیر عده بو تأسیسه که امداد ائلیوبلر
جداً سرطانی لری دلشاد ائلیوبلر
اوستان ارومیه نی آباد ائلیوبلر
خوشبختیدی اونلار که بو اوستانی دیریلدوب

بیر عده الله که وئروب ثروت و سامان
شایسته دی شکرانه سینه ایلیه احسان
یاندیرمیا جاق حاتمی بول آتش نیران
احسانی دیریلدن بابا وجدانی دیریلدوب

هر ئیل اندوسوز مجلس گلریزی ده شرکت
گلر اکیسوز قبروزه ای اهل سخاوت
الله بیره مین وئرسون عوض ایلیون همت
بیر گل اکن البته گلستانی دیریلدوب

ئوز قبریوه دوز قرمزی گُللر ئوز الونله
آباد ائله ئوز قبریوی ئوز خیر عملونله
گئت قبر ائوینه شاد و خرامان اجلونله
خیرانه سبب مکتب قرآنی دیریلدوب

الله که وئروبدور سنه سنده کیشی پایلا
باشلا یئماقا ایچماقا تفریحه موبایلا
هی ال قولاقوندا الووا بعلی هرایلا
هر کس چکه مجانی کئفین جانی دیریلدوب

ثروت بیر امانندی وئروبدور سنه داور
احسان ائله اول السیز ایاقسیزلارا یاور
سندن صورا وئرسین ورثه ایلمه باور
ئولمز او که روحیه وئروب جانی دیریلدوب

انفاق ائله بیچاریه بیمار یتمه
احسانله ائت جانوی اموالوی بیمه
ایشاریدی سرچشمه اخلاق کریمه
اللهیله عهد ایلین ایمانی دیریلدوب

باخ گورنه گوزل جمله یازیب شاعر نامی
شهرته کریمیدی نصیحتدی کلامی
شعرینده وئروب مردمه هر گونه پیامی
غوغا ائدوب اشعارده دیوانی دیریلدوب

اوزون قصیده

جانا قطار عمر گنچور چوخ شتایله
 فرصت تمام اولور یاشاما اضطرایله
 سعی ایله گورنه ایش گوره جاقسان زمانه ده
 فوت ایلمه بو فرصتی غفلته خوایله
 کیمدور تصادفاتله ائتسون مجادله
 کیمدور حوادثله وئرسین مقابله
 هر سرشناس سرکشی سرکوب ائدوب اجل
 کیم باشباشا قویار فلک نه قبابیله
 آئینه سکندری سیندیردی روزگار
 جمشیدی بوغدی جام لبالب شرابیله
 نوشیرواندن قالوری بیر شکسته طاق
 پرویز قاجدی مرکب زرین رکابیله
 عادتدی چرخه قارداشی بوغدورا
 باخ داستان هایله غوغای قابیله
 نمرود تولدی ابریه نیلدی زمان
 قرآنه باخ رجوع ائله طیراً ابابیله
 دنیا زبس معاویه نین کور ائدوب گوزون
 دوردی عداوت ایلماقا بوترایله

طومار ایده آیین ائله بوکدی بو فلک
 دوزخده همنشیندی اهل عقایله
 هشتاد ایل عمره ایلمه بیر ساعت اعتبار
 ایله مقایسه سو یوزونده حبایله
 قوی قازدیروب گنده تله سن عمری نیلورم
 یا عیش و نوشیله یادا زجر و عذایله
 افسوس عمر چاتدی باشا، باش چاتور داشا
 تشخیص وئرمدوخ بچه باله دوشایله
 آلوده دامنوخ بیزی دریا تمیزلهمز
 بو چرک پاک اولان دگی یوز بسته فایله
 باخما حلال حرامه جانیم چیرما قولارون
 هر نه گلور داراش نه ایشون اجتنایله
 چیخ هر اویوندان آغزووا هر سؤز گلیر دانش
 تنها رجوعون اولماسین عالیجنایله
 بش گون اولار بو خر تو خری بیر گونی گلر
 احضار ائده لله خلقی حساب و کتابیله
 آماده اول بلالره قحطه وبالره
 سئل ساختا زلزله غم ایاب و ذهابیله
 یا ویلنا شروع اولی اَیْنِ الْمَقَرّ گونی
 وز عدل دادگاهی عتاب و خطایله

رنگین غذائی خانلارا وئر خوان دھریده
 آبدوغ چورک سنوندی خیار بنایله
 کھلیک پلو تناول ائله یا کاوار چورک
 بیت‌الخلاده بیر قاریشار فاضلایله
 بیر عدّه باشماقین گئجه‌لر بالش ایلیور
 بیر عدّه صبح ائدیر پر قو رختخواایله
 بعضی سالوبدی قوینونا بیر نازنین صنم
 ماهی باسوبدی باغرینا شب ماهتایله
 بعضی یازیق کناره آلوب بیر الیانی
 توخماق بورون دوداق قره رخساره آیله
 بیر خانواده نان و پنیره دویانموری
 بیر عدّه مست و سیر کباب و شرابله
 بیر عدّه‌نین حکومتی وار هی باسیر کسیر
 نازیله اللرین بزویوب قان خضایله
 هر دست و پنجه صاحبی قاتلدی عاجزه
 سازش ائده چتیندی گوورچین عقایله
 بیر عدّه فقر اوتوندا سمندر کیمی یانور
 هی دارتینیر داریخمادا دار و طنایله
 نه جان چیخور نه ایپ قیریلور نیلسین یازیق
 سینه یانور تنور کیمی التهایله

بیر عدّه یه گئجه گونوزون یوخ تفاوتی
 عمرینده قانمیوبدی شرابی سراپیله
 بیردور آغاج دین سسی بلبل ترانه‌سی
 قورباغه‌نین قورولتوسی صوت غراییله
 تشخیص یوخ صدانی صدادن آیورماقا
 ضربائیله دهل سسی چنگ و رباییله
 القصّه قبر ائوین ئوزون آباد ائله عزیز
 دوز دسته گل مزاریوه عطر و گلابیله
 فکر ایلمه قیزون گلینون قبریوه گله
 ذکر و دعا و فکر ثنا و ثوابیله
 قبرونده روحیوی سیخاجاق دیدیوه گلن
 آرایش تمامله مین آب تابیله
 نفریندی لعنیدی دوداقیندان چیخان دعا
 بانو که آچدی فاصله شرم و حجابیله
 ابرو کمانه ناوک مژگان خدنگ اولوب
 یخسین باخاندا رستمی افراسیابیله
 چادر شبیله چادرانی وئر فاطما جانلارا
 مانتو قیامت ایلوری شیشه جورابیله
 مودلار گوزلدی تاب و توان اولسا اودلارا
 کیم معتقدی حشره سؤال و جوابیله

قبر اوستی پنجشنبه اولور باغ گلستان
 گلر آچوب طراوتیله رنگ و آییله
 چوخلار به قصد چشم چرانی نه فاتحه
 هر بلبل اوز گلون تاپوری انتخایله
 مرمر سینه قرا بولوز آتدان پاریلدیری
 باخ چک خیاله ماهی فلکده سحایله
 تلرده مشکی مقنعه آتدان دوشوب یوزه
 قاره بولود مصادف اولوب آفتایله
 اسلامی مملکتده اروپائی مودلارا
 باخ گنج رجوعون اولماسین اسلام نایله
 اسلام ناب آدیلا خانم آرزی قویمادون
 وئردون زکاة حسنوی حدّ نصایله
 آخرده بختور ایاقون چیخدی مجلسه
 چرمان وکالت ایلماقا انقلابیله
 بوشلا قدیمکی سؤزلری اینترنت عصریدی
 قوخما قوشول مصاحیه شیخ و شایله
 شأنون کیچیتمه احسن تقویمسن گوزل
 ماء زلالی قاتماگیلان منجلائیله
 اعمال زشتوی بویاما رنگ شرعیله
 اوتمه قوتور جمالوی مشکین نقابیلله

تزویر و مکر و حیلہ نی قاتما شریعتہ
 انصافی آتما شیخی ئوپوشدورمه بابیلہ
 گودال قبرده عمل ایسترله آی جانیم
 تنها عملدی فرق خلاق دوابیلہ
 بَابُ مِنَ الْجَنَانِ وَ مِنَ النَّارِ حَفْرَةٌ
 درک ایلہ عُمُقِ مَطْلِبِ لُبِّ لَبَائِلِہ
 وئرمه هوای نفس الینہ اختیاریوی
 یاندرما جانوی عمل ناصوابیلہ
 طوبا او شخصه کام آلا دوران عمردن
 ملحقّ اولا خدایه دل کامیاییلہ
 سعدی، «کریمی» گورسه سنون گلستانوی
 اصرار و عجزیلہ دگیشر هشت بابیلہ



باہاردی توشه اخذ ایلہ چمندن
 گوروش گلدن چیچکدن یاسمندن
 گلر بیر گون صولار گلشن گورہلر
 نه سندن بیر نشان قالدی نه مندن

قان قان دیورلر

بو گون هر مسلمان سلمان دیورلر
 منیم تک سفیه سخندان دیورلر
 دوتور خلق فرعونی موسادن افضل
 بساط اهلی دیوه سلیمان دیورلر
 گوزوز چاتدیایدی سلاطین ماضی
 دورون فاطما سلطان دیورلر
 اولوب وزنه بردارلر جرّائقال
 بویانداندا مثقاله باتمان دیورلر
 قاچوب سعدی حافظ یغوب چول پالاسین
 که هر بیسواده غزلخوان دیورلر
 ائله کور اولوب چشم تشخیص مردم
 ساری سو سارا دوزلو جیران دیورلر
 اداراتده هر کیمین پارتی واردی
 اونا شام ناهار چای و قلیان دیورلر
 گئچنلرده اوغلان، قیزا سؤز آتاردی
 بوگون قیزلار اوغلانه جان جان دیورلر
 بوگون شهرده تولکی وار باش قوپاردیر
 یالاندان یازیق قوردا بهتان دیورلر
 بیر عدّه ائله باش کسیر قانی چیخمور
 بیر گورسهده گوردیقون دان دیورلر

بیر عدّه فقط شمر تک قان توکورلر

اولار تشنه ی خوندی قان قان دیورلر

چالورلار چاپوب سیندیروب یانندیورلر

هله خلق او قومه مسلمان دیورلر

خانملار گلور یاسه آرایشله

طویا یوخسا شام غریبان دیورلر

بلا چولقیوب هر طرفدن بو خلقی

نه توبه ائدورلر نه قربان دیورلر

تریبوندی منبر مساجد اداره

منابره اخبار کیهان دیورلر

قولاقلار داخی «قال صادق» ائشیتور

و قال امیرکا و آلمان دیورلر

همان کیمیا که سؤزی وار اوزی یوخ

همان کیمیادی که ایمان دیورلر

بابا هر لوت عریان باباطاهر اولماز

باشین کیم سرتلور کریمخان دیورلر

معانی کیم تفاوت قویور زشت و خوبه

کچل یوسفه ماه کنعان دیورلر

«کریمی» کیمی شاعر بی شعوره

اوتانمورلا سعدی دوران دیورلر

اولماز

هر گوزل حسن و وجاهتده زليخا اولماز
 هامی زندانه دوشن يوسف زيبا اولماز
 هر نباتين باشی بير غنچه‌دی ايام بهار
 هامی گل مثل شقایق چمن آرا اولماز
 قوجالاندا بوكولر بئل هامی اوچ قيشلی گزر
 هر چلیکدن ياپيشان حضرت موسا اولماز
 زحمت ايستر طوی ائده بارماقا فندیقجا قویا
 بیگ چیخا چون آدام ائولنمسه بابا اولماز
 دولچا دولچا داشیوب سو توکه‌سن بیسر چوخورا
 گلی بیر گون داشار استخر اولی دریا اولماز
 کسب ائدنمز اوزونه هر دلی مجنون لقبی
 هر خانم قیسی سالان چوللره لایلا اولماز
 کیمدی دار اوسته اناالحق دییه منصور کیمی
 بو ایشی دیده‌ی حق‌بین گورر اعما اولماز
 واریدی دوستو آتام ذاکرین ایران دولوسی
 هامی اخلاصیده یحیا کیمی شیدا اولماز
 ای «کریمی» بولنه بیر تکه کافیدی ولی
 بلله وئر بولمیه‌نه مثل متکا اولماز

یوم الشک

از صفای قلوب قوم الشک عمرها شد تلف به یوم الشک
تا به کی اهل شک و تردیدیم کاش روی یقین می دیدیم
در صلاۀ و صیام در شکیم در قعود و قیام در شکیم
در دعا و نماز مشکوکیم وقت راز و نیاز مشکوکیم
همه لیل و نهار در شکیم در خزان و بهار در شکیم

نه خود اهل یقین پنداریم

نه به اهل یقین، یقین داریم

صبح در شک و شام در شکیم در حوادث مدام در شکیم
هم سنین و شهور در شکیم بین گهواره گور در شکیم
نه به روز جزا یقین داریم شک در روز واپسین داریم
ای خداوند و خالق رمضان که نداری مهی مبارک از آن
مرحمت کن به ما صفای یقین دل ما باشد آشنای یقین
مرد صدق و صفا یقین باشیم اهل ایّاک نستعین باشیم
تا به کی شک و شبهه و تردید تا به کی جهل و کینه و تشدید
ملک جان را تو خود مسخر کن دل تاریک را منور کن
بچشان قطره‌ئی ز صهبایت مست باشیم از تماشایت
از ته دل کشیم یا الله وَحْدَهُ لَا إِلَهَ إِلَّا اللَّهُ
بار الها به حق بیت و حرم به «کریمی» کرامتی ز کرم

هتچ ایشیمیز دوز دگول

مرغ هواده طیران دوز دگول
 آب رواندا جریان دوز دگول
 وضع هواده نوسان دوز دگول
 الغرض اوضاع زمان دوز دگول
 علت اودور که رمضان دوز دگول



قصه اوزون غصه آغیر غم یکه
 هر گلن ایستور آداما بوک تیکه
 هر ایلی آماج اولوروخ کم یکه

قلب دگرگوندی زبان دوز دگول
 علت اودور که رمضان دوز دگول

بینوا بلبل آزوب آهنگینی
 قارقارا ایستور چوویره انگینی
 گللرین آشفته گورور رنگینی

چونکه بهاريله خزان دوز دگول
 علت اودور که رمضان دوز دگول

روی یقین گورمیه جاق قوم شک
 گونه صلاتینده شک و صوم شک
 آخری کم یک ازلی یوم شک

زیجده تقویم جهان دوز دگول
 علت اودور که رمضان دوز دگول

هم وئریلن وعده لر اولدی یالان
هم اولاغین قسطینا گئتدی پالان
ایمدی الون قارنوا قوی آوکالان

آغلا یا گول قانما یا قان دوز دگول
علت اودور که رمضان دوز دگول

گوزلریوی زیللمه مؤمن آیا
بیر ایکی گون دوز دوشه جاق آی چایا
سایما اوروجلوق آیی گلمز سایا

چونکه شمارشده بیان دوز دگول
علت اودور که رمضان دوز دگول

اوینویا بولمورسن ایاق ایریدی
عیب چیخاردیرسان اوطاق ایریدی
جمله نظرلر بو سیاق ایریدی

نامه ده چون نام و نشان دوز دگول
علت اودور که رمضان دوز دگول

دوز دانیشاندا دوشوروخ غیبه
اگری دانیشساخ قالیروخ لعنه
خوشدی قاتاق حمل ائلیاخ صحته

شرعه گرچه خفقان دوز دگول
علت اودور که رمضان دوز دگول

گرچه دیوبلر دوزه یوخدی زوال
دوز دانیشان دیلر اولوب جمله لال
یار چاتوب باش باشا بیر جوت هلال

کپریکی اوخ دوزدی-کمان دوز دگول
علت اودور که رمضان دوز دگول

شرعیوی سن آنلاماسان مشد علی
ملاّ دئدی سور دریه سور دلی
هر نه دیورلر دئمه یوخ، دی بلی

شکّ ائلمه ظنّ و گمان دوز دگول
علت اودور که رمضان دوز دگول

کیم نه بولور بیزده نه برنامه وار
حیله ده شیطانہ امان نامه وار
هر نه گورورسن دئمه هنگامه وار

زعفرانا سویله سامان دوز دگول
علت اودور که رمضان دوز دگول

قوی قالا پرونده ده پروانه لر
شمع وصاله یانا پروانه لر
قوی قالا اوست اورتولی افسانه لر

نقل و حکایات و رومان دوز دگول
علت اودور که رمضان دوز دگول

اگرینی دوز کیم دیور آخر کسر
اگری اوراق سنبلی کسمیر مگر
دوزلوق آچارمش آداما دردسر

باعث اودور پیر و جوان دوز دگول
علت اودور که رمضان دوز دگول

قول و عمل خالص و انصاف صاف
کړیدی دریا دثماق اولماز مضاف
بیردی هدف گر ندی بو اختلاف

بسکه نهانیله عیان دوز دگول
علت اودور که رمضان دوز دگول

روسی مانتو مود اولاندان بری
مقنعه آتدان گورونور پیسری
دای مینی ژوبدان چکیلوب مشتری

آخ بو سلیقه خالاجان دوز دگول
علت اودور که رمضان دوز دگول

قویسا ازل کرپیچی معمار کج
کج گندر عرشه کیمی دیوار کج
رادیو- جراید کج و اخبار کج

سنبه، میزان، سرطان دوز دگول
علت اودور که رمضان دوز دگول

بسی باجی آش پیشیروب افطارا

ایستور او باشدا نه قیزاتسین قارا

آی قوتولنجا گندر الدن سارا

خسته وجودینده توان دوز دگول

علت اودور که رمضان دوز دگول

صورت و سیرت کج و رفتار کج

صحبت و وحدت کج و گفتار کج

دعوت حرمت کج و افطار کج

سفرهی احسان باباجان دوز دگول

علت اودور که رمضان دوز دگول

ملّیمیز عیشی قاتوب ماتمه

یاس قاریشوبدی طویا شادلیق غمه

دمدمه دی همهمه دی زمزمه

شرعیله ضرنا بالابان دوز دگول

علت اودور که رمضان دوز دگول

یوخدی خانملاردا حیادن اثر

چادر و روبند و عبادن اثر

قالمادی تسبیح و دعادن اثر

ذکر دعائیه یامان دوز دگول

علت اودور که رمضان دوز دگول

اکثریمیز قاری قرآندیلار

علمده اوستاد عملی داندیلار

چوخلاریمیز حیلده شیطاندیلار

بیع و شرا سود و زیان دوز دگول

علت اودور که رمضان دوز دگول

دایریدی عالی رصدخانه‌میز

خواجهی طوسی کیمی فرزانه‌میز

دوشموشیدی دیلله افسانه‌میز

ایمدی زمانیه زمان دوز دگول

علت اودور که رمضان دوز دگول

بیر نفر ائتدی دوه دن بیر سؤال

اگریدی بوینون ندن ای خوش خصال

سویلوب هارام دوزدی ندور بو مقال

بو یکه هیکلده دابان دوز دگول

علت اودور که رمضان دوز دگول

واردی «کریمی» ده خطا بیش از حد

عشق حسینیه دییر یا احد

بیر قره کوینکدی الینده سند

اولسا جزادن نگران دوز دگول

علت اودور که رمضان دوز دگول

سفرنامه‌ی اصفهان شیراز

بهار اولدی گلشنده وار ذوق دیگر
 اسور دمبدم نکهت روح پرور
 دوتوب دشت و صحرانی عطر بهشتی
 طبیعت سالوب گلشنه فرش اخضر
 او فرشه دوزوب حاشیه گل چیچکدن
 چکوب لاله‌لردن اونا نقش احمر
 یتور جلوه شبویه محبوب شدن
 صبا ایلوب گل صباحی معطر
 گیاهی که یردن گویه باش اوجالدير
 دیور وحده وحده الله اکبر
 شقایق صفابخش، عقایق مزین
 اوجالديب باش افلاکه سرو صنوبر
 گئجه نور مهتاب اولور نقش بر آب
 دمیده ائدير جسمه روح مکرر
 گل اوستونده بلبل گلوب شوق شوره
 وئروب شاخه‌ی گلده تشکیل منبر
 می ژاله‌دن لاله دولموش پیاله
 ائدير مست روحی بو ساقی او ساغر

گل اوستونده شبنمدی یا اشگ بلبل
 و یا گویدن ایثار اولوب درّ و گوهر
 دییر طوطی قصّه نه غم وار نه غصّه
 بو موسمه اولماز ملول و مکدر
 سرآغاز اردیبهشت بهشتی
 ربیع نخستین بهار مظفر
 دئوخ بیر سفر ایلیاخ اصفهانه
 گراخ تا درخت زماندان دراخ بر
 قضا دائم اسبابی ائتمز فراهم
 قدردن بئله فرصت اولماز مقدر
 تلاش ایله دریاده اوز گونجیلر تک
 سینیق کشتی تک سالما ساحلده لنگر
 غنیمت بول الده اولان وقته فرصت
 همیشه سنه ف رصت اولماز میسر
 اوغولدی آتاسیز آتادی اوغولسوز
 گئدیر گونه ناکام اولایا معمر
 او قیز که بوگون تازه نازلی گلیندی
 بیرآز فاصله یلن دول عورتدی بی ار
 بو دنیا گوزل مزرعه، سنده زارع
 بو دنیاده اک حشرده میوه سین در

دولان عبرت اخذ ایله هر گوردیقوندان

سنی بو جهاندا ائدوبلر مخیر

فعولُ فعولُ فعولُ فعولُ

بو بحر تقاربدي ای ماه پیکر

عزیزی و ایلائی بیرده «کریمی»

صفاده برابر وفاده برادر

أفقدن چیخاچیخدا گون بیزده چیخدوخ

ایشیققلانديراخ ملک جانی سراسر

بیزه گون باخان وقته داغلار باشیندان

نظر کهریزین گنچدی «آردی» مظفر

احد یا احد دیلده فرمان دالیندا

هم ایلائی دیلده دعا ذکر ازبر

سراسکندی گنچدوخ ساعات یدّی صبح

ماشین آشدی قاره چمندن تکاور

عجب فصلیدی هر طرف سبز و خرّم

گل و بلبل و شمع و پروانه یکسر

اولوب پهن صحرايه فرش زمرد

نئجه فرش زیننده مین عرشه مفخر

ماشین تازه راننده اونداندا تازه

فقط کهنه ایلائیدی بیرده احقر

میانه گوزل پارک صبحانه حاضر
 سالندی بساطی قورولدی سماور
 بایات گفته‌لر نسرینون^۱ دستپختی
 چلوداندا دادلی پلوداندا برتر
 ییردوخ ایچردوخ دیردوخ گولردوخ
 صداقت مصفا رفاقت موقر
 «احد» فوری چاق ائتدی قلیان گتوردی
 داماغ دودیلن چاق و لب چایلن تر
 سالوب قارقالار قار قار دوره‌میزده
 بیزه خیرمقدم دیورلر مکرر
 میانه محالیندا گئچدوخ میانبر
 قارینلار میانپر کیمی پر مدور
 هواده بولودلاردی کالعهن منقوش
 اولور چتر تک باشلارا سایه گستر
 حاج ایلائینی گون قاباقدا پیشیردی
 قیچیندان قولوندان شیریلداری هی تر
 نه گوزلر یومولدی نه فکره جومولدی
 نه ذره کسالت نه خاطر مکدر

قانادلاندی «آردی» یولی کسدی یاردی

قطاردان مقدم بالوندان مؤخر

چالوب قرقی تک بال و پر آچدی شهر

قاباقدا نه زنجان دایاندی نه ابهر

یول اوستن احد دسته گل دَردی گندی

ماشین اولدی کارخانه‌ی عطر قمصر

منه یاخشی لای‌لای چالاردی ترانه

اوخوردی پریسای زرینه حنجر

گوزل سسدی عالمده روحین غذاسی

چکر بینوه قورا اصوات آنکر

ایکی شیئدی آرتق پای انسانه حقدن

بیری صوت نیکو بیری نیک منظر

جیزار قلبی خواننده‌نین پیس صداسی

اوجور که یارار پارچالار قلبی خنجر

گوزل سسلی‌لر دوشدی تار دونبک اوسته

یوغون سسلی‌لر اولدی درویش قلندر

مناجتچی قاری مکبر اذانچی

گلوب هیئته اولدی مولایه نوکر

اوشاق سقط ائدر حامله عورت اولسا

دیین وقتده نوحه کبلای غضنفر

گناهی حسیندن بیلور آغلیانلار
 آچاندا آغیز روضیه ملا قبر
 گوزل سسلی قاری چکر کُفری دینه
 کریه سسلی ایلر مسلمانی کافر
 صدائیه داود آچاندا زبوری
 وحوش و طیوری یغار باشه یکسر
 کریه سسلی واعظ چکن وقته نعره
 امیرکا تک ایلر عراقی مسخر
 ائدون احسن‌القولیه امر معروف
 نه که نکر اصواتله نهی منکر
 ناهار صرف اولوب بیر صفالی مکاندا
 نماز مسجد اهل بیت مطهر
 دویونجا ناهاری یدوخ حدّ کافی
 گوزل کتلت آماده ائتمیشدی افسر
 ساعات اوچده ردّ اولدی «آردی» کرجدن
 چاپاردی گهی میمنه گاهی میسر
 ماشین چاتدی طهرانه ساغ و سلامت
 مگر آب حیوانی تاپدی سکندر
 گنداخ حضرت شاه‌العظیمه
 وئراخ روح ایمانه آب مقطر

اونی بیر نفر ری‌ده ائتسه زیارت
 حسینی زیارت ائدوب ایله باور
 بنام کرم باجاناق عزیزی
 بیزه میزبان اولدی با حشمت و فر
 پذیرا اولوب بیزدن عالی سیاقدا
 بلی اکرم‌الضیف لَو کان کافر
 اگر بالدیزین قیمتی بالدی دوزدی
 بو هم بالدی هم دوزدی هم قند و شکر
 قاشنار باجاناق باجاناقی گورنده
 احدثن سوروشسان دییر ای هنرور
 بی‌بی شهربانونی ائتدوخ زیارت
 اودور یوخسا سجاد بیماره مادر
 صورا ایلدوخ شیخ صدوقی زیارت
 او علامه دهر مشهور و اشهر
 دئدوخ پهلوان تختیه حمد و سوره
 اولای غرق رحمت او مرد دلاور
 دئدوخ باخ بو دنیای بی اعتباره
 نه عالم نه شاعر قالور نه سخنور
 نه سرهنگ و سرتیب و دکتر مهندس
 نه نیروی دریا قالار نه همافر

بنا اولسا بیر کس قالیدی جهاندا
 قالاردی علی فاطمه یا پیمبر
 هانی پهلوانلار قوی ارسلانلار
 هارا گتندی ضحاک شوم و ستمگر
 شرفیاب دیدار عبدالعظیمه
 صورا حمزه فرزند موسی بن جعفر
 شبستان مسجده فیض جماعت
 دگر زین عبادت زیارت چه بهتر
 گوزل شام صرف اولدی مولائی گیلده
 آچوب میهمانه نظافتلی بستر
 گجه یاتدوخ اوردا ولی صبح تتزدن
 قما عازم اولدوخ به دیدار خواهر
 ماشینون دالیندا کریمیدی کلمن
 قباقدایکی مرد اکمل مکمر
 نه چون قمدادی بنت باب الحوائج
 عزیز رضا دخت زهرای اطهر
 بو معصومه‌دی اهل بیت کریمه
 نه دردون وار عرض ائت اونا چاره ایلر
 زیارت اوخوندی توسل اولوندی
 تمام اولدی اعمال با حال مضطر

بحمداللہ اولدوخ یاریم کربلائی
 قبول ائت بو اعمالی ای حی داور
 زیارت عبادت سیاحت صداقت
 نیازلار مفصل نمازلار مقصر
 دوشندی قمدای صبحانه پارکا
 غذای مقوی فضای مشجر
 پس از صرف صبحانه قمدان قوتولدوخ
 گندیر اصفهانه محبان حیدر
 نقدری گوز ایشلور کویر و بیابان
 نه گل لاله سنبل نه ریحان و شیدا
 دلجانی گنچدوخ یتوب میمه شهره
 خدا، بد نظردن بیزه یتمه سین شر
 قاباقدا اولار پیشدی من دالدا دوندوم
 هی آتش نشان تک سو سپدیم برابر
 یتوب «مورچه خورتا»^۱ ماشین بی توقف
 اولوب گوزده بیر تازه گنبد مصور
 امامزاده قاسم گل باغ کاظم
 رواقی مصفا ضریحی منور

غرض بال و پر وئرمیاخ داستانه

ملال اگلشر خاطر دوستانه

دولاندوخ یورولدوخ دایاندوخ یوباندوخ

یتیشدی گونارتا چاغی اصفهانه

دیپلر که نصف جهان اصفهاندی

اکیب گتدی میدان نقش جهان

دئماق نصف دنیانی گزدوخ دولاندوخ

مباهات اندردوخ زمین و زمانه

فقط اصفهان باستانیدی یکسر

قالوبدی ملوک سلفدن نشانه

دولاندوخ او شهری پیاده سواره

باخاردوخ او آثاره چوخ عارفانه

گورنمز زمانه بو وحدتده یولداش

عددده سه‌گانه ادبه یگانه

دولاندوخ یورولدوخ نمازدان قوتولدوخ

دوشندی ناهار بیر گوزل گلستانه

توتون آلتی فواره‌لر روبروده

یل اسدوقجا توتلار دوشور استکانه

عزیزی قویوب پیکنیکه چرخ‌کرده

پیشیردی دوشوردی یدوخ منصفانه

عدالت هله قویمور آثاری ایتسون
 مدائنده طاقی قالور جاودانه
 بیرینده اگر اولماسا قدردانی
 ساتار یوسفی بیر نئچه گردکانه
 زلیخا بولر یوسفین قرب قدرین
 چکر تازیانه نفسدن زیانه
 باخاردیم بصیرتله زاینده روده
 اولور سرعت عمر تک سو روانه
 آخان سو گندن عمره بنزر قیتمز
 اوجور که چیخان اوخ قیتمز کمانه
 نه وار بلبلین نغمه سینده ادامه
 نه بیرده سولان گل گلور گلستانه
 باشارسان اوغول فرصتی فوته وئرمه
 اینانما چاتا صبحه شمع شبانه
 نه ایشلر گوروب شهردار صفاهان
 ماشالله بو مسئل بو کاردانه
 بهشت ایلوب اصفهان قدیمی
 آندوب روزنه شهری باغ جنانه
 احد رهنما اولدی باغ طیوره
 نئجه باغ دل عاجزدی شرح و بیانه

دولان پی آپار قدرت کردگاره

نه لر خلق ائدوب خالق جلّ شانه

طیورین یوخ اقسامینین حدّ و حصری

نه قوشلار او باغدا ائدوب آشیانه

علاوه ائدیر هر گل اوز بلبیلین یاد

دوتوب گلشنی چم خم عاشقانه

بو قصدیه گوز داغی وئرسونله پیره

سالوب یانه هر جوان بیر جوانه

نه چادر نه باشماق نه یاشماق نه قاقماق

اوخونمش گوزل صیغهی محرمانه

قاباقدای قوشا پرتقالدی اناردی

دالندا ایکی خربزه هندوانه

حدیث و مواعظ بهشت و جهنّم

صد افسوس دیلرده اولموش فسانه

دیور ظاهره باخمیون شرط اورکدی

عجب فکر بیهوده‌دی احمقانه

خانم باطینون بلیدی ظاهروندن

چه حاجت بیانه باخور گوز عیانه

صبح انسه‌وه اودلی کوسسو سوخاندا

بولرسن بو سؤزلر حقیقتدی یا نه

احد چکدی ایلآئینی شهرکرده

مگر آیت‌الله گئدیر راستورانه

گئدیر بیر قیچی بیر ایاق گئتمور اما

اوتانجاقدی آخر منی گتدی جانہ

قوناق گئتماقا نه اوتانماق نه قاقماق

قاپی گور آچیندی سوخول صادقانه

قوناق هدیه‌ی خالق لم یزدی

گرک جان فدا ایلماق میهمانه

قوناق‌دور دوغوردان بهشتین بهاسی

بهانه بهشته بهادی بها، نه

گزردهوخ مارال مثلی داغلار باشیندا

نه داغلار که باش قالدیروب آسمانه

آخور داغلارین دامنیدن بلاقلار

دولان شکر ائله خالق کن فکانه

یتیشدوخ اذاندا همان شهرکرده

احد قارداش اوغلی همان میزبانہ

چلودان کبابدان یدوخ یاخشی یاتدوخ

عجب خواب آسوده نوش اولدی جانہ

سحر بال یومورتا کره نان و پنیر

یدوخ ایچدوخ حمد ایلدوخ لامکانہ

گیندوخ سوروشجانی گزدوخ دولاندوخ

ماشین سرعتیله دونوب فارسانه

دولان فارسانی گنداخ پیر غاره

چاتاخ بلکه رستم کیمی هفتخوانه

بولر گنجنامه نئجه با صفادی

یری گر سفر ایلسه اکباتانه^۱

همان گنجنامه اورا مُشتلوقدی

او آثاره جداً بودور پشتوانه

چیخور آبشارلار داغین دامنیدن

قلمده توان یوخ چین و چنانه

سولار آبشارلار آغاجلار کوهولر

گوزل منظره واقعاً شاعرانه

وئروب سس سسه عندلیبان زیبا

چه آهنگ دلکش چه زیبا ترانه

او غاره چوخ افسانه‌لر باغلیوبلار

همان پیره نسبت قالب آنلیانه

نه شاندیز و نه طُرقبه کوهسنگی

نه سقز قاسملو نه سردشت و بانه

تبارک تعال احسن الخالقینه
 ائدوب لطفینی شامل ایرانیانه
 عجب در عجب سرّیدور خاک ایران
 وجب در وجب گنج بکر و خزانه
 اودور که چپاولگران هر طرفدن
 بهانه یولی آختاروللار تالانه
 عزیز توپراقیم درّ و لعل و گُهدور
 اگر چاتسا دشمندن امن و امانه
 عشايرده سنتدی وسعتلی شلوار
 بیریندن اوتوز شورت اولار فاطما جانه
 اوزونه بیرى باردانی شلوار ائتمیش
 بیرى تور تومانچاق قالوب یانه یانه
 او هنگامه برنامه چیخماز یادیمدان
 چلو ماهی نوشابه خوش رودخانه
 وداع ایلیندن صورا پیر غاری
 احد اهل فرماندی سورسه هایانه
 بابا حیدری باسدى چلگُردی گنچدی
 گنڊیر کوهرنکه او زیبا مکانه
 بیریلن که باغلیرسان عهد مودّت
 بو اوچ شرطیله چک اونى امتحانه

بیری قونشولوق بیرده خوش حق حسابی
 اوچومجی سفردی ائشید وورما چانه
 منیم دوسلاریم خوش چیخوب امتحاندان
 یامان گونه ساتماز منی بش قرانه
 اویان آب دئمه بویان، دشت لاله
 قاباق کوه زاگروس خوشون گلدی یا نه
 قیتدوخ نمازه شاما شهر کرده
 اما مزاده ده گلدوخ آه و فغانه
 ایکی باجی مدفوندیلاز بیر رواقدا
 حلیمه حکیمه ایکی نازدانه
 ایکی دختر پاک باب الحوائج
 آچوبلار کرم درگهین شیعیانه
 شاما میهمانوخ علی تاج دینه
 نزول ائتدوخ اول باصفا دودمانه
 احد چکدی شامدان صورا پارک شهره
 نمونه و من دونها جنتانه
 گزوب پارکی هی اوز اوزومه دیردیم
 بیزیم شهر تک یوخدی بدبختخانه
 مراغه منیم ای صفالی دیاریم
 اویان بیر نه باعث بو خواب گرانه

هامی شهرلر گئچدی سندن قباقه
 گلن هی وورور کله‌وه تازیانه
 گئچاخ اوزگه عنوانه آیری ردیفه
 یوبانساخ دوشر قافیه شایگانه
 گندوب بازدید ایلدوخ موزه‌لردن
 آلاخ جام عبرت سنق کوزه‌لردن
 گوراخ عالمه کیم گلوب کیم گئدوبدی
 قولای یاخشی محکوم و حاکم، گئدوبدی
 گئچن نسل‌لردن اثرلر قالوبدی
 دولوب خاکه سر تاج سرلر قالوبدی
 فلک هامونین باشینه داش سالوبدی
 زمان هر کسه هر نه وئرمیش آلوبدی
 خیاباندا وار کافه ائل سنتیندن
 سوخولدوخ که محظوظ اولاخ لذتیندن
 قدیمی حمامدی اولوب کافه الان
 گوزل عکسلر صوندا چائيله قلیان
 گه ایلانی کوک ایلدی سازی منلن
 گهی چکدی کبلای احد نازی مندن
 قدح تک منی الده هی گزديرنلر
 تازا ییگ کیمی هی منی ازديرنلر

همان شهرده توت نوبار ایلدوخ بیز

احد تاپدی گتدی دویونجا یدوخ بیز

هم اصلاحه گوندردیله هم حمامه

یوووندوم بزندیم لاپ اولدوم شمامه

گزوب شهر سامانی سامانه یتدوخ

دعا وئرماقا قبر عَمّانه گتدوخ

اوجا کورپی واردی به نام زمان خان

تفرّجگه زمره‌ی عشق و عرفان

گوزل منظره ائتدوخ امواج آبی

احد دال بادال چکدی شیشه کبابی

سیچوب کورلیوب کلّ ایرانی اوردو

سؤزون دوغروسی پوخلیوب اوردو یوردو

یتیشمیش قیزان قیزدی نیرنیر نیریلدیر

نه قاقماق نه یاشماق وار اوینور هریلدیر

هولو گورسه ناخوش گور آغزی سولانماز

هامی زهد و تقواده سلمان اولانماز

نظردن دوشن چادرا چارشاب لچکدی

بو آزادلیقین آخری کفره چکدی

چایی قویدی ایلائی پیکنیکده گازه

او دم چکمه‌ده بیزده دوردوخ نمازه

کبابلار چکیلدی کجه چایلار ایچیلدی
 قارینلار دیکلدی بوغازلار بیچیلدی
 دولوب نشعه کئف آشدی داشدی سبددن
 سوروش حاجی ایلائی کبله اددن
 زمان‌خانه رحمت عجب کورپی سالمش
 اودور آدی آثاری تک زنده قالمش
 بو دنیا اوغول اولیندن یالاندی
 فقط یاخشیلقدی که دائم قالاندی
 خوش آد قوی اوزوندن اگر وجدانون وار
 که تا ایمانون وار آدون وار سانون وار
 همان کورپیده یاخشی کئف سورمیشوخ بیز
 اددن سوروش گور نه‌لر گورمشوخ بیز
 نجه چولده باغبان قالانماز سبدسبز
 دوغوردان سفر کامل اولماز احدسبز
 زیرکدی سفرده احد ایش بیلندی
 قاچوب نفت اله سالدی هم شیش دیلندی
 ویروب عیش و تفریحی پایانه گلدوخ
 بساطی یغوب شهر سامانه گلدوخ
 «چالشتور» دا بیر قلعه گوردوخ مجلل
 رحیم خاندان آثار عالی مفصل

ایچینده عجب موزه مردم‌شناسی

کهن غرفه‌لرده قدیمی اساسی

یوز اون ایل قاباق خان همین قصریده یمش

داماقلی زماندا گوزل عصرده یمش

نه بانوی خاندان خبر وار نه خاندان

هئچ عبرت آلان یوخ مرور زماندان

بو عفریته مین خان رحیملر دوغوبدی

ولی دوغدوغون اوز الیه بوغوبدی

سالیندی نئچه عکسیله ماندگاری

که قالسین سفرنامه‌ده یادگاری

گئجه اهل حقدن بیر آدی منصور

شاما دعوت ائتمشدی نور علی نور

خدا قسمتیندن یدوخ نعمتیندن

شیرین شخصیدی دویمادوخ صحبتیندن

احد بورکومی کورکومی چکدی آبه

دورروب وارد اولدوخ غرض رختخوابه

سحر بش دقیقه قالوردی اذانه

ادای دو گانه برای یگانه

خدا حفظ ائده بیزلری بد نظردن

ماشین قرقی تک آشدی فرّخ شهردن

گون ایستردی مشرقدن اولسون نمایان
 بروجندن آشدی ماشین مثل جیران
 طبیعت قیزیل پرچم آجدی فضایه
 دهاقانی وصل ایلدوخ شهرضایه
 مصادف اولوب یولدا بیر شانلی قلعه
 اوجا هم قوجا باشی طوفانلی قلعه
 بویوک قلعه این الملوکه اشارت
 گئچنلردن آیندگانه بشارت
 همان یرده صبحانه صرف اولدی عالی
 دوغوردان یری دوسلارین اوردا خالی
 بویان قلعه‌نین عبرت‌آور نماسی
 اوایاندان یلین بهجت‌آور صداسی
 یدوخ ایچدوخ عشقیله کئف سازه گلدی
 اولوب «آردی» شهباز پروازه گلدی
 بویوک شهر وار آدی آباده آباد
 خیابانلاری گن ائدیر غملینی شاد
 حکایت احادیث جوکلار مثل‌لر
 یولا نردبان اولدی شعر و غزل‌لر
 نه چورت و کسالت نه بغض و نه کینه
 ائدردوخ تماشا یسار و ییمینه

نه آینده فکری نه یاد گذشته
 همانا نزول ایلدوخ مرودشته
 احد اگلشوب پشت فرماندا محکم
 مگر هفتخواندا مینوب دیوی رستم
 تماسیله ائلدن اولاردوخ خبردار
 موبایل اختراع ایلین اللرون وار
 دولان باغدا، داغلار باشیندا ماشیندا
 خانملان دانیش ائوده سفره باشیندا
 بیزیم خلقمیزده قویوب یوز فساد
 قماره شرابه مودا اعتیاده
 نه علم و نه صنعت نه فرهنگیمیز وار
 یالاندان فقط سویسوین انگیمیز وار
 دوداقلار قارالمش یاناقلار سارالمش
 الهی بیزی کیم بو احواله سالمش
 جوانلار قاش آلدیرمادا آشنادی
 سوروش بوندان آیا خانمدی آقادی
 گندوب تخت جمشیددن دیدن ائدوخ
 او تخت نگون بختی گوردوخ قیتدوخ
 که یوز یرمی ایل چکدی تختین بناسی
 اولوب اعتبار اسکناسه نماسی

بو یوز یرمی ایلده گورون کیم قالوبدی
 یولا اوچ قوی پادشاهی سالوبدی
 یتینجه بو عالی بنا اختتامه
 قویوب کارفرمانی حسرتده کامه
 اجلدی گلن شاهی تختدن سالوبدی
 هخامنشی‌دن قورو آد قالوبدی
 نمازی قیلوب مشغول اولدوخ ناهاره
 ماشاالله بو سیره بو گشت گذاره
 اوزاندیق یره آبشارین یاندا
 اوجور یاتماق اولماز نگارین یاندا
 الهی بیزی بیتوه دعوت ایله
 همین جمعه بیر کربلا قسمت ایله
 اولوب قافله شهر شیرازه وارد
 ماشین تازه خارج قوناق تازه وارد
 طریقتده جاندا عزیز میهماندی
 عمومی عزیز بیزه میزباندی
 گرک اولین بار عرض سلامه
 گئداخ شاه‌چراغه او عالی مقامه
 مقامی معظّمی شاه چراغین
 جلالی منظمی شاه چراغین

اندوب شهر شیرازی مثل خراسان

حضورِ مکرمدی شاه چراغین
بونوندا علی ابن موسی الرضا تک

آدی اسم اعظمی شاه چراغین
تاپوب گرچه حاتم سخاوتده شهرت

گداسی مین حاتم‌دی شاه چراغین
«کریمی» اوزاق یول گلوب فیض آپارسین

عطاسی مگر کمدی شاه چراغین
سحر الی یردن اذان شهری آلدی

مراغه‌مده بیر خاطره یاده سالدی
امامزاده‌نین صبحلر بیر اذانی

جماعت چکنمیردی صبحین زمانی
شکایات اداراته چکدی اوزاندی

بیزیم یرده ایمدی اذان بی‌اذاندی
نمازدان صورا صرف اولوب کله‌پاچه

دوزلدی بدن روشن اولدی سراچه
باباکوهی وار قبری داغ کله‌سینده

یاتوب مثل عنقا قافین قله‌سینده
سؤزوم یوخ که عارفدی مرد عملدی

ولی زایری اهل ماه عسلدی

قدیمدن که بیر قیز بیر اوغلان دیوبلر
 ایکی اوغلانا دورد قیز هاردان دیوبلر
 گزیر قیزلار عشقیله قلیان الینده
 قالبوب اوچ نفر قیز بیر اوغلان الینده
 توتون بولدی قازلاردا قلیان چکوللر
 خانملاردا قیزلاردا قلیان چکوللر
 نه زایر وورار طعنه غلمانه حوره
 اوخوندی بابا قبرینه حمد و سوره
 چیخینجا آنینجه اوتوز یرده دوردوخ
 نفسلر دوشوب تنگه دوردوخ اوتوردوخ
 هامی کئف چکردی چیخوب انماقیمدان
 بو سنّیله داغلاردا یللنماقیمدان
 گلن قیز باخوب بارک‌الله دیردی
 منه به‌به، احسن، ماشالله دیردی
 دئدیم داد و بیداد ایوای جوانلیق
 قیت وئر منه بیرده بیر پای جوانلیق
 گرک من بورا قرخ ایل اوّل گلیدیم
 بو داغه مسلّح مکّمّل گلیدیم

دل آچدوخ دعائیله امّن یجیبه
 گلوب اقتدا ایلیوخ دستغیبه^۱
 قالار یادگاری بو شیرین قضیه
 اولوب قافله عازم حافظیه
 یدوخ اوردا فالوده قلیان چکیلدی
 سیزون عکسویز دلدّه هر آن چکیلدی
 وداع ایلدوخ حافظی لامحاله
 گنداخ تربت سعدی خوش مقاله
 گنه اوردادا بستنی عکس بردار
 گئچن گون قیتمز داخی اول خبردار
 دریغا که دوشدوخ داماقدان یورولدوخ
 خروس لاری تک بانلاماقدان یورولدوخ
 جوان قدرینی بول گوزلدی جوانلیق
 یوز ایل عمره بیر دفعه گلدی جوانلیق
 جوانی پیرسید از حال پیری
 دولانماق گوزلدی و یا گوشه گیری
 دئدی دردیمی دئشمه حالیم قولایدی
 ئولوم خوشنودام گر نصیبیم اولایدی

نظر سالماقا کاخ و ایوان زنده

گنبدردوخ بساط کریمخان زنده

او حمام که اوردا کریمخان چیمردی

نگاريله خوش لخت و عریان چیمردی

اولوب سنتی قهوه قلیان چکوللر

هامی انتظار کریمخان چکوللر

کریمخان یاتان یرده یاتدوخ اوتوردوخ

یدوخ بستنی آخر اورداندا دوردوخ

بویوک صحنی دولموشدی سازندهلردن

قره قاش خمار گوز نوازندهلردن

کیمه سازگار اولدی دنیای فانی

هره بش گون اولموش بو میراثه بانی

اولوبسان جهاندا معزز «کریمی»

کریمخان گزن یولدی سن گز «کریمی»

دولان عبرت اخذ ایله دور زماندان

خبر گلمدی یولانان کارواندان

یدوخ شامی آباد اولایاخی یاتدوخ

گوزل استراحت ائدوب کامه چاتدوخ

خداحافظ ائدوخ سحر میزبانان

اوزرلیک سالوب دوتدولار باشه قرآن

چیخوب شهر شیرازدن تا سحرگاه

اوخی قُل هوالله تَوَكَّل عَلَى الله

دوداقلاردان آیه نواردان ترانه

گئدیر سرعتیله ماشین اصفهانه

گئدردوخ ماشیندا نه یورقون نه خسته

آخار سو کنارینده دوشدوخ یول اوسته

داغین دامینی صبحین اوّل زمانی

نسیم سحر زنده ایلر روانی

سو فواره‌دن درّ غلطانندی به‌به

گلستانندی یا باغ رضواندی به‌به

سازاقدان بدنلر اسیردی اُشوردی

احد اوملتی تئز پیشیردی دُشوردی

او صبحانه‌میز یاغ کیمی جانہ یاتدی

دویونجا یدوخ نوبه قلیانه چاتدی

احد آبلیمو آلوب دَبه دَبه

ایچ اصلاً یولون دوشمه‌سین هئچ مطبّه

نه ذرّه تلسدوخ نه بیر دم یوباندوخ

دوشوب شهر آباده‌نی هم دولاندوخ

گئدردوخ دوراردوخ مینردوخ دوشردوخ

باغ اولسون یا داغ هاردا سویدوخ دُشردوخ

یتشدوخ غرض اصفهانه خرامان
 ناهاردان نمازدان قوتولدوخ شتابان
 مسافر گرک اصفهاندان گز آلسین
 باها یا اوجوز یا دگر دگمز آلسین
 منیم چون باج اوغلودی بهرام انوشه
 اونون مهری قلیبیمده وار خوشه خوشه
 صله رحمین اخبارده اجری چوخدی
 غریبیدی اونی گورماقین عیبی یوخدی
 گروهه اونودا قوشوب یولداش ائتدوخ
 صورا مسجد جامعه دیده گئتدوخ
 صفاهاندا وار چوخ بنای عظیمه
 که هر تک تکی بیر قباله قدیمه
 باج اوغلی دایی بیر گئجه با هم اولدوخ
 شامی صرف ائدوب دور هم همدم اولدوخ
 نه بیر شخص دلتنگ اولوب نه داریخدی
 جهانگردلر اصفهانداندا چیخدی
 عزیزی قویاندا ایاقین رکابه
 که رستم گئدیر جنگ افراسیابه
 ماشین «میمه» دن رد اولوب چوخ شتابان
 اوجور گویده سرعتده تیر شهابان

بسان سکندر طلسماتہ چاتدوخ

دلیجان خمین و محلّاتہ چاتدوخ

او ساماندا وار آب گرم محلّات

چیموب شرزہ وور جوم یورولدون یخیل یات

نہ سو درّدن صاف آئینہ دن پاک

طبابتہ تریاق طبیعتہ تریاک

نہ سو یاغ کیمی خستہ جانہ یایلدی

دامارلار یوموشاندی اعصاب آییلدی

نہ سو چوخ ملایم نہ سرد و نہ چوخ داغ

ائیر نرم پانبوق تک اعضانی چون یاغ

ائدوب بیر گولی اوردا دربست اجارہ

جوماردوخ چیخاردوخ دوبارہ سہ بارہ

او سو یوخدی سرعیندہ رامسردہ

او خصلتہ دارو تاپولماز اثرہ

اون استخریدی بیر بیریندن گوارا

صفابخش و دلچسب مهمانپذیرا

نہ سو فکرمی قاتدی بنزر گلابہ

عمون دوشدی شلوارلی شلوارلی آہ

اون ایل غسل جمعه اویسیم قضاسی
 بو نیتله ترتیبی یوخ ارتماسی
 بیز استخردن قورتولونجا مسلم
 احد اوملتی ایلیمیشدی فراهم
 بیزی نازيله بسله‌دی چکدی زحمت
 آتایه اوغول ایلمز ایله خدمت
 سوار اولدوخ «آردی» قاناد آلدی یلدن
 کوراوغلی قیرآتین سوروب چانلی بئلدن
 او سرعتده رستم سورنمزدی رخشی
 احد قوودی گئچدی قَصْبِچِله بخشی
 ماشین یر قالاردی بیزی چون کجاوه
 که ناگه قاباقدا عیان اولدی ساوه
 نماز جماعت غنیدور ثوابدا
 ادا ایلدوخ مسجد انقلابدا
 گئدیر کاروان خسته منزل به منزل
 ائدیر طمطراقیله طی مراحل
 ماشین گئندی اوچ یولداشین بعضی یاتدی
 بوئین زهرانی، گئچدی قزوینه چاندی

یاغیش دوتدی قزوین دن جانہ گلدوخ

ناہار قالدی بیوقته زنجانہ گلدوخ

بوران ساختا تیتترمه طوفانہ دوشدوخ

ناہار صرفینہ شهر زنجانہ دوشدوخ

بو ایل ساختا خلقین ائوین یاخشی یخدی

یازیق، یاز، زمستانہ بی شرطہ چیخدی

یانان چولچینون حالینہ کیمدی ایندی

قالاندا اگر قالسا دارائینیدی

غرض اختتامیہ زنجاندا قالدی

احد قاچدی فوراً دویونجا توت آلدی

دولو ساختا سیل زلزله برف و باران

ائدیر خلق محرومنی خانہ ویران

هنر گورسدیب ساختادان بیز باج آلدیق

دوتوب دادلی بیر دوغراما بوزدا سالدیق

قرار اولدی چون آز قالوردی اذانه

نماز غروب و عشاہ میانه

احد شهرہ ایستور تئز اولسون ورودی

گئچوب فوری قاره چمن هشترودی

یتشدوخ غرض نصف شب خانمانه

گنه بیر سفرنامه گلدی بیانه

«کریمی» سفرلرده صرف ائتدی اوقات

گتوردی سفردن سفرنامه سوغات

نئجه سوغات اولسا گئدوب قورتولاندی

قوتارماز سفرنامه دائم قالاندی

کلامیمده گلاؤه‌لر ریشه‌لر وار

گوزل پند و تفریح و اندیشه‌لر وار

گلنلر باغیمدان گلوب گل درلر

منه رحمت و فاتحه گوندرلر

قاتوب سؤزلر ایچره سؤزی من ایتوردوم

تاپان آختارار من پیامی یتوردوم

بیر عدّه دالیمجا منیم بانلیانلار

ئولندن صورا روحیمی دانلیانلار

سؤز اهلی ولی روحیمی شاد ائدرلر

منی فیض صلواتیله یاد ائدرلر

اولاردی دوتان نیشکر خامه‌لردن

آلارلار نتیجه سفرنامه‌لردن

خوش آنکس ز ویرانه‌ها گنج یابد
 بسان «کریمی» سخن سنج یابد



اوغول عمرونده دائم اول سحرخیز
 به خیرمقدم صبحانه برخیز
 یوخی عمره خسارتدی ضرردی
 آماندی یوخلاماقدان ایله پرهیز



گلن واعظ دندی دنیا یالاندی
 اوزی دنیادن اتری چیرمالاندی
 قوجا دنیا ائله ووردی گوتوندن
 دیغیرلاندی جیریلدی پارچالاندی

شاعر ٹولمز

شاعر قیشی قورتارسا یتیشسه یازا ٹولمز
 گوش ایلسه بلبده اولان آوازا ٹولمز
 گل فصلی الین دامن صحرايه یتورسه
 عرفانی باخش ناز نازیلاردا نازا ٹولمز
 شمع و گل و شاهد لب آب و شب مهتاب
 دوشسه گوزی پروانه ده کی پروازا ٹولمز
 دفتر قلم الدہ یانیجا نازلی نگاری
 چیخسا باھارین اوردوسینا پیشوازا ٹولمز
 شاعر ٹولہ یا ٹولمیه پاینده دی شعری
 قلبه اوتوران درده دگن سؤز یازا، ٹولمز
 شاعر ائده بولسه قلمین قازمیا تبدیل
 ظلمین آغاجین جھلی کوکوندن قازا ٹولمز
 شاعر غزلینده یارادا بیلسه لطافت
 اوز سؤزلرینی سوزیله سالسا سازا ٹولمز
 اما ٹولی سؤزلر دیریلرده اثر ائتمز
 سؤزلرده اگر روح اولا کهنه تازا ٹولمز
 عریان باباظاهر اولا یا سعدی و حافظ
 قبری همدانه دوشه یا شیرازا ٹولمز

اولسا اوزونه هم سۆزونه ارزشه قائل
یا قافیه ده دوشمسه دست اندازا ئولمز
گر دوتسا قوافی ده عروضیله بدیع
آد قویماسا جهلیله اولار، اولمازا ئولمز
افسوس نظام هنری اتدیله برهم
فکر ائتمه او شاعر که یولوندان آزا ئولمز
آهنگوی آوازیوی ساز ایله «کریمی»
فکر ائتمه قاتان شور و حجازی جازا ئولمز



بو دنیانین بهارینده خزان وار
الیندن دوت اگر گوردون آزان وار
یالاندان افترادن ایله پرهیز
ایکی مأمور صاق صولدا یازان وار



بی نماز

ساخلا یادوندا بونی ای همقطار بی نمازا نسیه که وئردون باتار
 اللہینا باج سیل وئرمین بندهنی سقل سیلین اوتار
 بش فقره اللہیلان روبرو راز و نیاز ایلماقا دال چاتار
 بی نمازین دوسلوقی چاتماز باشا دوستونی بوردان آلا ر اوردان ساتار
 بینوا مردار و تمیز آنلاماز قویسا قدم هر یره هر یان باتار
 یوخ اونا فرقی نه حلال و حرام پاکيله ناپاکی آیرماز قاتار
 نظم و نظافت نه طهارت بولر بی نمازین آخری پیسلیک دوتار
 داش باشینا اللہا باش اگمه فارس و عرب دیلم و روم و تاتار
 اختاروب اللہ قاپوسین تاپمادون بینوا دوش قاپلارا قارنون اوتار
 رنگ ریائيله بویانمش نماز حيله دی دو قوزدی لاتاردی لاتار
 حق سؤزه آزدی گوروسن مشتری بسدی «کریمی» دیلیوی کس قوتار




دله وئرمه ثمر یوخ سوسماقدان
 یورول تزویردن یرتق یاماقدان
 پیشیکدن درس آلوبسان اورگشوبسن
 س.... تنز اوستونی تورپاخلاماقدان

آی منافق

گت اویونبازلقیوا اوینا جوانسان هله سن
 کتفه باخ غم یمه قویما دوشه‌دن سقله سن
 قوجالاندان صورا که دوشدی الوندن آغاجون
 گله‌سن مسجده چورتون ووراسان دینج‌له‌سن
 هله آل بوینوزووا وور یره بیچاره‌لری
 قدرتون وار ئوزون اوخشات گوزی قیزمیش کله‌سن
 مین آتون چاپ بو گنیش دنیا‌دا سولا قلجون
 هر ایشی صورت شرعه سالاسان روفه‌له‌سن
 نه حسین وار نه قوجا‌قنده علی‌اصغری وار
 کربلا صحنه‌سی اولسا ائله سن حرمله‌سن
 بویا باس مشتری سرچه‌نی بلبل آدینا
 جانمازون سویا چک هی اتگون سیلکله‌سن
 گیریوه هانسی یازیق گئچسه کورکدن کسه‌سن
 مختبون^۱ چوخ ایتیدی هر یانا وورسان دله‌سن
 سنده که وار بو شرارت هر اویوندان چیخاسان
 گاهی قورد تک اولاسان گاهی قویون تک مله‌سن

بیر خلیل اولسا بوگون آتسالا نمرود اوتونا
 او اوتی پوفلمیه آی بالا کرتنکله سن
 ایکی شیطان سخیلوب هر توکووین کولگه سینه
 حيله و مکرده شیطانہ قورارسان تله سن
 قورخ او گوندن کسه مقراض اجل طاقتوی
 فرصت اولماز دولانوب یا اوتوزوب چونبله سن
 ملک الموت گیرنده قاپیدان یا باجادان
 قورخاسان دیسگینه سن شلوا ری حتی بهله سن
 گوز چیخا کللیه دل بنده دوشر او...
 توبه نین موعظه نین لذتین اوندا بوله سن
 هوشون اوندا یغیشار باشوه بیردن گوره سن
 آتمش ئیل یتیمیش ئیلی مفتہ وئروبسن یله سن
 باخ «کریمی» یازان اشعاره گل الله یولونا
 هیچ ضرر گورمدی خیر ایشلره دائم تله سن



چکش وورما آغاج میخ، داشا گتتمز
 شریعتده باجی قارداشه گتتمز
 هر ایشده اولماسا الله رضاسی
 سینیق دیواره بنزر باشه گتتمز

خیرمقدم

مرحبا اهلاً و سهلاً سرورا
 ای ورودت لطف و دیدارت صفا
 شهر مارا نورباران کرده‌ای
 خیرمقدم لطف شایان کرده‌ای
 هست استاندار ما مهمان ما
 ای خوشا اقبال شهرستان ما
 شهر تاریخ مراغه مکتب است
 مهد دانش پایگاه مذهب است
 اوحدی‌الدین احترامت می‌کند
 خواجه نصرالدین سلامت می‌کند
 از رصدخانه همی آید صدا
 خیرمقدم مرحبا بک مرحبا
 دامن زیبایی این کوه سهند
 میزبان توست با عشق بلند
 یکهزار و چارصد روح شهید
 میدهد از گلشن زهرا نوید
 رود صافی چشمه ذوق و صفاست
 این مراغه مرغزار اصفیاست

میوه‌هایش رنگ رنگ و جورجور

شیر و سرشیر و عسل حدّ وفور

تو به شهر عشق مهمان آمدی

هدیه‌ای از حیّ سبحان آمدی

طبع سرشار «کریمی» همچو بم

هست جوشان و خروشان دمبدم



سحر گوردوم بیر عاشق ساز الینده

سازین دیللندیریر آواز الینده

یارا جان قربان ائتدیم جانہ دویدوم

یورولدوم تنگہ گلدیم ناز الینده



هامی پیسلیر بو دنیای فنانی

اوزی دورد اللی باسمارلیر جهانی

ولی شاه و گدا بو گلستانین

صفاسین گورمه‌دی فانیدی فانی

ایران را سراسر مدرسه میکنیم

انتظاریم وار اولای ایران سراسر مدرسه
مکتب قرآنه دانشگاه اولای هر مدرسه



سربلندوخ وار بیزیم قرآن کیمی فرهنگمیز
مرتضی نهج البلاغه الده پیشاهنگمیز
دانش و فضل اوسته حبل الله محکم چنگمیز
بسته دی اصلاح دینه صلحمیز یا جنگمیز
نور دانشله گرک اولسون منور مدرسه
مدرسه سازان خیر بانی آثار خیر
سرفراز اولسونلا یوخ بوندان گوزل بیر کار خیر
اولدولار بنیانگذار مکتب ایثار خیر
زنده گی ده اجتماعه علمیدی ابزار خیر
حرز جوشن تک بشردن دفع اندر شر مدرسه
مدرسه یله علمله هر جامعه ارشاد اولار
علم اولان یرده مگر تبعیض اولار افساد اولار
علمسیز انسان دوشر بیراهیه معتاد اولار
باور ائت جاهلدن انساندان صورا هرزاد اولار
واقعاً فرهنگ انسانه وئر فر مدرسه

تا الوندن گلسه علم و صنعته امداد ائله
مدرسه مسجد بنا ائت مردمی ارشاد ائله
ممکن اولسا قویسالار کارخانهلر ایجاد ائله
یوخدی دنیانین وفاسی قبر ائوین آباد ائله

زحمتیله ریشه قوی رحمت وئر بر مدرسه

علم اولان یرده جوان وورماز ئوزون قانمازلقا
درس و تکلیفین آتوب سعی ایلمز قیزبازلقا
نه بوخار وار کسب و کاره نه چیخار سربازلقا
بوشلا گئتسون لاتلقا عیاشلقا دانقازلقا

شستشو ایلر عیوباتی سراسر مدرسه

هانسی ملّته عزیزیم اولماسا علم و سواد
دولدورار شهری خیانت سرقت و قتل و فساد
نوجوانلاردان آلاز ایمان دینی اعتیاد
بیر نفرده مذهبه قرآنه قالماز اعتقاد

رهنمادی مسجد و محرابه رهبر مدرسه

حضرت مولا بویوردی بو مبارک کلمه‌نی
کیم منه بیر کلمه اورگتسه غلام ائتسین منی
مدرسه مهد سعادتدی نجات و ایمنی
صنعت و علمیله وور سیندیر دهان دشمنی

برعلیه ظلم و استکبار سنگر مدرسه

کنز انصاف و عدالتدور صفادور مدرسه
 رمز توفیق سعادتدور حساب و هندسه
 مرکز علم و دیانتدی نه جای وسوسه
 منجلاب عشقبازی اولماسین هر ناکسه

یوخسا ایلر دانشآموزی مکدر مدرسه

اطلبوالعلم و لو بالسين باخ استقبالوه
 چینه گئتمه علم ایاقيله گلوب اقبالوه
 استفاده ائتمه سن فرصتدن ایوای حالوه
 فوته وئرسن فرصتی شیطان گولر سقالوه

تا مؤثر حالوه اولماز میسر مدرسه

مدرسه اولسا خدا ناکرده جای شیطنت
 امت مرحومیه آرتیرماز الا ملعنت
 ای «کریمی» یوز چوویر اللهوه انت مسئلت
 بیر بو غیبیه بو ایرانه ائتسون مسعدت

تا تاپاق توفیق ائداخ ایرانی یکسر مدرسه

إِنَّمَا الدُّنْيَا فَنَاءٍ لِّيسَ فِي الدُّنْيَا ثَبَات
 مدرسه سازاندی اهل باقیات صالحات
 درسیدی انسانه طوفان جهالتدن نجات
 نور و ظلمت جاهله بیردور حیاتیه ممات

کیمیادور قاره توپراقی اندر زر مدرسه

مدرسه سازان خیر ایلسونلر افتخار
 ئوزلریندن یاخشی آثاری قویوبلار یادگار
 هانسی ملت دوشدی تعلیم و تعلّمدن کنار
 یوخ اولاردان دانش فضل و هنردن انتظار

نور دانشله ائدر شهری منور مدرسه



سحر قبر اوسته گوردوم بیر نگاری
 دوشوب بیر قبره ایلور آه و زاری
 دیور سندن صورا پای پُشک اولوندی
 عمارت کارخانا باغ گاوداری



آری تک خلقیمیز وز وز ویزیلدیر
 گوزی آغلیر اورک مزمز میزیلدیر
 آدام اوز دردینی یاددان چیخاردیر
 دانشدیرسان کیمی سیزسیز سیزیلدیر

باسا باسدي كسه كسدي

سابق ائشيدوردون كه كسنلر نئچه كسدي
 سلمانيدي، سالاخدي، جوازچيدي، عسدي
 ايمدي هامی هاردان دوتور اوردان كسير ايواي
 كسماقدا ائدير بيريره سبقت بسه بسدي
 مردم به به دن تا بابا كسماقدا قلجدي
 دنيا باسا باسدي آسا آسدي كسه كسدي
 حيزاني سوخولار كارا آتدان باشي تيتير
 بيچاره گلندن سوروشور آخ بو نه سسدي
 عمری باشا وئردوخ گنه باش تاپمادوخ آخر
 بو شوردي يا لوردي بو نخوددي يا عدسدي
 هاردان يته جاق يديده يتميشده يتيشمز
 سن آتميشي آرتميش هله پابند هوسدي
 نه شيريله شيري تانيدوخ نه هريلان نر
 درك ايلمادوخ نغمه بلبلي مگسدي
 بدبخت ستمديده اگر زعفران اكسه
 هنگام درودا گوره جاق خاريله خسدي
 بيچاره كورا نه گئجه گوندوز نه دولانماق
 گورمور تانيا نمير بورا تبريزدي طبسدي

دنیا اوز ایشینده گئجه گوندوز اوز ایشینده
 بو قافله سایماز او یوباندی بو تلسدی
 یرتیلدی ایاق قابلاری یول یولچینی یوردی
 دوشمش قولاقا بانگ خروسیله جرسدی
 سن هر یانا دونسن ئوره گیم سنله دی ای دوست
 گل گلدی تفاوت ائلمز پیش یا پسدی
 صورتده اولان بوذر و سلمانانه مشابه
 سیرتده سعادتده سنان ابن آنسدی
 نه لال کیمی صوم دوت که دئسونلر دیلی یوخدی
 نه یانشا یالاندان که دئسونلر بابا بسدی
 گوز دگمه طبعونده کی امواجه «کریمی»
 صافیدی بو یا دجله دی کاروندی ارسدی^۱



عجب گلشندی شیرین زندگانلیق
 دالیجا اولماسیدی گر خزانلیق
 بیر آز مدّتی ایّام جوانی
 قالان آخ اوخدی ایوای، نوحه خوانلیق

آی رادیو مراغه

دنیا یاشادیقجا یاشا آی رادیو مراغه
 اخباریوی یای داغ داشا آی رادیو مراغه



بو شهر حسینه‌دی تاریخی اثردی
 پایتخت هلاکودی صمدخانه مقردی
 مهر ادبیاتیدی کانون هنردی
 گوزدن دوشه یا که قالا تاریخه ضرردی

هی سرزنشه قاتداشا آی رادیو مراغه

زنجیره چکوبدی بو دیاری اوجا داغلار
 بو شهری طنابه دولویوب کولگه‌لی باغلار
 رفتار مغولدان هله‌ده گوزلری آغلار
 باشیندا بلا چوخدی قالب سینه‌سی داغلار

محتلری گلمز باشا آی رادیو مراغه

دوت خواجه‌نصیر میراثی ویرانه رصدن
 اسکندره دوت آب بقا نوش ائده شدن
 دورد برج که مخروبه قالب بخل و حسدن
 دوت زایجه‌لر سنبله میزان و اسدن

سای گوزلری دولدور یاشا آی رادیو مراغه

پخش ایله گوزل شهریمیزین منظره سیندن
مولان تپه سیندن سوله کهلان دره سیندن
صافی چاینون گوشه نیدن بند بره سیندن
صابون سوجوقوندان بالی قیماق کره سیندن

نعمت داشا باشندان آشا آی رادیو مراغه

بیز مذهبیوخ معتقدوخ دینه کتابه
بیز مکتیبوخ اهل یقین حشره حسابه
بیز ناله و نفرین اندروخ کشف حجابه
بیز وورماروخ ال مُرفینه تریاکه شرابه

گلمز وجه حوقّا ماشا آی رادیو مراغه

اعلان ائله بو شهره گله زمره عرفان
اشراق دوتوب اوحدیه شام غریبان
قبری باباخونین جگرین خاکيله یکسان
فانی و شکوهی و دخیل اولدولا پنهان

ووردوخ داشا چیخدوخ باشا آی رادیو مراغه

بو شهر قدیمی نیه گوزدن دوشر اولدی
حتماً نظره گلدی بئله سولدی پوزولدی
زرخانه سی زورخانه سی قورخانه سی نولدی
آثار قدیمه هامی محو اولدی قوتولدی

بوز سالدیلا ایستی آشا آی رادیو مراغه

هئچ بیر خبرون وار او صفالی کیشیلردن
 اهل صلوات آغزی دعالی کیشیلردن
 صاف قلبلی سقالی حنالی کیشیلردن
 ال دوز دیلی دوز شرم و حیالی کیشیلردن

لاپ دوندی ئورکلر داشا آی رادیو مراغه

تبلیغ ائله قاجسین بو جوانلار هروئیندن
 بولم نه دادوبلار دادانلار هروئیندن
 وار جامعیه بوللی زیانلار هروئیندن
 بیر عمر «کریمی» بیزی دانلار هروئیندن

باخماز حشیشه خشخاشا آی رادیو مراغه

ای رادیو سنون ئیل دونومون خوشدی صفالی
 تبریک دییر بیربیره بو جشنی اهالی
 باعث اولوب «آزارشی» یازدیم بو مقالی
 خونگرم و فعالیتتون یوخدی مثالی

قارداش قونوشار قارداشا آی رادیو مراغه

موزه لردن

کیمده گوز وار ائلسین سیر و سیاحت موزه لردن
صاحب عقل ایستر آلسین درس عبرت موزه لردن



کلمه آین الملوکه بهترین عنواندی موزه
چشم تحقیقه باخسان مکتب عرفاندی موزه
باستانلار داستانلار عبرت انساندی موزه

یا اولوالابصار آلون پند و نصیحت موزه لردن

غرفه لرده بحث آچور انسانه اشیاء عتیقه
جمله اعصار و قرون باستانلاردان وثیقه
کورکورانه باخوب ردّ اولما جوم فکر عمیقه

آچ قولاقون بیر ائشید شیرین حکایت موزه لردن

نه گئندلردن خبر وار نه گلنلردن نشان وار
باستانی لردن اما الده شیرین داستان وار
هر یایین آردینجا قیش وار هر بهاره بیر خزان وار

ای قلم تا قدرتون وار یاز کتابت موزه لردن

کَلْ نَفْسُ ذَائِقِ الْمَوْتِ آيَةُ هَشْدَارِ قَرَّانِ
قَلْ وَيَبْقَى وَجْهَ رَبِّكَ كَلَّ شَيْئٍ غَيْرُهُ فَاَنْ
نه قالار شاه و رعیت نه قالار مفلس نه اعیان

آل بو آثار کهندن تازه صحبت موزه لردن

مدرک انسانه جهاندا یاخشلیقدی هم یامانلیق
یاخشلیق جنتدی آیدین پیسلیک آتشدی قارانلیق
عقلوی ائت نفسه غالب آل مدال قهرمانلیق
انتخاب ائت یاخشیدان پیسدن اشارت موزه لردن

ساخسیلار، مسلر، ملامین، تخته قاپلار آهن اولدی
لویستر اولدی شمعدان پی سوزلر نورافکن اولدی
بوتومان کوینک بو خلقه گه دار اولدی گه گن اولدی

کاش اندیدوخ بیر مودا اول کفایت موزه لردن
ایمدی ده پخمه جماعت یوز قویوبلار اعتیاده
مستراحلاردا جوانلار آمپول ایلور استفاده
اود ووروبلار اعتقاده تف دیوبلر اعتماد

نه آلان تعلیم عبرت وار نه دقت موزه لردن
حیف ایران قدیمه بیز ازلدن انگل اولدوخ
گنچدیلر بیزدن قباقه بیزده یاتدوخ تنبل اولدوخ
انگل اولدوخ مهمل اولدوخ هم کورا اولدوخ هم شل اولدوخ

ایچمدوخ می کوزه لردن شهد شربت موزه لردن
سربه سر میراث فرهنگی نصیحتدور کریمی
هر سنق بیر کاسه کوزه بیر کتابتدور کریمی
آنلیان اشخاصه بیر نکته کفایتدور کریمی

صاف ثورک ایستر آلا فیض سعادت موزه لردن

خوشام کولگمیله چاتام دُم دمه

یوزوم اولمیا بی وفا مردمه

آینا

اللرده بولورسن نیه دائم گزر آینا
 اصلاح ائدر عیبین کیمه سالسا نظر آینا
 آرایش آرامشه آسایشه بازدی
 ایستر باخیشیندا هامینی مفتخر آینا
 یوخ آینهده قصد و غرض بخل و حسادت
 هر عیبی هر ایرادی ملایم دیبر آینا
 ائت آینادا رفتاریوی گفتاریوی تنظیم
 درس آلماقا دیباچه وئرر مختصر آینا
 آینا کیمی صاف اول باخیشوندا هامی خلقه
 قویما دوتا غم غصه توزوندان کدر آینا
 چیرکین سن اگر آینانی سیندیرما عزیزیم
 مشاطه دگول چیرکینی هاردان بزر آینا
 بیر روشن ئورک آختاریرام آینا کیمی صاف
 بهره یتورر هئچ کسه وورماز ضرر آینا
 چوخ یاخشی مصاحبدی ائدر حسنیوی تحسین
 گر سنله مصاحب اولا شام و سحر آینا
 روشندی مصفادی مفرّحدی گوزلدی
 ائتمز سنه ایجاد خطا و خطر آینا
 باخ آینه دن کسب کمال ایله «کریمی»
 دنیا باشاباش آینه دی سربه سر آینا


صافی چایی

جنتدی مراغه گوره سوز ذوق و صفاسین
 حفظ ایلسین الله بو شهرین ادباسین
 سرچشمه سهندین داغینون قخ بلاغیندان
 جوشان و خروشان یاییر اطرافه سخاسین
 اگلش لب صافی ده خیال ايله فراتی
 ائت دله مصور آقامین کرب و بلاسین
 ربی آرنی ذکر ایلمز طوریده موسی
 گر گورسه سهندین بو گوزل آب و هواسین
 جنت باغیدی دامن زیباسی سهندین
 ارواحه غذا بخشیدی دلچسب فزاسین
 تا واردی کریمی اوجادی نام مراغه
 هیهات مراغه آتا تاج الشعراسین
 یارب سنی وئرم قسم اسماء عظیمه
 لال ائتمه سهندین بو شیرین دیللی بالاسین
 بو شهر حسینیه نی آباد ائله یارب
 چوخ گورمه همین شهره ابوالفضلین عزاسین
 بو قاره علملردی بو شهره وئرن عزت
 آرتیر شرفین عزتینی قدر و بهاسین

ساخلا هامی آفات و بلادن بو دیاری
 سال دشمنینون جانینه طاعون و وباسین
 ایستکلی دیاریمدی منیم دار و نداریم
 تا حضرت قائم گله حفظ ایله بقاسین
 من گلشن زهراده آتام ذاکره دائم
 زوآر اولوب ایثار ائدهرم روحینه یاسین
 یارب سنی وئرم قسم اولاد رسوله
 قطع ائتمه دالیمدان آتامین خیر دعاسین



جهان ناپایدار و بی دوام است
 از او امید لذت فکر خام است
 دو روزه عمر ما با آرزوها
 بسان قالب یخ در حمام است



اوغول چیکلنمه میش حمّامه گئتمه
 دنی طینت آپارسا شامه گئتمه
 سوورسن خاطرون آسوده اولسون
 آماندی زیر بار وامه گئتمه



ياحسين مظلوم ادرکنی

ووردولار اود خرمن ایمانه مؤمن یوخلاما
 آچدیلار غارت الین قرآنه مؤمن یوخلاما
 مملکتده بیر اویاق یوخدی اولوب قحطالرجال
 آت سالوب رجاله لر میدانه مؤمن یوخلاما
 یوخلادون یاندون داغیتدی اوغرولار اموالیوی
 آند وئرم غیرته وجدانه مؤمن یوخلاما
 قاپدی قاجدی بورکوی دشمن چیخادی کورکوی
 چولقالانما بسدی بو یورقانه مؤمن یوخلاما
 قیز مینیبدی دالیوه اوغلان گولور سقالیوه
 آرخیین اولما قیزا اوغلانه مؤمن یوخلاما
 پیرو قرآن و دین باخ گور نه حاله قالدیلار
 مود اروپادن گلور ایرانه مؤمن یوخلاما
 قولده مسلم ائدیر فعلاً حجابی مسخره
 گونده بیر الگو گلور نسوانه مؤمن یوخلاما
 قویما لامذهبلر عاشورانی عزتدن ساللا
 رخنه وورسون نیمه ی شعبانه مؤمن یوخلاما
 دوست آدیلا دشمنون ایستور آپارسین دینیوی
 یار نقشینده گزیر بیگانه مؤمن یوخلاما

قویما فرهنگ اروپا یول تاپا فرهنگووه

دین و ملیت اولافسانه مؤمن یوخلاما

قاره کونکلردی پرچملردی دینی ساخلیان

منکر اولما شیون و افغانه مؤمن یوخلاما

گزمه دکتورلر مطبیین ایلمه خواهش دوا

گل حسین دربارینه درمانه مؤمن یوخلاما

دشمن ایستور بو قرا کونکلری بیزدن آلا

متکیدی مختلف عنوانه مؤمن یوخلاما

بیرده گرنش سن اولار یکسر مساجد سینما

راستورانلار کافه‌لر میخانه مؤمن یوخلاما

اجنبی لر اعتقادوندن سنی سُست ائتماقا

قاتدی‌لار تار دونبگی قرآنه مؤمن یوخلاما

شیعه‌سن گر هر نه یون واردی حسیندندور سنون

تابع اولما آل بوسفیانه مؤمن یوخلاما

چوخلار ایشلور ائتماقا ترویج وهابیتی

قفل وورسون مکتب عرفانه مؤمن یوخلاما

یعنی بی‌عرضه حسینون ماتمین بدعت بیلور

دل آچور هر بزمده هذیانه مؤمن یوخلاما

گت حسینون خطّ سرخین قوخما گمراه اولماسان

دوت بو خطّی گت یتیش رضوانه مؤمن یوخلاما

وئرمه الگو ناقلايه باادب گل مجلسه

نکته‌بين اول عارف فرزانه مؤمن يوخلاما

وور باشا وور سینه ناله‌ن اوجالسين گویلره

قوی سنه جاهل دئسین دیوانه مؤمن يوخلاما

شیعه خاطر گئچوب جاه و جلالیندن حسین

درس بیداری وئروب انسانه مؤمن يوخلاما

سندن اوتری آلتی آیلیق صودامر مہپارہ‌سین

وئردی قربان ناوک پیکانه مؤمن يوخلاما

سندن اوتری عترتیندن عزتیندن ال چکوب

یار و انصاری بویاندی قانه مؤمن يوخلاما

هاردا بیر شمع عزا یانسا حسینون آدینا

اول او شمعین باشینه پروانه مؤمن يوخلاما

یان حسینون عشقینه پردن گئچن پروانه تک

یان حسینه یانماسان نیرانه مؤمن يوخلاما

من بکا و او تباکانی «کریمی» دن سوروش

گوزیاشون توک ابر تک دامانه مؤمن يوخلاما

هی بوغاز یرتیر «کریمی» سس باسور فریاد ائدیر

لرزه سالمیش نعره‌سی هریانه مؤمن يوخلاما

انزابدان بیر غزل

گوروش آرزوی سی

یار اولان یرده منیم کاشکی دل زاریم اولا
 دل زاریم داریخان وقتدهده یاریم اولا
 داد تپیر چوخلاری غم غصّه الیندن، ولی من
 گونلوم ایستیر غم اولا یار گله غمخواریم اولا
 تیکان اوستونده یاتیب جان سیخان آزاره، خوشام
 آما راضی دایلم هیچ کیمه آزاریم اولا
 ائتدی هجران، گنجه می زلف نگاریم کیمی تار
 ای خدا یار گله کاش شمع شب تاریم اولا
 عمردن باشقا دیرلی ندی دنیا، گوزل؟
 راضیام عمری وئرم سن کیمی دلداریم اولا
 سنی جانان سئویرم روز ازلدن دئیشم
 جان گنده، یوخ یئری اقراریمه انکاریم اولا
 دئمه بیلیم، بیلیم ذرّه راضی دئیسن
 کونلومی غم دوتا، یا مُنقلب افکاریم اولا
 نَقَدَر دردِ محبّت وار اِلَهِی منه وئر
 من اولوم عشقینه بیمار، او پرستاریم اولا
 منی یوخ، خلق گرک دیر، سنی تحسین ائله سین
 باعث اولدون که منیم سئومه لی اشعاریم اولا
 ایله ای مهر و وفا معدنی «انزابه» دعا
 ئولمویم، سنله منیم مُهلت دیداریم اولا

تشکر

صد شکر از عنایت و لطف خدای ما
 پر می‌زند همای سعادت برای ما
 امسال سال همّت و خدمت‌رسانی است
 خدمت چه بهتر است به خلق خدای ما
 شهر مراغه باغ بهشت است فی‌المثل
 بنگر ز رودخانه‌ی صافی صفای ما
 هستم امیدوار، همه ناقصات شهر
 تکمیل گردد از نظر اولیای ما
 آن تشنه‌گان خدمت و دلسوز ملتند
 همواره بهرشان شده ذکر دعای ما
 در سایه‌ی توجه مردان کاردان
 لَبّیک آید از همه‌جا بر صدای ما
 ما لاله‌های سرخ سهندیم و سربلند
 بر قلّه‌ی امید بُود اتّکای ما
 ایران پر از بسیج و سپاهی و ارتش است
 با همّت ریاست کلّ قوای ما
 چشم چراغ ملت محبوب، لشگر است
 ما از برای ارتش و ارتش برای ما

ما پیروان مکتب توحید و وحدتیم
 جاوید این صلابت و سهم و صلائی ما
 هرگز به زیر بار مذلت نمی‌رویم
 چون هست بر حسین شهید اقتدای ما
 تکبیر ما جواب‌ده توپ و تانکهاست
 الله اکبر است شعار رسای ما
 ما پیروان مکتب سرخ شهادتیم
 سلطان کربلاست مهین پیشوای ما
 ایران به زیر پرچم قرآن رود به پیش
 قرآن بود به هر دو جهان آشنای ما
 ما در پناه قائم آل محمدیم
 بر کید دشمنان نبود اعتنای ما
 فرعون را به خاک مذلت فکنده‌ایم
 از مکر ساحران چه خطر بر عصای ما
 صد شکر با نظارت بهداشت دایر است
 استخر باشکوه و حمام سونای ما
 گر طالب ارائه‌ی آثار خدمتی
 بازآ به پادگان امام رضای ما
 با همت و لیاقت فرمانده نجیب
 دایر شده‌ست بر همه مهمانسرای ما

اصلاً اصیل شهرتاً اصلانی و امیر

صد مرجبا به صاحب جیش و لوای ما

یک ارسلان جبهه و یک قهرمان جنگ

یک مرد کاردان ز الهی عطای ما

اصلانیا امیری و مأمور رهبری

هستی همیشه در صدد اعتلای ما

تبریک بر لیاقت و این نام شهرت

بر حُسن ابتکار تو صد مرجبای ما

با همت بلند بزرگان «کریمیا»

باشد جنان مراغه‌ی بهجت‌فزای ما



آجی پیمانه آلام یار الیندن

شیرین شهد ایچمرم اغیار الیندن

آدی منصور اولان حق حق دیرگن

ملول اولماز طناب و دار الیندن

غزل

یاریم منه ائله نفرتله یانه یانه باخیر
 نه یین دیوم ائله بیل ملا نوحه خوانه باخیر
 نگاريله منی وار بیر نفر باریشدیرسین
 نه التماسه نه فریاده نه فغانه باخیر
 گوزوم دوشنده او قاره خالا لب اوستونده
 یریکلرم ائله بیل قارقا گردکانه باخیر
 باخاندا آلبوما خوش گونلریم دوشور یادیما
 ججیک بوغور منی گویا قوجا جوانه باخیر
 بویون بلاسین آلم ساقی سنده ناز ائلمه
 امید گوزوم او گوموش تُنگه زَر لوانه باخیر
 او قدری وئر من ایچیم قانمیوم جهاندا نه وار
 قانان همیشه گوگل کاسه سینده قانه باخیر
 نه رحم اندر بیزه اسکندری یخان دنیا
 بوکوبدی آرشی آرشین کیمی کمانه باخیر
 توکوبله آریا سامانی ایتین قباقینده
 چاتوبدی یاغلی سوموک اسبه استخوانه باخیر
 تئلون ساچون ایله پیس پیتداشیب زمانه کیمی
 نه تئل گلی یاراشیر زلفیوه نه شانه باخیر

اجل بوغور گلنی سیخجالیر باسیر قبره
 ئولوم نه شاهه وزیره نه بیگ نه خانه باخیر
 باسیر ازیر گلنی بولدیزیر کیمی بو ئولوم
 وئریر نه یاخشیا مهلت نه ده یامانه باخیر
 او سرو قامته باخدوقجا نقشه لر چکورم
 مگر اجاره نشین گوز آپارتمانه باخیر
 جماعتین گونی گوندن سالیلاً پسرینه
 نظام مملکت ایمدی او پارلمانه باخیر
 نه تصویب اولسا او یرده دالی قیتمیه جاق
 دانشسا هر کیم ایشی دار و ریسمانه باخیر
 نماز، دعا، صلوات مفتهدی هامی چوویرور
 ولی تومن آدی گلجک داداش تومانه باخیر
 بیر عده وار اوروجی دُنبه شنبه سیله اوتور
 نه افطارا نه مناجاته نه اذانه باخیر
 بیر عده ده اوزونی ایلوب فرنگ مآب
 آتوبدی شرم و حیانی مود زمانه باخیر
 قویور او عده جهنم بهشتی مسخریه
 او ماهواره ده دورد گوز فلان فلانه باخیر
 «کریمی» ده اوجا داغلار باشیندا گون کیمیدی
 قضا قیزیل شافاقین یایمیش آسمانه باخیر

مراغه افتخاری

مراغه نین گوزل لریندن بیرری
 سؤزلری نین شیریندی بالدان دادی
 آدم اولان رنگ به رنگ آثاری
 گاهی وئریر پند جوان اوغلانا
 ساواشدیریر پیشیگینن سیچانی
 بگ حمامی، تویدا چالیر آلینی
 قدرتی وار گولدوره هم آغلادا
 معجزه دیر سؤزلرینین دفتری
 لبلی دن بعضی لری قند آلیر
 شعر یازوب دفتریمه باوقار
 «کریمی» دن نصیحتلی پند آلیر
 «مهربانین امیدینه» یادگار



سور عاشق بهار اولسون گل اولسون
 وصال اولسون گل اولسون بلبل اولسون
 محبت عالمیندن دم ووران دل
 گرک پروانه تک یانسین کول اولسون

بازهم سفر کربلا

لطیفین نقدری شامل ائدوبدی خدا منه
 بیگانه لرده کم کم اولور آشنا منه
 هر بیر توکوم دل اولسا گنه شکره عاجزم
 نعمت لری که خالقیم ائتمیش عطا منه
 واضحدی بیر عصایه ائدر تکیه پیر اولان
 الله عطا ائدوب بش اوغول بش عصا منه
 صحت بدن فراغت قلب عمر باصفا
 لطف ایلیوبدی خالق ارض و سما منه
 وئرمیش منیم محبته قلبلرده یر
 پیر و جوان آقا خانم ایلر دعا منه
 بیر عمر باش قویام باشا باش سجده یه اگر
 شکرانه سی چتیندی بو فیضین ادا منه
 در سایه ی توجه مولی الموحّدین
 حقدن عنایت اولدی بو طبع رسا منه
 سال هزار و سیصد و هشتاد و دو تمام
 سال مبارک اولدی صباح و مسا منه
 عشرت قاریشدی عیشه زیارت زیارته
 بخت اولدوزوم فلکده دئدی مرجبا منه

فصل خزاندهی آذرین اون دوردهی غیبدهن

امضا اولوندهی بیر سفر کربلا منه
دنیا نی زینتیه وئرون ایستینلره

تک کربلا کفایت ائدر مطلقا منه
بیر عمر یاحسین دئیشم ناله ائتمیشم

نی تک نوالیام یاراشیر نینوا منه
گر قسمت اولسا یرده سورونم یاواش یاواش

تا اینکه رحم ائدوب آتا بیر پای آقا منه
بالای سرده دورماقا یوخدور لیاقتیم

خوشدور یوزیمی قویماقا پائین پا منه
کهنه لباسیله کسرم آستانه سین

تا شه برابرینده دئسونلر گدا منه
بیت خداده مرو صفانین صفاسی وار

وئرمز ولیک قبر حسین تک صفا منه
آج ساخلیون منی بو مصیبتلی شهرده

نه بیر دویونجا آب وئرون نه غذا منه
بوردا حسین یتیمه لری آج سوسوز قالوب

میل ایلسم غذا نه دیر مصطفا منه
زنجیریه چکون منی نهر علقم اوستونه

شاید توجه ایلیه صاحب لوا منه

بیر سس گلور قولاقیمه نه‌ر فراتدن
 مشکیم آغیردی یول وئرون ای اشقیا منه
 گوردوز اوزوز سو ایچمدیم ئولسمده ایچمرم
 قیزلار سو پیشنه‌ادی وئروب برملا منه
 انصاف ائدون قویون یتیروم مشکى خیمیه
 صوندا وورون نقدری وورارسوز یارا منه
 ایمدی رقیه اصغری آلمیش قوجاقینه
 جام الده گوز تیکوب نئچه عطشان بالا منه
 مشکى وئروم گنه قیدوم جنگی باشلیاق
 چوخ گورمیون بو مشکى رضای خدا منه
 ساقی کوثر اوغلو یام عطشان‌دی قارداشیم
 سقالیقا وئروبدی لقب مرتضا منه
 آب حیات شیشه‌ی جانیم بو مشکیدی
 اوخلانسا مشک قالمیا جاق‌دور قوا منه
 ام‌البین بو گوندن اوتور بسلیوب منی
 ارج شهادتیمدی وئروبدی بها منه
 بیربیر گلون قباقه اوزاقدان اوخ آتمیون
 درس فنون جنگی وئروب لا فتی منه
 دریا کیمی فرات سیزون اولمیون بخیل
 چوخ گورمیون بو مشکى گروه دغا منه

حلال مشگل اوغلونی مشگله قویمیون
 مشگل بو مشکیدی یارادان ماجرا منه
 مشک اولماسیدی خلقی قاتاردیم قباقیمه
 هر لحظه سس وئرر شه مشگل گشا منه
 اوخ وورمیون بو مشکه وورن داغلی سینه مه
 ارزشلیدی ساتون بونی بیر جوت قولا منه
 بیر عمر شیعه لر گله جاقلار رواقیمه
 دائم «کریمی» ساخلیا جاقدی عزا منه
 اون دورد بزرگوار شریفین زیارتین
 حکم ایلوب قدر رقم ائتدی قضا منه
 ظاهرده سرپرستیمیز اولدی آژانس رخش
 باطنده خضر و صالح اولوب رهنما منه
 زوار کربلانی عجب احترامی وار
 شایسته دی سکندر اولا پیشوا منه
 یوم الخمیس اون اوچ آذر مه خزان
 ابلاغ اولوندی ایلماقا الودا منه
 بیر اوغوم اولدی اوچ گلنیم بیرده همسریم
 همراه و هم مجالست و هم غذا منه
 ائل طایفه اوزوک قاشی تک آلدی دوره می
 ایلردی التماس دعا اقربا منه

چون کاروانده یوخودی یاخشی نوحه خوان
 کلاً گروه ایلدیلر اکتفا منه
 قویمازدیم آغزینی آجا بیچاره نوحه خوان
 خالق اگر وئیدی گوزل بیر صدا منه
 الله ائله باخار داغینا قار سالار بلی
 بوندان اضافه نعمتی گورمز روا منه
 سعیمدی مندن اینجیمه سین اهل قافله
 بو سنّ و سالیله یاراشار مین ادا منه
 پیر و جوان یغیشدی سه راه «کریمه»
 میدان یادبود وئروب اولیا منه
 وقت اولدی اهل قافله مینسین ماشینلارا
 گلمشدیلر زیارته اهل وفا منه
 اهل مراغه نین منه چوخ احترامی وار
 اوز ساغلیقیمدا قائل اولوبلار بها منه
 سن ساغلیقیمدا قدریمی بول من ئولن صورا
 نه سقلون اوزات نه اوغول گی قرا منه
 گل بوسه وور عذاریمه دوشمه مزاریمه
 طویدان صورا داداش نه یه لازم حنا منه
 قیلدوخ نماز شامی مطّول بنابده
 صرف ایلدوخ کبابی مفصل بنابده

هرکس دویونجا میل ائدوب عالی کبابدن
 راضی ائدوب قارینلاری چیخدوخ بنابدن
 آی گه گزیر بولوددا گهی اوینادیر قاشین
 بیرآز زماندا آشدی میاندا بدن ماشین
 اصناف باغلیوب گنده گنده دکاندن
 بیز سرعتیله قرقی تک آشدوخ بوکاندن
 عشقیله کندی شهری ماشالله گزه گزه
 بیرآز زماندا چاتدی ماشین شهر سقّزه
 سقّزه بیر هوا عوض ائتدوخ شتابیله
 قصد قضای حاجتیله دست آبیله
 قوزاندی معدلهرده کبابین حرارتی
 آیراندی چایدی میوه داغیتدی کسالتی
 چای شیرینی میوه بُولدی کدر یوخدی ذرهجه
 اولدوخ سوار وولویا قوودیق سنندجه
 صعبالعبور گردنه لردن دؤنه دؤنه
 طوفان یاغیشدی قاردی ماشین آز قالیر چونه
 لازمدی یول گئداخ یتیشاخ قالمیخ گئجه
 ساعت ایکی یاریم گئجه چاتدوخ سنندجه
 چوخ گورمه لی گوزلدی سنندج صفالیدی
 نقاشی طبیعت باری تعالی دی

راننده‌میز به نام حسین‌دی اوزوم حسین

مقصد حسین مزاریدی ذکریم سؤزوم حسین

راننده‌میز به نام حسین‌دی کومک حسین

بنده حسین ازبری کتا معک حسین

کرمانشاها یتنده خیال نمازیله

گل مسجد امام حسینه نیازیه

بیز بیر سوری قویون قوزویوق وار نشانیمیز

مولا حسین‌دی صاحبیمیز هم شبانیمیز

الله حسین آدین ایچیمیزدن قوتارماسین

بیز گله گوسفندی حسین‌سیز اوتارماسین

فوراً حاجی عطان یتروب بیر عبا منه

اوچ کاروانین اهلی ائدوب اقتدا منه

فارغ اولوب نمازدن الله توکلی

تئز باشلادیم ماشیندا دعای توسلی

یولداشلار اهل حالیدی یکسر آقا خانم

تاپ یولداشون ازل صورا یول باشلا آی جانم

واضح‌دی سیندیرار قیچی یولدا داشین پیسی

یولدا بلا آچار باشوا یولداشین پیسی

بعضاً او سعدینون آج اوخی گلستانینی

ساخلا همیشه یاددا بو شیرین بیانینی

«همره اگر شتاب کند همره تو نیست
 دل بر کسی مبنده که دل در ره تو نیست»
 پیس یولداشی مثل ووروب آلتوندا ضرتیا
 اولده تئز اُتور قالا قویما گونورتیا^۱
 باک ائتمه یاخشی یولداشیلا گئت جهتمه
 گلزاره دوندرر اوتی قطرانی زمزمه
 یولداشلاریم خدایه شکر، من دیندیلر
 من باشلیاندا صحبتہ احسن دیندیلر
 شہلا منیرہ نیریدی اوچ گلینلریم
 بیرده اوز اوغلوم حاجی عطاءالله یاوریم
 بیرده تازا فامیل احدی بیرده همسری
 داماد فرزادین باباسی بیرده مادری
 سرقافله مجید عطائی حاجی کریم
 همدم انیس دوله دی همسر و همسریم
 قینیم قیزی فریده منه مهربانیدی
 منصور آدینلی صاحبی زرین نشانیدی
 القصہ مرزه وارد اولوب کاروانیمیز
 اولدوخ کباب باتدی دوغوردان تومانیمیز

جداً چوخ اینجیدیردیله زواری مرزده
 دلدن سالورلا جمله عزاداری مرزده
 نه انگلیس امیرکالی آلمانلیلاردیلار
 نسل بودی که اینجیدن ایرانلیلاردیلار
 دشمن اگر داش آتسا کورکدن دگر گئدر
 دوستون داشی دیرله اورکدن دگر گئدر
 دشمن قلنجیلا وورا یوخدور مذمتی
 شمشیردن کسرلیدی دوستون شماتتی
 مرزی گئچینجه جان یتیشوبدی دوداقلارا
 هی سیم خاردار ایلیشردی ایاقلارا
 عشق عالمینده عاشقه چون و چرا ندی
 کربوبلا یولوندا بلی وار بلا ندی
 القصه کربلایه یتشدی قطار عشق
 نه کربلا قلمرو آموزگار عشق
 نه کربلا نمونه بهشت بریندن
 دلخسته بلبلان غمه لاله زار عشق
 نه کربلا تمامی عشاقه قبله گاه
 نه کربلا ستاد محبت دیار عشق
 نه کربلا حسین آلوب آغوشه اصغرین
 گل شاخه سینده دالالانوبدی هزار عشق

بیر صودامر پناه آپاروب قانلی سینه‌یه

تیر سه شعبه دن صوداموب شیرخوار عشق

صیاددن قاچوب سیخیلوب گل بوداقینه

تتریر ائله هراسه دوشوبدی شکار عشق

نه کر بلا آتا ایاقین سینه باسوب

پیغمبرین شباهتی بیر گلغذار عشق

نه کر بلا اولوبدی ابوالفضله بارگاه

دینون صفالی گلشنینه آبیار عشق

نهر علقم اوسته بیر اوجا بوی پهلوان یاتوب

باب الحوائج آیت پروردگار عشق

گیمش هوای داريله دار و ندادن

یتیمیش نفر سفیر وفا سربدار عشق

نه کر بلا همیشه آخر سلسیل تک

دجله فرات علقمه اوچ جویبار عشق

اوچ رودخانه‌نین وسطینده سوسوز قالبوب

زهره بالاسی نابغهی روزگار عشق

دریا یانیندا سو سنه قحط اولدی یاحسین

بیگانه‌لر هجومینه سندی حصار عشق

نه زینین تاین دوغاجاق مام روزگار

نه عالمه حسین گتورر کردگار عشق

سن سن سفیر عشق باجوندی معاونون

سن مست جام عاطفه زینب خمار عشق

نه مثلیوی سنون گورر عالم نه زینبین

اولموش ایکی وجودیله کامل عیار عشق

شاعر دگول «کریمی» وورا دم شاعردن

ناخنله نارونده یازوب یادگار عشق

عالی هتل رزرویدی شاهانه دلپذیر

حقاً غذاسی خدمتی بی مثل و بی نظیر

زوآر چوخدی کیمسه بو آماری گورمیوب

تاریخ کربلا بئله زوآری گورمیوب

کیمدور گئدوب خبر وئره صدام ظالمه

بدبخت یاتما یوخلاما دور باخ جلالمه

دعوت اولوب عمومی یریندن دوران گلور

عورت کیشی اوشاق هامی پیر و جوان گلور

هرکس دولاشسا امتینه آل عصمتین

آخرده سرنوشتیدی صدام تونبتین

بو قدرت خدای اراذل لری یخوب

صدها سنون کیمی متوکل لری یخوب

بیر موز ساتان موزون سبدین قالدیروب دالا

سسلور گلون موزون بیریری بیر صدام آی بالا

گولدوم دندیم ستمگرین الله طاقین پوزا
 قدرتلی صدامین یتیشوب ارزشی موزا
 بیرگون آدین چکنمزیدی قورخودان عرب
 ایمدی دیورله مرگ به صدام زنجلب
 دنیا سوور که هر بشر اوز اکدیگین بیچه
 زهری که دولدوروب گرک اول اوزی ایچه
 کسونله ظالمین باشینی بیر سریمساقا
 قیمته موزدا چوخدی او صدام قورومساقا
 هرکس درین قویو قازا آخر اوزی دوشر
 خلقه باداق وئرن اوزی آخرده سویروشر
 چرخ فلک فقط یارانوب میندیر اندیره
 صدامی تختدن یاپیشوب باسدی تندیره^۱
 گنچه قلم ازله کی برنامه دن دانیش
 خلقی معطل ائتمه سفرنامه دن دانیش
 قلب اود دوتور وجود یانیر قتلگاهده
 گوزلر دولور اورک دایانور قتلگاهده
 کم کم یتیشدی آخره اوقات کربلا
 مردم داراشدی آماقا سوغات کربلا

خیرالنسایه چارشاب آلاخ چادرا گلگزه
 دیداره پسته شیرنی گتورمیشدی تب تزه
 عبدالغفاره کاپشین آلاخ اختره بولوز
 اکبر ماشین ایاقینه گوردون گتوردی موز
 دنیا عوض بدلدی وئروبلر گرک وئراخ
 ایشلر آلیش وئریشدی گوروبلر گرک گوراخ
 هی کله کله قد گله جاق یر قویاخ گرک
 چوخ ساده اولما انسانا رنگ و بویاخ گرک
 هی بسته بسته شیرنی گلر دسته دسته گول
 گر چیخماساق قباچه دیرلر آدام دگول
 قیز بس خانم دوغاندا هنج زاد آپارمادیق
 سن مکه دن گلنده کادو گتدی سایمادوخ
 روز دوشنبه قورتولوب اعمال کربلا
 یولاندی قبر حرّه عزادار نینوا
 حرّین دولانمادا باشینا نیچه مرتبه
 اولدوخ روان زیارت عون ابن زینبه
 آورداندا کوچدی قافله طفلان مسلمه
 قیلدوخ نماز هدیه یتیمان مسلمه
 آورداندا قورتاروب اکیب سازمان رخش
 یوز دوندروب گئدیر نجفه کاروان رخش

میندوخ ماشینلارا هامی دیللرده یاعلی
 عاشقرون گلیر آقا یا مرتضا علی
 بهبه ناهاره مجد سما و شرفده یوخ
 زیبا هتله فندق بحرالنجفده یوخ
 صبح اولدی دولدی نخل نشاطیم شکوفیه
 وقت اولدی ایلایخ حرکت سمت کوفیه
 ائتدوخ ازله مسجد حنّانیه گذر
 اوردان حسینون عطرین آلاق ایلایخ نظر
 آلدوخ بهشتین عطرینی درگاه حرّیدن
 باخ بیر مقامه قطره مقدّمدی کُرّیدن
 دل بسته ی غروریدی نفسین ایاقلادی
 چاتدی او رتبه یه شهدانی قاباقلادی
 انسانی قویسا باشینه بو نفس اژدها
 بیر جور اندر جهنم اوتوندان اوزون رها
 ظاهرده هامی نفسین الیندن چکور هرای
 اما آلودی بوینونا نفسی هر ایل هر آی
 ائتدی هوای نفس اسیر ابن ملجمی
 آلدی همیشه لیق اوزونه لعن عالمی
 الّاندا گر علی اولای یوزمین مرادی وار
 بیچاره ابن ملجمین عالمده آدی وار

گنتدوخ جناب مسلمه عرض ارادته
 صد مرحبا بو زائره بيله زیارته
 زواریله رجوع ائلدوخ قبر هانیه
 واضحدی بو بهشتی وئرلر بهانیه
 ابن زیاده اگمدی باش کسدیلر باشین
 ایلر نثار قبرینه زواری گوزیاشین
 نوریه قبر پاکی منوردی هانینون
 وار بیر گوزل ضریحی مدوردی هانینون
 عالی هتل شریف هتل دلگشا هتل
 اعلا هتل نظیف هتل باصفا هتل
 ایچمکده یا یمکده داخی آرزو قالمادی
 دویدی قارینلار آری صدالر اوجالمادی
 القصه مین امیدیه مین آرزوئیه
 شاه نجف حضورینه چاتدوخ وضوئیه
 قویدوم ازل یوزیمی گوزل آستانیه
 یاندیم شرار وصلینه گلدیم ترانیه
 من نی کیمی سیزیلدارام آه و نوالی یم
 دنیانی وئردیم اهلینه من کربلالی یم

خانم حمله دار

مبادا اولا حامله حمله دار
 باشارماز بیرین دوغسا دوردین بوغار
 طلوع سحر وقت راز و نیاز
 شروع اولدی برنامه‌ی سوز و ساز
 هتلدن چیخوب لَهلیه لَهلیه
 گئذیر کاروان مسجد سهلیه
 او مسجدی مأوای صاحب زمان
 نجفده نماینده‌ی جمکران
 بهشت بریندن گوزل قصریدی
 نچون مسکن صاحب عصریدی
 هتلده اوجالدی او دم قیل و قال
 بیر عدّه اُنات و بیر عدّه رجال
 هجوم ایلوب بیر خانم اوستینه
 هامی گوج وئریر ضربینه شصتینه
 بیر سسلنیر ایمدی ووزام سنی
 چکوب بئز کیمی جیندا جیرام سنی
 هانی بس او طهرانداکی دیلرون
 نیه اسدیریرسن بیزه تلرون

بیری قیشقریر قوی چاتوم طهرانا
 سنی آی شالاختا وئروم زندانا
 گرکدی بابان گورونا او....
 نقدری ییوبسن باسام قوسدورام
 دئدیم دوغروسین سویلیون آی جانم
 گناهی ندور نیلیوب بو خانم
 دئدیلر بو بیمان بیزه بوک قویوب
 مدیر گروهدی گروهی سویوب
 یالاندان پالاندان بیزی قاندیروب
 بیزه حمله داردی دده یاندیروب
 دئدیم بس او طهراندا یوخدور کیشی
 اولوب سیزلرین حمله داروز دیشی
 او که آروادی میندیروب باشینه
 یقین دور قاتوب بوزلو سو آشینه
 غلطدور اولاه حامله حمله دار
 اگر اولسا هر نیله سه حقّی وار
 او قومین که آرواد اولاه رهبری
 گرکدور گله ایشلری تسگری
 اوزینه وکیل ایلین قارقانی
 آغیر داش دوشر باشینه قارقانی

مسّمدی یوز یرمی دورد مین نبی
 ایچینه خانم یوخی بول مطلبی
 خانم اولسا سرحلقه‌ی کاروان
 گروهه یدیردر یاواندان یاوان
 اگر سنده قرآنه وار اعتقاد
 نیه ساقط اولمش خانمدان جهاد
 اونی ازدیروب آلما چوخ بوینووا
 او بیر گولدی ئوپ ایگله سال قوینووا
 اگر اولسا بو قومه آرواد وکیل
 یوبانما قاج آت باسدی اوغلان چکیل
 «چه خوش گفت فردوسی پاکزاد
 که رحمت بر آن تربت پاک باد»
 چو زن راه بازار گیرد بزن
 وگرنه تو در خانه بنشین چو زن
 چو دادی همه اختیارت به زن
 دگر مرد که لاف مردی مزین
 خانم دوشسه میدانه مثل آقا
 آقادا گرک ائوده اوغلان دوغا
 گوزلدی گیّه هرکس اوز کورکونی
 خانم که قویانماز آقا بورکونی

مسافر نجفدن اندیر انقطاع
 خداحافظ ای شهریار نجف
 خداحافظ ای سرور شیعیان
 خداحافظ ای صاحب ذوالفقار
 آقا خوان احسانون آباد اولا
 آقا واردی هر دیده بیر بازدید
 آقا، جان وئرن وقته امداده گل
 دی عزرائیله بو کمر بسته دی
 قیتدوخ گنه صرف صبحانیه
 عراقدا نظافت چیخوبدی داشا
 زیبیلدی بوتون شهر باشند یاشا

زیاراته گتسوز گندون توریله

گوزل یار و یولداشیله شوریله

نجه گوردی رستم وفا رخشیدن

وارام منده دائم رضا رخشیدن

گوزلدی آخیردا ایگی چیخماسا

اوزی اوزدوران شانسینی یغماسا

یومورتا کره شیره خامه پنیر

یی اوستوندن ایچ چایله داغ شیر

اساسی ماشیندا ائدوب جابجا

نجفنده چیخدوخ به حول خدا

مراد اذن وئردی چیخاخ چله دن

ماشین آز زماندا آشوب حله دن

مراغه سویوق شاختادی قیشدی قار

نجف سبز و خرّم همیشه بهار

انار موزدی کاهو بادمجان خیار

فقط خورمالیق صیفی دی سبزه زار

اویان شط بویان دجله نهر فرات

زمین و زمانه سوداندی حیات

عطاءالله منصور زرین نشان

گروه اولوب خادم جانفشان

گرک یولدا یولداش یانا یولداشا
 گوزل یولداشیلا چاتار یول باشا
 اولوب کبله منصور علمداریمیز
 اونون چنگینه گنچدی اوساریمیز
 دیردوخ گهی نوحه گه داستان
 خلاصه قویاردوخ یولا نردبان
 غرض اولدی بغداده وارد گروه
 نه بغداد شهر جلال و شکوه
 همان یرده آمریکا بیداد ائدوب
 ووروب سیندیروب شهری برباد ائدوب
 خبر یوخدی صدامدن بالاخر
 ساتوب ملّتی قاچدی اول نرّه خر
 اولوب مرغ طوفان قاچوب بختیار
 امیرکا اولوب صاحب اختیار
 او دولت که رحم ایلمز ملّته
 گرک دوشسون عالم بویی لعنته
 گرک ملّتی اینجیدن خوار اولا
 عذاب خدایه گرفتار اولا
 ذلیل اتسون الله یاتان دولتی
 آتوب دینی ملّت ساتان دولتی

او صدام که مغروریدی زورینه
 ائدوب حمله ایرانه منظورینه
 دئدی اوچ گونه غالب ایرانا
 عراق پرچمین نصب ائدوم طهرانا
 نه تندیزی نه آدی پرچمدهدی
 بولن یوخدی هانسی جهنمدهدی
 دوشوب قصر العباسده قافله
 ناهار گلدی شاهانه انصافله
 یدوخ عیشی نوش تمام ایلدوخ
 دوروب کاظمینه خرام ایلدوخ
 دو گل چار گلدستیه مرحبا
 قوجاخلاشمیش اوردا نوهیلن بابا
 تشیعهه چون سگه رایجدیلر
 اکیسیده باب الحوائجدیلر
 عراق اهلینون سُستیدی غیرتی
 نه نظم و نظافت نه جدیتی
 دئدیم زهر اولا سیزلره یوخلاماق
 باشوزدان دگه بو حرم ساخلاماق
 رواق توزلی انسان باخور هریانا
 اولوب صحنلر یاخشی آشغالخانا

سیزی قارقیبودی امام حسین
 گوروم تا جهان وار یوزوز گولمہ سین
 گلون ایرانا بیر گئدون مشہدہ
 اوغول قبرینہ غبطہ ایلر ددہ
 جماعتدہ ملاّ نمازی قاتیر
 صفین نصفی قالخینجا نصفی یاتیر
 سلیقہ شرف عزّت ایراننادی
 محبتّ وفا ہمت ایراننادی
 بدن خستہ دی تئز تپیلدیم وانا
 یاغ اولدی همان سو یایلدی جانا
 پس از صرف صبحانہ پیر و جوان
 اولوب سامرایہ روان کاروان
 سر راہدہ سیّد عالیشان
 محمّد عموی امام زمان
 امام حسن عسکری دن نشان
 مزاری اونون خلقہ کھف امان
 اوخوندی زیارت بسی دلپسند
 آلوب اوردا ذبح ایلدوخ گوسفند
 منای محبتّدہ کسدوخ فدا
 بو قربانی بیزدن قبول ائت خدا

هامی رنج راهی قبول ایلدوخ
 غرض سامراده نزول ایلدوخ
 زیارت ائدوب هر ایکی سروری
 امام علی التقی عسکری
 دو بانو عروسین خیرالنسا
 حکیمه خانم نرگس با حیا
 حضور اولدی سردابه غیبه
 نماز ایلدوخ هدیه اول حضرته
 بو فکریله که سؤز یغاق خورجونا
 گئدوب چیخدوخ عباسینون بورجونا
 مینرمیش آتین اول خیث و دغا
 ائدرمیش او بورجون باشیندا صفا
 ائله یخدی بدبختی دست قضا
 جیریلدی داغیلدی مضا مضا
 چوخ اوغلان گلوب خنجرین سولیوب
 مینوب مرکبین قمچیسین تولیوب
 اجل ناگهان کله سیندن ووروب
 بوروب بوینون آخر بئلین سیندیروب
 اینانما بو دنیا یالان دنیادی
 سلیمانی تختدن سالان دنیادی

بقیه مطلب

زماندان گلوب باج آلانلار هانی
 زمینه او زنجیر سالانلار هانی
 ملک لر هانی ارسلانلار هانی
 بو خوان فناده او خانلار هانی
 فلک گور کیمی ایلوب کامیاب
 هانی رستم و زال و افراسیاب
 باخ اهرام مصرین مهندس لری
 گئدوب ئوزلری قالدی تندیس لری
 فلک سالدی صدّامیده تندیره
 او هیکل او اندامی گیرسین یره
 چیخار آیریلیقدا اوت اکباددن
 وداع ایلدوخ شهر بغداددن
 مدائن یولون باشلیوب کاروان
 گئدیر قبر سلمان چوخ شادمان
 انوب قبر سلمان وئردوخ دعا
 نماز هدیه اولوندی ادا
 مدائنده طاق انوشیروان
 دیر باستاندان گوزل داستان
 همان طاق کسرادی کاخ سلوک
 گلور ناله سقیندن این الملوک

فلک ایستمور طاق کسرا یاتا
 عدالت هله قویموری آد باتا
 زمان سویمور انصافدن چیخماقا
 همان طاقی حیفی گلور یخماقا
 وئرن یوخ انوشیرواندان خبر
 نه خسرو نه پرویزدن بیر اثر
 سینوب جام و ابریق و پیمانهلر
 قالدوبدی کتابلاردا افسانهلر
 همان سلطنتدن فقط یاد قالب
 انوشیرواندان گوزل آد قالب
 خیارین دروبلر پوزوبلار طاقین
 حوادث عجب سیندیروبدور طاقین
 اجل آلدی جمشیددن جام جم
 گندر بو جهانان عرب یا عجم
 وحید آدلی ثعبانی شهرت جوان
 گروهین چکوب زحمتین هر زمان
 گوروم ایله سین حق اونی سربلند
 اولاً دائماً عمردن بهره مند
 «عبادت بجز خدمت خلق نیست
 به تسبیح و سجاده و دلچ نیست»

یتیشدوخ غرض مرزہ یا ویلنا
 گلوں مرزلردہ مسافر جانا
 گنہ باشلانوب گفتگو ہایہو
 نہ بیر استراحت نہ بیر دستشو
 اوتای اہل قرآن بو تای اہل دین
 مسافرہ - زوار قبر حسین
 نہ بیر رستوران وار نہ جای نماز
 ہونون باغی کیمدی ای کارساز
 ہرہ الدہ بیر شیشہ بیچارہلر
 سودا تاپسا یر تاپمور آوارہلر
 ہایاندا ئوزین جابجا ایلسین
 آقا راحت اولدی خانم نیلسین
 دوشہ سنگ خدمت وورانلار ہانی
 جانین ملّہ یاندرانلار ہانی
 بوتون قولیلہ فعل بیگانہدی
 عملدن خبر یوخدی افسانہدی
 حقوق بشردن دِنن بامبولی
 بشردور بولار یا بادمجان کولی
 دانیشماقدا زیرکدی چوخ انگیمیز
 چکور گون بہ گون کفرہ فرہنگیمیز

فداکار خدمت هانی خدمتون
 گنبدیر زیر صفره صلاحیتون
 کیمه من دیوم آی جانیم یوخلاما
 ماشین دوندی مهراندن ایلاما
 گئندنه ماشین اوزگه احوالیدی
 دعا مرثیه شوریدی حالیدی
 بیرری خلقه چاوش اولوب های وئریر
 بیرری شیرنی میوه یمیش چای وئریر
 گلنده کسالت یوخی قاش قبابق
 بویون اگریلوب سالآنوبدی دوداق
 بیرری آغنیوب صندله چون متیل
 گونارتا چاغیندا بسان شتیل
 هامی سعی ائدیر منزله چاتماقا
 دویونجا آتوب باشینی یاتماقا
 گون ایستر چیخا گیزلنیر شب پره
 نمازه قرار اولدی دیوان دره
 گوزل مسجد آراسته آب گرم
 گوزل دستشولر بوتون فرش نرم
 مکان حق لامکاندور بورا
 نه آل وئریری نه دکاندور بورا

بورا جای چرک و کثافت دگول
 محلّ فضولات غیبت دگول
 بورا سنگر دیندی نه پادگان
 بو مأویہ بانیدی صاحب زمان
 گلر فوج فوج عرشیان مسجدہ
 طواف ائتماقا قدسیان مسجدہ
 مساجد گرک جملہ آباد اولا
 گورن شاد اولا غمدن آزاد اولا
 ماشین قرقی تک شیرواندان گئچوب
 آشوب سقزی ہم بوکاندان گئچوب
 دولوب چہرہ لر رنگ شادابدن
 گئچندہ خرامان میاندا بدن
 ملکان بنابدان گئچوب قافلہ
 وطن گورسنبوب رنگ شفافلہ
 مراغہ سلام اولسون آثاریوہ
 گوزل باغ و بوستان و گلزاریوہ
 مراغہ مقدّس وطنسن منہ
 قالان مونس آخرده سن سن منہ
 مراغہ اوتان گوزدن آتما منی
 اوجوز آلمیسان ساخلا ساتما منی
 منم ذاکرین سربلند اوغلو یام
 «کریمی» آدیمدی سہند اوغلو یام

قصیده قصه سفر

مرغ عشقیم گزیر گلستانی هر گل اوسته اندیر غزلخوانی
 گنه صراف طبع گوهر بار درج لبدن اندیر در افشانی
 هر طرفدن اسیر نسیم بهار دولدورور عطر باغ و بستانی
 گل چیچکدن طبیعت زیبا بزیوب کوه و دشت و صحرانی
 نغمه لم یلد و لم یولد مست اندوب عندلیب شیدانی
 لحظه لحظه طبیعتین نفسی مست و مدهوش اندیر مسیحانی
 سسلنور آشار رنگارنگ مرگ حقست و زندگی فانی
 نوبهارین صفا و لطفیندن طبعیمون موجی آشدی دریانی
 شاد و مسرورم عشق مولادن گتورم نطقه طبع شیوانی
 حق منه نعمتین تمام ائلیوب منده وار قدرت سخنرانی
 ییرمی بش جلد طبع شعریمدن پخش اولوب برگزیده دیوانی
 زندگی ده فشاره دوشمه میشم گورمیشم سرد و گرم دنیانی
 همی گولدورم همده آغلادارام منه خالق وئروب بو امکانی
 طنز و تفریح ده نه وار مثلیم نه رثاده کریمی ثانی
 مرد وارسته یم چکن چکسین چکمین پاتداسین سؤزون جانی
 ایکی یول مکّه اولوب سفریم ائتمیشم شوط بیت سبحانی
 اوچ سفر کربلایه ایلمیشم گورمیشم قبر شاه عطشانی
 شامه بش دفعه اولموشام زوار گزمیشم باصفا گلستانی

باکو یا نخجوانه اوچ فقره	گت‌میشم گزمیشم او سامانی
کیشی کیش گورمه مگر کیشیدی	گزمیشم کیشی قشمی مجّانی
قبر سلطان دین امام رضا	خاطریمده دگول اونون صانی
سه و هشتاد ماه فروردین	اولدی تکرار لطف یزدانی
گلدی دعوت امام هشتمدن	شاد ائدوب خاطر پریشانی
فرضیدی بیست‌وهشتم صفری	شیعه ترک ائتمه‌سین خراسانی
اوّل نوبهار فروردین	فصل شور و نشاط روحانی
اولدی آماده هیئت شعرا	اولا زوّار عشق کروانی
ایکی ارّابه وولو دانه نشان	روند بالا سلیقه اعیانی
نیک‌خوئیله بنده‌زاده مجید	اولدی کروان عشق سروانی
ای گوزوم فرصتی غنیمت بول	ائتمه امروز فکر فردانی
دئدی مولا علی که فرصت‌لر	ابرلر تک گئچورلر هر آنی
ائت بوگون استفاده فرصتدن	گوزلمه اطلاّعی ثانی
نه سلاطین قالار نه سلطانعلی	نه سلیمان قالور نه سلمانی
سعی ائله خضری ائت دلیل اوزووه	تاپ سیاحتله آب حیوانی
ایسته‌سن قُرب قاب قوسینی	قوو اوزوندن کناره شیطانی
ایکی نعمتدی چوخ گران قیمت	ظاهراً خوار و مفت و مجّانی
بیری صحتدی ایکیمجی امنیّت	قدری مجهول قیمت ارزانی
اولماسا صحتیله امنیّت	نه‌یه لازمدی عمر طولانی
یاتما بیهوده ایشله آباد ائت	هم بو دنیانی هم او دنیانی

عجباَ لِلْمُحِبِّ كَيْفَ نِيَامُ	دوت نظرده کلام مولانی
كُلِّ نَوْمٍ عَلَى الْمُحِبِّ حَرَامُ	عمری بیهوده ایلمه فانی
يُولِ أَوْزَاقِدِي سَفَرُ قِرَانَلِيْقِدِي	دوت الونده چراغ قرآنی
أُولَسَا إِيْمَانُونِ أُولْمَاسَانِ گَمْرَاهُ	ایله سرمایہ قبرہ ایمانی
شَافِعُونِ أُولَسَا چَارْدِه مَعْصُومِ	گورمه سن سوز نار نیرانی
تَا فَلَکِ وَثَرْمِیُوبِ عَصَا الْوَوِہِ	وثرمه الدن عصای امکانی
گَزِ دَوْلَانِ خَرَجِ اِثْلِه زِیَارْتِه گِئْتِ	نچہ گوندی بو عمر دورانی
بِیْرِ گُونِ الدن چِیخَارِ بُو سَرْمَایِه	بهرہ وثرمز سنہ پشیمانی
هِنِّجِ کِسِه بَاجِ وَثَرْمِیُوبِ دَنِیَا	هامیدان تاج آلوب سؤزون جانی
دُوْزِ دَايَانِ بَشِ گُونُونِ مَشَقَّتِیْنِه	تاپ نجات حیات روحانی
مَلْکُوتِ اَهْلِیْنِی مَلْکَدَنِ بَاشِ	سنی قویسا هوای نفسانی
خَرْقِه اِخْذِ اِیْلِه پِیْرِ مَرَشْدَدَنِ	اول سزاوار صدر عرفانی
رَهْنُورْدَانِ عَشْقِ وَ مَعْرِفْتِه	یاخشی فرصندی لیل ظلمانی
نِیْمِه شَبِ بِزْمِ اَنْسِی خَلُوتِ اِثْلِه	یو گلابیلہ لوح عصیانی
بُو مُسْلَمَدِی رَحْمِ اَنْدَرِ مَعْشُوقِ	گورسہ عاشقده چشم گریانی
بُو سَفَرْنَامِه قَالْمَاسِیْنِ نَاقِصِ	خوشدی تکمیل انداخ بو نقصانی
تَا پُولَارِ تَا بِیْرِ عَدَّه اَهْلِ کَمَالِ	دقتیلہ اوخور بو دیوانی
اَهْلِ فَضْلِ وَ کَمَالِه شَعْرِ اَوْخُومَاقِ	ساتیسان خبریہ برلیانی
سَفَرِ حَجَّیْدِه دِیُورِ سَعْدِی	باشلادیم ناقده غزلخوانی
صُورَا گُورْدُومِ مَنِیمِ تَرَانِه لَرِیمِ	ساربانى ائدیر عصبانی

ناقه آلتیمدا باشلادی رقصه سؤزلریم اوینادوب او حیوانی
دوه اوینور ملول اولور دوهچی باخ او حیوانه گور بو انسانی
طنز و تفریحدن نه بهره سی وار او که هیچ قانمیوب الفبانی
ئولی روحیه نه شعر و غزل نغمات هزار دستانی

دوستان گلدیلر مشایعته

یولا سالماقلقا احبّانی

کیم گله زایرین زیارتینه مثل زایردی اجره میزانی
ساعت آلتیدی ایلدوخ حرکت ترک ائداخ شهر بهجت افزانی
آخوی زاده قاسم ابن حسن بیر اذان وئردی تتره دیب جانی
اوخویاندا مجید دعای سفر یاده سالدوخ شه شهیدانی
دولدی گوزلر وداع آخینه یاغدی گوزلرده اشک بارانی
آیریلاندا حسین سرادقن یغدی اطرافه فوج نسوانی
دئدی بیر آغلیون منه گئدیرم ائشیدیم سیزدن آه و افغانی
جان سنون جان رقیه مین زینب آتما گوزدن بو ماه تابانی
قل فامّ الیتیم لا تقهر دوت نظرده کلام یزدانی

صبر ائله شامه تکدی دردسری

ترک ائدر اوردا دار دنیانی

شامده زحمتی تمام اولاجاق یازیلوبدی خرابه اسکانی
سؤگلیمدی نچون شیرین دیلدی ایسترم چوخ بو مرغ شیداتی
گئجه لر سینم اوسته عادت ائدوب سینون اوسته یاتیت او زیباتی

قویما چوخ ساربانلار اینجیتسون وار اسارتده راه طولانی
 هر بابا سسلدوقجا جان دئیشم نازیله بسله نویدی هر آنی
 بنزری چوخدی فاطمه آناما یاده سالام باخاندا زهرانی
 سیزی اللهه تاپشیریب گئدیرم سنه تاپشوردوم املیلانی
 اوره گی داغلیدی جوانی ئولوب قویما یالقیز او خانه ویرانی
 باجی صبر ایله هر بلیاته ظالمین ظلمه آزدی دورانی
 ئوللم اما باش اگرم ستمه آلام قلبه پیک پیکانی
 نوک نی ده گرک تلاوت ائدم کوفه ده آیه آیه قرآنی
 ظلم ائوین سیل خونیه یخارام صبح اولونجا بو لیل ظلمانی
 سنده منلن شریک اعظم سن وئرمه الدن وقار اعلانی
 باجی من مرتضا نشانه سیم پوزمارام سبک شاه مردانی
 سنده زهرا نشانی سن زینب غالب ائت محنته شکیبانی
 سنلی منلی باجی وئراخ ال اله ائلیاخ محو آل سفیانی
 من خطایله سن عتابیله کفره پیروز ائداخ مسلمانی
 ای قلم لنگه دوشمه حاشیه ده
 تنز قیت متنه یاز قضایانی
 صرف اولوب شام میانه شهرینده هم ادای نماز ربّانی
 گئجه میز نصفدن گئچور ساعت بیریدی بیز گئچنده زنجانی
 نه ماشین گاهواره تک راحت نه ماشین نوظهور کمپانی
 ایکی ارابه چون کجاوه ی نور
 ایکی راننده معرفت کانی

بسکه راننده نین کئی سازیدی اوینادیردی الینده فرمانی
 کئف ساز اولسا آدام چالار اوینار اوزون ائتمز غمیله زندانی
 ای خدا هامینین کئفین ساز ائله گورمسین ذلت و پریشانی
 ایکی اوغلوم یانیمدا اوچ گلینیم صاق کناریمده خجه سلطانی
 صورا روح الله گلدی ممدیله جلسه نین کامل اولدی نقصانی
 باخیرام گه ییوب گهی ایچورم یازیرام گوردیقیم مضایانی
 دوسلار عزتله باشیمه دولانیر نجه پروانه شمعه فیرلانی
 اوچورام قول قناد آچوب آشیرام گاهی شهری گهی دهستانی
 یا امام رضا دیوب گلورم سسلورم ضامن غریبانی
 تا یتیشدوخ قما بحمدالله قلبلر گوزلر اولدی نورانی
 قبر معصومیه نه دردون وار دئگیلن وار خانمدا درمانی

مه برج حیادی معصومه

مهربان باوفادی معصومه

نوهی معرفت نتیجهی عشق گل باغ صفادی معصومه
 بنت موسی بن جعفر کاظم نور چشم رضادی معصومه
 بو خانمدا آناسی فاطمه تک اوزی مشکل گشادی معصومه
 بدنی گرچه قمدا دفن اولونوب زایر کربلادی معصومه
 گوزی یاشلی یاتوبدی غربته وطنیندن جدادی معصومه

دوتارام دامن جلالوندن

سنده حاجت روادی معصومه

شاما رهبر خمینی صحنینده ایلدوخ پهن خوان الوانی
 دوشه دوش صحن لاله زارینده نیکخو تئز یتوردی قلیانی
 گنه میندوخ ماشینلارا دلشاد باشا چکدوخ لیوانلا آیرانی
 ناهاری جمکراندا صرف ائلدوخ دولدی خلقین بوشالدی انبانی
 اورانین وار نمازی دورد رکعت یورور انسانی ذکر طولانی
 یدوخ ایچدوخ ماشینلارا میندوخ ایلدوخ ترک شهر سوهانی
 حاج حسین قمدا ملّادان چوخدی حَج حسین قابسیوبدی هریانی
 هامی سوهان پزین آدی حَج حسین

ایشله دیر مکر و حيله دگانی

نئجه اکبر جوجه شمالی دوتوب حج حسینده قما اولوب بانی
 اونودی ساعت ایلدوخ حرکت نئجه تعبیر ائدوم بو رؤیانی
 نور علی نور و ناز نعمت جور گوز فسنجان اوخوردی فنجان
 عمر اوجور که گئچردی سرعتله باسدی ازابه گئچدی سمنانی
 گوز یومولما آچیلما فاصلهده قرقی شروانی بیزده دامغانی
 سبزواره یتن زمان زوآر ساعت ایلردی دوقوز اعلانی
 دوشنوب پارک شهره صبحانه لذتی باقی زحمتی فانی
 تازا دوشدن ساغیلما صود پایلور حج حسن باشلیوبدی احسانی
 بیز اولان کئفده اولسا رستم زال نه سایار سامی نه نریمانی
 یدوخ ایچدوخ دوزلدی حوصله لر میندوخ عزتله راه پیمانی
 من باشارسام ماشیندا یوخلامارام یوخویا ساتمارام تماشانی

آ ز دانش آ ز یی بیرده آ ز یوخلا
 یوخی عمرین دئدی خسارتیدی
 چوخ بین چوخ مریض اولار بونی بیل
 آلتی مین بش یوز ایلدی یوخلامشوخ
 ساتدوق اون یدّی شهری شورویه
 هر طرفدن داغیتدیلار وطنی
 چالیدیلار چاپیدیلار چپاوللر
 ایمدی ده گوز تیکوبله نفتیمیزه
 کاروان یولآئوب قدمگاهه
 اوردا بیر چشمه وار اگر گورسه
 ایچمز اسکندر آب حیوانی

بیر داش اوسته ایکی ایاق یری وار

یاده سال نور چشم موسانی

قافله دوندی مشهده ساری
 ائوون آباد یا امام رضا
 ایکی گلدستیه گوزوم دوشدی
 متجدد دی رونق حرمی
 ایل به ایل آ آی علاوه لنور
 کیمدی اون دورد بزرگوار ایچره
 گئدیروخ دله عشق پنهانی
 گنه یاد ایلدون بو نالانی
 آرادا گونبد مطلّانی
 متعددی صحنی ایوانی
 عزّتی شوکتی کماکانی
 بو جلاله بو شوکته بانی

چوخ جسارتله عرض قیلدیم آقا

کیم گوروبدی بو عزّت و شانی

فوج فوج اوز قویوب زیارتوه
 ای «کریمی» که خوان لطفوندن
 دوستان را کجا کنی محروم
 آستانوندن ای امام رئوف
 هانسی شاهین بئله جلالتی وار
 سنی اوچ یرده گوزلر آختاراجاق
 بیری هنگام سنجش اعمال
 کورپیدن ردّ اولاندا یا مولا
 من که آلوده دامنم سؤز یوخ
 اوزومی سالمیشام نمکزاره
 واردی مین لر پیاده زوآرون
 اولارین جانینه قسم وئوروم
 اکرموالضیفه سن مفسّرسن
 هر کیمم دوتמושام سنی یوزومه
 هیئت الغدیره عزم ائلدوخ
 اوخودوخ آغلادوخ دویونجا یدوخ
 ناصر ایلائی بیرده دامادی
 بیرده صادق نژاد و ایلائی
 طوسه فردوسیه قوناق گئتدوخ
 دئدیم ای شاعر بلند مقام
 ترک و فارس و بلوچ و گیلانی
 متنعمدی گبر و نصرانی
 تو که احوال دشمنان دانی
 ائتمه سن طرد گبر و ترسانی
 سنه شایسته دی بو مهمانی
 سالما گوزدن جوادیوین جانی
 بیرده الواح اولاندا پُرانی
 یوم شورالتشور و بحرانی
 هاردا پاک ایلوم بو دامانی
 یووام اشکیله لوح عصیانی
 طّی ائدولر طریق جانانی
 مندن ائت دفع شرّ شیطانی
 ناامید ایلمزله مهمانی
 تا ائدم درک فیض غفرانی
 منتظر قویمیاخ سخندانی
 ایستی تافتون پنیر یومورتانی
 ائدوب آماده بنزی پیکانی
 بیرده العبد مُذنب الفانی
 گورماقا شیرمرد میدانی
 از مرور زمان چه میدانی

هانی رستم هایاندادی رختی هاردادی گری نودی قلخانی
 هانی افراسیاب و گشتاسب کاوه نین یوخ درفش سندانی
 الغرض بیست و هشتم صفری
 امر واجب بیلون خراسانی

بیر سمیناردور حسینچی لره بیر همایشدی فوق فوقانی
 هم مخالفترین گوزون چیخادان هم وئرن جسمه روح ریحانی
 گل یاخیندان جلال و حشمته باخ اوخو هر دم بو شعر زیبایی
 خلاصه ایلدوخ قصد اقامه
 غرض اون گون قوناق قالدوخ امامه

زیارت هم عبادت هم سیاحت نه یورقونلوق بولردوخ نه کسالت
 چالیشدوخ بلکه هیئت لر قوشولسون مراغه آدینا بیر هیئت اولسون
 هامینی دعوت ائتدوخ انسجامه که هر ملت یتر وحدتله کامه
 هامی پروانه اولسون بیر چراغه اوجالسین نام بدبخت مراغه
 هامی هیئت بیر اولسون آدلی سانلی رئیسلی یا چوبانلی نوحه خوانلی
 قویاخ بیر نرخ تازه کهنه کنده مراغه اولماسین چوخ سرفکنده
 ووراخ بیر چسب وحدت حاصل اولسون فقط مشهده، من من زایل اولسون
 هره یرمی نفر بیر پرچمیه اوزون گورسته سین مین چم خمیه
 حسینیه قویاخ مشهده آثار اقلاً قالماسین آواره زوآر
 او قدری الله شاخ بیر زاده چیخارداق تا بیزده وحدت اوسته آد چیخارداق
 بو تئزلقد بو وحدت اولماز اولماز عبادتله سیاست اولماز اولماز

اگر اولسایدی وحدت مسلمینده امیرکا گوز برتمزدی کمینده
 تاپاردوخ خودکفائی یاخشی پیسدن دیلنمزدوخ او روسدان انگلیسدن
 مسلمان اولماسیدی تیره تیره اجانب باشینه یاخمازدی شیره
 فلسطینده کیمه قان قوسدورولار باسولار اوستن آتدان او...
 نه غوغا قوزانوب هرزگووینده مسلمانلار یاتانمور اوز ائوینده
 نه طوفانلار نجفده کربلاده

ندن ایلور امیرکا استفاده
 اگیل گوز یوم قوی املاکون ساتیلسون تیوندن گلین اسرائیل آتیلسون
 هامی دلد وئور و وحدت شعارین بیر بیرینون هر نه وارین
 نه چون خلقین شعاری من من اولدی منیت لر یغیشدی من، من اولدی
 غرض باشدان منیت فکرین آتدوخ

نه کوکده بیر یاریم وحدت یاراتدوخ
 الهی خاطر الغوث والعف بو وحدت اولماسین یکبار مصرف
 اوزون لطفانت سؤزومده تأثیر اولسون حسین بیردی حسینچی لر بیر اولسون
 منیتدن مبرادور حسینچی

عزیز آل طاهادور حسینچی
 مقام شعر مقبل محتشمدن شعوری اولسا بالادور حسینچی
 حسیندن ائتسه سوء استفاده ایکی دنیاده رسوادور حسینچی
 حسین اوز نوکرین متنده قویماز غریق لطف مولادور حسینچی
 شراب الولاء للولادن ایچوب مست تولادور حسینچی

همیشه اوندا تأثیر نفس وار دم عیسایه دارادور حسینچی
 حسین قویماز اونی گرداب غمده مبادا غرق دریادور حسینچی
 اولا بیلمز عبوساً قمطیرا صفا بخش و مصفا دور حسینچی
 مراد و مرشد اهل خرابات مرید فضل و تقوادور حسینچی
 الیندن ثوب ایاقیندان یوزوندن تبرّکدی معلّادور حسینچی
 او هئچ ساقی دن آلماز جام باده اوزی دنیایه سقا دور حسینچی
 اونون سر پوشیدی شبرنگ کوینگ او پوششده معمّادور حسینچی
 دوتار دائم حسینون خطّ سیرین او خطّی آرسا اعمادور حسینچی
 بکا ابکا تباکا محفلینده

مدیر و مجلس آرادور حسینچی

اونا گویدن دیرلر بارک الله گوزل تشویقه دارادور حسینچی
 پیمبر لوح تقدیرین وئرنده گوررسن رتبه والادور حسینچی
 گلر مولاسی فوراً باشی اوسته گورر قبر ایچره تنهادور حسینچی
 دیر ای نوکریم منزل مبارک سنه جنت گوارادور حسینچی
 آماندور سینهوی سالما اثردن او سینه طور سینادور حسینچی
 بویوردی قره العینی صلاتی مصلّی فی المصلّادور حسینچی
 برای صحت و حفظ سلامت

ایکی یولداشدا آلدیردوخ حجامت

حجامت ساخلار انسانی سلامت روایت وار علیکم بالحجامت
 کثیف قانلار گندوب قان تازه لندی بدنلر دینجلوب جان تازه لندی

کشیف قان ایلر ایجاد کسالت علاجی نیشتردور یا حجامت
 وجودین مایه‌ی هستیسی قاندی دامارلاردا اونون حکمی رواندی
 یتیشسه قان بدنده اغتشاشه سالار ملک وجودی ریخت پاشه
 اگر قان ساکت اولسا گر دیشیندن چکر تعطیله اعضانی ایشیندن
 بو قان فرمانده کلّ قوادی

بدننه فاسد اولسا ناروادی

گئجه گوندوز گلستان رضاده گزردوخ باغ و بستان رضاده
 بهشت عشقین آتار زاهد باشیندان اوتورسا صحن و ایوان رضاده
 دگر یوز مرتبه سعی صفایه صفا ائتماق شبستان رضاده
 ائدون اعلان مریضه دردمنده دواسی وار خراسان رضاده
 غریب کربلا هر پنجشنبه قوناقدی خوان احسان رضاده
 خبر وئر باجیسی معصومه گلین شرر وار قلب سوزان رضاده
 یانور اکبادی زهرین آتشینده

اثر وار چشم گریان رضاده

بئله بیر مهربان ایستکلی باجی نجه صبر ائتدی هجران رضاده
 تغافل ائتمه مهمانخانه سیندن تبرک فیضی وار خوان رضاده
 قلم قاصردی شرح منقبتدن قدم عاجزدی میدان رضاده
 باجی جان اوسته‌یم گل شهر طوسه شریک اول شور و افغان رضاده

«کریمی» آلماسا حاجت ال آچماز

الی محکمدی دامان رضاده

بیزه زنبوری و اسفندیاری و ثروبلر واقعاً چوخ شرمساری

خلاصه وقت و فرصت گنجدی گتدی

او ایام زیارت گنجدی گتدی

عجب تئز گنجدی عمرین کاروانی بو آز مدت به سرعت گنجدی گتدی

صفر چیخدی سفر چاتدی تمامه سفرده رنج راحت گنجدی گتدی

نماز شب امامین محضرینده دعا ذکر مصیبت گنجدی گتدی

بش اون گون عمره مغرور اولما عاقل

فلاکت عیش و عشرت گنجدی گتدی

سنی آلتاماسین میز ریاست گوزون آچ یوم ریاست گنجدی گتدی

اوجا یردن دوشن سالم دورانماز امیر اول یا رعیت گنجدی گتدی

هانی قول سیندیرانلار باش کسنلر او ارباب سیاست گنجدی گتدی

قورو بیر آد قالب نوشیرواندان عدالت قالدی عادت گنجدی گتدی

نه ثانی دن اثر نه تازیانه جنایت قالدی قدرت گنجدی گتدی

قولون سیندیردی گر قنفذ بتولین خیانت قالدی جرئت گنجدی گتدی

یخیلدی فاطمه اشار ایچینه گلن اتدی شمات گنجدی گتدی

گورنده همسرین آغشته بر خون علی چکدی خجالت گنجدی گتدی

گلون انسان اولاخ انسیتیه

محبت یا عداوت گنجدی گتدی

خلاصه موسم هجران یتیشدی زمان رفتن مهمان یتیشدی

جماعت دولدی سوغاته خریده کادو لازمدی دید و بازدید

اساس البیت مردانه زنانه نبات، زیره، زرشکه، زعفرانه
 بئله رسم ایلیوب اهل سیاحت که سوغاتسیز قبول اولماز زیارت
 سفرده ایله سوغات استفاده گوزین سوغاته تیکمیش خانواده
 سفردن که قیتدون دستخالی دیرلر مشدینون بوشدور چووالی
 ولی سعی ایله تشریفاته گنچمه فقط بیر گوزده گور اولادی سئچمه

کیشی بیر گون بازاردان گلدی ال بوش

عیالی چیخدی استقباله دلخوش

سوروشدی صاحبیندن ای وفادار گوزونده آی کیشی مثل اینکه گل وار
 کیشی هیسلندی آروادنه هورورسن بو مدّنده گلی ایمدی گورورسن
 اون ایلدی منله سن باهمسن آرواد گلی ایمدی گورورسن خانه بر باد
 دئدی دائم الوندهیدی نگاهیم یوزیوه باخمامیشدیم قبله گاهیم
 الیوی بوش گوروب باخدیم یوزیوه گوزوم تازه دوشور گلر گوزیوه
 الوندن آلمیشام پُر دستمالی بوگون تک گلمه میشدون دستخالی
 الهی هئچ وجودی ناخوش ائتمه کیشینی شرمسار و ال بوش ائتمه
 نجه رستم قلجسیز آتسیز اولماز آدی زوار اولان سوغاتسیز اولماز
 باجی قارداش قوهوم اهل محله سنه قد گوندروبلا کله کله

ایچنده پارچیلان قندابی خوشدی

گلنده سوغاتا انباری بوشدی

سحر گئتدوخ وداع آخینه گتوردوخ رسم تودیعی یرینه
 دل آچدیم عرضحاله یانه یانه بو نوعی باشلادیم شور و ترانه

خداحافظ خداحافظ رضا جان خداحافظ ایا شاه خراسان
 بحمدالله یتیشدوخ مدعایه دخیل اولدوخ بو درگاه سخایه
 اماندور ایلمه بیزدن گلایه آقا سن میزبانسان بیزده مهمان

خداحافظ خداحافظ رضا جان

سنی وئروخ قسم اوغلون جواده اولاندا نامه لر پزان هواده
 صراط اوسته یتیش زواره داده ائدنده محتسب اعمالی میزان

خداحافظ خداحافظ رضا جان

آقاجانم باجون معصومه جانی بیزه وئر بیر برات کربلانی
 چکاخ تل اوستونه بو کاروانی دوتاخ اوردا سنه شام غریبان

خداحافظ خداحافظ رضا جان

خداحافظ آقا ای مهر خوبان بو اجلاله گوزل درباره قربان
 بیزه بیر فیش عمره ایله احسان بقیده باشلیاق فریاد و افغان

خداحافظ خداحافظ رضا جان

گوزل صحنون رواقون آباد اولسون جلالوندن ملالوندن یاد اولسون
 مخالف پاتداسین دوسلار شاد اولسون همیشه صحن و ایوانون چراغان

خداحافظ خداحافظ رضا جان

گلور صوت اذان گلدسته لردن آلور آرام دل دلبسته لردن
 آقا کسمه نظر دلخسته لردن گدا گتتمز بو درگهدن پشیمان

خداحافظ خداحافظ رضا جان

گلن گون دیدن ائتدیم موزه سیندن
 شراب عبرت ایچدیم کوزه سیندن
 نه موزه نقش دورانهای سابق
 بیان حال انسانهای سابق
 گوزلدور موزه من باب نمایش
 برای صاحب تحقیق و دانش
 باخا تحقیق ائده دوره زماندان
 یازا خوش داستانلار باستاندان
 او که قانمور ترکدی یا تزکدی
 برازنده اونا چرخ فلکدی
 طویله تک دولوبدی قور قودوخدان
 بیر عده لات و الواط و شولوخدان
 بیرری فیشقا چالور بعضی هیریلدیر
 او بیرسی های باسیر ایت تک میریلدیر
 سیاحتدن نه لذت وار عوامه
 یسین قوی قابلا سین گئتسین حمامه
 بلیط اوچ یوز تومن قاپلار آچیلدی
 پول اولسون عیبی یوخ کیم گیردی چیخدی
 چه فایدا پیشرفت ائتدوخجا دانش
 تاپور سرمایه انسانی کاهش

نه دانشگاهلرده درد دین وار

نه دانشجوده تحقیق و یقین وار

عدده جمعیز هفتاد میلیون

ادیده گون به گون نقصاندی خسران

حسن سوخدی دگرماندی هماندی

مواظب جیلروندن اول آماندی

آدامدان اولماسا ائشک جهاندا

اولاغ میلیاردا قالخار اصفهاندا

یتیشدی پنج بعد از ظهره ساعت

ماشینلاردا هامی اگلشدی راحت

دئدوخ دلدن توکلت علی‌الله

تلاوت اولدی اونبیر قل هوالله

او اونبیر قل سنی ساخلار بلادن

سفرده قورتارار هر ابتلادن

او اونبیر قل سنه تک تک کومکدی

عمل قالدی سنه مندن دئمکدی

دعادن غفلت ائتمه هر ایشونده

مؤثردی دعالر گردشونده

شاما گئتدوخ قوناق فردوس طوسه

امیر گرز و نیزه طبل و کوه

یدوخ ایچدوخ قیام ائتدوخ نمازه
 ثنا ائتدوخ کریم کارسازه
 ایکی وولوو بیری آبی بیری آغ
 صورا اولدوخ هامی کئف ساز داماغ چاغ
 شوfer گرچه موقردی متیندی
 ولی راننده لیک جداً چتیندی
 بیری سسلوردی گرم اولدی بخاری
 آماندی پیشدیم اولدوم من سوخاری
 بیری سسلور هلاک اولدوخ یواش گئت
 بیری سسلور داریخدوخ بیز تلاش ائت
 تئز آچ تلویزیونی وقت خبردی
 گوراخ فوتبالدا کیملر بختوردی
 بیری سسلور اونی باغلا یاتان وار
 نه تلویزیون خبرلرده یالان وار
 بیری سسلور سوروش آقا شوفرده
 کباب اولدوخ خبر یوخی کولردن
 بیری سسلور کولری آچما یاندیم
 زکام اولدوخ سویوخ دگدی اوصاندیم
 بیری سسلور یواش گئت تند گئتمه
 مسافر قورخوری ناراحت ائتمه

ایکی مشغلدن افضلدی بکارلیق
 بیری راننده لیک بیر حمله دارلیق
 بولار جداً شئوناته ضرردی
 باشیندان گیر گ... چیخ هدردی
 کیمون وجدانی گوردون قاضی اولدی
 شوفر صبحانیه بیر یرده سالدی
 باخورسان هی نارجدی پرتقالدی
 بهشت عطری ائدیر انسانی مدهوش
 او زیبا خاطره اولماز فراموش
 بو ایستکلی سفردن دویمادیم من
 حاج ایلائینی گوزدن قویمادیم من
 اگر چه بیر نچه نوبت اکیلدی
 تاپوب قارداشینی بیزدن چکیلدی
 سؤزوم یوخ گر چه یولداش قارداش اولماز
 ولی قارداش کریمی دن باش اولماز
 گزردوخ خط خط اوستان شمالی
 وئردوخ روزگاره گوشمالی
 یخار بیرگون سنی دنیای فانی
 قاباقلا سنده یخ بو بیحیانی

دالی قالما سیاحتدن صفادن
 بونا وئر گوز داغی عشق و وفادن
 لب دریاده تا اندوخ ناهاره
 کسالت خسته لیق گئتدی کناره
 سالیندی عکس بیزدن پرده پرده
 نشانه قالدی سیمای سفرده
 گنه اگلشدیلر سیاره لرده
 دیرسن حاجیلار طیاره لرده
 گئدردوخ صاقدا دریا صولدا جنگل
 اگر آغزون سولانسا دورما سن گل
 چالوسدا بیر نگارستان چین وار
 طبیعتدن بزکلی بیر گلین وار
 یتیشدوخ بیر صفالی گلستانه
 گوتوردی عکسلر طیری یگانه
 منیم یولداشدا شانسیم وار سفرده
 خوش اقبالم سفرده یا حضرده
 ائدردیم یوخسا بختیمدن گلایه
 ایلشیدیم سفیه ناقلایه
 یولی هموار ائدن یولداشدی یولداش
 دئمه قارداش پدردن باشدی یولداش

بونا راضی اول اوغلون قوشباز اولسون
 عیالون پینتی چیرکین ناساز اولسون
 باشوندان هی قاراق دگسین داز اولسون
 رضا اولما رفیقون قانماز اولسون
 هامی یولداش چیخانماز امتحاندان
 سفیه یولداش سالار انسانی جاندان
 سیاحتدن یتیشدوخ اصل کامه
 دوشندوخ پارک لاهیجانه شامه
 گوزل بیر پارک آقزین کناری
 دیه بوللم بهشتین لالهزاری
 آچوب گلر اندیر بلبل ترانه
 عقایق سرو قالخوب آسمانه
 دولاندیق خانه خانه کوچه کوچه
 آلوب دوسلار مربّا و کلوچه
 اذان صبح چاتدوخ اشتیاقه
 یتیشدوخ بیر گوزل عالی رواقه
 امامزاده ابراهیم و قاسیم
 که وار هر تک تکیندن التماسیم
 نماز قیلدوخ گوتوردوق ال دعایه
 امامزاده یاخیندی آستارایه

گنجه گنچدی ائلیکه صبح آچیلدی
 قیزیل پرچم سماواته ساچیلدی
 یدوخ صبحانه نی حتّی الکفایه
 دئدوخ راننده بیر باش آستارایه
 یتیشدوخ آستارایه رفته شفته
 تماماً دست دوّم خواب رفته
 مسافر تاب ائدنمز یول اوزانسا
 نوهم ممّد روان اولدی اوژانسا
 تراب زرین نشان ائتدی محبّت
 آپاردی خسته قیتردی سلامت
 داریشدیق آشغال اوشغاله اساسه
 وسایل روسری شورتا لباسه
 اواخرده بیزی راننده سیخدی
 گندوب بازارلقا مردم داریخدی
 مدیریت چنان کامل دگولدی
 اودور که کام دل حاصل دگولدی
 چکردی بعضی خشکه بعضی آبه
 رئیسی بیر نفر قویمور حسابه
 اگر یتیمیش نفر فوجین ساییدی
 ولی بعضی اداراتین تاییدی

ریاست ده اولاً ضعف سیاست
 رئیسی قویماسا مرئوس خرجه
 چکر آخرده ایشلر هرج مرجه
 بیبری قاجدی خریده بی اجازه
 بیبری بی اطلاع گتندی نمازه
 اودور که قافله دوشدی عذابه
 ناهار صرف ائتماقا گلدوخ سرابه
 چلودان مرغ و نوشابه کبابدان
 یدوخ سرعتله ردّ اولدوخ سرابدان
 یغور گون خیمه سین دشت و دمندن
 گئچوردی قافله قاره چمندن
 چکیلدی آسمانه رنگ دوده
 اولوب زوّار وارد هشتروده
 پلیس راننده نین کسدی قباقرین
 بوروب بورمانجینی ووردی دالاغین
 دئدی صد لعن شیطان رجیمه
 یازیق دوز یرمی مین وئردی جریمه
 ایشیق لاندی گوزوم دوندی چراغه
 اولاندا وارد شهر مراغه

مراغه

مولدیمدی

موطنیمدی

پیس اولسا یاخشی اولسا آد منیمدی

مراغه

مسکنیمدی

زادگاهیم

بو یرده دفن اولوبدی قبله گاهیم

بو شهرین هر زادیندان شاکرم من

یگانه یادگار ذاکرم من

«کریمی» نسبتم اهل یقینم

غریق لطف احسان حسینم

منه سلخ سفر روز جهاندی

سمینار بزرگ شیعیاندی

گئدر زوآر حجه کربلايه

یا دیدار علی موسی الرضایه

ولی من تک زیارتدن قازانماز

بئله شیرین سفرنامه یازانماز

گزنمز هفت شهری من ایاقدا

سفرنامه یازانماز بو سیاقدا

خوش آنکس از چغندر قند گیرد

ز اشعار کریمی پند گیرد

من کیم

کریمی صاحب طبع روانم
 فصاحت صحنه سینده پهلوانم
 اگر چه ظاهراً پیر و خرابم
 ولی شکر ایلرم طبعاً جوانم
 وئروب مولا منه طبع لطیفی
 نشان ذاکر خلد آشیانم
 یگانه شاعر طنزم سؤزوم یوخ
 بودور فخریم حسینہ نوحه خوانم
 هامی عاشقدی منلن عکس سالسین
 مگر بنده منار اصفهانم
 دوشومده وار مدال افتخاری
 که اوز عصریمده سعدی زمانم
 هر ئیل برنامه ماه صفرده
 علی موسی الرضایه میهمانم
 گلوب هر ئیل آقامدان بیر پای آلام
 منی قوومازلا کلب آستانم
 نئجه لطف ایلوب دوتماز الیمدن
 گورور عبد ذلیم ناتوانم

حسین گولدور حسینچی شاخ و برگی

منم گل لر ایاقینده تیکانم

ئوزوم تلخم ولی اهل مراغه

دیوللر شاعر شیرین زبانم

منم دلبسته سلطان سرمد

بگو صلوات بر آل محمد

ز تکرار قوافی شرمسارم

ضرورت وار دچار شایگانم

مرادیمدن امیدیم مرحمتدی

مرید مرشد پیر مغانم

همان ابرم سپر باران اشکم

بجای اشک شاید خون فشانم

نیم منصور تا گویم انالحق

که من ناچیزم و ناچیز ازانم

ولی از پیروان اهل حق

ز لطف حق شده گویا زبانم

زنم حق حق کشم هوهو چه آهو

نوا دارد چو نی هر استخوانم



زیارت مشهد

الله منه عنایت اندوب روزگارد
 غرقم همیشه نعمت پروردگارد
 سال هزار و سیصد و هشتاد و دو بهار
 اردیبهشت ماه دل نوبهارد
 دولدی گنه سرور زیارت ئورکلره
 عمرین غروبی خاطره نصف النهارده
 دعوت گلوب زیارته سلطان طوسدن
 عشق رضا شکفته لنوب قلب زارده
 اجر و ثواب زایر سلطان دین رضا
 هفتاد حج هفتصد و هفتاد هزارده
 فرمایش ایلوب گله هر کیم زیارته
 گلم اونون زیارتینه احتضارده
 هر کس منی زیارت ائده ارض طوسده
 گلم اونون هرینه اوچ گیر دارده
 پیران اولاندا نامه اعمال بندگان
 پای حسابه پل دشوار نارده
 زواریمی هر آینه یاددان چیخاتمارام
 البته قویمارام قالا یالقیز مزارده

زحمت چکوب اوزاق یولی یاد ایلیوب منی
 شایسته دی قویام اونی تحت فشارده
 بیر کاروان ایکی ماشین ارباب معرفت
 یکسر آقا خانم دوزولوب بیر قطارده
 حاجی حسن زمانی وطیری و سائلی
 زاهد یگانه ثروتقام اشتهارده
 زرّین نشانلر هاموسی خانواده ای
 کنعانی کاظمی هامی وصل نگارده
 سهراب محمودیه و بهروزی اشتری
 با هم ابوالفتیله تجلی کنارده
 الیاس نرج آبادی، رحیمی، قدیمیان
 حاجی رسولی و نادر خیری شمارده
 عباسیان ناظم خیّامی جلوه گر
 ممتازلر سلیقه ده هم ابتکارده
 سرقافله مجید کریمیدی، نیکخو
 هر تک تکی قیزیل کیمی کامل عیارده
 دورد قاری زاده لر داخی معمار چای توکن
 درهم دگولله سئچمه دیلر اعتبارده
 مدّاح کاروان حاجی یعقوب نوحه خوان
 نه قمری ده اونون سسی وار نه هزارده

فصل بهارده سفرین چوخ صفاسی وار
 عطر بهشت ساطع اولور هر دیارده
 داغ دامینده سفره سالوب دایه بهار
 گویا صفا ضیافتی وار کوهسارده
 قوشلار وئروبله سس سسه شور نشاطله
 عظم رمیمه رایحه وار لاله زارده
 هر سبزه ئوز گلون گتوروب الده ارمغان
 حاشا بو فصلده قالا بین دل غبارده
 یتیمیش نفر مسافر ایکی وولوو صفر نو
 باشلار هوای وصلده دل انتظارده
 یتیمیش آغیزدی متفق القول و یک کلام
 تک بیر آغیز حساب اولی قولی و قرارده
 هریرده بیرلیک اولماسا ایش هرج مرج اولار
 وحدت عملده ثابت اولار نه شعارده
 اگلشمه چوخ نتیجه گوتور بو آز عمردن
 سرعتله عمر سو تک آخور جویبارده
 دریا کیمی تحرکون اولسون تموج ائت
 سو چوخ قالاندا فاسد اولار شوره زارده
 آرام اوتورما نهره کیمی چالخالان یاغ اول
 ترشار قوخور قاتق قالا راکد تغارده

تا وار بدنده طاقتون اگلشمه گز دولان
 بیر گون گلر تحصّن ائدرسن حصارده
 تترر باشون آسر بدنون قیشلارون یاتار
 نه دلدده حوصله نه طراوت عذارده
 بش گون الونده بش تومنون وار یی راحت اول
 بیهوده فایده ندی مارک و دولارده
 بیر گون گلر قویالّا سنی سالمندانا
 قدرت آزالسا قان دولانانماز دامارده
 اقوام و اقربا هامی گوزدن آتار سنی
 پنچر طیر کیمی قالاسان بیر کنارده
 وقت اولدی ایلسین حرکت هیئت عزیز
 دوسلار آلوب کناری یمین و یسارده
 فیض توسّل اولدی محمد کریمی دن
 گوزلر سرشکه دولمادا دل آه و زارده
 بعداً اذانی باشلادی آقای شیخ حسن
 میندوخ ماشینلارا شش بعد از نهارده
 به به نتیجه ماشین بزه نکلی گلین کیمی
 اولماز او صحنه طوی گنجه سی بزم یارده
 منله اوچ اوغلوم اوچ گلینیم اولدی همسفر
 زیبا نوه مده غنچه کیمی شاخسارده

گاهی کلوچه ساندیس و نوشابه بیسکویت
 بو معجزه چتین گورونر حمله دارده
 چون حمله دار سعی ائدر ئوز دوغدوقون بوغا
 بیر اوخ قویا کمانه بش آلتی شکارده
 قصدی بودور داوار کیمی خلقین سودون ساغا
 فکر ایلمز که صود قوروویودور داوارده
 دولت صودون ساغوبدی یونون قیرخیب ئولدیروب
 دارائی ده آلبلا جانین شهردارده
 باخما قیافه سینه بدنه سو قالمیوب
 حیوان بالا قوسوب یدیقین آیارده
 راننده لر نجیبیدی یولداشلار اهل حال
 بیر سنیده قوجا منیدیم اختیارده
 صاق صول گل و گیاهیدی صحرا و دشت و کوه
 روحه صفا یتردی او گشت و گذارده
 وقت اذان قره چمنه چاتدی کاروان
 گیزلتدی گون گوزل یوزونی استارده
 «تیر پارک عدلده» نمازا ساخلادی شاما
 صرف اولدی شام سرعتله اختصارده
 نوشابه و کبابیدی گفته سالاد پلو
 آماده هر غذا واریدی کوله بارده

وولوو بوئین زهرا یولون آلدی آغزینا
 نوزاد مثلی حللنیروخ گاهوارده
 نه یول مراغه کوچه لریندن بیر آز خراب
 نه خیر شهردارده نه راهدارده
 حقا بو یولارا بو وسایل یاراشمیری
 شیرلی داراق کچل باشا تمثیل وارده
 پایان وئروب فریضیه میندوخ ماشینلارا
 تسبیح دیلده صحبت پروردگاره
 بعضین ماشین دوتاردی گورردون باتوب غمه
 گویا که هستینی اوتوزوبدی قمارده
 ایچسه لیوان لیوان قوساجاقدی گالون گالون
 نایلون دولاردی ترشی هفته بچارده
 گلدوخ یتیشدی قافله میز بلده قُما
 باب الحوائجین قیزی وار اول دیارده
 معصومه دی رضا باجیسی دختر امام
 غربته ال ئورکده یاتوبدی مزارده
 ساخلار ئورکده قارداشینون دستخطینی
 یوخدور قرار و صبری دل بیقرارده
 گوز یولارا تیکوب هله ده قارداشیم گلر
 قارداشینه عریضه سی وار قلب زارده

هر دم دیور رضا باجون ئولسون هایانداسان
 دردون یانیقلی قلبیمی یاندیردی نارد
 ئولدوم ولیک قالدی ئورکده بو آرزو
 دفن اولمادوخ رضا ایکیمیز بیر مزارده
 دنیاده ای خدا نه گوزل آرزودی بو
 قارداش باجیلا دفن اولونا همجوارده
 عشقون ئورکده دلده آدون گوزده صورتون
 نامهن الیمده جان وئروری انکسارده
 ترک ایلدی دیار قمی کاروان عشق
 یولآندی جمکرانه طرف رهروان عشق
 مسجدلر ایچره چون اورانین امتیازی وار
 عالی مکاندی بیر نئچه رکعت نمازی وار
 اولدوخ روان مقام امام خمینه
 فیض زیارت عرض سلام خمینه
 اوردا جناب کفیه بیر خدمت ایلدوخ
 مرحب کیمی بولوب آرادان قسمت ایلدوخ
 موز پرتقال شیرنی و پسته خیاردن
 قارداش واری یدوخ هامیمیز هر نه واردن
 نوشابه دوغ و بستینه چایی قاتدیلا
 زوآر جمله قارنی عزادن چیخاتدیلا

عورت کیشی مینوب گنه یولآندی مشهده

یوز دوندروب گئدیر هامی مهماندی مشهده

زوار یاتدی یوخلادی راننده یاتمادی

ضبطی آچوب نواريله خلقی اویاتمادی

سالآندی خسته لیقدا بورونلار چو بامیه

چاپدوخ نماز صبحه یتیردوخ میامیه

اوچ اوغلان اوچ گلین منی بسلردی نازيله

آتمیش مسافر عزتيله اعتراضيله

الله نظر سالوب هامی نین لطفی وار منه

سوء ادبله سالمایشام لکه دامنه

بیر خوش مکاندا منطقه سبزوارده

صبحانه پهن اولوندی کنار چنارده

دلن توکل ایلدی الله قافله

بیر آز زماندا چاتدی قدمگاهه قافله

چون اوردا ثامن الحجین ردّ پاسی وار

باعث اودور محوطه نین چوخ صفاسی وار

بیر چشمه وار او یردن آخور سلسیل تک

ماء زلالیدی اورگه خوش صفاسی وار

آل محمدین ایاقی دگسه هر یره

باغ بهشته غبطه ائده اقتضاسی وار

چونکه او چشمه‌دن آقامیز دستماز آلوب
 اوردا نمازین اوزگه صفا و صلاسی وار
 کهنه چنار وار نئچه یوز یاشلی خشک اولوب
 با اینهمه عمومه سلام و ثنای وار
 هر کیم ائمه‌نین قاپوسیندا دخیل اولوب
 کهنلسه‌ده قوجالسادا قدر و بهاسی وار
 ارحم صغارکم اوخی و قر کبارکم
 گور هانسی مکتبین بئله درس وفاسی وار
 ائندی اقامه قافله منلن جماعتی
 بو هیئتین «کرمی» کیمی رهنماسی وار
 باشلار توسلی حاجی یعقوب نوحه‌خوان
 اله همیشه‌لیق سند من بکاسی وار
 میندوخ ماشینلارا حرکت سوی مشهده
 شیعه گرامیدی چون امام رضاسی وار
 هر پنجشنبه طوسده‌دی اون ایکی امام
 بو تپراقین مدینه‌سی وار کربلاسی وار
 زهرا او قبرین اوسته اوغول وای دیر مدام
 معصومه‌سی اوزاقدادی خیرالنّاسی وار
 دنیانی فتنه دولدورا ایران اماندادی
 چون حضرت رضا کیمی بیر پیشواسی وار

هر بیست و هشتم صفری قاپلارین آچار
 دعوت عمومیدی دئمه شاه و گداسی وار
 بیر بیر قولاق وئرر هامونین عرضحالینه
 مولا رئوفیدی هامیا اعتناسی وار
 ادیان مختلفدن ائدون تک به تک سؤال
 آیا کیمین امام رضا تک آقاسی وار
 قربان او دوغراناں جگره قانلی لبلره
 غربتده جان وئروب نه طیب و دواسی وار
 ای دردمند بوشلا طیبین مطبّینی
 گل گور بو سرورین نئجه دارالشّفا سی وار
 هر کیم سو میل ائده او قیزیل سقاخانه دن
 سرمست اولوبدی خضر کیمی مقتداسی وار
 شآن و شرفده طوسه چاتان یر تاپانماسان
 الا که نینوا دولی نی تک نواسی وار
 یتیمیش ایکی نفر آلوب آغوشه کربلا
 هم شیرخواری همده جوانی قوجاسی وار
 بیر قبریده حسین آلوب آغوشه اصغرین
 اما ایاق طرفده ده بیر مهلقاسی وار
 چاتدوخ دیار ثامن آل محمدّه
 صلوات بر جمال کمال محمدّه

گل‌میشدی پیشوازیمه یاران باوفا
 زنبوری حاجی مهدی صفر معدن صفا
 فیاضی اوغلی نادریله هم آتا بالا
 باشیم اوجالدی ائتدیله اکرام برملا
 منصور نوحه‌خوان آتاسی خانواده‌سی
 نه ذره‌ای تکبری وار نه افاده‌سی
 دوشدی گوزوم او گنبد زرّین و اقدسه
 عرض ایلدیم سلام حضور مقدّسه
 قصد اقامت ایلدوخ امر رساله‌ده
 انسان گرک سو ایچمیه سینمیش پیاله‌ده
 گلمز نجه گوزه خانمین پیر و خسته‌سی
 سینمز جانا سفرده نمازین شکسته‌سی
 ایّام عمردن آلیروخ فیض کاملی
 هر لحظه هر دقیقه بیر عمرین مقابلی
 چوخدور خدا یانیندا رضانین شرافتی
 باعث اودور که گون به گون آرتار جلالتی
 آی داش دوشیدی باشوه مأمون هایانداسان
 گل باخ شکوه و شوکته ملعون هایانداسان
 ای بش گونون ریاستینه آلاّنان کیشی
 پست و ریاست عشقینه دینین دانان کیشی

گوردون نئجه زمانه سیاه ائتدی بختووی

تابوت آتشیله بدل ائتدی تختووی

احمقدی سندن عبرت آلوب قانمیان بشر

دریای عبرته جوموب ایسلانمیان بشر

مولا علی بیوردی قانانلار هایاندادی

عبرت نه چوخدی عبرت آلانلار هایاندادی

دنیا کتابخانه‌دی اما گورنلره

بش گون ریاست اوسته امام ئولدیرنلره

مأمون گوزل تانوردی رضائین مقامینی

قارداشین ئولدیرن سایا حاشا امامینی

نقشی ریادی، حیلّه، یالاندی سیاستین

ایوای قیچی سینیدی بو میز ریاستین

سس دوشدی هیئت شعرا نوحه‌خوان گلوب

دیداریمه محبتیله دوستان گلوب

الله بو روسیاهه ائدوب نعمتین تمام

پیر و جوان هامی منه قائلدی احترام

زنبوری واقعاً بیزه چوخ خدمت ایلدی

زحمت چکوب هتلده ییزی راحت ایلدی

بیر شعر مندن ایستدی منصور نوحه‌خوان

یازدیم بو نئچه بیٹی به عنوان ارمغان

بو ایل بوتون مراغہ لی لر اتفاقیلہ
 تشکیل دستہ بندی وئروب اشتیاقیلہ
 بیز وحدت اہلیوخ ایشیمیز یوخ عنادیلہ
 دینون بناسی چون قویولوب اتحادیلہ
 نہ من نہ سن منیتی آت ال الہ چالاق
 منکرلرین گوزون چیخاداق جانینی آلاق
 ائلر بیر اولسا سئل یخا ییلمز بنالرین
 آباد ائدرلہ شہرلرین روستالرین
 ہر ملت ایستہ تاپا فیض سعادت
 حقاً گرک فریضہ بولہ حفظ وحدتی
 بیر عدہ کویہ سنگیہ بیر عدہ شانڈیزہ
 یولانڈی قافلہ ہتلی وئردیلر بیزہ
 بو کاروان عشقیدی کاملدی زینتی
 تفریحی ہم زیارتی وار ہم سیاحتی
 آغلتمادا رضائی ابوالفتح گولدورور
 اعصابہ کدورت و آلامی ئولدیروور
 مسروردوخ عنایت و لطف رضائیلہ
 مشغولیدوخ نمازیلہ ذکر و دعائیلہ
 بہروزی یانڈیروب آتی، دود دوتدی منزلی
 واردی ماشاءاللہ دستلاتیندان اوزون دیلی

باشی قیزیشدی صحبتہ یاندی نہاردانی
 گتدی پناه او ملته بوش قالدی باردانی
 سرعتله گئچدی اون گونیمیز چاتدی آخره
 ائتدی خطور خاطره قالدی مخاطره
 یولداش جور اولسا احتیاجون یوخدی قارداشا
 هئچ بولمدوخ بو اون گونی وئردوخ نئجه باشا
 عمر عزتیه گئچسه یوز ایل یورماز انسانی
 گر ذلتیه گئچسه بیر ایل اینجیدر جانی
 روز سه شنبه ساعت بش بی غم و ملال
 مشهددن ایلدوخ حرکت جانب شمال
 زنبوری صاحب هتلی روسفید اولا
 قرآن دوتوبدی باشیمیز اوسته سالوب یولا
 زرین نشان قافلیه وئردی بستنی
 جانلار سرینلیوبدی آیندیردی خسته نی
 ائتمزدی سرعتینده ماشینلار مضایقه
 وولوو وئردی بنزیه باهم مسابقه
 خدمتده بیست آپاردی مجیدیه نیکخو
 زواره میوه وئردیه نوشابه چای و سو
 اوچدی ماشین پر آلدی هواده عقابدن
 باروجلہ قوچانی گئچوبدی شتابدن

بیر عده یاتدی یوخلادی صحرانی گورمدی
 ذوق و صفا و سیر تماشانی گورمدی
 گه بوق ویروب ماشین کیمی گاهی اُتوردی گاز
 راننده‌دن صورا هامی مشغول خواب ناز
 ثروت‌فاما نقدری دئدیم یاتما باخ یولا
 جنگلدی دریادی گوزون آچ باخ صاقا صولا
 هر نیلدیم خلاصه جماعت اویانمادی
 یازدیم نقدری پند و نصیحت اویانمادی
 افسوس من دئدیم من ائیشیتدیم اویانمادی
 چوخ باخمالییدی واقعاً اَمّا باخانمادی
 مسعود و بنده‌زاده عطاء‌الله و مجید
 خدمت ائدیردیلر منه اولسونلا روسفید
 گرگانه ارابه‌دن اولدوخ پیاده بیز
 قیلدوخ نمازی مسجد موسی‌الرّضاده بیز
 اوردان آلوبدی حاجی عطاء‌الله بربری
 نه بربری که ایچلی نزیکلر برابری
 گوردوم هامی یاتوب نه صدا و نه هم‌همه
 ائتدیم بو قطعه شعری زبانیمده زمزمه
 قورتارماسین فراغت و امن و امانیمیز
 پارک بابا امانه یتوب کاروانیمیز

قوّاره لر آتور آخوری آبشارلر
 چاتمش هواده باشباشا بید و چنارلر
 وئرمیشدی سس سسه نه گوزل عندلیبلر
 سیلدی غبار غربتی دلدن غریبلر
 مولادن عرض اندوم بو حدیث روایتی
 اوچ شیئدی قلبدن آپارار هر کسالتی
 آب رواندی منظره‌لی سبزه‌زاریدی
 بیرده نصیب اولا صنم گل‌عزاریدی
 شام صرف اولوب نماز قیلینوب شور و حالیه
 شادم موفقم نه ایشیم وار ملالیه
 صبحانیه بساط آچیلوب گلستانده
 بابل‌ده پارک باغ انوشیروانده
 به‌به نه پارک باغ بهشتین نشانه‌سی
 باغ صفا گوگل قوشونون آشیانه‌سی
 هر بلبل اوز گلون تاپوب عشقی ترانه وار
 استخری عالی منظره‌ی شاعرانه وار
 احسن بو اتّحاده بو سیر و سیاحته
 گوز دگمه‌سین بو مهر و وفا و محبّته
 میندوخ ماشینلارا گنه باشلانندی منظره
 باغ بهشتدن آچیلوب قلبه پنچره

شیروده بیز یتنده یاغیش شدت ایلدی
 آتلاندی سئل سو امتی ناراحت ایلدی
 جدّا خوشوم گلور بو مبارک مراسمه
 زوآر چاپدی چاتدی امامزاده قاسمه
 قیلدوخ نمازی ائتدوخ او مسجدده اعتکاف
 شامدان صورا گروهده باشلاندی اختلاف
 بعضی دیردی آستارا بازارینه گئداخ
 اوردا دیورله جنس اوجوزدی خرید انداخ
 بعضی دیردی بیز سرعینده گرک چیماخ
 بعضی دئدی سویوقدی، سویوق دگسه نیلیاخ
 بعضی دیردی تنز یتیشیدوخ مراغیه
 گون یتمه‌میش غروبه دوشیدوخ مراغیه
 سرعینه چاتجاقین قیزیشانلار سرینلدی
 قاردی دومانندی شاختادی طوفاندی پلمه‌دی
 وار کیمده جرئت ایمدی کولکده دوشه گوله
 شاختا ایپین قیرا قووقون چاتدادا ئوله
 چیمماقدان ال اوزولدی وئریلدی اذان صبح
 جان باسدیلار نمازه طرف خسته‌گان صبح
 مسجد تاپولمادی بئله شهری باتا یره
 اولدوخ سوار قافله یوز دوندروب نیره

بستان آواده پارک صفا باغ انبساط
 طرح اولدی آخرین جلسه آخرین بساط
 شامل اندوبدی لطیفی پروردگاریمیز
 سالم مراغه شهرینه چاتدی قطاریمیز
 ائتسون گرک «کریمی» تشکر مراغه‌دن
 دائم آلودی فیض تفکر مراغه‌دن
 قیلام صفای طبعیله گلشن مراغه‌نی
 چوخ چوخ سوور مراغه منی من مراغه‌نی



قوجالیدیقجا بشر خرگز آغاج تک
 ایکی شاخه وئرر اوندان جوانه
 بیری طول الامل بیر حرص دائم
 اندوبسن تجربه عمرونده یا نه

لایشعرونم



چوخ آساندی اسیر غربت اولماق
 رفیقه آشنایه حسرت اولماق
 اون ایل زندان چکوب سلولدا قالماق
 آمان قانماز آداملان قومت اولماق

لَبَّيْكَ لَبَّيْكَ لَا شَرِيكَ لَكَ لَبَّيْكَ

کومک ائتسه منه خلاق سخن
 تاج گلدن بَرم طاق سخن
 دوزهرم رشتیه درّ و گهری
 سالارام حیرته کندی شَهری
 لطف حقدن قلم آلسام اله من
 طوطی طبعی گتورسم دیله من
 شکر لله گر آچام دُرج بیان
 دولار عطریله بو اقطار جهان
 سالوب اقبال هنر سایه منه
 وئروب عالم بویی سرماییه منه
 باغلاسام هر طرفه بار سفر
 طبع شعریمدی منه فتح و ظفر
 سفرین حالینی انشا ائدهرم
 طنز و تفریحده غوغا ائدهرم
 سفرین مدّتی کمدور آقالار
 قوتولار آما سفرنامه قالار
 سال هشتاد و دو سیصد ز هزار
 قسمت اولدی گنه بیر گشت و گذار

لطف حق شامل اولوب حالیمیزه
 حج عمره چیخوب اقبالیمیزه
 یاخشی یولداشلا نصیب اولسا اگر
 عمره نین ساعتی بیر عمره دگر
 یولداشین یاخشیزی یولدان باش اولار
 یولی هموار ائلین یولداش اولار
 بیر ماتان قیز وروب آمپول قولوما
 صاق قولوم غبطه ائدردی صولوما
 باخشی ایلدی آسان چتینی
 بولمدیم آمپولونون زحمتینی
 نئجه قیز باغ بهشتین گوزلی
 مریضین اوستونه گلسه دوزه لی
 دکترین چیرکینی بد منظره سی
 ناخوشا باخسا خیریلدار نفسی
 ارشد اوغلوم گلنیم ماه زریم
 احدی یلن خانمی همسفریم
 هامیسی ایستمه لی طبع پسند
 یولداشیم کبلای حسین حبّی وند
 ایکی سرقافله با سبک جدید
 بیر سید هاشمی بیر حاجی مجید

قدرتی بیرده شتائی جمیدی
 اوغلی مهدی بیزیلن باهمیدی
 هفت خردادیدی پایان بهار
 حرکت ساعت بش نصف نهار
 فصل گل شاعره بهجت یارادار
 طبعاً اعصابینه قوت یارادار
 حق وئروب شاعره بیر طبع لطیف
 ذوقی سرشاریدی افکاری ظریف
 اوزونی چاتدیرا بیلسه باهارا
 گوزی دوشسه چمنه لاله زارا
 ئولسه ئولمز ناخوش اولسا دوزه لر
 شرطی وار دوره سینه گل دوزه لر
 چارشنبه گونی اوتدوخ گوروشه
 مارچا مارچیللا ئوپوش دوشدی ایشه
 باجی قارداشدی گلیندی بالادی
 کیم یتیشدی منی دوز تک یالادی
 کیم اگر حاجیا دیداره گله
 گوروشوب وئرسه حاجیلان ال اله
 اوزونی کعبیه زوار ائلیوب
 حجرالاسودی دیدار ائلیوب

حاجینون اوزگه صلاحیتی وار
 حق یانیندا حاجینون حرمتی وار
 چون حریم حقه محرمدی حاجی
 چوخ گرامیدی مکرمدی حاجی
 محرم محترم حل و حرم
 محرم عشقیدی مشمول کرم
 کیم حاجیلان گوروشه وار اثری
 ائلیوب صانکه زیارت حجری
 شکر اولا صاحب بیت و حرمه
 منی غرق ایلدی بحر کرمه
 سال هشتاد و دو عید اولدی منه
 هامی ایامی سعید اولدی منه
 عمر اگر خوش گئچه یوز ایل کمدی
 بد گئچه بیر ایل اوزی ماتمدی
 بارالها هامونی دعوت ائله
 گوره نه گورمیه نه قسمت ائله
 کاروان جمله اناثیله ذکور
 تاپدی میدان کریمی ده حضور
 نظم پور ائتدی گوزل نوحه بیان
 مجلسه سالدی عجب شور و فغان

شیخ حسن ائتدی توئل علنی
 آغلادوب حسرتلن مرد و زنی
 وئردی اسماعیل بیر عالی اذان
 یادیمه دوشدی صفای رمضان
 ایلدیم خلقی وداع نسگیلین
 یاشلی گوز بیرده یانیقلی دیلین



گلیدی خصمه لعنت لعنت اوستن
 عجب بدعت قالاندی بدعت اوستن
 ال آچدی غارت شرم و حیایه
 صفایه ملت آتدان دولت اوستن



یاشادوخ بوینی داغلی بندهلر تک
 دولاندوخ دربدر شرمندهلر تک
 زبس الدن اله دوشدوخ یورولدوخ
 جیریلدوخ توزلانان پروندهلر تک



وداع از دوستان

الوداع جان سیزه قربان گندیروخ

اللّٰهین بیتینه مهمان گندیروخ

ایلیون سیز بیزی البتّه حلال

ائده‌روخ لطفوزه جبران گندیروخ

سیزی یاد ایلروخ هر مرحله‌ده

آتماروخ بیز سیزی یاددان گندیروخ

کعبه‌ده مروه صفاده ائده‌روخ

طلب رحمت و غفران گندیروخ

قبر پیغمبره اولسا سؤزوویز

یتیراخ بیز اورا مهمان گندیروخ

دورد امامه نه سوزوز وار یتیراخ

بیز بقیعه‌ده ائداخ افغان گندیروخ

اوردادی قولسوز ابوالفضل آناسی

قبرینه حالی پریشان گندیروخ

جمله ساداته وئرون بو خبری

فاطمه قبرینه گریان گندیروخ

خانما نوحه دیوب اوخشاماقا

قویسا مأمور نگهبان گندیروخ

تا پا بولساخ او گوزل تربتینی

ائدهروخ چاک گریبان گندیروخ

خانمون سینه‌سینون یاره‌سینه

سالماقا اشگیله درمان گندیروخ

نصفی یانمش قاپونی تاپساخ اگر

او یانان درگه دربان گندیروخ

سبز بیزی یاد ائلیون بیزده سیزی

بیز یاخیندان سیز اوزاقدان گندیروخ

دئدی زینب او یارالی بدنه

آچ گوزون ای شه عطشان گندیروخ

خداحافظ خداحافظ یارالی

یرده نعشون قویوب عریان گندیروخ

دور یولا سال سفریم قورخولودی

دوت باشیم اوستونه قرآن گندیروخ

دور اذان وئر ائشیدیم بیرده سسون

هر کلامونده دیوم جان گندیروخ

گوزووی باغلامادیم آغلامادیم

قویمادی لشگر عدوان گندیروخ

یاندی قلبیم یانا ای کاش اوره‌گی

کیم ووروب قلبوه پیکان گندیروخ

هانی عباس علمین آلسین اله

کومکیم یوخی هراسان گندیروخ

جان سنون جان علی اصغر بالاوین

قویما چوخ ایلیه افغان گندیروخ

بو رقیه منیم اصغرده سنون

یاخشی ساخلا سنه قربان گندیروخ

گندیری اوغلی ئولنلر منیله

گلدوخ عزتله پشیمان گندیروخ

قانیوی زادهی سفیاندان آلام

ائتماقا بیر قانا مین قان گندیروخ

ظلم تالارینی بیر آهیمله

ائتماقا شامده ویران گندیروخ

ای «کریمی» سفر آخرته

نجه گور تند و شتابان گندیروخ

گندی مزداسینی شکرانی نعم

بیزی میندیردی بسی لطف و کرم

رفقا تاپشیروب الله بیزی

قویدی شکرانی فرودگاهه بیزی

گوروم ایللر یاشاسین لیلاسینی

سالماسین حق خطره مزداسینی

بوشلادی بیزدن اُتور ایشلرینی

ساخلاسین الله اونون اکبرینی

رخشدن رخش کیمی چاپدی گروه

تا فرودگاهدا اوزون تاپدی گروه

غبطه ایلردی زمان وقتیمیزه

یاخشی روحانی چیخوب بختیمیزه

بیر امام جمعه ئیلن منتخبی

ادبی پور محمد لقبی

هم عطائيله سید هاشمی دن

راضی اولسون اوزی خلاق زمن

دورد ماشین حاجی نه خسته نه ملول

ائتدیلر جمله فرودگاهدا نزول

بیزه بیر چای گتوروب شاپور آقا

دیه سن نفت توکولدی چراغا

نه گوزلدی دوشه احسان یرینه

ائله بول قیز گئدوب اوغلان یرینه

سعی ائله احسانی ضایع ائلمه

قوروموش مُودن اوزوم سیلکله مه

ساعت اون بیر شب آماده

اوتدوخ عزتله هواپیما

قاخدی طیّاره بولوددان یوخاری

یوخدی بو صنعته خلقین چیخاری

بیز هارا تازه بو صنعتلر هارا

کهنه ایشلر تازا نعمتلر هارا

بیزده قیريله دولوب حنجره لر

باغلانوب روزنه لر پنجره لر

گویده نوشابه پلو ایستی تویوق

تازا ایست ایستی نه کهنه نه سویوق

دوشدی صنعت اولارا توستی بیزه

فرقی یوخدی یرین آلت اوستی بیزه

توستودن غنچه دوداقلار قارالوب

هروئن گور بونی نه حاله سالوب

بئله بیر معجزه یه یوخدی نظیر

اسکلت کوچه و بازاری گزیر

اوتوز ایلدی ئولوب اما دولانیر

گه باخور گاهی یاتور گه اویانیر

توستو سورماق یازیقا بیر ایش اولوب

بوغازا باخ دیه سن دودکش اولوب

ژاپونی آلمانی کافردی بوراخ

خیابانلار دولوسی لات لوته باخ

اوج نفر کرکینیری بیر ماتورا

دولانیر تا سالا بیر «نچمه» تورا

گوره سن کیم بیزی قویدی دالیا

آی اونون ... عقرب دالیا

الغرض کام سفر اولدی وصول

ایلدوخ جدّه مطارینده نزول

جدّه دن میندوخ علاوه ماشینا

گنه یولداش یاناشیب یولداشینا

صبح بیر بوفه ده دوشدوخ نمازا

بلکه تغییر هوا دستمازا

گلدی صبحانه ماشیندا هامیا

ییزده باسدوخ گلنی قابلامیا

عمره ده خوش یتیشوللر حاجیا

یاخشی قارداش ائله باخماز باجیا

وئرلین پول اونا جبران ائلمز

سؤز بیلن نعمته کفران ائلمز

یمه لی ایچمه لی تا قارنی دويا

توکولوب داش قاپودان باش قاپویا

تا مدینه گوزومه اولدی عیان

مرغ دل شوره گلوب ائتدی فغان

گوز اونونده هامی صف چکدی تمام

بئله وئردیم او گوزل شهره سلام

السلام ای حرم پاک رسول

السلام ای چمن سبز بتول

کول اولا چشم حسوده بخيله

داخل اولدوخ هتل الدخيله

روبرو باغ گلستان بقیع

خسته جانیم اولا قربان بقیع

حبذا روضه رضواندی بقیع

بیت الاحزاندی پریشاندی بقیع

نیسگیل اولسون بو محن شیعهلره

گوز گوتورمور ائله ویراندی بقیع

گئجه ظلمتدی قرانلیقدی مدام

همه شب شام غریباندی بقیع

سندهدی تربت زهرای بتول

قدری تک قبرده پنهاندی بقیع

سندهدی حضرت عباس آناسی

گوزی یاشلی اورگی قاندی بقیع

ایمدی ده گوزلور ابوالفضل یولون

ناگران گوزلری گریاندی بقیع

دورد امامین او گوزل قبرلری

نیه بس خاکيله یکساندی بقیع

سنده قویمورلا جگر داغلاماقا

شمرلر سنده نگهباندى بقیع

عمو قارداش بالاسی سنده یاتوب

بیر آتایه بالا مهماندى بقیع

مجتبا زین العباد بستریدی

صادق و باقره اسکاندى بقیع

چوخ اورکلر چکوری حسرتوی

شوق وصلونده نواخواندى بقیع

بو «کریمی» یخیلوب توپراقووا

کرم ائت لایق احساندى بقیع

هتلین آب و هواسی خوشودی

پیشمیشی جمله غذاسی خوشودی

حاجی حق دوست، شتائی، ملکی

ایکی سرقافله تک تک بیز ایکی

چونکه آرواد ال ایاقه دولاشیر

چوخلاری تک یاشیر آسوده یاشیر

گرچه باشند باشا زحمتدی خانم

گنه با این همه نعمتدی خانم

چون بیر ارکک یارانوب دورد دیشیه

دیشینون نیشیده نوشدی کیشیه

عورتیله دولیدی بور بوجاقون

ایستیدی هم اوجاقون هم قوجاقون

یاخشی عورت کیشینون همدمیدی

محرمی بلکه شریک غمیدی

ایله که دوشدی بقیعه نظریم

اشگ حسرتله دولوب دیده لریم

غصّه بوغدی منی گلدیم جانا من

یوزومی دوتدوم او قبرستانا من

گئدیرم صاق صولا یار آختاریرام

بیر مصیبتلی مزار آختاریرام

هارداسان ای گل گلزار رسول

ای حسینه آنا زهرای بتول

آغلادیم یاندیم همان نسگله من

طوطی طبعی گتوردوم دیله من

گونومیز عیش و عبادتله گئچور

حیف بو عمره نه سرعتله گئچور

مرحبا شانسیمیزا بختیمیزه

حبّذا لحظه میزه وقتیمیزه

عمر اودی عمره ده طاعتده گنچه

هر زمان حج زیارتده گنچه

شنبه دی دهم خرداد بهار

اولمیشوخ جمله بقیعه زوار

ناگهان عالم اولوب گرد و غبار

گون دوتولدی گون اولوب تیره و تار

شهری طوفان بورودی وقت سحر

گوز گوزی گورمدی محشردی مگر

باشلادوخ اوردا نماز آیات

اوخودوخ اهل بقیعه صلوات

دئدیم هر گون دوتولا گون یری وار

بوردا زهرايه اولوب گون شب تار

بوردا خورشید رسالت دوتولوب

بوردا گلزار علی پرپر اولوب

مرتضا قدینی بار غم اگوب

بوردا زهرا یوزونه سیلی دگوب

نئجه گون شرم ائلمز بیرده چیخار

هله زهرا گوزینون یاشی آخار

نئجه گون بیرده بو گلزاره شاخار

هله زهرا سینه سیندن قان آخار

گون اوتان زهره جفادن سیخیلوب

کوچه ده حضرت زهرا یخیلوب

سن گونی فاطمیه شام ائلدون

صبحینی غصه دن آخشام ائلدون

دوتولیدون دوتولان وقته علی

گوزی اشگیله دولان وقته علی

قاپوسی یاندی تماشا ائلدون

قولی باغلاندی تماشا ائلدون

نیسگیلی سینه لری داغلیاجاق

هی «کریمی» یازاجاق آغلیاجاق

روز یکشنبه آخر ربعه

ائندوخ عزم مساجد سبعة

گئتدوخ اولده حمزه تربتینه

شهادی اُحد زیارتینه

اوردا یتیمیش نفر شهید خدا

بالاخص حمزه سیدالشهدا

اوردا اولدوخ توسله مشغول

اوخودوخ آغلادوخ حزین و ملول

لب خندقده مسجد سلمان

روحینه فاتحه اولوب احسان

کاروان مسجد قبايه گلوب

ذکر تسبیحیله دعایه گلوب

مسجدین نظمینه دئدوخ مرسی

سنّی لردن گرک آلاخ درسی

مسجدین نظمینه نظافتینه

چوخ مواظبدیلر حفاظتینه

واقعاً من دیین نماز اوردا

هم تومأئینه امتیاز اوردا

نمازا اشتھالری چوخدی

حیف امّا علی لری یوخدی

من طریق نجاتی بوشلامارام

من علی سیز نمازی خوشلامارام

سنّی لر اوردا اشتباه ائلیوب

مسجدی یاخشی خوابگاه ائلیوب

اولارین مذهبینده خواب گران

باطل ائتمور وضولری آی جان

هره بیر سمتیده گئدور چورتا

شاید اوچ دوردونی سالور شورتا

یوخودان دورجاقین دولور نمازا

یوخونون یوخ زیانی دستمازا

هامی ادیانندن علی‌المعلوم
 یوخی اسلام تک اولان مظلوم
 هر مسلمان بدون اندیشه
 ریشه‌ی دینینه وورور تیشه
 هره اسلامی بوردی بیر طرفه
 هئچ بیرى نایل اولمادی هدفه
 هر گلن با شعار دینداری
 ووردی اسلامه ضربه کاری
 دشمنان ضربه ضربه اوستوندن
 دوستان حربه حربه اوستوندن
 گنه بوندان بئله دوام ائلیوب
 هامی کفاری تلخکام ائلیوب
 سنی‌لرده حقا منظمی
 بیر امام علی‌لری کمدی
 نه مساجده قیل و قال و صدا
 قیر ایگی، باشماق اوغروسی ایدا
 چاق و چله تمام پیر و جوان
 هروئیندن نه نام وار نه نشان
 کارواندان بیرى مریض اولدی
 سکتہ مغزندن یازیق سولدی

نچه گون اولدی بستی بیمار

آزمایش چکاب و عکس و نوار

بیز دئدوخ ئولمه‌میش جانی چیخاجاق

ایکی اوچ یوز مینه بو ایش باخاجاق

بئله بهدارینی اولا آباد

بیر تومن آلمادی ائدوب آزاد

حاجینون داخلی و خارجه‌سی

مفت و مجانی‌دی معالجه‌سی

ایشی سالمیش نظامه آل سعود

ذره یوخ اقتصادیده کمبود

دئدیم ایراندا کیم مریض اولسا

ئولسه زیر عملده قورتولسا

ضبط ائدرلر تمام ثروتینی

یا که توقیف ائدرلر عورتینی

قالسا دارائی هر زادین آلاچاق

ئولسه‌ده بانگ آروادین آلاچاق

گونوزی غرق بحر نعمتیدوخ

گنجه عالی هتله راحتیدوخ

دولاناردوخ بهشت باغلارینی

یعنی پیغمبرین رواقلارینی

اٲون آباد یا رسول الله

اٲ بیزی شاد یا رسول الله

قویما دوشسون فشاره زوارون

ایله امداد یا رسول الله

جان وٲرنده بو آغلیانلاریوی

سنده اٲت یاد یا رسول الله

ایسته معبوددان ایلسین اوددان

بیزی آزاد یا رسول الله

ظلم ثانی دن ایلروخ شب و روز

داد و فریاد یا رسول الله

اگلشوب اوز اٲوینده آغلاماقی

اولدی ایراد یا رسول الله

آغلیاندا وورورلا شیعه لری

قوم بیداد یا رسول الله

گٲجه گوندوز بقیعی بوشلاماروخ

قویسا جلااد یا رسول الله

آتما گوزدن «کریمی» شاعریوی

روز میعاد یا رسول الله

حیف او ساعاته حیف او اوقاته

نصفی چیخدی خرید سوغاته

چمدانلار شیشوب بوشالدى دولار

بوشالانلار بلى دولارلا دولار

رسم عالمدى اولماسا سوغات

تلخ اولار خانواديه اوقات

بیزده بیر قدری رطب و یابسدن

آلدوخ القصه یاشیدان پیسدن

یدی گون سرعتيله اولدی تمام

اولدی آیدین صباحلر آخشام

وقت او وقت اولدی انقطاع ائلیاخ

قبر پیغمبری وداع ائلیاخ

خدا حافظی

ای رسول خدا خدا حافظ سنه جانلار فدا خدا حافظ

التماسيله گلمشوخ قاپووا گئدیروخ سال یولا خدا حافظ

ذکریمیز دیلده یا عزیزالله سن آقا بیز گدا خدا حافظ

سیز مسلم گدایه یوخ دئمه سوز سیزده یوخ حرف لا خدا حافظ

اولمشوخ قبریوه پناهنده دیلده شکر و ثنا خدا حافظ

التماس دعا ائدنلریوین حاجتین ائت روا خدا حافظ

چوخ دولاندوخ بولنمدوخ هارادی قبر خیرالنسا خدا حافظ

میهمانه دیرله خوش گلدون دئمه لا مرحبا خدا حافظ

ای بقیعی	اندن صفاده بهشت	حسن	مجتبا	خدا حافظ
قربانوخ	دوگرانان جگرلریوه	خلف	مرتضا	خدا حافظ
ای قولی	باغلی ناقه لر اوسته	آج	سوسوز مبتلا	خدا حافظ
شامده اود	توکردیلر باشووا	آقا	زین العبا	خدا حافظ
باقرالعلوم	حضرت باقر	ای	اسیر جفا	خدا حافظ
صادق الوعد	جعفر صادق	مهربان	پیشوا	خدا حافظ
ای ابوالفضل	آناسی امّ بنین	کان	حجب و حیا	خدا حافظ
خانم آند اولسون	اوغلون عباسه	دگیلوخ	بی وفا	خدا حافظ
خانم احسان	ایله گلن ایله تک	بیزه	بیر کربلا	خدا حافظ
ای علینون	آناسی بنت اسد	مادر	مرتضا	خدا حافظ
گندیروخ	روحیمیز بقیعه قالور	روح	تندن جدا	خدا حافظ
آیریلقددا داش	آغلاسا یری وار	یوخ	بو درده دوا	خدا حافظ

من «کریمی» بو درگهین ایتی یم

ایله بیر پای عطا خدا حافظ

آلماسام	بیر برات کرب وبلا	چکمرم	ال آقا	خدا حافظ
دایاناخ	خیمه لر قباقینده	دیلده شور و نوا		خدا حافظ
سس قاتاخ	شاه کربلا سسینه	باجی یا زینبا		خدا حافظ
جان سنون	جان حرملرین گئدیلم	آغلاما	آغلاما	خدا حافظ
باجی مندن	صورا ائوون یخیلار	باشوه	سال قرا	خدا حافظ
قورو یرده	گئجه نمازونده	منی ده	ائت دعا	خدا حافظ

قویما وورسون رقیه می دشمن سسله سین وای بابا خداحافظ
 قل فَاَمَّا الْيَتِيمَ لَا تَقْهَرِ اجری وار مرحبا خداحافظ
 قوری یرلرده گل کیمی سولاجاق
 باجی آخرده غصه مرگ اولاجاق

گون قوتاردی مدینه دن گئدیروخ	قبر پیغمبری وداع ائدیروخ
گنه بیر جلسه وئردیلر تشکیل	کادر فنیدقدان ائتدیلر تجلیل
گلدی حاجی عنایتی گوروشه	هم گوروشمه ئوپوشمه دوشدی ایشه
اوخودوخ آغلادوخ ملول اولدوخ	شهر وحی نبی دن آیریلدوخ
حق امام جمعیه وئروب قدرت	یارادیب قلیلرده گرمیت
وار سید هاشمی ده آغلار گوز	هم عطائی ده خوش ادا خوش یوز
کیم بو رخشیده یولانا سفره	رخش رستم چاتوب او بختوره
خداحافظ اولوندی بالاخره	بیزه مقصدی مسجد شجره
باغ جنت مثالیدی شجره	گلستاندان صفالیدی شجره
غسلی وار دستمازی وار اورانین	آلتی رکعت نمازی وار اورانین
گئیدون احرامی ایش تمام اولدی	یرمی دورد شیء سنه حرام اولدی
مجرما مُحرم اول حریمده سن	حرمت ائت محرم کریمده سن
گل کیمی پاک و صاف شبنم تک	سعی ائله چات صفایه زمزم تک
قوی کناره لباس زیبانی	آت باشوندان خیال دنیانی
ایکی پارچا کفندی احرامون	بی ریا پیرهندی احرامون
ذکر . لبیکی ایلدوخ تکرار	اللّٰهین بیتینه اولاخ زوَار

هامی یکرنگ اولوب فقیر و غنی اوزگه بیر عالمه آپاردی منی
 یادیمه دوشدی محشر عرصات هامی یاولینا دییر کرات
 آناسی مریمی آتار عیسا ذکر این المفردی وانفسا
 اوردا یعقوب یوسفین اوتورر هره اوز کوله بارینی گوتورر
 خلق بنزر جراد منتشره یر یاریلسا اگر گیرلله یره
 بیر ترازو قورارلا خیر و شره انّ مثقال خیر و شرّ یره
 سنی وئرم الهی بیته قسم او ترازو یانیندا ایله کرم
 اشکیمیزدن سو سپ نهادیمیزه فوری گوندر حسینی دادیمیزه
 یانمارام من اوتا قیامتده وار آقام منصب شفاعتده
 ایلسه کارنامه می امضا منه ائتمزله حشرده ایذا

هر کیمون وار حسین تک آقاسی

یوخدی اوتدان هراس و پرواسی

هامی اولدوخ سوار ازابه شاما کشمش پلودی نوشابه
 شکر خلاق جنّة الناسه کاروان اندی برج العباسه
 ایکی ساعت هتله خواب ائلدوخ صبح بیته طرف شتاب ائلدوخ
 تا گوزوم دوشدی بیت زیبایه روحیم اوج ائتدی عرش اعلايه
 حاجی داود و بنده حبّی وند احدی خانواده لر خرسند
 راستوراندا حرمده باهمیدوخ گئجه گوندوز صفالی همدیدوخ
 یولداش اولسان سفرده نااهله حنظله توش اولار ابی جهله
 سؤزلری بینیه اولار سوهان ایشلری کوله باریوه کوهان

وار کریمدن «کریمیه» بو کرم همسفردن همیشه بختورم

طالعیم اهل ائدوبدی یولداشیمی

یوخسا یولدا آزدیلر باشیمی

حجرالاسوده تا دوشدی گوزوم عمق تاریخه رجوع ائتدیم اوزوم

باشینون چوخدی بلاسی حجرین اودی وار قدر و بهاسی حجرین

غرق اولوب گاهی سینوب گاه یانوب بویانوب هر غمه جبره دایانوب

آغیدی گه سارالوب گه قارالوب تا اوزین درگه اعلایه سالوب

یتوروب عزتین اعلایه جلی بیر قره داشدی اولوب الله علی

ایستوسن گر چاتاسان منزلته تاپاسان یول حرم معرفته

اوزون اولده گرک سیندیراسان آتش آهیله دل یاندیراسان

جوماسان چاه غمه قویلاناسان اشک خونابه سینه ایسلاناسان

باشیوی درد و بلایه سالاسان رتبهی عبدی اطغنی آلاسان

دؤزمسه بوتهده زر تاب و تبه نجه دسبند اولی بیر غنچه لبه

گوگل آئینه سین ائت عشقه صاف قوی ملائک سنی ائتسونله طواف

قابل فیض ائله سن مظهریوی حجرالاسود ئوپر اللریوی

نطفه سن درّ تک اول قابل فیض نه که هر کهنه لره لکّهی حیض

داشدان اسکیک دگوسن ایله تلاش قالما داشدان دالی آی باشیوه داش

بیتیدی کعبه دی آیدیندی فضا هم یتور جسمه همی روحه غذا

ایله بسلولله گلن مشترینی بسله مزلر او سیاق پرورینی

کتلی قارداش یخیلوب سود گولونه موزو بش بش اوتورور دنبولونه

سو ایچن کتده باتق قابلامادا سوسوزاندا دیوری الکاناذا!
شاغی که دادمیوب عمرینده، آلی دریسیلن گوهلیر پرتقالی
سیفعلی گور نه یتوبدور رفاها پله برقیله گئدیر مستراحا
دویماسا گارسونا تئز ایلر عتاب انا لاسیر آد تازه کباب
گئتمیوب مکتبه بولمور ضربه اولدی بش گونده مسلط عربه
حاجی، الخبز بیرآز سوسدا بیار گل تمیزله میزی لا بوردا خیار
اخی واحد بطری آب بیار انا الّوز یکه‌سین لیس خیار
انا هذا نزعم دل بالیقا باسارام سبزی خورش باسما‌لیقا
کتده یوز دفعه سینیق پله چیخور باخ آسانسور یوباناندا داریخیر
ایلده بیر دفعه چیمردی تیانا سحر آخشام تیلور گونده وانا
حاجی تلویزیون این کوپه خراب شیرما که آچيسان کم گلور آب
یاری ترکی یاری فارسی عربی تازا بیر دیل گتیروب چیلپاق آبی
کو قاتق لیس مربّا و کره تئز گتور ماء مبرّد مَظْره
چالا سرده یوونان دوشسه وانا دیلینی کندینی وار حقّی دانا
ائشیدوبسن او مغانجیقلی کیشی قیزی وئردی اره اصفهانا
نئچه ایلدن صورا داماد و عروس مودولان وارد اولوبلار مغانا
دودی عینک باشی فرفر مینی‌ژوب نه‌نه گورجک قیزی سسلندی جانا
عینکین هر گوزی بیر نلبکی تک باشا بیر بوک قویوب اوخشور قازانا
لاکلی دیرناقلار اوزون مثل شنه ماسکی آغزیندا باخون بیر خوخانا
دیک دابان باشماقلان شیشه جوراب یولی اوینور دیه‌سن یازدا دانا

مودی کتلیدی اولوبدی ژیگولت
 قیز گوروب شدهنی شلطة تومانی
 آنا بسمارلادی ئوپسین بالاسین
 تنز کاغاذ دسمالی کیفدن چیخادوب
 دولانوب دوشدی قالاقلاره گوزی
 بهر چیست این کوله‌های الکی
 آنا گوردی قیزی لحنین دگیشوب
 دئدی جندا تانیمورسان بولاری
 آد عوضدی مود عوض هر زاد عوض
 قربان اولام او تناور آغا
 نه که سنبل کیمی جزئی یلین
 من سهند او غلویام آذر بالاسی
 دوزلودی خوشدی شیرین دیلدی دیلیم
 نئچه دیل، بولسم او قدری آدامام
 آنامین بال دیلینی بوشلامارام
 دینی دانما دیلیوین قدرینی بول
 دوه‌چی مینسه دوو یا توپوتا
 ایتورر هم اوزونی هم سؤزونی

آدی معصیدی اولوبدی مسانا
 نه‌نه‌سیندن یوزونی دوتدی یانا
 قاریشوب اودکولون عطری سامانا
 ماچینون سیلدی یریندن نشانا
 دئدی این «دینگه» بگو چیست آنا
 میکروب است من «قیدیرم» راستوران
 قالاقا دینگه دیور دیس قازانا
 بوردا یوز دفعه و..... چوبانا
 یری وار کتلی دیننده اوتانا
 دائم اوز اصلینون اوسته دایانا
 اسه گاهی بویانا گاه اویانا
 دیلیمی وئرمم عادت یالانا
 اگرم انگیمی اوزگه زبانا
 هر دیل انسانه ضروری دی قانا
 قربان اولام منه لای‌لای چالانا
 چیخما زیوندن اوزون سالما قانا
 یا پهنلیکدن آشا پارلمانا
 دیل سیغیشماز دیله میل میلچی دانا

ای «کریمی» تازا برنامه‌نی یاز

حاشیه گئتمه سفرنامه‌نی یاز

عصره باخ نعمت و آسایشه باخ	بیزده علم و ادبه کاهشه باخ
خلق مریخن اعلان یازیری	بیزیم آرواد توالته آزیری
دای گلون آز الناخ آز ساتیلاخ	لااقل بیزده بیر آتدیم آتیلخ
دوه تک باشلامیشوخ خیخلاماقا	هامی گلدی بیزی گئچدی قاباقا
قارقوبدی تاری بیز تک بشری	نقدر چوخ یاتانین آزدی شری
دورسا مین مفسده برپا انده جاق	اوزی هئچ عالمی رسوا انده جاق
کیم داداندیردی بیزه تازه لری	وئردیلر جن قره واشه جگری
نه تشکر نه تفکر نه آدب	بیز نه توکده بشروخ یاللعجب
بوز پیشیک تک ییور اویناقلیوری	نازلادیرسان سنی جیرماقلیوری
دیوسن عیینی ناراحت اولور	دئوسن جامعیه زحمت اولور
دویوری قارنی کثافت یارادیر	آج قالور جرم و جنایت یارادیر
ای اوغول آز یاشا کوندملی یاشا	ساز کیمی سوزلی یاشا ملی یاشا
وئرلن نعمته کفران ائلمه	بنده سن آله‌ها عصیان ائلمه
گئتسه اوردک داداشیم قاز یریشی	جرجنگ اولسا قالار یرده بشی
مگه بیر شهریدی خوش نقش ونگار	هله پیغمبری بوجهلده وار
قالوری هم عمری هم علیسی	همی فرزانه‌سی همده دلیسی
یاخشی‌دا پیس‌دا سؤزون خاتمه‌سی	هله وار عایشه‌سی فاطمه‌سی
خوش او شخصه وئره لبیکه صدا	دیهه لبیکینه لبیک خدا

گئجه گوندوز تمل عمری بیچور
 قورخورام دوشمیه فرصت الیمه
 ای جوان فرصتی وئرمه هدره
 نه دیلوندن گلی لیک دیه
 حاجی که باشدا طاباقدا دولانا
 چرخین اوسته ائلیه سعی صفا
 اومما تفریح و سیاحت قوجادان
 قصه غصه و غمدور قوجالیق
 قوجالیق ایلدی آواره منی

قویمادی داغدا چیخام غاره منی

ائتمدوخ فیض زیارته قصور
 مشعر و رمی جمر مزدلفه
 لطف حق حالیمیزه شاملیدی
 قافله قافله لر پوزلوسیدی
 حیف اولا گورمه لی گونلر قوتولور
 حیف اولسون بو گوزل لحظه لره
 احدی گتدی هتله ندادا
 تتر خبر وئردیله صاحب هتله
 آخرین شبی تمنا گئجه سی
 کعبه دن آیریلیروخ حسرتله
 غار حرا جبل ثوریه نور
 مسجد خیف و منا و عرفه
 فیضیمیز بالاخره کاملیدی
 ملامیز ملالارین دوزلوسیدی
 گون قوتولدوخجا اورکلر دوتولور
 یدّی گون ثانیه گلمور نظره
 کلید ایتدی هامی قالدی قاپیدا
 قفلی سیندیردیللا چوخ زحمتله
 کعبه ی عشقه تماشا گئجه سی
 گوز دولی اشگ گوگل محنتله

آخرین صبحیدی گئدوخ حرمه گنه قویدوخ یوزی باب کرمه
ای خدا وئر نه وئیرسن گئدیروخ بو گوزل بیتی خدا ترک ائدیروخ
ائوون آباد اولای کان کرم گونی گوندن آباد اولسون بو حرم
بارالها هامیا قسمت ائله گاه گاهی بیزی ده دعوت ائله

هانی بیزده او لیاقت او کمال

شکر احسانوه عاجزدی مقال

قوناق اولسا نقدر پست و رذیل اونی قووماز قاپیدان شخص جلیل
عذر تقصیریمیزی ایله قبول بیزی قووما قاپیدان ائتمه ملول
گلمیشوخ بو قاپیدان بیر پای آلاخ قاپی وار بو قاپیدان غیری چالاخ؟
ائو سنوندی ملکا بنده سنون قویما بندهن اولای شرمنده سنون
صرف صبحانیه گلدوخ هتله نجه صبحانه فقط یی ات ایله
ناهار یی شامی گلمز دئماقا واقعاً خوش یتیشیرلر قوناقا
بئله که وقت ائدوللر یماقا گنه باشلور چوخی نقیلداماقا
ساکلاری کیفلری وئردوخ ماشینا دیه سن قافله ایستور داشینا
ائله بیل مکه نی ترک ائتمه لیوخ جدیه یوز چوویروب گئتمه لیوخ
قاخدی طیاره گویه مثل عقاب سرعتینده دیه سن تیر شهاب
جسمیمیز عالم بالاده گزیر اسمیمیز پستیدی سفلاده گزیر
جسمیمیز گویده بولوددان یوخاری فکریمیز یرده گزیر یوخ چیخاری
گوردوم اوچ دورد نفر ایستور ساواشا گل بیزیم عقلیمیزه انت تماشا

دورا بولمور ایاق اوستونده آشیر

بو وسایل بونا باخ گور یاراشیر

غرض اولدی محکم کمر بندلر
 گوزل صرف شام اولدی طیّارده
 اولوندی همه گونه خدمت بیزه
 همان لحظه اشکاله برخورد ائدوب
 بیرری یا ابوالفضل بیرری یا حسین
 یوخی قاچدی گوزلر چیخوب کَلّیه
 دئدیم آز بئله شور و فریاد ائدون
 نه اینکه دوشنده گیره مشگله
 فرودگاهدا کادری هواپیمانین
 دیوردی حیف خشلنن پوللارا
 نه ییم وار منیم مگّه ده بولمدیم
 دئدیم بارالها ندور مصلحت
 بیرری کعبه دن اوتری قربان دیور

اونا قسمت اولمور پریشان گئدیر

بو بدبخت بیمان پشیمان گئدیر

بیرری آغلور حسرت چکور بی شکیب
 آتام بیته حسرت قالبوب آغلادی
 بیرری معتقد دور قالبوب قسمته
 بیرری منتظر دی فقط دعوته
 بو سؤزلر سالوبدی منی حیرته
 اوزومه اوزیم بيله وئردیم جواب

اونا بو زیارتلر اولمور نصیب
 ئولوب آرزو دفترین باغلادی
 بیرری سویلوری بسته دی همته
 بو سؤزلر سالوبدی منی حیرته
 اوزومه اوزیم بيله وئردیم جواب

قوناق هر کیم اولسا مکرمدیلر دگول یاخشی پیس سئچمه درهمدیلر
 قاپی چون مقدّسدی وسعتلیدی گلن محترمدی شرافتلیدی
 بو دریاه قطره دوشر کَر اولار بو درگهده هر کیم هوره حرّ اولار
 خدا ایلسون دوسلاری سرفراز که بیزدن ائدوبلر گوزل پیشواز
 باجی قارداش اقوام عشیره تمام گلوب پیشوازه به صد احترام
 منیم بوینوما حلقه گل سالدیلار خوش آمد دیوب دوره می آلدیلار
 اوزرلیک سالوب شاد و خندان بیزه کسوبلر نه عزتله قربان بیزه
 الهی هامی زایری شادکام یتور اهل و اولادینه والسّلام
 نصیب ائت خدا جمله شایقلمه هامی آرزومند و عاشقلمه
 ساغ اول ای «کریمی» سلامت یاشا سفرنامه ی عمره چاتدی باشا

امیدیم وار آغزون دولی داد قالا

اوزون اولماسوندا گوزل آد قالا

گلنلر سنی خیریه یاد ائدر دعائیه صلواتله شاد ائدر

گلن بیر کادو گتدی احسان ائدوب

منه قلبدن مهرین اعلان ائدوب

دئدیم هر نه ائتسز محبت منه یازالار حساب حق ذوالمنه

اُطْلُبُوا الْعِلْمَ مِنَ الْمَهْدِ إِلَى اللَّحْدِ

امید آتیه‌ی کشور است دانشجو
 به آسمان ادب اختر است دانشجو
 بقدر دانش و علم است عیار شخصیت
 زر است دانش اگر، زرگر است دانشجو
 مسلم است ز دانش جوان شود دل پیر
 همیشه تشنه این ساغر است دانشجو
 ز لطف پیروی رهبران علم و ادب
 برای جامعه خود رهبر است دانشجو
 بگفته‌اند: ادب المرء خیر من ذهبه
 خزینه گهر است و زر است دانشجو
 فضیلتی نتوان یافت بی مزیت علم
 به اوج مرتبه بال و پر است دانشجو
 صفای عمر نبینی بدون دانش و علم
 بلی به پیکر ملت سر است دانشجو
 برای فتح و ظفر سنگر است دانشگاه
 به پادگان وطن لشکر است دانشجو
 ز حق سعی معلّم به باغ فضل و هنر
 به نخل عمر معلّم، بر است دانشجو
 «کریمیا» طلب علم را فریضه بدان
 مطیع حضرت پیغمبر است دانشجو

دانشجو

چراغ محفل عشق و صفادی دانشجو

حدیث اطلبوا العلم بهادی دانشجو

مرگبی شهدانین قانیندان افضلدی

طلای ناییدی، یوخ کیمیادی دانشجو

اگر چه لنگیدی علمین همیشه بازاری

الینده ثروتی وار خودکفادی دانشجو

بویوک فریضه‌دی اسلامیانه کسب کمال

همان فریضیه مشکل‌گشادی دانشجو

داريخماسین زحماتیندن آلماسا بهره

غنی‌دی هم‌نفس انبیادی دانشجو

عملسيز علم ضرردی، بالدی وزر و وبال

خوشا ئوز علمینه گر متکادی دانشجو

شرافته یتورن شخصی علم و تقوادی

قوی‌دی پیکر علمه قوادی دانشجو

گرک مساجده اولسون نمونه دانشگاه

الونده عبدی اطعنی عصادی دانشجو

غلطدی شاید عبادت بدون دانش علم

عبادت اهلینه خوش رهنمادی دانشجو

اگر ضمیر اولوالعلم يَقْذِفُ اللَّهُ

گوزلدی ترجمه من یشادی دانشجو

یورولمیون طلب علم ائدون ولو بالسین

همیشه دانش و دینه فدای دانشجو

بشر سعادت چاتماز بدون دانش و دین

فدای دانش و دین خدای دانشجو

چراغ دانش الینده اولان یولون آزماز

اگر یولون آزا اهل خطادی دانشجو

«کریمیا» سنه اوستاد شعر ذاکردی

بویوردی قدرینی بولسه آقادی دانشجو



سؤزوم بیر عدیه شهد و شکردی

که پندی طنزله قاتماق هندی

ولی بیر عدّه‌نین که قندی واردی

قبول ائتمز اونا شیرین ضرردی

فارغ التحصیل

به مکتب فارغ التحصیل گشتم
کنون در منطق عرفان فزونم
مرا اوستاد از اهل قلم کرد
کنون اندر کلام الله نونم
من آن بینم که بعضیها نینند
خبیر سرّ ما لا تعلمونم
معلّم داد ما را افضلیّت
که بینا بر همه مایسטרورنم
بلی علم است انسان را شرافت
اگر جاهل شوم خوار و زبونم
رهین منّت آموزگارم
که او کرده ست دارای شئونم
کنون بر کشور خود افتخارم
ز ننگ جهل و نادانی برونم



چون منیم پاتلتیم، پوزوم یوخی
خلق ایچینه دادیم دوزوم یوخی
یدی یرده تاپولموری منه یر
یدی گویده بیر اولدوزوم یوخی
بیر بئله قاچما مندن ای گوزه لیم
ووراغان بولمه بوینوزوم یوخی

آرزوی دیدار دلدار

سوورم بزم اولا خلوت من اولام یاریم اولا

الده زلفون کیمی سر رشته اسراریم اولا

جام یاقوت لبوندن من اولام مست و خراب

گل و پروانه و شمع و دل هشیاریم اولا

قول سالام گردنیوه قول سالاسان گردنیمه

بوسه تکراریم اولا سنله سروکاریم اولا

آتش سینه ده نازک دلی بریان ائلیم

گوزلریم تک سنه پیمانه سرشاریم اولا

خال شبرنگووی مه چهره ده تفسیر ائلیم

طاق ابرو کیمی الده خط پرگاریم اولا

آسلانام قامت شمشادیوه منصور کیمی

دار دلدارده حلاج صفت داریم اولا

ائده سن چشم خماريله منه گاه نگاه

او گوزل باخمادا جانندان سنه ایثاریم اولا

عشق و عرفانی من عاشقلمه معنی ائده رم

اگر ارشادیمه شمسیم اولا عطاریم اولا

ثمن بخش دراهیمه ساتیلسام نه گوزل

پیرزن خوشدی کلافيله خریداریم اولا

من که ربّی آرنی انظر الیک دئمرم

اگر اخلاصیله دلداریه دیداریم اولاً

شاهدیمدی وَاَنَا أَقْرَبُ مِنْ حَبْلِ وَرید

یار منلندی منیم خوش دگی انکاریم اولاً

نئجه بیگانه‌دی بیر جان ایکی قالبده مگر

یار باهمدی منیله چتین اغیاریم اولاً

من «کریمی» چاتارام چشمه حیوانه اگر

دوتا سینمیش قولومی خضر مددکاریم اولاً



عجب بی‌بندوبار اولدی جماعت

داغیلدی رحم و انصاف و مروّت

نه شرم و نه حیا دین و دیانت

فقط پولدی ملاک آدمیت



نه‌نه پولدی دده پولدی کومک پول

فریضه پولدی لازم پول گرک پول

کیشی آرواد پولاً ایلور ستایش

دیور یا لیتنا کُنا مَعک پول

دنیا مکافاتخاندی

سن بونون باخما بوزوشموش زادینا
 شفتالو لوئله سیدی باخ دادینا
 ایسلادار قینانا قاخ ئوز ارینه
 هولونی نیسگیل ائدر دامادینا
 قیناتا تازه نی ساخلار گلینه
 کهنه نی گیدیرر ئوز آروادینا
 قینانا کوفته نی ساخلار قیزینا
 پوخ یدیردر گلینون هر زادینا
 قیزینی گورمه ناراحت اولار
 گلین ئیللر بویی دوشمز یادینا
 دوشونن قینانانین یا گلینون
 ایکی دنیا تاری چاتسین دادینا
 هر آنا ائتسه خیانت گلینه
 انده جاقلاز عوضین اولادینا
 هر گلین قینانایا قورسا کلک
 چالینار قینانالیقدا آدینا
 قوجا دنیا قوجالان قینانادی
 سری یوب مین گلینی زاد مادینا

بوغوب ئوز ارلرینی چم خمیله
 ظاهری بنزیری خوشگل قادینا
 ای «کریمی» عمل خیره چالیش
 توش اولونجا اچلین صیّادینا
 آییق اول دنیا مکافات‌خاندی
 قیز بوگون قیزدی صباح قینانادی

قوجا

ای جوان ایلمه غفلت قوجادان
 اورگش آداب ظرافت قوجادان
 قوجا چم خملی اولار دملی اولار
 قوجانین هر ایشی کوندملی اولار



بویوکلر یانندا خطادور تکلم
 دگول سو اولان یرده جائز تیمم
 ایکی شیء مناسب دگول آنلیاندان
 طویا قاشقباقلی عزایه تبسم

قَالَ عَلَيْهِ السَّلَامُ نِعْمَتَانِ مَجْهُولَتَانِ الصَّحَّةُ وَالْأَمَانُ

گر تو ای دل طالب آسایشی
 غیر از امنیّت چه داری خواهشی
 بهترین نعمت که فوق نعمت است
 ایده آل مرد و زن امنیّت است
 گفت مولا نعمتان مجهولتان
 این دو نعمت هست صحت و الامان
 گر نباشد عافیت اندر بدن
 روح ناشاد است در زندان تن
 گر بدن باشد علیل و ناتوان
 انگین باشد به کامت شوکران
 تندرستی نوبهار زندگی است
 زجر بیماری فشار زندگی است
 نعمت دوّم ولی امنیّت است
 فیض امنیّت وفور نعمت است
 رنگ امنیت نگیرد گر جهان
 می شود قانون جنگل حکمران
 گر نباشد جبهه ها شلاقها
 شهر را ویران کند سارساقها
 قتل و غارتها ز حد افزون شود
 آن زمانها حال ملت چون شود

انتظامی ضامن امنیت است
 پاسبان دارای حسن نیت است
 انتظامی نیروی شب‌زنده‌دار
 باعث آسایش اهل دیار
 قوه‌ی قهریه نیروی نظام
 بر امور شهر بخشد انتظام
 گر همین نیرو نباشد در نظام
 لأبالی و جری باشد عوام
 لاتها در دستها سیگارها
 لوطیان در کوچه و بازارها
 این‌ور آن‌ور در پی صید شکار
 همچو روباهان همه بی‌بند و بار
 هرج و مرج آشوبها پیدا شود
 مال و جان ناموسها یغما شود
 بارالها کن به حق هشت‌وچار
 انتظامات وطن را پایدار
 این قوای جان بکف آماده باش
 هست در آسایش ما در تلاش
 پاسبان سرباز پاسدار و بسیج
 گر نباشد امن مردم هیچ هیچ

«ترکی»

حکمفرما اولماسا، قانون اگر
 دلدورار دنیانی یکسر شور و شر
 اولماسا گر مملکتده پاسبان
 بیر باغا بنزر ولی بی باغبان
 کیم آلا ر جز عامل نظم نظام
 مفسد فی الارضلردن انتقام
 باس بئلی سینسین جنایتکارلارین
 اوغرونون قاتللرین قولدورلارین
 سیندیرون هر حوقابازین حوقاسین
 کشور ایراندا خائن قالماسین
 خلق آلا قرآندن درس روش
 سو ایچه بیر چشمه دن گرگیله میش
 خسته هرگز اولمیون بیر ثانیه
 یار اولون جمهوری اسلامیه
 ریشه کن اولسون بو کشوردن فساد
 سیخماسین نسل جوانی اعتیاد
 حکم قرآنیه رفتار ایلیون
 کشور ایرانی گلزار ایلیون
 مؤمن اولساز یار اولار قرآن بیزه
 گوز تیکوبدی ملت ایران سیزه

سیز نگهبان سوز بو دین و ملت
 سعی ائدون آسایش و امنیت
 سیز شهیدلر قانینه مأمور سوز
 صاحب ثارالله منظور سوز
 سیز وطن سربازیسوز قربان سیزه
 سعی ائدون خصم اولماسین قرآن سیزه
 سیز سبب سیز راحت و آسایشه
 ملتی سوق ایلون آرامشه
 ای خدا سن بول حسینون حرمتی
 آله بیزدن صحت و امنیتی
 اولماسا صحت بدن رنجور اولار
 امنسوز هم جامعه ناجور اولار
 بارالها خاطر میر حجاز
 پرچم اسلامی ایله سرفراز
 ای «کریمی» شکر ائله بو نعمته
 اول دعاگو باعث امنیت
 صحت و امنیتین یوخ قیمتی
 اله تا واردی بولونمز لذتی
 سیز شهیدلر روحینی شاد ایلون
 بیر اوجا صلواتیله یاد ایلون

ھارا گئندی

اللہ او قدیمکی رمضانلار ھارا گئندی
گلدستہده لذتلی اذانلار ھارا گئندی



واعظلره آیات و احادیثیدی گفتار
منبرده نه رادیو تیلویزیون نه بو اخبار
مین درده اولوب امت مرحومه گرفتار
احیالره برنامه یازانلار ھارا گئندی
افطاره آچاردی قاپوسین اهل سخاوت
همسایه لری افطارا ایلردیله دعوت
فرنی کوکو آش رشته پلو ایچمه لی شربت
کوندملی غذا دملی قازانلار ھارا گئندی
میزان ترهزی هولکاریلان^۱ وقتی تانیردوق
ایستردی خروس بانلیا فوراً او یانیردوق
آی دوزدی یا کم یکدی ائشیدجک اینانیردوق
مؤمن کیشیلر دوز اینانانلار ھارا گئندی
ایمدی نمازین حبّی چیخوب ایسته سن آل آت
یاخشی اوروجون کپسولی وار آت باشون آت یات
کهنلدی احادیث و روایاتیلہ آیات
اولدوزلان اوباشدانه دورانلار ھارا گئندی

مرکبدن عجب ایلدوخ اسلامی پیاده
 کهنلدی اوروج گتدی نماز دوشدی کساده
 اسلام جدید اتدی چتین ایشلری ساده

یای گونلری خرمنده یانانلار هارا گتدی

ظاهرده مسلمان نه نماز وار نه نیاز وار
 هر شهرده کتده یوزه دوخسان بنماز وار
 دیندن صورا هر مشغلیه هر شیه باز وار

دین اوسته حیاتین اوتوزانلار هارا گتدی

کیملر بئله کمرنگ ائلیوب ماه صیامی
 نه ذکر و قنوتی نه قعودی نه قیامی
 کل پیسری واردی اوروجا یوخدی دوامی

دوزلی قوجالار نورلی جوانلار هارا گتدی

مین رحمت او ایمانلی عبادتلی جوانه
 شعبان رجبی ملحق ائدردی رمضان
 قرآنی ائدردی اوزونه یار شبانه


بیر هفتهده قرآنی چیخانلار هارا گتدی

شکر ایله «کریمی» هله بو وضع خرابه
 آز چوخ رمضان قویوری خلق حسابه
 وار معتقد آز چوخ هله قرآنه کتابه

بیر گون دییه جاقلار بو زمانلار هارا گتدی



بو دھریں خوش دگول آب و ھواسی
 عجب بدیمنیدی مھمانسراسی
 قوناقہ زھر ایچیردر جای شربت
 عزادور عشرتی قاندور حناسی



بو گونلر بایقوشا بلبل دیوللر
 گلابہ عطر و خارہ گل دیوللر
 یارولار باشینی قانین سیلوللر
 وورولا آغلادولار، گول دیوللر

یامن بدنیاہ اشتغل

عملسيز عالم آج مثليدي بدون ثمر
 نه اوزلرينده اثر وار نه سؤزلرينده كسر
 زمانه عالمي خوار ايستيوپ بسان علي
 وليك جاهله فرصت وئروب بسان عمر
 اگر فساد ائده عالم فساد ائدر عالم
 دوتار زمانه ني ظلمت دوتولسا شمس و قمر
 تاپار نه ظلم و ستمدن فراغه شيخ كبير
 نهده آنا قوجا قيندا ياتاييلور صودامر
 عزيز فاطمه نين قتلينه يازار فتوا
 قويار عليني كناره چو موسي اشعر
 مركبي شهدانين قانندان افضليدي
 هوای نفسه قويلانما سیدی تا بکمر
 اولار كه جاهله بير، بولمديم، نجات وئره
 وليك عالمين عذري غلطدي روز شمر
 سوخالآ كوسسوني ماتحتينه غلاظ و شداد
 او كه بوله بوله حقي دانور به نفع و ضرر
 شريح قاضي نثار ائتدي ديني ديناره
 بير ايش گوروب كه زمين و زمانه ووردی شرر
 اونون او مغلطه فتواسي ناحق امضاسي
 حسيني اوز وطنيندن آيوردی شام و سحر

زری چکر محکہ خلق زردہ مخلوقی

عیار دینہ بویوک امتحاندی سیمیلہ زر

نہ زر ابی ذرہ بازاری ایلوب آزار

خوشا پولی اوزونہ پل بگنسہ راہ گذر

کیمون چراغینی سوندورمدی نسیم اجل

کیمون بساطینی جمع ائتمدی قضا و قدر

مبارک اولمادی ہنچ تازہیہ بو کھنہ رباط

بابا وئورور نوبہ وار پدردن ارث پسر

ہانی بو صومعہدہ عارفان سیر و سلوک

ہانی بو معرکہدہ صاحبان گرز و سپر

او باشلاری کہ باش اگمزدی مالکہ ملکہ

نہ نوعیلہ حشراتہ اولوب محلّ و مَقَرّ

فراست اہلینہ دنیا کتاب عبرتدی

نہ وئر معلّمہ زحمت نہ ایلہ چینہ سفر

کلام ازَلَفَت الجَنّتہ عقیدہ یتور

دالیجا نعرہی هل من مزید نار سقر

جزادہ شیعہی اثنا عشردہ واہمہ یوخ

دوتوبدی جام بلور الدہ ساقی کوثر

«کریمی» عقلیوی تاپشیرما نفس شوم الینہ

بو گ... آپارار عقلی اوردادہ بوردا س...

سویمه لی سفر

سپاس و حمد خداوند حیّ اعلايه
 وئروب او قدر توانا بو طبع شیوايه
 بدیع و قافیه دن وار الیمده بیر فانوس
 گلور تموّجه طبعیم بسان اقیانوس
 سو ایچمه دن منه آساندی جمله برنامه
 ملاحطیله یازام آیدا بیر سفرنامه
 ائدوب بو بندهی مسکینه لطفینی شامل
 بقدر قوّه وارام قول و فعلیمه عامل
 توکلیم اونادی جمله کار و باریمده
 قویوبدی قافیه نی موم تک اختیاریمده
 وئروبدی قلییمه لطف و کرمله آرامش
 که قلب اولماسا آرام یوخدی آسایش
 هزار و سیصد و هشتاد و سه مه آذر
 دوشوبدی باشیمیزه تازه دن هوای سفر
 وفات صادق آل محمد عربی
 اولوبدی هاشمی قُمدان مسافرت سببی
 سالوبدی لطف کرمله «کریمینی» یاده
 اونایلا وار حاجی داود همان علیزاده

مراسمہ گنڈیروخ ہشترودہ واویلا
 اوچ اہل معرکہ شاعردی، نوحہ خوان، ملا
 الہی ساخلاگیلان ہشترودی آفتدن
 بو اوچ نفرده اولان سطوت و صلابتدن
 جناب ہاشمی منبرده ایلدی غوغا
 دالینجا داود عزیزادہ سالدی واویلا
 خدا وئروب حاجی داودہ لحن داودی
 آچاندا آغزین ائدیر مات جملہ موجودی
 علاوہ ہاشیمی احقرده باشلارا قاتدیم
 اوزومده آغلادیم آز چوخدا خلقی آغلادتیم
 سسیمده اولماسا تاثیر وار زبانیمده
 اثر قویوب آقا شعریمده ہم بیانیمده
 نہین دیوم آمان اللہ بیر عدہ خوانندہ
 ناشی شوفر کیمی ہی گاز وئور چکور دندہ
 کلام شاعرہ زینت وئرن گوزل سسدی
 سنون کہ یوخدی سسون بیر آغیز دئدون بسدی
 او بزمہ حاجوی بانیدی مرد پاکنہاد
 محبت ایلدی جدّا بیزہ ائوی آباد
 موحدی اورانین شہرداری نیک صفات
 پتو وئروب دئدی اوستاد آپار چک اوستوہ یات

صداقتیله چوخ اصرار ائدوب علی‌یاری
 آپاردی تبریزه مهمان بیزی گئجه یاری
 سحر دویونجا یدوخ کله‌پاچه‌دن دیلدن
 آغاردی یاسلی قارینلار قوتولدی نیسگیلدن
 گلوب مراغیه هیئتده ائتدیلر شرکت
 امام صادق اوچ ساخلامیشدی جمعیت
 ازله هاشمی منبرده ایلدی طوفان
 دوباره داود علیزاده سالدی شور و فغان
 الهی خاطر طاها و حضرت یاسین
 بیزی آیرما حسیندن به احترام حسین
 مقام قرب الهی‌ده معتبردی حسین
 جزاده تاج شفاعتله مفتخردی حسین
 اونون شفاعتی عنواندی اهل معصیت
 سؤزی خلاصه دیاخ مُنجی بشردی حسین
 ائدر توجّه‌ی خاک سیاهی خاک شفا
 وئرن مسیحه نفس کیمیا نظردی حسین
 حسینُ منی انا من حسین کیمین سؤزیدی
 فؤاد حضرت پیغمبره ثمردی حسین
 شفاعت عشقینه ال چکدی مال و جانیندن
 شفاعته گوره قان ایچره غوطه‌وردی حسین

کلیمه جلوه ائدن نور طور سیناده
 ولکن اُنْظَرَه بی مبتدا خبردی حسین
 حسینون عشقی قیزیلدی عیاری کاملدی
 مقام عشقده عشاقه تاج سردی حسین
 مراغه دن قوتاروب مرحبا تلاشیمیزه
 قیشین گونی سرعین عشقی دولدی باشیمیزه
 سوروجی داود عزیزاده دی ماشین پاترول
 یانیندا هاشمی راضی دگول قوتارسین یول
 اگرچه برف کفن پوش ائدوبدی صحرانی
 «کریمی» فصل بهار ایلوب زمستانی
 سفرده اولسا رفیقون شفیق و وارسته
 یولون مشقتی انسانی ایلمز خسته
 نظر بیر اولسا نه سؤز چپ گلر نه گوز قاماشی
 دییه گوله گئچروخ هشترودی تیکمه داشی
 او قدری دنده چکوب گاز وئروب عزیزاده
 یتیردی پاترولی سرعتله بستان آواده
 یتونجه مرکز سرعینه رخس تک چاپدوخ
 او شهردن حاجی باقر تمدنی تاپدوخ
 نماز قرّة العین رسول اکرمدی
 هر ایشدن آوجب و اولادی هم مقدّمدی

نماز اولماسا اصل اصول دین یوخی

نمازه سست اولان اشخاصیده یقین یوخی

بو یوردی قره‌العینی صلاۃ ختم رسول

تاپار تمام حوائج نمازدان عزّ وصول

قیلوب نمازی ناهاری یدوخ محبتیله

سورا بالیق تک آتیلدوخ سویا ظرافتیله

نه قیل و قال چکیل گلمه هایهو کثرت

کیمه نه ربطی فقط گول بیزیمکیدی خلوت

یتر توافقه عرفاندا شخص خلوته

تجزّد آختارانا فایدا یوخی کثرتده

اولار که گوشه‌نشین ساکت اهل خلوتدی

مقام شامخ عرفاندا پیر حکمتدی

اوچ اهل عشق و محبت، سو مثل آینه صاف

دگولدی یایداکیلار تک کثیف بوله مضاف

سودان چیخان کیمی اولدوخ روانه اردیله

مصاحبون باب ائله قوی گورن دئسون هایبیه

تاپوب مؤذنی، شاهینی، حاجی بهرامی

خصوص قاسمی، مدّاح و شاعر نامی

تمدّنیله علیزاده هاشمی بنده

کباب دشنه اوزونلوقدا بیر قاریش انده

گهی گولوب گهی دنیان انتقاد ائلدوخ
 که منعمینده شب چهلمیدی یاد ائلدوخ
 گئچوب گئدنلره بیر یادگاردور دنیا
 گلنلر آنلیا بی اعتباردور دنیا
 کتاب پند و نصیحتدی باسواد اولانا
 همیشه ایله دعا رحمتیله یاد اولانا
 نمینده واردی عزیزادهنین مصلّاسی
 حسین خانه سی امکانی قصر ویلاسی
 خدا حسینچی لره وئر همیشه آسایش
 که ثروتیله تاپار زندگانی آرایش
 قاچار زمین و زمان بختی قاره مفلسدن
 خانم نئجه یاپیشوب نایلونی قاچور مسدن
 قالوبدی گُللی لیوان تاخجادا رف اوستونده
 هر ائوده داعوادی یکبار مصرف اوستونده
 مسی برنجی سفالی قویوبلا مسخریه
 صاحب چیخان هانی دای کورکه، پالتووا، دری یه
 بوجور که خلق دوشوبلر تعارفیله لجه
 چکله مملکتین اقتصادینی فلجه
 شب نمین بیزه خوش گئچدی چوخ گوزل شبیدی
 وفا و صدق و صفا هر جهت مرتبیدی

گئجه یاتاندا هوا صاف ماه تاباندی
 سحر دوراندا گوردوخ کولکدی طوفاندی
 متیل کیمی داغیلوب کهنه یورقانی فلکین
 یر اوسته پانبوق اکیر، قار نه نه الیر الگین
 دئدیم رفیقلره یول باغلادی ندور چاره
 غریبه گوشه ی غربته قالدوخ آواره
 دئدیله چله ده هرکیم قیزا دوشر بو حالا
 گرک پیشیک کیمی داملاردا نودان اوسته قالا
 قیشین مسافرتی سختیدی مشقتدی
 ولی نه اخذ ائده سن عمردن غنیمتدی
 دیزی سفارشی وئرمیشدی میزبان ناهارا
 بو دادلی شوربا هارا گور چلوکباب هارا
 خلاصه پخت قالب آشپزین لیاقتینه
 الین سلیقه سی ایلر اضافه لذتینه
 هر ائوده هر خانمین امتیازی سلقه سیدی
 نه گوشواره سی دسبندیدی نه حلقه سیدی
 حیاته کیشینون آبروسی عورتدی
 امیدی هم هوسی آرزوسی عورتدی
 کیشی ائدن کیشینی عورتین سلیقه سیدی
 کیمین که بیر دوشونن نازنینی وار بسیدی

خانمدا اولسا نظافت آقادا فهم و شعور
 او ائو بهشتیدی غلمانی اردی همسری حور
 آقا مقدس و مؤمن خانم نماز اهلی
 او ائودن اخذ تبرک ائدر نیاز اهلی
 عمامه سین باشیما قویدی هاشمی او زمان
 عباتی چینگیمه سالدی گوتوردی عکس و نشان
 نمینده بیر گنجهده پیشوای دین اولدوم
 جناب حجة الاسلام مسلمین اولدوم
 دئدیله ملالیق الحق وجودیوه یاراشیر
 چیخاتما قوی قالا روحانیلوخ باشوندان آشیر
 دئدیم منیم بو لباسه لیاقتیم یوخدی
 بونون آغیردی تکالیفی طاقتیم یوخدی
 بونون شرایطی سنگیندی منده یوخدی قبول
 قاباقدا وار وَقْفُوْهُمْ فَإِنَّهُمْ مسئول
 نجه گیوم بو لباسی چتیندی ساخلاماقی
 گرک رعایت اول چرکی، یرتقی، یاماقی
 من حقیره یاراشماز لباس روحانی
 اسیر نفس پلیدم هوای نفسانی
 کثیف ائدن بو لباسی نتیجه سین گوره جاق
 جواب حضرت پیغمبری نجه وئره جاق

گورن دیور بو امام زمانه خادمی
 بونا خیانت ائدن بینوادی نادمدی
 منیم بلالی باشیمدا همین پاپاق بسدی
 باشیما قویما بو عمامه چوخ مقدّسدی
 لباس زهدینی آلوده ائتسه روحانی
 باخا پیمبره محشرده اوندا رو، هانی
 شریح قاضی بدبخت یا ابوموسا
 خیانت ائتدیله اسلامه اولدولار رسوا
 بو آغ لباسی او کسلر که لکّه دار ائلیه
 خدا گرک اونی پیس کیفره دچار ائلیه
 امید وار که اساس اوغروسین گذشت ائده لر
 ولی چتیندی لباس اوغروسین گذشت ائده لر
 سفید جامه دی بو، روسفیده لایقدی
 صدوقه، مجلسیه، شیخ مفیده لایقدی
 عبا عمامه دی روحانیانه کفه امان
 دیرله صاحبینه نایب امام زمان
 غرض قفسده قناری نّجه دوشر تولگه
 نمینده بیزده اوجور دوشمیشوخ قارا کولگه
 یدوخ سحر چاقی صبحانه نی بسی خوشحال
 خاما پنیر و تازا بربری گوزل کره بال

بوگون دوشنبه‌دی با ذکر قاضی‌الحاجات

چیخوب نمینی وداع ایلدوخ بشرط حیات

اوتوردی اوچ نفر عالیجناب پاترولدا

دوتاردی هی ماشینون قار قاباقینی یولدا

گوروندی آستارا قیشدان چیخوب یتوردی یازا

گلون بالام قیشی قار شاختانی آتاخ آرازا

دولاندوخ آستارانی پاترول اوز قویوب چوبارا

چلودی ماهیدی آیران لَوَنگیدی ناهارا

یدوخ ناهاری قیزوب تابه آز قالب آلیشا

قووبدی پاترولی داود رخشتک تالیشا

صاقیمدا جنگلیدی زرد و سرخ و سبز الوان

صولومدا مزرعه‌لر، سنّ پیر نشعه جوان

باهاردا یایدا شمالین گوزل سیاحتی وار

ولیک قیشدا یولون دوشسه آیری لذتی وار

آغاجلارین هره‌سی بیر صفاده زیبا رنگ

نه باشون آغریدیم عیناً کتاب «رنگارنگ»

منه سفرده بو توفیقی لطف ائدوب الله

همیشه یاخشی مصاحبله اولموشام همراه

چکردی زحمتیمی، هاشمی، علیزاده

اوغول کیمی آتائین خدمتینده آماده

باخا باخا گله گلزاره جنگله دشته
 دییه گوله یتیشوب کاروانیمیز رشته
 قیلوب نمازی او یرده گنه سوار اولدوخ
 خلاصه جانب طهرانه رهسپار اولدوخ
 تعجبم جریانی یازا یازیم یا قیشا
 چاتاندا تهرانا تبدیل اولوبدی قار یاغیشا
 دوشوب ترافیکه پاترول یوباندی طهراندا
 داریخدیم آز قالا قلییم دایاندی طهراندا
 فراغت اهلی بورا گلسه باغری چاتدیاجاق
 بورا شیشور گونی گوندن نه وقت پاتدیاجاق
 سیلینمیش اوغلانا چوخ باخما سرتیلان قیزا باخ
 کرایه ائت ایکی گوزده چراغ قیرمیزا باخ
 بو افتضاحیله انسانه مرگیدی یاشاماق
 قول ایله بالا بو یرتقا چتندی یاماق
 همیشه کثرت و حسرتدن اجتناب ایله
 موحد اولسان اگر وحدت انتخاب ایله
 خلاصه وارد اولوب نصف شب دیار قُما
 اوچوبدی طایر دل سیر لاله زار قما
 اندر زمین و زمان غبطه طالع سعده
 شب ولادت معصومه ماه ذیقعه

حضور انورینه عرض احترام ائلدیم
صفا‌لی قبرینه بو لحنیه سلام ائلدیم
کریمه‌ی علوی خاندان سلام علیک
یگانه عمّه‌ی صاحب زمان سلام علیک
اادن دیار قمی باغ جتته تبدیل
مزاری کعبه‌ی ایرانیان سلام علیک
گلور زیارتیوه شیعه‌لر قریب و بعید
فدا بو قبریوه معصومه جان سلام علیک
خانم کرم قاپوسین آچمیشان بو شیعه‌لره
گلور رواقیوه پیر و جوان سلام علیک
سبز اهلیت که روی زمینه زینتسوز
زمینه غبطه ائدر آسمان سلام علیک
تول‌دوندی بو گون گلدوخ عیدینه آلاخ
بیزیمده گوزیاشیدی ارمغان سلام علیک
تیکوبدی گوز یولووا قارداشون خراساندا
باجی باجی دیوب ایلر فغان سلام علیک
کریمه‌سن بلی باب‌الحوائجین قیزیسان
ای آستانی ملک پاسبان سلام علیک
وجودوینله اولوب قم مدارس علما
مزاری ملجأ روحانیان سلام علیک

سالیندی رحل اقامت مکان هاشمیه
 بلا یتورمیه حق دودمان هاشمیه
 خدا سلامت ائده خاندان والاسین
 امیرحسین و محمدجواد و زهراسین
 الهی فاطمه صدیقہسین مریض ائلمه
 بو خانوادہنی توش ایلمه بلا و غمه
 بیر عدہ آیت حقین حضورینه گتتدوخ
 زیارت حضرات عظامی درک ائتدوخ
 حضور موسوی اردبیلی و مدنی
 زیارت علمانین ثوابی وار علنی
 جناب موسوی‌یہ صرف شامہ مهمانوخ
 صباح و شام اونون جدینہ ثناخوانوخ
 ادیبی همسفر حج حاجی ایلائی
 ادبلہ ایلدی صبحانہ‌ده پذیرائی
 جناب جعفری عالم مفسر قرآن
 گوزل اثرلر اوزوندن قویوبدی جاویدان
 محبتیلہ بیزی دعوت ایلدی ناھارا
 نہ چون کریمی مبارک قدمدی گتتسه هارا
 سحر نمازینہ هر گون روانیدیم حرمة
 ائدردیم عرض ارادت حضور محترمه

یغیشدی باشیمیزه هرگون اهل فضل و ادب
 بو ارتباطه بلی هاشمی اولوبدی / سبب
 تازا روایت ائشیتدوخ جناب فاضلدن
 یازیم همان جوکی شاید دوشه دیله دیلدن
 سوروشدولار او خانمدان ارون کفی نئجه‌دی
 دئدی موبایل اولوب ائلر، ایشیق گونوم گئجه‌دی
 سحردن آخشاما در دسترس نمی‌باشد
 گئجه‌ده آنتنی وئرمور او بد من اوندان بد
 نئجه موبایلی اوتوز یول دوتاندا خط وئرمور
 بونوندا آنتنی ایشدن دوشوبدی قد وئرمور
 الو الو الو، البنلادینده، سس یوخدی
 ایلان بوز اوسته دونان تک دونوب نفس یوخدی
 بویوک فضیله قائلدی فاضله، فضلا
 لقب وئروب منه مجلسده خوشگل الشعرا
 وصال گونلری گئچدی یتیشدی وقت فراق
 چتیندی واقعاً ایستکلی‌لردن آیریلماق
 وصال لذتی معجوندی خستیه تریاق
 بو شرطیلن دالجا اولماییدی زهر فراق
 اوچ آی بهاری که بلبل گلله همدمدی
 بئله بولر بو گلستان همیشه خرمدی

نقدری واجد و اقبال ووردولار چانه
 گئداخ نئچه گئجه اسلامشهره طهرانه
 قویاق او یرده هواپیما یا سنی خوشحال
 ائداخ بدون تعارف مراغیه ارسال
 دئدیم بیر آزدا یوبانسام خانم آتار داشیمی
 آماندی وئرمیون آرواد قاپازلیا باشیمی
 نئجه که سوغاتا گز مرکزی صفاهاندی
 رضایه‌نینکی نوقولدی قُمینکی سوهاندی
 بو رسمی گوزلدی شوریده‌ی حمیده صفات
 گتوردی اون قوطی سوهان «کریمیه» سوغات
 صفالی بیر کیشیدی عشق صادقانه‌سی وار
 حسینه نوکر خالص حسینخانه‌سی وار
 مراغه‌نینده قدیم سوغات آلمالی واریدی
 سوجوقی باسدیقی صابونی هم بالی واریدی
 دوشاب نشاستا بادام زنجفیلی هلی سوجوق
 دوشوبدی موددان اولوب ایمدی زیرزیلی سوجوق
 گوزل بالیندا شکر کورلاردی وبال ائلدی
 تقلبی حرامی مصلحت حلال ائلدی
 قالور صابون اونودا شامپو فاب کساد ائلیوب
 فساد جامعه تحریم اقتصاد ائلیوب

ادیبی هاشمی زحمت چکوب صداقتله
 منی یتوردیله ترمینالا محبتله
 داخی بو مادر دنیا چتین دوغار منه تای
 ئوپوشدوخ اوردا خداحافظ ایلدوخ بای بای
 فراغتیله اوتوردوم ماشیندا آسوده
 تمیز ماشین نه سیگار توستوسی نه آلوده
 ماشین دگولدی قوجا یائسه شوfer یاوه
 عقاب تک پر آچوب اولدی وارد ساوه
 گئچنده ساوه‌نی گلدی کولک تماشایه
 چوخ احتیاطیله چاتدوخ بوئین زه‌رایه
 ماشیندا گاهی گویه گه یره یولا باخدیم
 بیر آزدا چورتومی ووردوم صاقا صولا باخدیم
 سحر زمانی یتیشدیم مراغیه دلشاد
 مراغه ای آتا یوردوم همیشه قال آباد
 «کریمی» یم دیریلقدن گل آل کناره منی
 آتا آنا نه اکر نه دوغار دوباره منی
 گوزلدی قدریمی بولسن بوگون حیاتیلمده
 صباح الون الووه چالماسان مماتیلمده
 یاتوب یوخوندا گورونجه گور ایندی آشکاردا
 بازاردا باغدا ائویلمده دکاندا بلواردا

بویوکلرین سؤزی اوچ مطلبین اسیریدی خلق
 بیرسی خلق بیرى جلقیدی اوچومجیسی دلُق
 خدایه شکر اوچوندنده بنده بیزارم
 امیدوار کرامات حی غفارم
 بو اوچ مراحل طی ائتمیشم سعادتله
 ندای ارجعی یه حاضرم فراغتله
 الهی قویما منی طعن ده شماتتده
 آقام حسینله محشور ائله قیامتده
 «کریمی» یم وطنه سؤز گتورمیشم سوغات
 به روح پاک شهیدان کربلا صلوات
 مجید سون بشیکیم حاجی عطاءالله
 که حفظ ائده ایکیسینده بلیه دن الله
 ماشین گتوردیله پیشوازیمه محبتیله
 خدایه شکر یتیشدوخ ائوه سلامتیله



اگر دنیا دولانمور دل بخواهون
 اوجاتما گویلره فریاد و آهون
 یی نان خالی نوش ائت آب خالص
 س... عمرون هر زادین کج قوی کلاهون

نشیب و فراز

بش گونلوق عمرلرده نشیب و فرازه باخ
 مردمده کی مذلته باخ اعترازه باخ
 قوزیر بیرین مقامه بیرین رتبه دن سالیر
 اهل بصیرت اول فلک حقه بازه باخ
 بعضیلری اوزور سودا بعضیسی غرق اولور
 دریای زندگی ده درین و دیازه باخ
 بیر ائوده آه و ناله دی شیوندی نوحه دی
 بیر ائوده گل ترانیه آهنگ جازه باخ
 مین شرّ بیرجه خیر عملی باطل ایلمیر
 مین ضیرنادان ضرر یمین دستمازه باخ
 بیر بوسه نین بهاسینه مین دفعه جان وئور
 عاشقده بیر سفاهته دلبرده نازه باخ
 دنیایه چول تیکندی یریندن دوانموری
 بدبخت اولدی آخر عمر درازه باخ
 چوخ عیش و نوشه صرف ائلمه روزگاریوی
 عبرت گوزیله قصّه ی محمود ایازه باخ
 سازلاردا سؤزلر عاشقی اول سوز و سازيله
 نی دن چیخان نوائيله سوز و گدازه باخ

مخلوق خالقین بورا خوب خلقه باغلیدی

مسجده پشت قبله دوران پیشنامه باخ

گیج میج سفیه بو مدرسه دن نمره بیست آلیر

ممتازہ باخ ممیزہ باخ امتیازہ باخ

س- دنیا بو وضعیله نیه باتمیر کریمیا

ج- شب زنده دارلرده کی راز و نیازہ باخ



اگر سو منتیله حاصل اولسون

سویا منتچی ارزش قایل اولسون

وضو آلسان همان آب رواندان

تئز او..... دستمازون باطل اولسون



اگر بوینوندا وار غسل جنابت

بخیلدن سو آلوب ائتمه طهارت

یوما ماتحتیوی قوی پ.... قالسین

آماندی نانجیدن چکمه منت

«صدیقی» دن گلبسرنامه

زیارت ایلمیشدی چون پیمبرین مزارینی
 مراغه ده دونن یدوخ کریمی نون خیارینی
 قوناقه بذل ائدر وارین او کس که پاکباز اولا
 هوای یاره آینه نثار ائدر غبارینی
 اولوب بهانه طنزیمه اونین او گول بسرلری
 قیزیل ساتوب قیزیل آلان بولر قیزیل عیارینی
 حضورینه یازام گرک خلوص نیتيله سؤز
 ولیک شرطی بوردادور سؤزین کسم قرارینی
 بودور سؤزین خلاصه سی که ایستورم یازام اونا
 بجادی شاعره سؤزین بوراخماسین مهارینی
 کریمیه گلن قوناق گرکدی گول بسر یسون؟
 دوتوبدی گول بسر یوکی دوشکچه نین کنارینی
 گرکدی مکه دن گلن قوناقه حرمت ایلسون
 قوناقه حرمت ایلین آلاز نظرده تارینی
 او یر، نه یردی اوردا یوخ چلوکبا بدن خبر
 بُنا به باخ، کبابینون بولورله اشتهارینی
 بو اوستادیمیز مگر نقدری گول بسر یر
 گنچیردیری خیاريله کریمی روزگارینی

هله بیرین قوتار مامیش او بیرسی گول بسر گلور

سویور قویور قباقیمه خیارین آبدارینی

مغازه سینده اولمیا خیار اکور بو بختور

قویوبدی گول بسرلره بو یرده کسب و کارینی

مراغه ده سوجوق نه بول، گتور قوناقه وئر یسون

خیاری زهرمار اولار، آلاز قانین فشارینی

نچه دقیقه دن صورا بو میوه دوندی مُسهله

قارین قیریلتیا دوشوب، چکوب یل انتظارینی

دئدیم حاجی زمان گنچور مرخص ایلیون منی

دئدی که خوشدی میل ائداخ بو بنده نین نهارینی

تعارفيله قورتاروب کلامینی دئدی دایان

دئدیم که اولمیا وئورر گنه منه خیارینی

کتابین اتحاف ائدیپ یازوبدی اوندان بو سؤزی

آپار اوخو کتایمون سراسر ابتکارینی

یازوبدی بیرده بو سؤزی «صدیقی» بینش اهلیدی

اگرچه شعره آلمیوب مدال افتخارینی!

ائنده ترک محضرین دئدیم که تاری حافظون

صدیقی باسدی توریا کریمی یادگارینی

خلاصه ای مراغه نین بویوک هنرلی شاعری

سنون او گول بسرلرون داغیتدی اوز شکارینی

نه پيسلوق ائتموشم سيزه کریمی من فدا سنه
 که دوندروبدی قارقیا سنون ایشون قنارینی
 بو ایش سنون ایشون دگول که ییخميسان منی یره
 طبیبه باخ که گوستروب مریضه شاهکارینی
 قضای حاجت ایلماق منیم امانیمی کسور
 مثله بیر تیوقدی که ییوبدی گهنه دارینی
 خیارلر بو بیکسه بویوک مصیبت آچدیلار
 اجازه وئرسن عرض ائدیم کلامین اختصارینی
 سواریده بو بینوا قضای حاجت ایلدی
 نَجَس دولاندا شورتینا ایتیردی اختیارینی
 سواریده اگرچه من باتیردیم اوستو باشیمی
 ولیک ایستدیم نه چوخ بو فعلین اعتذارینی
 شوفر چیغیردی اوستیمه، دئدی بو ایشلرون نه دی
 باتورميسان کثافته بو گول کیمی سوارینی
 دئدیم که بولميسن هله وبا دوشوبدی شهرده؟
 قویوبلا پاسلی قارنیمه الهینین نوارینی
 ائشیتدی بو سؤزی اودا باتیردی قورخودان اوزین
 مصیبتنه قالب سؤزین ائشیتدی ناگوارینی
 نه ایستوسن وئریم منی یتور مطبّ دکترة
 اجل منيله اوینوری داداش ئولوم قمارینی

خلاصه قیشقیروب منه دئدی پیاده اول عمی

سنون پوخون بو بنده نین خزان ائدوب بهارینی

دئدیم دانیشما وار پولوم، نقدر ایستوسن وئروم

لذا یتوردی دکترة شوفر بلا دُچارینی

دئدیم طبیبه سانجیام الیمده چاره یوخ، ولی

تحمل ایلینمورم فلان یرین قابارینی

اماندی وئر اجازه من سنه اورک سؤزین دیوم

نشان وئرور ایکی گوزوم بو جانین احتضارینی

سُرنگی گوتدی آمپولی چکوب، اونى وورا منه

چوخ آله شوبدی تاپمادی بو بیکسین دامارینی

سُرنگی گورماقیم همان، یخیلماقیم همان اولوب

اوزاتدی قبله طرف شوفر بو جان نثارینی

بیری دئدی که قویمیون کدو کیمی سینوب باشی

باشی دگوبدی بیر زادا، بلی ییخوب بُخارینی

هامی قاچوب بو بینوا مطبى خلوت ایلدی

طبیبه باخ، گوروب ئولی، بوراخدی همجوارینی

او وضع حاليله منى خلاصه سالدیلار یولا

گئجه زمانى بو یازیق تاپوبدی اوز دیارینی

منه خانم سالاندا گوز، چیغیردی ووردی باشینه

دئدی جماله یاخموسان نندى غم غبارینی

باشون گوزون، قولاقلارون باتوبدی قانه ای کیشی
 بو کهنه شالوارین نه دن باتورميسان شیارینی
 دئدیم عیاله آز دانیش، کریمیه قوناقدیم
 گوروم اوچوب خراب اولا مُسافرت حصارینی
 کریمی باره سینده بیر سؤزوم واریمدی گر دئسم
 وار احتمالی اینجیدم ترانه لر هزارینی
 دریغ اولا بو شاعرین اورکده بخل طبعی وار
 خیال ائدیر که بیر قاشق سودور ادب بحارینی
 کتاب شعریمی گوروب یازانمادی که شاعرم
 منیم کران طبعیمه سالانمادی گذارینی
 مناعتی اولان بولر سخنورین مقامینی
 همیشه میوه لی آغاج ائدر هدیه بارینی
 کریمی شاعری گوروب، اونین بولر توانینی
 یقین صبا یلی تانیر چمنلری صحرارینی

باپوزش از محضر استاد سخن حاج میرزا حسین کریمی مراغه ای

شاگرد حقیر شما: سید ابوالفضل صدیقی

پاسخ استاد کریمی به «صدیقی»

چاتدی صدیقینون منه نامه ی باصداقتی
طنزی قاتوب ظرافته محکم ائدوب رفاقتی
گلبسرين کریمین میل ائلیوب مریض اولوب
بولمدی سانجیلاتمادی گلبسرين طبیعتی
بلدهده نابلد قوناق میل ائده نابلد غذا
عمداً آلوبدی جانینه باشینه هر مشقتی
دوست یولوندا آی بالا دوست دوشرمیش اسهالا
قالدی صدیقی پیس حالا الدن اوتوزدی طاقتی
خاصیتینده گلبسر آفت سردی سر به سر
سلب ائدر استقامتی سخت ائدر استراحتی
سانجیلاداندی گلبسر، مرده زیاندی گلبسر
عورته سازگاریدی وار کیشیه اذیتی
گاه فشاری یندیرر، گاه فشاره میندیرر
آغلادی گه سوویندیرر گولمه لیدور حکایتی
جامعه یوز خطردهدی، دوخسانی گلبسردهدی
فتنه و شر بشردهدی درک ائله متن صحبتی
الدن آلان سعادت، سلب ائلین فراغتی
بئله کی تاب و طاقتی گلبسریندی آفتی

قفل وور اشتیاقیوه، سالما اونی قباقیوه

رخنه سالار تفاقیه، یوخدی حیا و عصمتی

آل بو سۆزی خیاردن بر حذر اول خیاردن

چکمه ال اختیاردن بوشلا قدیمکی عادتی

ایلسه گلبسر اثر، قارنی شیشیردی مختصر

صرصر زایمان آسر درک ائدهسن ولادتی

وئر زبانا سۆزین جانی، شاد ائله فاطما سلطانی

یا قیزی وئر یا اوغلانی، سد ائلمه سخاوتی

پردهده یازموشام سۆزی، قوی تاپا آختاران اوزی

منفعلم سۆزین دوزی، من چکورم خجالتی

طبعی جوان صدیقی سن، شعری روان صدیقی سن

اهل بیان صدیقی سن، وار سۆزوین حلاوتی

سن یدیقون خیاریدن منده یدیم کناریدن

بس نیه من پوزولمادیم سنده گوروندی زحمتی

قوخما دوباره گل قوناق آش پیشیریم چاناق چاناق

صبحه نهاره قیقاناق شامه کباب سنتی

دیدن انداخ بنابدن، صرف ائلیاخ کبابدن

فرضدی، هر صوابدن من حاجینون زیارتی

حفظ ائلیاخ حراستی دینه قاتاق سیاستی

بوشلا هوشی فراستی، بلکه تاپاق ریاستی

گل گنه هم جلیس اولاق مونس اولاخ انیس اولاخ

من سنی بادکشه دوتوم، سن منه قوی حجامتی

باور ائله «صدیقی یا» یوخدی «کریمی» ده ریا

وار هامویا ارادتی ثابت اولوب صداقتی

پهنیدی خوان نعمتی، وار شعرايه دعوتی

گورمه لیدی ضیافتی سویمه لیدی نظافتی

گیرمه منیله جنگاها، چک اوزیوی پناهگاها

جانیوی تاپشور اللهآ آزما ره سلامتی

گور یاراشیر حسد منه اولمیا قاتمیسان گنه؟

وای او رفیق حالینه تئز ایتیره محبتی

نسبت بُخل و یا حسد یاخشی دگل «کریمیه»

روشن اولوبدی عالمه، عاطفه سی کرامتی



گلن گلدی شکارین ووردی گنتدی

بش اون گونلوق بساطین قوردی گنتدی

هره بش گون اوز آتین میندی چاپدی

یدی ایچدی اوتوردی دوردی گنتدی

جوابیه صدیقی به اشعار استاد کریمی

خیارون منشأ بحث اولدی، شاعر عُمری وار اولسون
 نقدری واردی بستانلار خیارون آبدار اولسون
 کلامون بسکه شیوادور، بوتون اِغباته دارادور
 سنون طبعون گُهرزادور سزادور زرنگار اولسون
 مزاحه عادتیم واردور، خوش اوز خوش صحبتیم واردور
 سیزه خوش نیتیم واردور، بلا سیزدن کنار اولسون
 صدیقی قیل و قال ائتدی، سیزی فرخنده حال ائتدی
 گوزل طبعون مجال ائتدی که شعرون شعله‌بار اولسون
 کلامون بحرِ گوهردور، نه گوهر تُنگ شکرَدور
 سؤزون قند مکررَدور، یوز ایل عمرون بهار اولسون
 نندور گلِبر قاشدی، چیخوب گلدانه دیرماشدی
 ایشی بو ملتین یاشدی کیمه امیدوار اولسون
 من اول سروم که باریم یوخ، اودور بیر اعتباریم یوخ
 سنون تک غمگساریم یوخ، سؤزوم قوی آشکار اولسون
 شیشوب قارنیم خیاروندن، چیخوب ایش اختیاروندن
 اگر گئچسم دیاروندن بو جانیم سنگسار اولسون
 خیارین بحثینی آچماقدا گولدورماقدی منظوریم
 تصوّر قیلما ای شاعر سؤزومده اعتبار اولسون

مزاح ائتدیم اگر بحث کیاب ائتدیم گئچن سوزده
 اورک قاندور نه لازم دور طعامیم خاویار اولسون
 اوتوز ایل خدمتیمده اولمادیم بیر ادعا اهلی
 اگر بیر مدعی دینمور، دانشسون یا که خوار اولسون
 صداقتده صدیق و صادق و صادق و گنهکارم
 مسلمدور گرک آئینه ده گرد و غبار اولسون
 ریاست یا حراست میزینه جبراً قویولمیشدیم
 صداقت واردی عرضیمده گواهییم کردگار اولسون
 معلّم ائتمدی نادان من نادانی خدمتده
 اجازه وئرمدیم افکاریمه نادان سوار اولسون
 مکدر ائتسه اشعاریم سنی شرمنده احوالیم
 سیزه توهین ائدن یارب ذلیل روزگار اولسون
 عُيُونُ الْفَخْرِ يَجْرِي مِنْ كَلَامِكَ أَيُّهَا الشَّاعِرُ^۱
 سنون تک شاعرین طبعی گرکدور چشمه سار اولسون
 ابوک شاعر طوبی لِآثَارِهِ وَ أَفْكَارِهِ^۲
 آتان شاعردی، ذیحقدور حسینه همجوار اولسون
 أَسِيرُ الْبَطْنِ لَمْ يَخْشَى مِنَ الْجَافِ وَ دَاءِ الْأَكْلِ^۳
 نه قورخوم سفره نین باشینده جورتان بیر تاغار اولسون

۱ ای شاعر چشمه های فخر از کلام تو جاری است.


۲ پدرت شاعر است، خوشا به آثار و افکار وی.

۳ - اسیر شکم از ماست کیسه و درد پر خوری نمی ترسد.

اگر من بذله گو اولسام کریمی اینجیمه مندن
 گرکردور نرگس ساقی مجالسده خمار اولسون
 دوتوبدور شهرتون دنیانی ای شاعر سنه قربان
 هنرمنده گرکردور طبع گهرباری یار اولسون
 سیزه عرض ارادتدور هدف بو شعری یازماقدان
 اگر گتتسم بو دنیادن بو سؤزلر یادگار اولسون
 نه ایسترگوز مگر قاشدان، کوسر قارداشدا قارداشدان؟
 منی «انزاب» آتوب باشدان، گورنمور گولده خار اولسون
 اگر انصافیم اولسا وار ارادت حضرت یاره
 خداوندا گوروم «انزایی» یوز ایل پایدار اولسون
 «کریمی» یا که «انزابه» «صدیقی» بی وفا اولماز
 گوروم یارب آرامیزدا بو دوسلوق استوار اولسون
 اورگ قانیم آخور گوزدن عذاره یارین عشقینده
 قویون یارین گذرگاهی سراسر لاله زار اولسون
 منی عفو ایلون یوردوم سیزی بو چوخ دانیشماقدان
 قلم وئرمور منه فرصت، سؤزیمده اختصار اولسون

آمان الله قوجالقدان

گونده بای بای دیوب احبابه ائدر ال قوجالیق
دوسلارا ماه عسلدن دیر اول قوجالیق



یول گئندنه ایاقی یرده یازار اینگیلسی
پهلوانی چولاق ایلر چول و شل قوجالیق
قمر عارض یاره که غزلر یازیلوب
قمرین قافین ائدر عینه مبدل قوجالیق
ضعف حاليله دوشور زحمته اعضای بدن
قالب تنده ائدیر روحی مُعطّل قوجالیق
ال ووراندا جیریلور یا قیریلور تئز یورولور
اولور اللرده گزن کهنه «مطول» قوجالیق
آدام ایام جوانلیقدا نه لذت قازانیر
هاموسین قوسدورور عمری ائدیر اردل قوجالیق
صنما سرو و صنوبر کیمی شوخ قامتوی
ائده جاق بیر ائشیگه آتمالی صندل قوجالیق
یورم معده یریتور یمورم آج قالیرام
عجب انسانین آچور باشینه انگل قوجالیق
تا یاشون قیرخا چاتینجا آتوی مین چاپ اوغول
سن که اللی دن آشدی آچاجاق ال قوجالیق
یر گویه زنجیر آچان گور نجه زنجیره دوشوب
زیرک انسانى ائدیر گور نجه تنبل قوجالیق
ای «کریمی» قوجانین انگی چینار چر چووادان
سن قوجالیدیقا ائدیر بحثی مفصل قوجالیق

آت اولاندا میدان اولماز

دن اولان وقتده دندان اولمور دندان اولسا دنه امکان اولمور
 دن اولاندا دیشیم اولمور یماقا دیش اولان مرحله ده نان اولمور
 اوندا جانان یوخودی جان واریدی ایمدی جانان قاش آتیر جان اولمور
 آت اولان دامنه میدان یوخودی میدان آماده دی مادیان اولمور
 منده دریای غمه غوطه ورم نیلیوم دردیمه درمان اولمور
 یاریمون یولارینا گل سپورم او منه بیر گئجه مهمان اولمور
 من اونا جانیمی قربان ائدیرم او یالاندان منه قربان اولمور
 یانارام شمعه پروانه کیمی یانديقیم شعله نمایان اولمور
 آهیمی گیزلدیرم جامعه دن نیلیوم گوزیاشی پنهان اولمور
 ایمدی مین دور دیوز ایلی آختاریرام بیر نفر گبر مسلمان اولمور
 دسته دسته هامی دیندن چیخوری بیر نفر تابع قرآن اولمور
 هامی قرآنی یازوب سینه سینه اما قرآنه نگهبان اولمور
 هر طرف طلحه، زبیر، عایشه دی چوخ تعجب بیرى سلمان اولمور
 حضرت آدمین اولادینه باخ مین نفر دن بیرى انسان اولمور
 ائله پیس دی هاواسی کندیمیزین بوردا بستان و گلستان اولمور
 ئولکده کدخدانین ظلمیندن بیر دوداق گل کیمی خندان اولمور

بو «کریمی» نقدر طعنه ییور

گینه یازماقدا پشیمان اولمور

آمان بٹل آغریسی

اولموش عجب بدنلره آفت بٹل آغریسی
قد قامتیمده ائتدی قیامت بٹل آغریسی



قلبیم فَرَحلردی بو قَدِّ رسائیله
ایمدی اوتانیرام دولانام من عصائیله
یوخ قوّه بیر نفرده بو قدری مسائیله
ایلور علاوه هر گنجه شدّت بٹل آغریسی

باعث بو بَنالاردی بو رنج و مشقّته
سرویس اطاق خوابیله بیر دول جنابته
یغ قوّه قدرتون بئلوه قابلا مترته
قوی ایلسین رقیب حسادت بٹل آغریسی

هی یوک چاتولا پیسریمه هر کناردن
هی قبض فاضلاب گلور آبیاردن
نوسازی ایل به ایل چوخالیر شهرداردن
ائتسون آغیر یوکه نجه طاقت بٹل آغریسی

آرواد مینوبدی پیسریمه اندیرنمیرم
آغلور اوشاق آلام دالیمه میندیرنمیرم
هی لقمه لقمه غم اوتورام سیندیرنمیرم
قویدی منی ایشیق گونه حسرت بٹل آغریسی

دکتر دیور یاپیشما آغیردان همیشه‌لیک
 آمپول او قدری ووردولا اولدوم دلیک‌دلیک
 قارنیم قالاندی کپسولونان اولدی کرم‌لیک

ائتدی منی دچار مصیبت بئل آغریسی
 گونده یازولاً عکسه منی آزمایشه
 قان وئر قولووی چیرما، لیوانی آپار، ایشه
 دورد قات موشانبا ایستور آدام ایستی‌دن پیشه

یای فصلی پشم زنگله عادت بئل آغریسی
 بعضی دیور بو دیسگیدی بعضی کهنگیدی
 بومی دگول بو تازه مرضدی فرنگیدی
 هئچ بولمدیم گونوم گئجه‌م آخر نه رنگیدی

اعصاییمه یتوردی کسالت بئل آغریسی
 مجلسده گوز دولانديريرام هی صاقا صولا
 بیر یاخشی یر تاپام دایانام تکیه‌گاه اولا
 انسان وسطده اگلشه‌بولمور که برملا

ایلور منی همیشه خجالت بئل آغریسی
 دارائی باسدی پیسریمه مالیاتینی
 تئز تئز آخود سالییر یادا خمس و زکاتینی
 الله گورک ئوزی وئره خلقین نجاتینی

دردیم بیر اولسا ائتمز اذیت بئل آغریسی

زیتون چکوب یاتوب گون اُونونده پاریلدارام
ایستی آلار قراریمی زار زار زاریلدارام
گور گور گورولدارام بابا خار خار خاریلدارام

نه جان قویوبدی منده نه طاقت بٹل آغریسی

آرودادا چپ باخیر منه جان یانديرانمیرام
جهره داشین سالوب بئلیمه دوز دورانمیرام
تیر اگریلوب کمان سینوب اصلاً وورانمیرام

ائندی منی دچار شماتت بٹل آغریسی

دکتر ویزیت وئورور اوچ آیا نوبه گئت گله
یا سانجی قارنینی دله یا اینکه دینجله
بدبخت ملّتوخ هره بیر جور سالوب اله

گه قول قیچ آغریسی همه ساعت بٹل آغریسی

بو ضربیه نه بٹل دایانار نه کورک دؤزر
بو حربیه نه دل دایانار نه اورک دؤزر
بو حملیه نه دام دایانار نه دیرک دؤزر

دائم وورار وجوده خسارت بٹل آغریسی

بٹل سیندیران حوادثه ملّتی قاتلاشیر
بیر عده نین دولار دولاییندان آشیر داشیر
بیر عده کلیه سین ساتوری کُلیه سیز یاشیر

نه رُتبه درک ائدیر نه ریاست بٹل آغریسی

عالمده درد بیر اولسا اگر چکمگه نه وار
هر گوشه دن مرضدی چکوب دوره مه نوار
سؤزلر تمامی شایعه دی وعده لر شعار

ملّته قویموبدی فراغت بٹل آغریسی

ایستور زمانه هر یوکی بیر پیسره چاتا
آیا روادی بعضی گئدوب کلیه سین ساتا
بیر عده کاخدا دلبريله قول بویون یاتا

دیلدن سالا بیر عده نی حسرت بٹل آغریسی

بیر عده ناز نعمت ایچینده ماراقلانیر
مفلس قاریشقا تک ایاق آتدا ایاقلانیر
تلویزیونا باخاندا اورکلر شافاقلانیر

وئرمور چه فایدا باخماقا فرصت بٹل آغریسی

یوخ شهریده منیم کیمی دلسوز جامعه
اجداددن چاتوب منه بیر ثقل سامعه
سرعتله عمر گئچدی مگر برق لامعه

وئرمیش منه خیانته عادت بٹل آغریسی

حکمت روا بیلور که ضعیفی قوی ییه
بیر عده بینوالره بیر عده زور دییه
بعضی دئدی بئلیوی نشان وئر «کریمیه»

گوردوم ائدوب اونادا سرایت بٹل آغریسی

غزل

نگاریم آینه باخما گورمه ئوز یوزووی
 ئوزون او گل یوزی گورسن نظرله سن ئوزووی
 نگارخانه نی تعطیل اندر خجالتدن
 اگر او مانی نقاش گورسه قاش گوزووی
 بو نقد جانیه آماده یم وصالون آلام
 قادان گله منه بیگانیه دئمه سؤزووی
 منه ایشیق گونی دوندرمیسن قرا گئجیه
 منیم گئجه م کیمی الله قرالدا گوندوزووی
 یوز الی دفعه منه وعده وئردون آلاتدون
 جهنم اول باشوا دگسین الیوی یوزووی
 سنون بیر ایگنه وی هر کیم یسه سیچار تبیه
 پالان تپن قوسار آتدان سنون یین بزووی
 او ایری قاشلارا دوز کپریگه خمار گوزووه
 ئوزوم فدا منه پش گلمه اگریوی دوزووی
 «کریمی» طبع روانون بولاغ کیمی داشیری
 قوروتماسین قوجالیق داشلی قوملی کهریزووی

چورک کسمیون

نچه گون وئرسه فلک خنجر بُرّان الیوه
 قدرتوندن گوزون اوت سعی ائله باش کسمه داداش
 داش کسن باش کسنین یاش کسه نین آخری یوخ
 باغبان اولسان قورو کس، ریشه نی یاش کسمه داداش
 وعدّه ویل گلوب حشرده اسگیک ساتانا
 اُلچوده آرتق آلوب وزنیده داش کسمه داداش
 سعی ائله سفره سال احسانه چورک وئر گلنه
 آجین الدن چوره گین آلمّا لواش کسمه داداش
 نه لزومی قوتورا تتل بیچه سن قاش یاخاسان
 چری یه سُرْمه چکوب چیرکینه قاش کسمه داداش
 نه «کریمی نین» الین اُپ نه قیچیندان چک اوغول
 کهنه کُت شلوارا قانعدی قماش کسمه داداش

ویجه گلمز

ناز اولماسا ساقی ده می ناب ویجه گلمز
 اعجاز لبون اولماسا عتاب ویجه گلمز
 خوش یاغ دوگی ایستر پهلن که پلو اولماز
 بوشقابدا غذا اولماسا بوش قاب ویجه گلمز



دکترین فکری بودور بینوا بیماری
 اودا سعی ایلوری بیچاره پرستاری
 هره دارتیر بو دگیرماندا فقط ئوز دئینی
 آدام ایستور دوتا بو گنبد دؤاری



گر ریاست یتہ اوشاق کسنه
 ائدر انسانی خ..... ختنه
 ال ایاقسیزلاری ائله دنلر
 نجه دنلر لاری خروس چتنه

دوست آتان داش

دوست آتان داش دگر اورک باشینا
 طاقت اولماز اورکده دوس داشینا
 زهر، یاددان او قدری یاندیرماز
 یار آدامین بیبر سالا آشینا
 ائدرم زهری یار الیندن نوش
 قربانام گوزلره قلم قاشینا
 یاری بوینومدا من دولاندیرام
 یاد نه عجز ائتسه مینرم ماشینا
 دوست دوستون گورن زمان سوونیر
 نه که هی مخملک دوتا، قاشینا
 بیری که آغزینون دادین قانمور
 او صغیردی یتیشسه یوز یاشینا
 یمه بی‌عرضه‌نین چلوکبابین
 یخیل آزادمرد بوزباشینا
 درده چیخسین یادین تو یوق پلووی
 یاریمین قربانام یوان آشینا
 بسکه کهلدی دین و صدق و صفا
 باجی نامحرم اولدی قارداشینا
 ای کریمی گوزلدی تک یاشماق
 یولداش ایلور اماله یولداشینا

قصیده نصیحت آمیز

نانجیبه یتیشسه پست و مقام نه محبت قانار نه حق سلام
 لأبالی مفتش اولسا اگر الینه دوشدوگون ائدر اعدام
 مینسه بیر گون بیزو مینن پڑویا چکیل آت باسدی کُل ناسی نیام
 رنج و محنتدن اولماز آسوده او که نابایله اولا اقوام
 تاپماسا زندگی ده بابلی بابین گونی آخ وایله اولار آخشام
 فاضلابین قباقی سد اولسا دولانار مستراح اولار حمام
 خوش او شخصه خلوص نیتیلن اولا شاگرد مکتب اسلام
 معتقد اول قاتوب قاریشدیرما پاک و ناپاک یا حلال و حرام
 حکم قرآنی ائتمه بازیچه موم دگول الده الله احکام
 بی وضو وارد اولما میقاته کورکورانه باغلاما احرام
 هر ایشونده خدانی آل نظره گورور اعمالیوی خدای آنام
 زور بازویه اولما چوخ مغرور بئله قالماز بو هیکل و اندام
 بیر گون الدن چیخار بو سرمایه اولاسان ئل قبیله ده گمنام
 ائله گوزدن سالار زمانه سنی ائله متروک ائدر سنی ایام

ساقی دهرین اویمایا چم خمینه

جان آلوب مرگ وئروب بیر جام

ائله داش سالدی رستمین باشینا نه تهمتن قویار نه زال نه سام
 باغلاما بئل عروس دنیایه بکریدی وئرمیوبدی بیر کسه کام

نہ چہ گون سالمیسان الہ شمشیر
 آسمہ جوشما آتیلما دوشمہ جانیم
 گئدر الدن بو قوہ و قدرت
 سرنشین لر سالوب بو میز یولا
 سیندی آئینہ ئولدی اسکندر
 موش سالور فضلہ جام جمشیدہ
 آلدی خسرو کنارہ شیرینی
 باخ عدالتدہ حسن و اعجازہ
 ایستمرور کاخ عدل محو اولسون
 درس عبرتدی قلعة ضحاک
 گئت دمشقہ سوروش معاویہ نی
 پور سفیان تجملاتی آتوب
 گئت علینون سراغینہ نجفی
 عرشدن سس گلور ملک لردن
 زندہ بادا علی و آل علی
 یا علی گل ہرای قرآنہ
 مالکہ یازدیقون فرامینی
 یا کہ اللہدان ایستہ یا مولا
 آہ ادرکنی یا امام زمان
 گئنی کسمہ اولما خون آشام
 حرکاتونده ساکت اول آرام
 بو ریاستدہ یوخ بقا و دوام
 اولدی بازنشستہ استخدام
 ہاردا محبوس گور اولوب بہرام
 ہانی جمشید جام بدفرجام
 جام زرینہ توکدی نقرہ خام
 طاق کسرانی ساخلیوب ایام
 سیل طوفان صبح، صدمہ شام
 سند ظلم ظالم و ظلام
 گوسترر قبرینی اہالی شام
 مزبل شہردہ اندوبدی مقام
 ایلوب باغ خلد، دار سلام
 آفرین بر تو یا اباالایتام
 سربلندند پیروان امام
 ذوالفقارون چک ای امام ہمام
 صاحبان سریرہ ائت اعلام
 صاحب عصری ایلسون اعزام
 دوندی قانہ اورکلر ایلہ قیام

ای کریمی دعادہ ایلہ سؤال

اولا پایان عمر حسن ختام

تک یاشارام

قویسالار قهر اندرم جامعہ دن تک یاشارام
 قالارام وسوسہ دن امنده گویچک یاشارام
 گزہرم هر گئجه بايقوش کیمی ویرانه لری
 اوجا یرده یاتارام چون حاجی لیلک یاشارام
 یوز یوز اوزلی رفقادر کسرم گوز یومارام
 تک الیم تک باشیم عزلتده مبارک یاشارام
 تلویزیوندا هنریشه تکه اوینادیری
 تکیمه اوینادارام منده عروسک یاشارام
 ایمدی که خلق هنرمند دیور مسخریه
 آتارام غیرت و وجدانیمی دلکک یاشارام
 گورورم چوخدی توپورجکلی یوزون مشتریسی
 آبرودی منه هر لحظه توپورجک یاشارام
 نه دام آلام نه وام آلام نه جام آلام نه ده کام
 بیرینه سفته وئروب نه آلارام چک یاشارام
 سوراسرافيله چوخدور اویدا مملکتی
 وورارام قولتوقوما بیر یکه دونبک یاشارام
 ایستورم کار دولانام کور یاشیام راحت اولام
 بوللی پانبوق آلارام بیر قره عینک یاشارام

نانجیبین دده سی انگینه آماده لقا

ایچرم بیر مالاقا روغن گرچک یاشارام

مرسینی به بهی آمپول کیمی سوخما بودوما

ای مزاحم داخی بسدی قمیشون چک یاشارام

گوزله بیر صفر کریمی تزک ایلر تَرکی

محرم قونماسا احرامیمه میلچک یاشارام



اگر بیچاره، قونشون اولسا قوشباز

اُطاقونده یازیق صاف شیشه قالماز

گلر دیواریوه داش کسک اوستن

رعایت ایلمز قانماز اوتانماز



الله پیشیگه قاناد وئرمه سین

یتیشسه تخت ریاست اوشاق لولی کسَنه
 نه رحم ائدر باجیا قارداشا نه من نه سنه
 دئمه یانار ییلووه الگوجون چکر بئلووه
 بویوک کیچیک گلهنی خ....دن ائدر ختنه
 خدا آماندی قاناد وئرمه سو سارا، پیشیگه
 قویار نه سرچه گوورچین یومورتا یا آتَه
 ایشی ایش اهلینه تاپشیر جهاندا ایش یریسین
 قولاق دکن عملین وئرمیون پالان تپنه
 نرای داد امان الحذر مسلمانلار
 أمور بازرسی تاپشیر یلسا گ....
 همیشه پُست ریاست یتیشسه پُست الینه
 یانار نه دولته نه دینه ملته وطنه
 قباقینه گَلنی آغلی قارهلی دنلر
 قفسده بلبل او سرعتله دنله مز چتنه
 مباد الدن آلا عقلووی درود و سلام
 بو ساده کلمه نی مینلر حسین دیوب حسنه
 بو میز کهنه دی چوخ سرنشین سالوبدی یولا
 بو میز آفت و نکبتدی روحه هم بدنه

بو تخته پاره نین اوسته ایتورسن ئوز ئوزووی
 تاپانماسان داخی ایش قالدی کیم مینه کیم آنه
 نه اعتقادیم اجازه وئورور دیم منه نه
 نه قدرتیم وار آچام آغزیمی دیم سنه نه
 باشارسان السیز ایاقسیزلارین الیندن دوت
 یازیلسین ایستوسن اعمال خیریوه حسنه
 آچیق دلیکلره پانبوق تپون زیریلداماسین
 ئولونی ئوز باشینا قویما تسلیر کفنه
 نکیر و منکری سال یادیوه غلاظ و شداد
 سوخالا غیظیله ماتحتوه آلوی شنه
 نه ال چاتار باجیا قارداشا نه طایفا ئله
 هرایوه نه دده یاد اندوب گلر نه نه نه
 مواظب اول بیرینون ایگنه سین ستمله یسن
 عدالتیله س.....دالا قبرده تبیه
 وئروبله وعده جنات تجری الانهار
 اگر علاقه واروندی او گلشن و چمنه
 خیانت ایلمه رشوه یمه دانیشما یالان
 مواظب اول دیلووه وور دهانوه دهنه
 بش اون گون عمری باشا وئر کمال عزتیلن
 غمیله دم دمه وئر تابع اولما اهرمنه

دگندہ باش لحدہ یوخی چاره بیر احدہ
 عملدی بهره وئرن اولما آرخیین سخنه
 ئولنده قوی گله رحمت دالونجا پی در پی
 آماندی زحمت ائدر رحمتہ یاپیشسا گنه
 علی العجاله بُت نفسی سیندیرا بولسن
 تفاخر ایله سن اوندا خلیل بُت شکنه
 خدا کلامینه باخ الرجال قوامون
 اُمور مملکتی ائتمه واگذار زنه
 اویان، بویان دگی رشوه وئروب خلاص اولاسان
 اوزونوی قاتاجاقلار جهنّمونده انه
 ایتین تولاسی اینانما اول مارال بالاسی
 بیر عدّه باخما تعارفله گل دیور گّونه
 منه دیولله قاتیق قاره دی قبول ائدیرم
 اوتانیرام لبه دار آد قویانمارام لگنه
 منیمده عقلیمی بیر مه جمال الدن آلوب
 اولوب گوگل قوشی پابند او زلف یاسمنه
 ایکی اُپوشدن اُتور هی نگاره یالواریرام
 اوجور که مالکه عجزیه یالوارار سکنه
 غلط دگول غزل اغراق شاعرانه دگول
 او قاره گوزلری اوخشاتسام آهوی ختنه

اوزانمیوب هله مشاطه نین برابرینه
 تبارک الله اگر نوعروس تک بزنه
 عقیقی لبلرینون لذتین دادان گوندن
 عقیق سیرینه دیوانه یم گئدم یمنه
 کلاف جانیله بازار عشقه مشتری یم
 آلام او یوسفی بخس دراهم ثمنه
 آماندی شام و سحر یالوارون خداونده
 که سالماسین ایشوزی چوک کسن چورک کسنه



کارت

وصلت این عروس و این داماد
 بر همه دوستان مبارکباد
 به نثار قدوم مهمانان
 جان برآریم و هرچه بادا باد

آتدیم گتدی

تاپمادیم یاریمی اغیاری ده آتدیم گتدی
 گلمدی مشتری بازاری ده آتدیم گتدی
 دلق تزویر و ریانین چوخوموش مشتریسی
 بولمدیم جبّه و دستاری ده آتدیم گتدی
 دلبرین ایمدی که مین دل آسیلوب هر تلینه
 دلی قاتدیم دله دلداری ده آتدیم گتدی
 چادرا چرشابلیا شلوارلیا امل دئدیلر
 چرقتی چارشابی شلوارلی ده آتدیم گتدی
 بو زماندا نه سؤزه مشتری تاپدیم نه سازا
 سازی چالدیم داشا گیتاری ده آتدیم گتدی
 شعر نو ایلدی کاخ ادبیاتی خراب
 قلمی سیندیروب اشعاری ده آتدیم گتدی
 اوز گرکدی آداما آستاری هر زاددان اولار
 اوزوده سویمدیم آستاری ده آتدیم گتدی
 من که اوز دردیمی گیزلتمه لیم جامعه دن
 دکتری، نرسی، پرستاری ده آتدیم گتدی
 مشّت خرواره نمونه ائشیدوبسن بولوسن
 من ائله مشته خرواری ده آتدیم گتدی

بو تیکانلقدا آچان گلده نه ذوق و نه صفا
 رویهمرفته گلی خاری ده آتدیم گتدی
 یوزده غمخواریم اولان دالدادا بدخواهیمیمیش
 غمی غمخواری هواداری ده آتدیم گتدی
 دوست آدیلا بولورم پوستوما چوخ مشتری وار
 اوزومه محرم اسراری ده آتدیم گتدی
 ایمدی که شرم و حیا مانع شخصیتیمیش
 من حیا شرمی یدیم عاری ده آتدیم گتدی
 ارسلان نامیه دوندردی خبرلر هاموسی
 رادیونی سیندیروب اخباری ده آتدیم گتدی
 من کریمی هنر شعرده غوغا ائلدیم
 مرسی به به ده کی انباری ده آتدیم گتدی



تقدیر

«بال اندیشه ده» پرواز ائلیوبسن «انزاب»
 عالم شعرده اعجاز ائلیوبسن «انزاب»
 غزلیاتده حافظدن آلبسان الهام
 خدمت خواجه شیراز ائلیوبسن «انزاب»
 قاتمیشان شیر و شکرله عسلی بیریرینه
 صنف قنادی لره ناز ائلیوبسن «انزاب»
 طنز و تفریح و نصیحت قاریشوب مصلحته
 اوزووی واعظ طناز ائلیوبسن «انزاب»
 گاهی عرفاندا اوپوبسن الینی مولوی نین
 تا اوزون محرم هر راز ائلیوبسن «انزاب»
 گاه عشق عالمینه قویموسان عشقیله قدم
 عشقیوی نمره ده ممتاز ائلیوبسن «انزاب»
 سؤزلرون بیر یانا حلم و ادبون بیر طرفه
 ادبیاتی سرافراز ائلیوبسن «انزاب»
 بزی یوبسن هنری مانی نقاش کیمی
 سؤزی سازونده پس انداز ائلیوبسن «انزاب»
 آی دمون گرم اولاهر دم دمووه هو چکرم
 دملیوبسن منی دمساز ائلیوبسن «انزاب»
 من کریمی سنه یولداش دگولم قارداشووام
 سؤزلرونله کثفیمی ساز ائلیوبسن «انزاب»

منیت

جانا بولوسن نیلدی شیطانہ تکبر
بدبختی سالوب آتش نیرانہ تکبر



چوخ بوینووی دوز دوتما او بوینون سیناجاقدی
بیر گون بو منیتده وجودون یاناجاقدی
من من دین ئوز آدینی حتی داناچاقدی
بورنون چکه جاق خاکه ذیلانہ تکبر

سندن یکهلر نیلدی سن نیلیه جاقسان
عزت دونه جک ذلته ایوای دیه جاقسان
صبحانه ناهاره شاما لعنت ییه جاقسان
شیطانی یخوب نیلمز انسانہ تکبر

فرعوندی خطاب ائتدی انا ربکم اعلا
موسا بیر عصائیلہ اونی ایلدی رسوا
چکدی ئوزینی لشکرینی کامینه دریا
ماهیّینی ایلدی افسانہ تکبر

زاهدمنش اول یادیوه سال ابن سماکی
توپراقدان اولان بنده گوزلدی اولا خاکی
آنلا بشرین ارزشه تقوادی ملاکی

آلّانما اندر عاقلی دیوانہ تکبر

یوسف گوروب آئینه‌ده ئوز حسن و جمالین
بیر جزئی تکبر گلوب آزدیردی خیالین
تنبیه‌ایچون الله دگیشوب صورت حالین

ذلتله سالوب یوسفی زندانه تکبر

بیر لحظه منیت ائلدی آدم و حوا
خلقتده گوزللیقدا بیزه مثل وار آیا
آتدی ایکی‌سینده ائشیگه خالق یکتا

قویماز بشری یول تاپا رضوانه تکبر

بعضیلری بالیده‌لنیر حسن و جماله
بیر عدّه تفاخر ائدیری ثروت و ماله
بول صورت و ثروت گلر آخرده زواله

ایلر او گوزل کاخووی ویرانه تکبر

خواننده‌دی یا صاحب آواز رسادی
یا واعظ خوش صوتیدی یا نوحه‌سرادى
بیر ذره تکبر ائلسه عین خطادی

صدمه یتیرر دینيله ایمانه تکبر

دنیا اونا دگمز ائده‌سن کبر و منیت
هر نعمتی نعمتدی بونون لذتی زحمت
حاشا ائده سرمست سنی جام ریاست

شایسته دگول که ساتا فرزانه تکبر

بش گون الیوه دُو دوشوب ایّام فلکدن
 وورما قلعون گاهی کورک گاهی بیلکدن
 سندن یکه باشلار النوب گئچدی الکن

گور نیلدی شاهنشہ ایرانہ تکبر
 سسلندی کوروش راحت اوزان یات او یاقام من
 سن یوخلا مزارونده دالوندا دایاقام من
 سنبل کیمی خائنلره کسگین اوراقام من

قودی یازیقی سالدی بیابانہ تکبر
 شکر ایله کریمی سنہ واجبدی تشکر
 ائت نعمت عظمای الہیہ تفکر
 انساندا تکبر ائدر ایجاد تنفر

زینده دگول شخصہ هئچ عنوانہ تکبر



غزل

گر همه عمر پخته یا خامیم دست بر گردن دلآرامیم
 همه شب در سراغ تُنگ و سبو شب الی صبح بر لب جامیم
 خواه ترسان و خواه ترسنده خواه گبریم و خواه اسلامیم
 شهره شهر و شهریار و شهیم یا گدای محله گمنامیم
 گر به میخانه مست و عربده جو یا که در کنج مسجد آرامیم
 خواه در منجلاب غصه و غم خواه در عیش و نوش ایامیم
 گه چو بلبل اسیر دام قفس گه چو زخمی پلنگ در دامیم
 خواه یک قلچماق لوطی شهر خواه یک جامه دار حمامیم
 خواه در بزم سور وجد و سرور خواه در سوک خویش و اقوامیم
 گر نود نوبهار طی بکنیم وقت مردن هنوز ناکامیم
 ای کریمی خوشا به طالع ما که به زیر لوای اسلامیم

شیعه پاک چارده معصوم

ایمن از جمله درد و آلامیم

ئىل غمىم

من اوشاقلقدان عاشق مەمەم
 قىربانام يارىمون صداقتىنە
 سالارام ھامۆنن غمىن ايچرى
 آلارام بىنوالرى دالىما
 صاحب گرز و نىزە و سپرم
 سۆزلىرىم مۇھكە ئوزوم دلەك
 ھانى بېھلول و عاقل و مەجنون
 دىنى دىنارە ائتمرم قىربان
 مە.....لر اوستە سولانان قەمەم
 من اونون مست ناز و چم خەمىم
 بو جەھان فنادە ئىل غمىم
 سئل سودا غرق اولانلارا گەمىم
 ايلە مندە زمانە رستمىم
 ملّا نصرالدّىنە مەجسّمەم
 من اونون وارث مەكرّمىم
 نە فلانم نە اهل مەظلمەم
 اى كرىمى مواظب اول ئوزووھ
 مەنە دوڧوز قويانماسان غمىم

قلم

گوزلدی اهل قلم بسکه محترمدی قلم

همیشه اهل الینه دوشسه مغتمدی قلم

خدا کلامی و ما یسطرونه ایله نظر

خلاصه ترجمه نون والقلمدی قلم

قلم نشانه فرهنگ کلّ جامعه‌دی

سپاه نصرت و پیروزیه علمدی قلم

نه اختصاصی فقط بیر گروهه وار قلمون

وقار ترک و بلوچ و عرب عجمدی قلم

مقامینی یتیرن شخصین عرش اعلایه

کلید قفل در کعبه و حرمدی قلم

قلمدی سینه جهل و فساد سرنیزه

یگانه دشمن دژخیم و بد شیمدی قلم

الهی وئرمه قلم نانجیه نااهله

شریح الینده اگر اولسا درد و غمدی قلم

صفاده سحرده آئینه سکندر دی

نه بلکه معجزه جمشیده جام جمدی قلم

یارین قرا قاشینی اوخشادار عاشق قلمه

مگر مشاطه هر نازنین صنمدی قلم

خدانخواستہ گر دوشسہ نانجیب الینہ
 شریک جرم نمایندہ ستمدی قلم
 کریمیا قلمین عفتین رعایت ائله
 حریم عصمت و تقوٰادہ محتشمدی قلم
 قلمدی خون شہیدانہ افضلیتی وار
 سریر فضلیدی سرلوحہ کرمدی قلم
 منم نتیجہ مثبت دواتله قلمہ
 نم دواتیدی تولیدیمہ دمدی قلم



منیم یولداشلاریم یل تک اسلر
 حضوریمده آسالار هی کسلر
 غیاییمده منه هر سؤز دیرلر
 گلایه ایلسم فوراً کوسلر

اَللّٰهُمَّ لَكَ صُمْتُ

ای بنده اوروجلو قدی عبادتده داریخما
تا وار بدنون فیض سلامتده داریخما
بش گون اوزووی زحمته سال راحتہ یول تاپ
مرتاض اول عبادتده اطاعتده داریخما
انسانہ قیامت گونی دوز الی مین ایلدی
دنیاہ تلاش ایله قیامتده داریخما
اولماز هامی توفیق عزاداریہ شامل
اگلشمیسن اکرامیلہ هیئتده داریخما
بوردا یوبانان قوخما قیامتده یوبانماز
ممنون اولاسان فیض شفاعتده داریخما
امداده یتن اوردا حسین ابن علیدی
اولماز یتیشن داده او ساعتده داریخما
محشرده الوندن یاپیشان آل عبادی
قویمازلا سنی رنج مشقتده داریخما
بو آیدا آچوبلار سنہ ابواب بهشتی
صرف ائتمہ عزیز عمریوی غفلتده داریخما
دعوت ائلیوبلر سنی الله قوناقسان
بدبخت بو شاهانه ضیافتده داریخما

بیچاره هاران وار قاجیسان بزم عزادن
 هانسی جلسہ وار بو متانتده داریخما
 خادم قاباقوندا یوموشاق پشتی دالوندا
 آلتوندا پتو فرش ظرافتده داریخما
 غبطه ائدر احوالوه سگان سماوات
 اگلش کئف ائله روضه جنتده داریخما
 وهابی دگولسن بابا سن که علوی سن
 مشق ایلموسن عشق ولایتده داریخما
 هی ساعته باخما نگران اولما تگسمه
 عمرون دولانیر سرعت ساعتده داریخما
 بولسن ایکی رکعت نمازین اجر و بهاسین
 شک ائتمه سن اوچ یول ایکی رکعتده داریخما
 بیر قورخولی یول واردی قاباقدا قره منزل
 گوندرد اورا مونس شب وحشتده داریخما
 گوزیاشی همان منزله لوستردی ایشیقلی
 تأخیر ائله سن ذکر مصیبتده داریخما
 زینب دئدی ویرانه ده ایستکلی بالایه
 صبر ایله قیزیم رنج اسارتده داریخما
 گوزیاشوی چوخ توکمه شیرین دیللی رقیم
 چوخ قویما یوزون توپراقا حسرتده داریخما

گنج تئز قوتولارسان بالا ویرانه سرادن
راحت یاتاسان بستر عزّته داریخما
گر شمر ووران قمچی لرین یرلری آغرور
چاره م ندی صبر ایله اذیتده داریخما
یاز شعری اوخی حضرت زهرایه کریمی
گر اولماسا تشویقی جماعتده داریخما



آنا یوردوم

منیم آنا یوردوم آذربایجانندی آراز که باشی پیکردن آیورماز باجیمدان قارداشیمدان آیریلاندان گوزل تبریز، ارومیه، مراغه شکی، شیروان، باکو، باغ جناندی سراسر شیعه اثنی عشردی هدف بیردی شرف بیر آرمان بیر چاخان قولدور بیزی بیزدن آلانماز دیلیم شیرین گوزل بالدان شکردن نه آذربایجان مهد دلیران نه آذربایجان گلزار جنت نه آذربایجان باغ ارم دی	که آذربایجان جسمیمده جانندی او که خنجر دگول آب رواندی گنجه گوندوز ایشیم آه و فغاندی ماکو، خوی، اردبیل مهد اماندی گلستان آستارایلا نخجواندی علی قرآن و دینه مرزبانندی بیزه دشمن نه آد قویسا یالاندی بیزه صاحب آقا صاحب زماندی آنا یوردوم آتامدان مهربانندی کوراوغلی چانلی بلده قهرماندی نه آذربایجان باغ جناندی مکان فیض و ینوع کرم دی
---	---

آنا یوردومدا ارباب سخن وار

کریمی طوطی شگرشکن وار

شبی در قلّه سهند

وئرمیشدی بیزه وعده هاواقدان حاجی محسن^۱
بیر جمعی سهنده ائده مهمان حاجی محسن



ساعت ایکی چارشنبه گونی هشتم تیرماه
گوردوخ قاپیدا بیر مینی بوس ساخلادی ناگاه
اون بش نفر آماده توگلت علی الله
هر تک تکی اود پارچاسی سردسته حسین خواه

سرعتله وئرور عذیه فرمان حاجی محسن

اوتدوخ مینی بوسدا هامی دلشاد و خرامان
وور قولتوقووا هر نفره بیر پتو یورقان
کبلای کریم^۲ ایلائیدی^۳ محسندی^۴ عطان^۵ خان
باهم احدی لردی^۶ مجید^۷ سون بشیک اوغلان

سرجوخه همین جوخیه هرآن حاجی محسن

۱- حاج محسن نرج آبادی. ۲- کبلای کریم زاهد یگانه. ۳- حاج مقصود ایلانی.

۴- محسن نقاش. ۵- عطاء الله کریمی. ۶- حاج فیض الله و فرزاد احدی.

۷- مجید کریمی.

بهروزیدی^۱ اخگردی^۲ عزیزی^۳ حاجی داود^۴
منصوریدی عقبائی هامی شادیدی خُشنود
ثروتقام اولوب شیخ حسنه^۵ همدم و هم دود
بوش قالدی ایکی یر نه و دود^۶ اولدی نه مسعود^۷

هر تک تکی سسلیر سنه قربان حاجی محسن
گتدوخ نچه فرسخ مینی بوس دوردی دایاندی
زور وئر ایتله گئچ دالیا اوغلان آماندی
سسلندی ماشین بیزلمیون وضع یاماندی
قیزدیرما دوتوب شمعیمه پروانده یاندی

تاپدی منی گندی سیزه هاردان حاجی محسن
کهنه لمیشم عمریم قوتاروب خسته دردم
آخ من نه هواپیما نه ده بادیه گرم
گاز دنده وئروب بیز سوخوسوز بویرومه هر دم
آخ من نه داغا دیرماشانام کوهنوردم

راننده قاباقدان باسا دالدان حاجی محسن
مندن ال آچون بیر قوجا بیچاره آتام من
کهنه - ستالین عهدینی گورمیش فیاتام من
نه معرکه دی سیزده کی احواله ماتام من
ممکندی پیاده گئده سوز بوردا یاتام من

من بینوانی اتندی هراسان حاجی محسن

۳- احد عزیزی.

۲- اخگر اصغریوند.

۱- مجید بهروزی.

۶- وودود کریمی.

۵- شیخ حسن کریمی.

۴- حاجی داود کریمی.

۷- مسعود کریمی.

اولموشدی ماشین خزنه حمام زنانه
 چرخدی هر اویوندان رفقا دانه به دانه
 بعضی اوخودی مرثیه بعضیسی ترانه
 یکسر قاریشوب بیربیره جوک، شعر، فسانه

اولموشدی او یغویه نگهبان حاجی محسن

راننده باسور هی گازا گتتیر بیره دنده
 نه باشدا قالب حوصله نه قوه بدنده
 بوندان بئله اولموشدی ماشین محفل خنده
 شیرین دانیشیقلاار ائدیری مسخره قنده

آباد اولا بو خانه احسان حاجی محسن

القصه بو ایل قالمادوخ ایلدن دالی گتتدوخ
 دادلاندی آغیزلاردا سهندین بالی گتتدوخ
 دنده عقبه وئردی ماشین دالدالی گتتدوخ
 عشقین توکولوب یتگینی قالدی کالی گتتدوخ

مهمانه یاراتمیشدی چوخ امکان حاجی محسن

گئت داغلارا دیرماش شهرین یوخدی صفاسی
 شهر اهلینون آفت گوروب انصاف و وفاسی
 آزاده خانملار نه حجابی نه حیاسی
 آماده جوانلار نه نمازی نه دعاسی

خوشدور یاشایش داغدا پریشان حاجی محسن

یتیمش میلیون فخر اندیروخ ملتیمیز وار
 میملر سوخولوب عینیمیزه علتیمیز وار
 علت اودو عزت یرینه ذلتیمیز وار
 گرچه قیزیل اوسته گزیروخ ثروتیمیز وار

بوندان بئله آواره یوخ عریان حاجی محسن

یتیمش دولارا نفت ساتیروخ لوت گزیروخ بیز
 هئچ آنلامیروخ پوللاری هاردا ازیروخ بیز
 هی کهنه لباسیله ائو اهلین بزیروخ بیز
 دائم گئجه گوندوز فرجه منتظروخ بیز

اصلاحه گله مصلح دوران حاجی محسن

داغ یاخشیدی وار داغدا گینه حفظ و حراست
 نه میز و مقام داعواسی وار حُب ریاست
 نه حيله نه تزویر و جنایت نه سیاست
 زاهد کیمی داغلاردا یاشار اهل فراست

یولداشی آیی تولکی یا دوشان حاجی محسن

داغدا هر او یوندان چیخیسان چیخ ائوون آباد
 تریک چکیسن چک هروئین مفتی و آزاد
 نه دسترس اینترنته ماهواریه آی داد
 قورد گلسه موبایلون صد و دهنن آلا ر امداد

هر مشگلوی داغ اندر آسان حاجی محسن

مین مرتبه داغدا یاشاماق خوشدی شَهردن
 ظاهرده بشردی دولودی فتنه و شردن
 شیطان ئوزی آلآن قاچوری نوع بشردن
 قاچ داغلارا یوز یوزلی اوتوز دیللی نفردن

غیرت گونیدی قاننامیسان قان حاجی محسن

داغدا یاشاماق تولکی آیی دوشان ایچینه
 یا عقرب ایلان اللی رقم حیوان ایچینه
 خوشدور قالاسان اللی صفت انسان ایچینه
 یاتماق آجی دیل دلبریله یورقان ایچینه

داغلاردان الون چکمه باشارسان حاجی محسن

شهرین بابا لاپ کفره چکوب نظم و نظامی
 آرواد کیشی عیّاش اولوب اوباش و حرامی
 ایمانی سالوبلار خطرّه عالم و عامی
 شهر اهلی قاتوب بیریرینه پخته و خامی

فنجانی اوخور خلق فسنجان حاجی محسن

ارباب و رعیت هامی اسلامه فداکار
 صحبتده فصاحتده هامی مؤمن و دیندار
 دین گتدی گلنده آریا درهم و دینار
 عیار و کلهدوز و کلکباز و ریاکار

قوی قاچ داغا اول غارده پنهان حاجی محسن

قرآنی نه عزتله هامی گزدریر الده
 قرآندن اصلا خبری یوخدی عملده
 باخ مانتووا نقاشی ائدوب کوهی کفله
 رحمت مینی ژوب پوشه قدیم ماه عسلده

آزادلیق آلوب ملت ایران حاجی محسن

بیر عده گزیر داغلاری جیران سراغیندا
 دوزسوز کره یاغ چالخاما ایران سراغیندا
 بیر عده دوشوب باغلارا طرلان سراغیندا
 بیر عده دؤزور دردله درمان سراغیندا

یوخ بیر نفرین دردینه درمان حاجی محسن

چوخ گزمه قلم حاشیه ده گوشه کناردا
 یاز مطلبی قورتار یری خالیدی نوارد
 یولداشلار ائدوب حمله حسین خواهه ناهاردا
 دگسین باشووا یوخ بئله آبگوشت بازاردا

یوخ بوندا سریمساق نه بادمجان حاجی محسن

فوراً ایکی قویروقلی قوزو کسدیله قربان
 قربانلارین اوّل جگرین ائتدیله بریان
 هر شیش کبابا بیر پیالا چالخاما ایران
 برنامه شاما طاس کبابی ائتدیلر اعلان

بو رسمی هر ایل ایلسون اعلان حاجی محسن

احسان ائله زبردسته زبردسته اورک وئر
 سال سفره پیشیر پاخلاپلو کوفته ترک وئر
 ائو یخما یخلمیشلارا قدرتله دیرک وئر
 ظالمیره سن باخما چورک کسمه چورک وئر

چون لعنت ائدر ظالمه قرآن حاجی محسن

به به برکت میمنت خوان سهنده
 الله دوشوین سفره احسان سهنده
 کیمدور چاتا اقبالده مهمان سهنده
 چک قافله عشرتی دامان سهنده

ایلر قوناقا جانینی قربان حاجی محسن

آرایش ائدوب شاهد زیبای طبیعت
 آفاقه سالوب غلغله غوغای طبیعت
 ساقی لری مست ایلوری صهای طبیعت
 ایسترسن اولا حلّ معمّای طبیعت

سرقله ده گوزلور سنی اوغلان حاجی محسن

بیر چشمه علی آدینا مشهوریدی رایج
 بعضیلر ائدر نذر آلار اوردان حوایج
 بو داغدی بوتون ائلره ینبوع نتایج
 گئت بو داغا هر ایل نه هزینه نه مخارج

تا باز نشست اولمیوب آی جان حاجی محسن

شیریندی آغیزلار بو داغین پُهره بالیندان
 هر لحظه اسیر روح نسیمی شمالیندان
 فیض آل بو داغین قخ بیلاغیندان جلالیندان
 آل صوت اذان شیخ حسن تک بلالیندان
 آماده پذیرالقا جانان حاجی محسن

اخگر بیزه کشف ایلدی بیر پاره اسرار
 من جمله او اسراردن احضاریدی احضار
 بیر هیکل اولوب صفحه کاغذه نمودار
 هرگونه سؤالاته جواب اولدی پدیدار
 قالمیشدی همان حالته حیران حاجی محسن

اون بش نفره پایلادیلار بوک صلواتی
 من سویمدیم اما او ادا و حرکاتی
 چون بوک قویان انسانلارین اولماز برکاتی
 بوک قویمادی بوک قاپیا دوتوب کل جهاتی
 شادلیق یارادیب خلقه خرامان حاجی محسن

آنجا رقفا چیخدی او داغدا هر اویوندان
 اصلاً اثری قویمادیلار ایکی قویوندان
 بعضیسی یالاندان قولونی آسدی بویوندان
 بعضی اوشویوب ال چیخادانمیردی قویوندان
 اوز دعوتینه اولدی پشیمان حاجی محسن

شکر ایله کریمی هله وار حوصله سنده
 روحیه قویدی گئدیسن سیر سهنده
 عمری وئریسن باشه سیاحتده چمنده
 غبطه ائدور ارباب ادب طبع بلند

اولده گتورمیش سنه ایمان حاجی محسن



موبایل

یار الینده موبایل اولیدیم کاش
 هی قوییدیم دوداق بنا گوشه
 آسلا نیدیم بلوری گردندن
 گه منی یار آلیدی آغوشه
 گه قوییدی منی گوزل کیفینه
 گه مدال تک سالییدی زیرپوشه
 دم به دم بارماق ایلییدی منه
 هی گلیدی محبتیم جوشه
 منی گورجک یاریم قاچیر مندن
 بحثیمیز چکدی گربه و موشه
 من کریمی که عشق خسته سیم
 یاریمین نیشین آلمیشام نوشه

فرستی فوتہ وئرمہ

فرستی فوتہ وئرمہ دوت گئتسین
حمل بر صحت ائله اوت گئتسین



بش گون اون گون دوشوبدی دَو الیوه
شاقالا آس بو خلقی چنگلیوه
آغلا شیطان گولنده سَقلیوه
فخر ائله تخت و میز و صندلیوه

فرستی فوتہ وئرمہ دوت گئتسین
حمل بر صحت ائله اوت گئتسین

رخشیوی چاپ بو قانلی میداندا
دَئیوی دارت بو کهنه دیماندا
سنه تای بوذریله سلماندا
هئچ تاپولماز مقام ایماندا

فرستی فوتہ وئرمہ دوت گئتسین
حمل بر صحت ائله اوت گئتسین

سنی مست ایلوبدی پست و مقام
نظره آلما هئچ حلال و حرام
نه سؤال و جواب اولما عوام
دم غنیمتدی تئز گئچور ایام

فرستی فوته وئرمه دوت گئتسین

حمل بر صحت ائله اوت گئتسین

وار دیوللر قباقدایر طوفان

حشر و یا نشر تُخسر المیزان

برزخ و دوزخ و حمیم آن

سنه رحمتدی هم شفا قرآن

فرستی فوته وئرمه دوت گئتسین

حمل بر صحت ائله اوت گئتسین

تا الوندن گلور بیلکدن کس

بوغدا دارت، اون آله، الکن کس

سوولا شمشیریوی کورکدن کس

بیرین اینجیت بیرین چورکدن کس

فرستی فوته وئرمه دوت گئتسین

حمل بر صحت ائله اوت گئتسین

کیم خبر پخش ائدوب او عالمدن

کیم فیلم گورسدوب جهنمدن

غمی آت دوت دمی دم آل دمدن

اوخی افراسیاب و رستمین

فرستی فوته وئرمه دوت گئتسین

حمل بر صحت ائله اوت گئتسین

اوزووی سالما زحمته زینهار
 ارحم الرّاحمندی حیّ کبار
 سنه جنّات تحتها الانهار
 حورلر خیمه لرده چشم خمار

فرستی فوته وئرمه دوت گئتسین
 حمل بر صحت ائله اوت گئتسین

.....

قره خال آغ یوزونده هندو تک
 سوواشوب سور دویونجا زالو تک

فرستی فوته وئرمه دوت گئتسین
 حمل بر صحت ائله اوت گئتسین

ایستی یای خسته قیشدا مست شراب
 نظره آما هئچ عقاب و ثواب
 نه جهنم بهشت حساب و کتاب
 دوشله جام شراب شیشه کباب

فرستی فوته وئرمه دوت گئتسین
 حمل بر صحت ائله اوت گئتسین

عوضوندن سنون علی آغلار
 الده غم دفترین آچار باغلار

دردی چاہہ دییر جگر داغلار

سیندیرنمز اونون غمین داغلار

فرستی فوتہ وئرمہ دوت گئتسین

حمل بر صحت ائله اوت گئتسین

قوی علی غم چکه مصیبتله

او قازانسین سنہ مشقتله

یاشاسین فقریله فلاکتله

شیعه سن خوش اول شفاعتله

فرستی فوتہ وئرمہ دوت گئتسین

حمل بر صحت ائله اوت گئتسین

شیعه مولا دالینجادی باخما

سن آقاندان قباقدان گئت قوخما

سو کیمی هر چوخور یره آخما

بارماقون هر دلیک گلور سوخما

فرستی فوتہ وئرمہ دوت گئتسین

حمل بر صحت ائله اوت گئتسین

سن هله دار و دسته دن قالما

خسته لر گوگلونی اله آلما

کاسبی یوخسولی یادا سالما

زور بازوئيله چاپوب چالما

فرستی فوتہ وئرمہ دوت گئتسین

حمل بر صحت ائله اوت گئتسین

قورخ او گون اوغول اجل گلہ جاق

دفعتاً سانجی قارنووی دلہ جاق

کوپہ جکسن بوغازون ایشگلہ جاق

یورولان نفس اوندا دینجلہ جاق

فرستی فوتہ وئرمہ دوت گئتسین

حمل بر صحت ائله اوت گئتسین

گلون انصاف ائداخ بیر آز اوتانا

خواب اغفال و جھلدن اویانا

عمر قورتاردی قانماقدا قانا

نیلیاخ آش جالاندی سیندی چانا

فرستی فوتہ وئرمہ دوت گئتسین

حمل بر صحت ائله اوت گئتسین

وور گیلانی گیلانہ ایچ گئتسین

عربده قوزا اوینا گئچ گئتسین

آتدان اوستن دویونجا سیچ گئتسین

گل محرمده قارہ بیچ گئتسین

فرستی فوتہ وئرمہ دوت گئتسین

حمل بر صحت ائله اوت گئتسین

ظاہراً مؤمنوخ مسلمانوخ

سؤز گلندہ جناب سلمانوخ

اهل تزویر و آل سفیانوخ

گر علی اولسا بیزده عثمانوخ

فرستی فوته وئرمه دوت گئتسین

حمل بر صحت ائله اوت گئتسین

شیعه سن شرم ائله خدادن اوتان

چوخ خلاف ائتمه مرتضادن اوتان

اگونه گیدیقون قرادن اوتان

لااقل شمر بیحیادن اوتان

فرستی فوته وئرمه دوت گئتسین

حمل بر صحت ائله اوت گئتسین

شیعه سن خوف اضطراب ائتمه

روحیوی خسته حجاب ائتمه

چرشاب آتدا اوزون کباب ائتمه

اهل جنت سن هئچ ثواب ائتمه

فرستی فوته وئرمه دوت گئتسین

حمل بر صحت ائله اوت گئتسین

ای «کریمی» خدادن ال چکمه

دامن مصطفادن ال چکمه

گنجه گوندوز دعادن ال چکمه

درگه مرتضادن ال چکمه

فرستی فوته وئرمه دوت گئتسین

حمل بر صحت ائله اوت گئتسین

حکایت

بیر ایت چولده حمله ائدوب بیر چوبانه
 قاپوبدی بودوندان دولاق دولدی قانه
 یاراسیندان ازبس اولوب قان روانه
 سارالدی یوزی رنگی دوندی سامانه
 بیر ئلجه بولن یاشلی آغ بیرچک آرواد
 خبر وئردیلر تا گلوب پانسمانه
 گئجه صبح اولونجا یازیق چکدی ناله
 سیزیلداری نی تک گلردی فغانه
 دوندی صاقا گه صولا شیونيله
 کیچیک بیر قیزی واریدی نازدانه
 دئی آی دده آخ سنونده دیشون وار
 قاپیدون قیچیندان ایتین زیرکانه
 دئی ای گوزوم نوری آرام جانیم
 سنون بو سؤزون هئچ دگول عاقلانه
 محال امریدی ایت قیچین دیشلییم من
 اگر مین بئله یاره دگسه بو جانه
 قیچیندان ایتین دیشلییم حاش لله
 آغیز وورمارام نجسه باتسامدا قانه

دهانی که لب ووردی ناپاک ایاقه
 اونا اسب وحشی کیمی وور دهانه
 قیزیم پست و نااهلیله یوز گوز اولما
 اگر اولدون آماده اول هر یامانه
 قیزیم پاک آغیز نجسه آلوده اولماز
 آدام اولیادن اُپر آستانه
 یامان پاک آغیزدان قولای پاک دلدن
 اونون مثلیدی منبر اوسته ترانه
 آغیز که حرامدان قوخور مستراح تک
 آچیلسا عفونت گذر آسمانه
 کریمی سن ئولسنده آثارون ئولمز
 گوزل سؤزلرون وار اوزوندن نشانه



آدام قوروسی

قیشدا مردم باسالار انباره
 فخری یا گردکان بادام قوروسین
 یایدا یون تک سره الله بلواره
 توققاج آتدان چیخان آدام قوروسین

قوجالیق

آدم بیر گونی دستلاتدان دوشر عمودی سینار رستم آتدان دوشر
 عبادت جوانلیقدادی چون بشر قوجالیدیجا صوم و صلاتدان دوشر
 ییوب ایچدیقین معده هضم ایلمز چلودان کبابدان سالاتدان دوشر
 تجارت یاتار آل وئریندن قالار چک و نسیه سفته براتدان دوشر
 قازانماز یازانماز پوزانماز یازیق کلکدن قلمدن داواتدان دوشر
 دونر حافظه ذهن، یرتق کیفه که اوستن نه سالیدیجا آتدان دوشر
 حیاتین بهاری جوانلیقدادی قوجالیدیجا انسان حیاتدان دوشر
 بئله شیشمه فرمان دالیندا، شیشن سمند و پراید و فیاتدان دوشر

دعادن یورولما کریمی آدم

دعای کمل و سماتدان دوشر



توت

توتی بیر بیر یمه یی چنگه چنگه
 چادردان آوجووی دولدور باس آنکه
 توتون یوخدی زیانی قلبه قنده
 نه سرماخوردیه نه سینه تنگه

یا شانس یا اقبال

هر دوگی آلدیم قازاندان چیخمادی
 قالدی حسرت بو قرا بختیم گونه
 شرکت ائتدیم انتخابه بارها
 وعده لر آلدیم ائشیتدیم مژده لر
 هر غزاله ایلدیم قصد شکار
 یاغدی دانلاق اوستومه هر سمتدن
 پله پله آندیم استقبالینه
 یاتدیم عریان هی باباطاهر کیمی
 بیر قوناق ممنون و راضی شادکام
 سوهان آلدیم قمدا مغبون ائتدیلر
 طالعیمن منحوسیدی بختیم سیاه
 دوسلاری بیر بیر گئچیتدیم چوتگه دن
 رأی وئردیم هر کسه ائتدیم وکیل
 هر چای آلدیم استکاندان چیخمادی
 برف و باراندان دومانان چیخمادی
 رأی مثبت خبرگانان چیخمادی
 یوزده بیر دوز، سؤز یالاندان چیخمادی
 یای قیریلدی اوخ کماندان چیخمادی
 بارک الله بیر زباندان چیخمادی
 سو گلیم هئچ پله کاندان چیخمادی
 بلکه یار چیخسین توماندان چیخمادی
 راستی بو راستورانان چیخمادی
 گز چوخ آلدیم اصفهانان چیخمادی
 اولدوزوم هفت آسماندان چیخمادی
 مینده بیر دوست امتحاندان چیخمادی
 حق وکیلی پارلمانان چیخمادی

ای کریمی یوخی حکمتدن سؤال

باش بو رمزی داستانان چیخمادی

درده دگن سۆزلر

همنفس آختارما نفّس سیز یاشا
 بلبل اول آزاده قفس سیز یاشا
 الی یوز انسانلارا یوز وئرمه چوخ
 تک یاشا ساکت یاشا سس سیز یاشا



سریوی نااهله عیان ایلمه
 دردیوی نامرده بیان ایلمه
 یاخشی ئولوم وار یاشاماقدان گوزل
 ئول بابا خلقی نگران ایلمه



پول نه غوغا یارادیب دنیادا پولسوزی اوز قارداشی سالمیر یادا
 رشوتیلن عشوه ایله دادلانیب قورخورام عزرائیلی ده آلاّدا



گر ریاست یتیشه پست الینه صانکه خنجر دوشوبدی مست الینه
 ای خدا خاطر امام غریب سالما هشیاری می پرست الینه

اعتکاف


آی خانم یا قدیمی اول یا جدید	مود روزیله اعتکاف اولماز
هی دیورسن اورک گرک صاف اولا	قلب فکریله قلب صاف اولماز
معتکف اول حیا و عصمتیله	ذکر بسم اللهیلا لاف اولماز
به بهانه نمی دهند بهشت	یوسفین قیمتی کلاف اولماز
خانمون فاطمه گندن یولی گئت	قولیله فعلده خلاف اولماز
سنه صندوقخانه مسجددی	اوردا آیا بو ائتلاف اولماز
اعتکاف ایلین داغا چیخماز	دستمازین سوی مضاف اولماز
یا خدانی دوتون یا خرمانی	بو قدر دینده اختلاف اولماز
دینی دنیایه قاتما دوز گلمور	دین اولان یرده انحراف اولماز
توپا، شطرنجه، اوردویا، رقصه	کشتیه دامنون شکاف اولماز
ای کریمی حقیقی کعبه نی تاپ	هر ائوین باشینه طواف اولماز

قویما شمشیر شعر پاسلانین

پاسلاناندان صورا غلاف اولماز



بولوسن نیلدی فلانی منه	یوکلدی هی یالان پالانی منه
بیر زمان چوک کسوب یدی دده سی	ایمدی ده هی چورک کسیر گنده سی



دده دن بی خبر اولان بیجه لو	دیلین عادت وئرر یالان خبره
گوره سن بیر سؤز آتدی آغزیندان	دوشدی یوز خانواده دردسره

حکمتدن سؤال یوخدی

بیر نفر بنده دن سؤال ائلیوب منی اصلاً جوابه لال ائلیوب
 دیور الله نیه قویون قوزونون آتینی بیزلره حلال ائلیوب
 کل، گامیشدی، اینکدی، آهودی اتلرین طعمه رجال ائلیوب
 گوجی چاتمیردی شیره بیره مگر نیه مظلومی پایمال ائلیوب
 ایته دیرناق وئروب دیدیر گلنی پیچاقی قاتل مارال ائلیوب
 فرهنی، ککلیگی، تویوق، خروسی سرچهنی طعمه شغال ائلیوب
 قرقی قیناقلاریلا گوز چیخادیر غاز قازانلاردا قیل و قال ائلیوب
 بیرى بیر لقمه میل ائدنده دویور بیرینون قارینی چووال ائلیوب
 بیرى هرنه گلور ییور دؤیمور بیرى آجلیقدان ارتحال ائلیوب
 هاردا بیر دست پنجه صاحبی وار اونى دارای ملک و مال ائلیوب
 هاردا بیر مؤمن و مقدس وار اونى شرمندۀ عیال ائلیوب
 بیرى اوز کلبه سین ساتور خشلور قان ساتور جان وئور ملال ائلیوب
 بیرى بلغاردا یا اروپاده ناز و نعمتده عیش و حال ائلیوب

دئدیم ائتمه سؤال حکمتدن

مصلحتدور که ذوالجلال ائلیوب

هانسی مخلوق امور خالقهده غوطه ور اولسا کج خیال ائلیوب

هانسی بنده دئسه رضا بقضا امر بی مثله امثال ائلیوب

نه جهتدن کریمی آد قازانیب

مرکزه سیمی اتصال ائلیوب

نااهله نصيحت

گوهر پند و نصيحت جیبی یرتق بشره
 بهره وئرمز بابا یل وورمادی پنچر طیره
 بو قولاقدان سؤزی آلقاق او قولاقدان اتورر
 سؤز دیین انگینی یوردوقجا دوشر دردسره
 پند شیرین نمکین وعظيله نااهل آداما
 ائله بیل که قاتيسان شور دوزی شیرین شکره
 کیشی اوز اوغلونا ایلوردی نصيحت که اوغول
 عفت کلمه نی سالما دانیشاندا خطره
 دندی آی قویما چیبین قوندی اولاغین س.....
 دده قوو بورکوویلن ائشگی سالما ضرره
 سؤزی سات اهلینه سالسین قولاقا سرقا کیمی
 اونی وئرمز هدره مشتری زرگردی زره
 بش گون عمرونده دوشوب تخت ریاست الیوه
 شیشمه چوخ بینوا بیچاره لری آل نظره
 بو میز اگلشمله لی میزدی دادی وار نشئه سی وار
 سرنشینون گئج و تئز پیس وورار آخرده یره
 نجه بو پاسلی قلج هی دولانیر الدن اله
 بو کمردن آچیلور باغلانیر آیری کمره

گوزله باش کسمه چورک کسمه بیلک کسمه داداش

پیچاقی خلق ائلیوبلر قوونا گلبسره

بیر گون الدن آلاجاق وئردیقی شمشیری فلک

بو ریاست بو سیاست گله جاق بد نظره

گوزی یوم آچ گوره سن بستر بیماری ده سن

دسترس قالمیاجاق سنده نه زوره نه زره

جان یتر حنجریه هی باخاسان پنجریه

منتظر سن باشی داشلی ائله بیل بیر نفره

او زمان قابض الارواح یتر خدمتیوه

نه الون دشیه شمشیره چاتار نه تبره

یتیمیش ایل کئف سوره سن لذت و عیش عشرتیلن

جان وئرنده گوره سن هاموسی گئتدی هدره

نفسون تنگه دوشر قوش کیمی قلبون چابالار

شیرین عمرین لحظاتی دونر آخر زهره

بیر قرانلیق گئجه واردی هله بیر غملی مکان

او مکاندان کسه یول باغ بهشته سقره

عملوندی سنه قبری ائلین باغ جنان

أَوْ هِيَ حُفْرَةٌ مِنْ نَارِ لِقَوْمٍ كَفَرَةٍ

ای کریمی عمل ائت حیّ علی خیر العمل


توشه اخذ ائت ابدی منزله دائم سفره

می‌گذرد

شود، ز برزن ما شهردار می‌گذرد
 ولی پیاده نه، پاترول سوار می‌گذرد
 یقین به حال محل های‌های گریه کند
 که بهر ما به چه سان روزگار می‌گذرد
 مخابرات گهی چاه می‌کند سر راه
 گهی فشار قوی با فشار می‌گذرد
 زنند نقب گهی در مسیر لوله گاز
 گهی ز معبر ما آبیاری می‌گذرد
 حساب پای شکسته در این نشیب و فراز
 اگر شماره کنی از هزار می‌گذرد
 گهی به بیل مکانیک تونل زنند اینجا
 مگر الهی از اینجا قطار می‌گذرد
 خوشا به آنکه بود بی‌خیال از این اوضاع
 که مست آید و منگ و خمار می‌گذرد
 خوشا کسی که نه ملت شناسد و نه وطن
 بر او زمانه خوش و کامکار می‌گذرد
 خوشا کسی که نمی‌بیند و نمی‌شنود
 ز دل بریده ز مطلب کنار می‌گذرد
 کریمیا همه اوقات ما خزان و بهار
 به مدح و مرثیه شعر و شعار می‌گذرد

لذّت جوانلیق‌دادی

جوانلار سعادت جوانلیق‌دادی
 عبادت اطاعت جوانلیق‌دادی
 شہامت شجاعت جوانلیق‌دادی
 بیلون استقامت جوانلیق‌دادی
 صفای سیاحت جوانلیق‌دادی
 فقط عُمده لذّت جوانلیق‌دادی



جوانلیق جوان الدہ سرمایہ‌دی فعالیتہ اولین پایہ‌دی
 اوجوز ساتما دُرّ گرانمایہ‌دی سنہ مشورتده گوزل آیہ‌دی
 کلید کرامت جوانلیق‌دادی
 ثواب تلاوت جوانلیق‌دادی
 چوخ اولما جہالتده ساغر بہ دست منیت سنی ائتمہ سین مست و مست
 کہ دستی‌ست بسیار بالای دست سنی بیر گون ایلرله با زن نشست
 علاج ندامت جوانلیق‌دادی
 تلاش ایله فرصت جوانلیق‌دادی
 قوجالیدیجا الدن گذر امتیاز ایتر شکّ و سہوین ایچینده نماز
 الہی نمازیم چوخ اولدی یا آز رکوعہ گئندہ سینار دستماز
 فریضہ عبادت جوانلیق‌دادی
 عریضہ ارادت جوانلیق‌دادی

گینه دوشدی شوق سفر باشیمه هماش اولدوم ایلائی قارداشیمه
عزیزی محبتلی یولداشیمه عطاءالله فهمیده سیرداشیمه

رفاقت صداقت جوانلیقدادی

دولانماق سیاحت جوانلیقدادی

احد دوتدی فرمان دالیندا قرار ماشالله گوزل دستفرمانی وار
یولی بولدوزر تک دئدیم «آردی» یار نه بیگانه میز وار هامی یاردی یار

بو طئی طریقت جوانلیقدادی

طریقت حقیقت جوانلیقدادی

یولی دوشمدوخ لنگه بیر ثانیه ساهات سگزه چاتمیشوخ خانیه^۱
بساطی آچوب پارکا صبحانیه مربّا کره چای و قلیانیه

گوزل استراحت جوانلیقدادی

جوان دادلی ساعت جوانلیقدادی

دوروب طمطراقیله اولدوخ سوار دیردوخ گولردوخ آچاردوخ نوار
اورکلرده نه دغدغه کینه وار سفر هر غباری اورکدن یووار

قناعت مناعت جوانلیقدادی

لیاقت نظافت جوانلیقدادی

ائداخ بلکه سردشتدن بازدید به قصد تفرّج به فکر خرید
تلاش ایلدوخ ناامیددن امید نه لر آلدوخ آنئی آچیق روسفید

رواج تجارت جوانلیقدادی

منافع معیشت جوانلیقدادی

ایتور میشدیم ایلانی‌دن بیر پیچاق گرک یا وئراخ یا شَه‌ردن قاقاق
یکه چاقو آلدیم کَسَردِه ناجاق یدوخ ایگنه باید چووالدوز س.....

بیلون هوش فراست جوانلیق‌دادی

زکاوَت کیاست جوانلیق‌دادی

ایکی کُرد قیزین گوردوم آگاه اولون دوتوب بیر قوجا عورتین صاق صولون
بیری صاق قولوندان بیری صول قولون آتانمیر ایاقین گئندنمیر یولون

دئدیم عیش و عشرت جوانلیق‌دادی

باخون یاخشی عبرت جوانلیق‌دادی

همان قیزدی بیر گون گئدیردی گلین داراقلیردی مَشَّاطه زلفین تلین
ماما یَنگه صاق صولدا دوتمش الین گورون انسانین آخرین اولین

بصیرت به سیرت جوانلیق‌دادی

بو ایّامه دَقّت جوانلیق‌دادی

همان قیزدی بو خاللی ماللی مارال یازیلیمیش غزلرده آدی غزال
دوشوبدی بو حاله اولوب پیر زال گورن گوز واروندی باخوب عبرت آل

او حسن و طراوت جوانلیق‌دادی

ملاحِت وجاهت جوانلیق‌دادی

اوجا قامتون اولدی اوچ قات قوجا باشوندان سفر شوقینی آت قوجا
دولانماق قوتاردی یخیل یات قوجا بودور طول عمره مکافات قوجا

قیت باخ جلالت جوانلیق‌دادی

هاچان بو ملالت جوانلیق‌دادی

قیزان قیز نه تئز اولدی بوزدان سوویق او بیر جوت م.... اولدی یرتق قوویق

مگر تازه چیخمیش تولکدن توویق ائله تورشور انسان گئدنمیر یوویق

لب لعل لعبت جوانلیق‌دادی

او شمشاد قامت جوانلیق‌دادی

ناهار آبشاره قالور شلماشاه احد سالدی اون بش کباب دوردباشا

یدوخ اشتهائيله دورد قارداشا قارین دولدی ایستور بوغازدان داشا

یماق ایچماق عشرت جوانلیق‌دادی

ظرافت ضیافت جوانلیق‌دادی

صدای دل‌انگیز آب روان وئورور جسم امواته روح روان

سالوب یانینه بیر گوزل هر جوان باخیش اوچی، کیپریکلر اوخ، قاش کمان

اشارت بشارت جوانلیق‌دادی

بو حُسن و وجاهت جوانلیق‌دادی

بو ناز و بو عشوه بو ماه عسل گل اوز بلبلین یاد ائدیر ماحصل

یاناقلار یانیر لاله تک فی‌المثل دوداقلار دیور آی جوان گئتمه گل

لطافت طراوت جوانلیق‌دادی

بو شکل شباهت جوانلیق‌دادی

یتوب ساعت پنج بعد از ناهار یغیشدیردوق اسبابی اولدوخ سوار

«احد» یوخسا زندانی ایلور فرار دئدیم تندرو اولما ای حمله‌دار

تصادف حماقت جوانلیق‌دادی

تغافل سفاهت جوانلیق‌دادی

یتیشدوخ مه‌باده وقت اذان گوزل پارک شهرینده ائتدوخ مکان
 آلوب بخت و طالع اجلدن امان بیزه غبطه ایلر زمین و زمان
 بو صحت سلامت جوانلیق‌دادی

غنیمت بول عزت جوانلیق‌دادی

سنه بیر لطیفه دیوم رایگان قوجاتدیقجا شخصی مرور زمان
 ایکی خاصیت اوندا ساخلار جوان طمع‌دور اوزون آرزو رایگان
 تاپولسا دیانت جوانلیق‌دادی

باشارسان عبادت جوانلیق‌دادی

جوانسان اوزون باغلاما توستویه پولون توستویه وئرمه وئر پستیه
 دایان بش‌گون عمری سویوق ایستیه جوان خوشدی عمرین جوان ایستیه
 او یان ترک عادت جوانلیق‌دادی

قبول نصیحت جوانلیق‌دادی

قوتاردوخ مه‌باددن نیمه شب هامی منزله یتماقا دوطلب
 حاج ایلائی ساعت سایور تشنه‌لب میاندا به چاتدی اکیب ادب
 بو عشق و محبت جوانلیق‌دادی

صداقت رفاقت جوانلیق‌دادی

میاندابدا وار بیر نوهم مهربان صله رحمه آلدیم زماندان امان
 گئدوم بش دقیقه اونا میهمان یورولدوم ایچوم طالبی اوچ لیوان
 گوگلده حرارت جوانلیق‌دادی

ثواب زیارت جوانلیق‌دادی

یتیشدوخ غرض قورتاروب معرکه عزیزینی قویدوخ ازل شهرکه
 کریمی سفردن گرک سؤز چکه آلا مَرَحبا بِک هنیئاً لَکَ
 قوجالماز فصاحت جوانلیق‌دادی
 همیشه بو حالت جوانلیق‌دادی



تاریخ ازدواج نوهام لیلا با آرش

هزار و سیصد و هشتاد و یک به شهر یور
 ز یمن بخت تقارن گرفت شمس و قمر
 بسوی خانه آرش روانه شد لیلا
 الهی کامروا باد این زن و شوهر

ای کریمی

ای کریمی دئمورم شعریده شاعرباشیسان
 قاریشوبسان آجی شور هر تره‌دن کرد آشیسان
 اخلاقون تئدیدی تئز هیسلیسن تئز داشیسان
 گنه بوندان بئله الله توکل یاشیسان
 آفرین سؤز بویاماقدا ائله چین نقاشیسان
 کیم یاخیندی سنه حسرتده‌دی ظلمت داشیسان
 فخر ائله ذاکرین هم اوغلوسان هم قارداشیسان
 ائوده همخانه‌سی‌سن یولدا سفر یولداشیسان
 عاطفه محرمیسن بخل و حسد اویناشیسان
 تشویقیله شیشیسن سرزنشه قاتداشیسان
 خانقاه عرفا پلکانیندا کاشیسان
 شعرا محفلینون سفره‌سینون بوزباشیسان
 قجله تک دده‌سی خیرینه هی دال قاشیسان
 کورکوندن بیرى چمدیک گوتوره پتداشیسان
 زندگانلقدا هله اوستا دگولسن ناشیسان
 یازیسان هی پوزوسان شعر و قلم سرداشیسان
 قافیه تاپماقا هی دام دووارا دیرماشیسان
 سؤز دگنده کوسوسن سیلی دگنده آشیسان

دیلیوه مالک اول اوغلان یولی گه گه چاشیسان

ادیاتی اوزوک فرض ائله ساخ سن قاشیسان

آفتی انگلی کس جامعہنین سمپاشیسان

دوسلارین هر زاديسان ائو ائشیگی دامدایشیسان

سن سهندین گلوسن لاله سی سن خشخاشیسان

مراغا کوشینون ئل بگنن عیاشیسان



شعر کریمی

زیباتر از طبیعت و شیرین تر از عسل

شهر مراغه، شعر کریمی دی ماحصل

نام مراغه ذکریدی اصحابه دل به دل

شعر کریمی تحفه احبابه ال به ال

چکّر شیره شیرین پندلردن گوارادی عسلدن قندلردن

اوغول انصاف ائله گون باتمامیش افطار ائلمه

سویمسان ایش یتیشوب قویروقا مردار ائلمه

قویما ناقص هر ایشی باشلادون انجامه یتور

تنبیل اولما اوزووی جامعهده خوار ائلمه

ایله ایش گورمه اوتوز یول دیهسن آنلامادیم

اوز دیلونله اوزون اوز جهلوه اقرار ائلمه

یول خطرناکیدی پیچ و خمی وار قورخولودی

چیگنیوه وزر و وبالین شله سین بار ائلمه

باشارارسان ائدهسن سینهوی سینای صفا

بو گوزل سینهنی دوديله تولانبار ائلمه

قوجالیق ایلدی مفقودالثر آ.....

آرزوی صنم و دلبر و دلدار ائلمه

یوکی یونگول گوتی ئلدن دالیا قالمیاسان

بینواسن اوزووی چوخدا گرفتار ائلمه

مردم آزاره اگر وعده جنت وئرلر

دوت جهنم یولونی مردمه آزار ائلمه

دیلین سعی ائله بیگانهنی یار ائت اوزووه

نیشخنديله گوزل یاریوی اغیار ائلمه

باخما دنیا طلبان دینی قویوب مسخریه
 دینیوی ملعبه درهم و دینار ائلمه
 اجری وار خوش سسیله قاری قرآن اولاسان
 اولماسا قارقا کیمی قرقر و قارقار ائلمه
 آز یاشا ساز یاشا آزاد یاشا عزتلی یاشا
 گلهنین باشماقین اُپمه اوزیوی خوار ائلمه
 دلک آئینه سی تک گنچمه بو الدن او اله
 لُنگ حَمّام اوزیوی هر گ.... شلوار ائلمه
 بیلن اول بیلدیگیوی بیلیمه نه بیلدیر اوغول
 یا بولندن سوروش اوز بولمدیگون عار ائلمه
 ذره بین قویماگیلان عیبلره چکمه گوزه
 ذره نی زوربا گوروب مثقالی خروار ائلمه
 اشتباه ائتمه خُذالعلم مِنْ أَفْوَاهِ رِجَالِ
 بیلن اول بیلمدیگون مطلبی انکار ائلمه
 سنده یوخدی او هنر نفسی باسوب ئولدوره سن
 قوی اَقْلًا یاتا بو دشمنی بیدار ائلمه
 گئده نی ساخلاماق اولماز اُتور اوز باشینه گل
 اتگیندن یاپشوب عجزیله اصرار ائلمه
 حافظ و سعدی و فردوسی و جامی دن اوتان
 گلنی شاعر ائدوب هر سؤزی اشعار ائلمه
 ای کریمی سؤزی سال قافییه توک بازارا
 محتکر مثلی باسوب پستویا انبار ائلمه

روز زن

خانم دیوور

آی کیشی چوخ غصه لیم من گنه غم سیخیری قلبیمی چون منگنه
بیر نچه گون قالموری روز زنه آخشامینا کوفته پشیرم سنه
آی کیشی بیر یاخشی موبایل آل منه

جامعه مشغول اولوب اینترنته من یانیرام سنده اولان پاتلته
کلفتی دوت شام ناهارا اوملته ات گتیمیرسن که چکم ایشگنه
آی کیشی بیر یاخشی موبایل آل منه

یغدیقیمیز پوللاری وئردون گازا برقه سویا فاضلابا نوسازا
ایمدی داخی قویما سن الله نازا قلبیمی سیندیرما قادان سوسنه
آی کیشی بیر یاخشی موبایل آل منه

گئچدی او گونلر داخی کبلای نصیر آرواد اولا چرشاب ایچینده اسیر
مانتو نه قول قیچ دوتوری ال کسیر مرگ چادر چرقت اوزون دامنه
آی کیشی بیر یاخشی موبایل آل منه

یونگول ائدوب ایشلری اسلام ناب بیر بالاجا روسری یعنی حجاب
پیشمه چغندر کیمی اولما کباب صندیقی آچ پانبوقی توک کوشنه
آی کیشی بیر یاخشی موبایل آل منه

وار بابا هر نعمته بیر نقص و عیب آخشاما تک دسترس اولمور نصیب
آنتنی وئرمور گئجه لر نانجیب اولسا حمایل ائدرم گردنه
آی کیشی بیر یاخشی موبایل آل منه

ایمدی یه تک هئچ یوخودی روز زن محرومیدی خوار و سیه روز زن
اولدی ماشالله نجه پیروز زن آد قازانیب اولدی مامان جان، نه نه

آی کیشی بیر یاخشی موبایل آل منه

یولدا بازاردا کوچه ده دیللنیر هامی باخولار خانما هللنیر
جلسه ده تالاردا آدام بیللنیر شیش قاناد آچ وئر اوزونا وئر انه

آی کیشی بیر یاخشی موبایل آل منه

گورنه دوشوب جامعه حالدان حالا ماه پری بیر بوش کیفی سالمیش دالا
بنزیر اوزاقدان قوچعلی حمّالا قول قولا قنبرله چیخوب گلشنه

آی کیشی بیر یاخشی موبایل آل منه

زنگ ووراندا دیرم جان آلو سن منه دی من سنه هرآن آلو
جان گوزه لیم جان سنه قربان آلو دوش منه گوز داغی وئراخ دشمنه

آی کیشی بیر یاخشی موبایل آل منه

قۇزا باشون قبردن آی مش پاشا قیز گئدیر ایوریس داغینا دیرماشا
هو بولا جیران کیمی داشدان داشا شوخ م..... لر آله صیقللنه

آی کیشی بیر یاخشی موبایل آل منه

مین نچه یوز ایل بیزی ائتدوز اسیر کهنه شریعتدن آدام اولدی سیر
ایمدی خانم هم آسیری هم کسیر قیز کیشی وار قویما باشون گورسنه

آی کیشی بیر یاخشی موبایل آل منه

سنده یتیش بیر اوزووه ای عوام کامپیتر عصریدی چوخ اولما خام
عشق ائله ثلدن دالی قالماز آدام هئچ باخیسان همسایامیز بهمنه

آی کیشی بیر یاخشی موبایل آل منه

من بو ائوه اوندا که گلدیم گلین هر گلن اویناتدی منه سقلین
 تار قاوالا وورمادی هئچ کس الین موسیقی ایمدی داراشوب میهنه
 آی کیشی بیر یاخشی موبایل آل منه

موم کیمی مذهب بورولور هر یانا دوشدی مناجات و دعا قارمانا
 غم قاریشوب عیشه قاوال قرآنا مؤمن اودور ماهر اولا هر فنه
 آی کیشی بیر یاخشی موبایل آل منه

آخ بو نجه شرعیدی ای بی خیال اوندا حرام، اولدی تازاشدان حلال
 موسیقی اسلامیدی چال قوخما چال قوی کادو قرآن وئرهلر تارزنه
 آی کیشی بیر یاخشی موبایل آل منه

سات بو قدیم دام داشی بیر واحد آل پوللاری قوی بانگا به وجه حلال
 بیر پژو آل ایلایخ عزم شمال سیر ائلیایخ میسره هم میمنه
 آی کیشی بیر یاخشی موبایل آل منه

مقنعه گلناره دئدیم آلمادون گلگزه گوشواره دئدیم آلمادون
 بیر دانا ماهواره دئدیم آلمادون ایش یتیشوب قالماقالا شیونه
 آی کیشی بیر یاخشی موبایل آل منه

ایمدی خانم تخت ریاستدهدی چوخلاری شورای سیاستدهدی
 بعضیلری کهنه شریعتدهدی قویما ضعیفه توکووی گورسنه
 آی کیشی بیر یاخشی موبایل آل منه

سنده قوشول ملته گزمه یانیش فوت و فن جامعیه اول تانیش
 بوشلا حدیثی آپلودان دانیش شوروی مرّیخه آچوب روزنه
 آی کیشی بیر یاخشی موبایل آل منه

ایمدی موبایل آلمیانا ٹل گولور طویدا قوناقلقدا آدام اسگیلور
 داغدا گزیر باغداکین انسان ییلور بیر بئله فرصت اله دوشمز گنه
 آی کیشی بیر یاخشی موبایل آل منه
 بسدی «کریمی» گنه ریشخندیلہ زهری قاتیرسان عسلہ قندیلہ
 کیمدی بوجور طنزی قاتا پندیلہ یاخشی توانا وئروب اللہ سنہ
 آی کیشی بیر یاخشی موبایل آل منه

کیشی جواب وئورور

یانشاما آرواد بارک الله سنه خوش بیانون واردی ماشاالله سنه
اومما عم اوغلون آلا همراه سنه چونکه یاراشماز بئله دسگاه سنه

عقل وئروب هوش وئروب الله سنه

شرعه شایسته دگول آروادا گوشى الینده دولانا اورتادا
یا خیاباندا گتوره مین ادا یوز فقره وئرمیشم آگاه سنه

عقل وئروب هوش وئروب الله سنه

چیخسا زینیدن یا آقا یا خانیم قانی هدردی گوزه لیم جیرانیم
هرزه دانیشما خراب اولدی قانیم هیسلنیرم گه قیزیوا گاه سنه

عقل وئروب هوش وئروب الله سنه

ایش یتیشوب خشکه آدا شهرته هر آيا هر هفتیه هر ساعته
آخری چکدی بو ایشین بدعته روز زن اولدی بالا تانخواه سنه

عقل وئروب هوش وئروب الله سنه

روز مقدّسدى چه مادر چه زن فاطمه میلادیدی ای بد دهن
هی سالیسان جنگ و جدل زن بزن سؤز دئماقا ایلورام اکراه سنه

عقل وئروب هوش وئروب الله سنه

فاطمه بانوی جناندور نه زن فاطمه دی صاحب بیت الحزن
مام گرامی حسین و حسن یوخ بو گونون نسبتی گمراه سنه

عقل وئروب هوش وئروب الله سنه

کیم بو گونه بو آدی بولدی صواب سن هارا زهرا هارا ای بی حجاب
قول قیچ ائشیکده نه حساب و کتاب خصم اولی زهرا اوزی واللّه سنه
عقل وئروب هوش وئروب اللّه سنه

هاردادور اسلامده بو ابتکار آرواد اولای بیر بئله بی بندوبار
بوینومی اگدوقجا سن اولدون سوار آفرین آی حیلده روباه سنه
عقل وئروب هوش وئروب اللّه سنه

مرگ اولای چرشاب جورابا چرقته دوندی پیشیکلر آغیز آتما اته
شام و سحر ایله دعا دولته بیر بئله دُو وئرمدی هنج شاه سنه
عقل وئروب هوش وئروب اللّه سنه

عصر جهالتده سیزی بالتّمام زنده بگور ایلدی قوم عوام
وئردی پیمبر سیزه قدر و مقام چاتدی بو آسایش و ارفاه سنه
عقل وئروب هوش وئروب اللّه سنه

چاتدی خانملار نه عجب قدرته قوچ کیشی لر آرواد اولوب عورته
سجده داشا، توپراقادی نه اته چاه منیمدی یتیشوب جاه سنه
عقل وئروب هوش وئروب اللّه سنه

سعی ائلیون چیخمیون اندازه دن سالمیون احکامینی شیرازه دن
یوخسا همان ایش قییدر تازه دن آغلارام اوندا چکرم آه سنه
عقل وئروب هوش وئروب اللّه سنه

هانسی قیز ایستور گئده ایمدی آرّه شرطیده اوّل آر اولور شوهره
چات یوکونی چاپ داغ اولایا دره آر دئمه ائشک وئروب اللّه سنه
عقل وئروب هوش وئروب اللّه سنه

ایلموسن چیگنیوه بیر کیف سوار آخ ایچینه اوسدوروم اوندا نه وار
 بینوا جیب بر قاپور ایلور فرار گولمه‌لی سن گولمه‌لی قاه قاه سنه
 عقل وئروب هوش وئروب الله سنه

چوخ منه اویناتما بو گوز قاشووی بیرده موبایل ایسته اوزوم باشووی
 یاسدا ایچوم آشووی بوزباشووی آغلیوم هر لحظه چکوم آه سنه
 عقل وئروب هوش وئروب الله سنه

گوشی الونده دوشه‌سن میدانا سن دی آلو، بعلی، مزاحم جانا
 ایش چکر افساده قوپار فرتانا اوندادی ایوای منه واه واه سنه
 عقل وئروب هوش وئروب الله سنه

چرشابی آت موددی بورون مانتووا کوهنورد اولماقا قاچ دوش تووا
 تلیریوی یوجی صابونسیز یووا من دگولم ذره‌جه بدخواه سنه
 عقل وئروب هوش وئروب الله سنه

امکانی واردی اولارکک دیشی آما چتیندی اولار آرواد کیشی
 آی گوزه‌لیم اهلینه تاپشیر ایشی قوی دئمه‌سین جامعه گمراه سنه
 عقل وئروب هوش وئروب الله سنه

سنده داوام یوخ سویوقا ایستیه قیناناوی قویدولا بهزیستیه
 بیر بالا تاپ سن نه‌نه‌سین ایستیه منده دیوم ایدک الله سنه
 عقل وئروب هوش وئروب الله سنه

ملّیمیز زُبده مسلمان‌دیلار قولیده بوذر دیله سلمان‌دیلار
 فعلیده هر تک تکی شیطان‌دیلار شاهد عینی‌دی یدالله سنه
 عقل وئروب هوش وئروب الله سنه

انسان اگر هر دینه وابسته‌دی عامل اولاً دینینه شایسته‌دی
 قولده زیرک عمله خسته‌دی دای ائدیرم مطلبی کوتاه سنه
 عقل و ثروب هوش و ثروب الله سنه

بینواسان عقلوه یازدیر دووا سعی ائله بیرده گونی و ثرمه سووا
 حق و حسابون سایارام آوجووا دای ائدیرم مطلبی کوتاه سنه
 عقل و ثروب هوش و ثروب الله سنه

زن زن اولاً یا نه‌نه اولسا نه‌نه منتظر اولماز ایلی روز زنه
 من سنه یانسا اوره گیم سن منه بایرام اولار گون گئجه ایل ماه سنه
 عقل و ثروب هوش و ثروب الله سنه

بیر نچه آی دوز لالشون شیخ جلال امته ماهواره‌نی ائتسون حلال
 اوند ائوه چارداقا آل باغه آل طعنه وورانماز بیرری آنگاه سنه
 عقل و ثروب هوش و ثروب الله سنه

حفظ ائله حیثیتیوی اول عفیف نظم و نظامیله دولان چوخ نظیف
 دامنیوی ایلمه چیرکین کثیف محترم اولسون هامی درگاه سنه
 عقل و ثروب هوش و ثروب الله سنه

ایمدی که دایلاق کیمی دینگیلده‌سن چیلتیگیلن جام کیمی جینگیلده‌سن
 بیر گون اولار ایت کیمی اینگیلده‌سن یوز چوویرر مین غم آچار راه سنه
 عقل و ثروب هوش و ثروب الله سنه

سنده «کریمی» آتاوی یاد ائله امر به معروف ائله ارشاد ائله
 طنزیله تفریحیله دل شاد ائله قوخما توکلت علی الله سنه
 عقل و ثروب هوش و ثروب الله سنه

ارومیّه دن خاطره

گوزل خاطرهم وار ارومیّه دن
 گنه بیر گون آلدوخ اجلدن امان
 گلین قینانا بنده داودیله
 گندوب حاجی بهنامه اولدوخ قوناق
 یغیشدی گئجه باشیمه اهل حال
 حاجی فیض دارای علم و عمل
 صفا بخش محفل اولوب عشرتی
 نشاطیله رفع ملال ایلدوخ
 بیزی بیگ گلین تک اوتان دیردی لار
 گلوب بیر پژو بیر سمند آریا
 باری نه باری مثل باغ بهشت
 باری نه باری بهترین لاله زار
 مدیری کیان فردی سرمایه دار
 یوز آتمیش نفر کارگر روز و شب
 خوشا خیر اشخاصین احوالینه
 چورک وئر چورک کسمه ای بوالهوس
 چالیش اخذ سود ایله سرمایه دن
 برای نهادن چه سنگ و چه زر
 بیزه نوش جان اولدی سوریّه دن
 غنیمتدی ساعات دور زمان
 دل شاد و مسرور و خوشنودیله
 خدا ائتمه شیرین تفاقین نفاق
 همیشه منم شمع بزم رجال
 کمالی مصفا کلامی عسل
 گلستانی نون دلربا صحبتی
 اودا بیر گنجیدی که حال ایلدوخ
 ارومیّه شهرین دولان دیردی لار
 بیزی چکدیلر شهرک باریا
 گورن بیرده دوتماز سراغ بهشت
 اروپائی ویلالری پایدار
 اوزوندن قویوب بیر گوزل یادگار
 او شرکتدن ایلولله روزی طلب
 خدا عافیت وئرسین اموالینه
 چورک کسمه دن گورمیوب بهره کس
 هامی دینجله سنده کی سایه دن
 پولوشده قیز اوغلان یامانلار چزر

وورولدی لب ساحله خیمه‌لر
 اوزنده بالیق تک دورو دریادا
 صونا ووردی تئز تئز کبابی شیشه
 گوزل میوه‌لر چای و قلیان چاق
 منم شمع دوره‌مه پروانه‌لر
 دل شیده قوزاندی بیر تندباد
 نه یل ووردی تشکیلاتی بیریره
 نه یل بیر علامتدی طوفاندن
 بئله آسه یل لحظه وئرمز امان
 یتر صدمه ایمانه آفاتدن
 بو یل که بو شدتله فعلاً آسر
 نه منقالدا اود قالدی چایداندا چای
 ادب جان قوتارماز بو طوفاندن
 اگر اولسا مین سلسله مین طناب
 ائشتمیشدیم ثل زوری سئل قوه‌سی
 بساطی یغیشدیردوخ اولدوخ سوار
 یلین قدرتینده بو برنامه وار
 یلین صدمه‌سی چوخدی یا چوخ یا آز
 «کریمی» جوان عمری وئردون بادا
 همین شعرلردور سنه زنده‌یاد
 خوش اول ذاکرین سربلند اوغلوسان

اورا زاهدی دعوت ائتسن گلر
 سالاردیم احبّانی بیریر یادا
 پیشیردی گلستانی چکدوخ دیشه
 رفاقت صمیمی نه کین و نفاق
 دئماق گولماق اشعار و افسانه‌لر
 دوشوب یادیمه قصّه قوم عاد
 ووروب خیمه‌گاهی یاتیردیب یره
 یاپیشدیم ایکی اللی قلیاندن
 قالا باشدا چادر ایاقدا تومان
 اثر قالماز اخبار و آیاتدن
 خانملاردا قویماز حیادن اثر
 کبابلار قالور نیمه‌پخته هرای
 شرف قورتولانماز بو بحراندن
 بو طوفانه قاتداشماز اسلام ناب
 اولاردان اشد اولدی یل قوه‌سی
 مگر نوح او طوفاندان ائتدوخ فرار
 آغاجلار قیرار ساختمانلار یخار
 چوخی ائو خرابلار آزی دستماز
 گوزل ایش گوره بولمدون دنیادا
 اوخور اهل منطق دیر زنده‌باد
 مراغه آناندی سهند اوغلوسان

مناجات

الهی معصیتدن شرمسارم پیس اولسامدا سنه امیدوارم
اسیر ائتمه منی شیطان شومه ذلیم بی پناهم بی قرارم



الهی سن منی گتدون جهانه وئروبسن آشیانه آب و دانه
منی بو دار قفسدن ایله آزاد قنادیم آج اُتور باغ جنانه



الهی هر توکوم گر بیر دیل اولسون چتین حق تشکر حاصل اولسون
منیم تقصیریمی عفو ائت باغیشلا قوی احسانون فقیره کامل اولسون



الهی تن سنوندی جان سنوندی رگ و مو استخوان و قان سنوندی
وئرن سنسن آلان سن ساخلیان سن که من فرمانبرم فرمان سنوندی




الهی نیلیوم بیر مشت خاکم هوای نفس الینده سینه چاکم
اگر سلب ایلسون توفیقی مندن هلاکم من هلاکم من هلاکم



الهی بنده وی گردابه سالما عقوبت سنگینی بو جانه چالما
نه وئرسن وئر نه آلسان آل اوزون بول ولی عشق حسینی بیزدن آلما



الهی سن خداوند جهانسان آتامدان هم آتامدان مهربانسان
فشار قبردن نار سقردن منی رحم ایله ساخلا ساخلیانسان



الهی من کی‌ام از ذره کمتر توئی پروردگار ذره‌پرور
تو خود دانی برانی یا بخوانی در دیگر نکوبم غیر از این در



خداوندا تو کشف الکروبی نجاتم ده تو غفار الذنوبی
ما روز جزا رسوا مگردان بیوش از من تو ستار العیوبی



الهی سوزم از تو سازم از توست همی نازم نیازم نازم از توست
تو آگاهی ز پیدا و نهانم تو علام‌الغیوبی رازم از توست




خداوندا تو رحمان و رحیمی عطوفی و رئوفی و عظیمی
منم یک قطره ناچیز و مردار بیخشا از «کریمی» تو کریمی



صلوات چهارده معصوم

سرلوحه هر مطلب و عنوان صلوات است
 گلواژه هر قاری قرآن صلوات است
 غفلت مکن ای مؤمن پاکیزه ز صلوات
 چون مشعل کاشانه ایمان صلوات است
 بر نور رخ احمد و محمود و محمد
 ذکری که دهد جلوۀ شایان صلوات است
 اظهار ارادت به علی ساقی کوثر
 ای شیعه پاک شه مردان صلوات است
 خواهی تو اگر شادی صدیقه کبرا
 بر سینه او مرهم و درمان صلوات است
 مظلوم حسن سرور مسموم جنایت
 بر روح حسن هدیه و احسان صلوات است
 گر عشق حسین داری و سودای زیارت
 تحفه به حسین شاه شهیدان صلوات است
 سجّاد، علی، زینت سجّاده عصمت
 بر تربت او دسته ریحان صلوات است
 همنام ابوالقاسم، اباجعفر باقر
 بر روح وی هر لحظه و هر آن صلوات است

صاحب نظر مکتب دین جعفر صادق
 منظور وی از مکتب عرفان صلوات است
 موسا به لقب کاظم و خود باب الحوائج
 روشنگر تاریکی زندان صلوات است
 قربان غریب الغربا ضامن آهو
 شمع حرم شاه خراسان صلوات است
 تقوای تقی جود جواد است کرامت
 شادی علی النقی ای جان صلوات است
 نام حسن عسکری یم ورد زبان است
 اهدا به همان خسرو خوبان صلوات است
 جانها به فدای تو ایا حجت قائم
 امکان به ظهور تو کماکان صلوات است
 هرچند «کریمی» خجل از عذر گناهی
 در روز جزا باعث غفران صلوات است



من حسینون خادم درباری یم
 غیبت و بخل و حسد عاری یم
 ئولمرم گورسم اگر بیر اربعین
 آلتی گوشه قبرینون زواری یم

عظمت شعبانیه

ایلین آیلاریندان مکرمدی شعبان
 شهور و سینه مقمّدی شعبان
 که اثنا عشرده معظّمی شعبان
 دئمه لیلۃ القدردن کمّدی شعبان
 فضیلتده واللّه اعلمدی شعبان

بو آی منحصردی رسول کرامه
 نبی بوندا قائلدی چوخ احترامه
 خدا خوان لطفین آچوب خاص و عامه
 ائدوب دعوت اشخاصی خوان طعامه

پذیرائیّه خوش مصمّدی شعبان

بو آیدا ایشیقلاندی چرخ ولایت
 طلوع ایلدی آفتاب امامت
 حسین رهبر کاروان شهادت
 اوچونده آیین تاپدی فیض ولادت

که میلاد میر محرمّدی شعبان

حسین گتندی معراجّه قنّداق ایچینده
 شرفلندیروب عرشی نه طاق ایچینده
 گهی گل کیمی یاتدی یپراق ایچینده
 گهی جان وئروب قانلی توپراق ایچینده

او مولوده اسرار مبهمدی شعبان

اوخی مظهر کاف و ها، یا حسینی
 فدیناهُ ذبحاً عظیماً حسینی
 گل باغ یاسین و طاها حسینی
 عزیز و دلآرام زهرا حسینی

حسینه کتاب مترجمدی شعبان

آیین دوردی عباسه روز ولادت
 علینون رشید اوغلی صاحب شجاعت
 قدم قویدی دنیایه حیدر صلابت
 حسینون علمداری سقّای عترت

فروزنده نهر علقمدی شعبان

حسینون یل روز هیجاسی عباس
 عدویه غضب قهر دریاسی عباس
 علینون گوزل شیرى عنقاسی عباس
 فراتین اوزون قوللی سقّاسی عباس

ابوالفضله بیر قانلی پرچمدی شعبان

بشی روز میلاد زین العبادی
 حسینون نماینده اجتهادی
 ائدن کوفه ده خوار ابن زیادی
 یخان شامده کاخ ظلم و فسادى

اونون حالینه غرق ماتمدی شعبان

آنا یزدگردین قیزی شاه ایران
 آتاسی حجازیدی اعرابه سلطان
 امامدی امام اوغلی باب امامان
 بونا ذوالحسب آد قویوب اهل عرفان

گورون هانسی مولوده افخمی شعبان

آیین اون بیرینده شبیه پیمبر
 جهانہ قدم قویدی شهزاده اکبر
 گلوب جوشه لیلاده کی مهر مادر
 یوزوندن گوزوندن اُپردی مکرر

دیردی گولوم سنله خرّمدی شعبان

وجاهتده تمثال پیغمبر اوغلوم
 شجاعتده آئینه حیدر اوغلوم
 گولوم بلبلوم عمریمه نوبر اوغلوم
 علی اکبر اوغلوم ملک منظر اوغلوم

سنه عاشق ناز و چم خمی شعبان

اثلیکه یتوب نیمه ماه شعبان
 اولوب عرش اعلاده جاء الحق اعلان
 شرف شمس نرگسدن اولدی نمایان
 گلوب حجة ابن الحسن شاه خوبان

بو مولودین عشقینده محکمی شعبان

بشارت که آقالر آقاسی گلدی
 گولون شاد اولون شیعه مولاسی گلدی
 بو طورین عصا الده موساسی گلدی
 وئرون مریمه مژده عیساسی گلدی

شناخوان عیسی ابن مریمدی شعبان

آقا یا امام زمان گل آماندی
 اورکلر فراقونده اود دوتدی یاندی
 آنان فاطمه قبریده ناگرانندی
 الی سینه سینده اورک لخته قاندی

یاراسینا دارو و مرهمدی شعبان

بیر عدّه آقا گوز تیکوبلر وصاله
 اوخور نُدبهنی اشگی باغلور جماله
 جمالوندن آت پردهنی لامحاله
 گلور قبر ششگوشه دن آه و ناله

زمینه ظهوره فراهمدی شعبان

شهیدلر آناسی سنی گوزلر آغلار
 دیر لیلی ایوای علی اکبر آغلار
 ربابه اوغولوای اولوب ازیر آغلار
 «کریمی» حسین وای یازار دفتر آغلار

او مدّاحه بایرام دگول غمدی شعبان

وحدت

یایلوب هر طرفه شهرتی ایرانلی لارین
 یاشاسین دنیا بوی وحدتی ایرانلی لارین



وئردیلر ال اله قارداش باجی جمعیتیلن
 عشقلین رأفتیلن همّیلن وحدتیلن
 یخدیلار دشمن سرسختی بویوک نهضتیلن

قلب اعدایه دولوب وحشتی ایرانلی لارین
 یاشاسین دنیا بوی وحدتی ایرانلی لارین

آفرین ووردیلا بش آلتی نشان بیر تیریلن
 یخدیلار دشمن قرآنین ائوین تکبیریلن
 یکه دیوین قولونی باغلادیلار زنجیریلن

ثابت اولدی هامیا قدرتی ایرانلی لارین
 یاشاسین دنیا بوی وحدتی ایرانلی لارین

آیلار ایللر صورا تاریخ یازار نیلمیشوخ
 چاتمیشوخ قول قولاً آغ دیوی اسیر ایلیمیشوخ
 دجالین خورما س..... ائشگینی ییلیمیشوخ

صدّامین بوکدی بئلین ضربتی ایرانلی لارین
 یاشاسین دنیا بوی وحدتی ایرانلی لارین

یازاجاق اهل فراست جریان طبسی
هر طرفدن اوجالوب مرگ بر آمریکا سسی
ریگانین دای بالا خدکده خیریلدیر نفسی

گونی گوندن اوجالیر عزّتی ایرانلی لارین

یاشاسین دنیا بویی وحدتی ایرانلی لارین

آند اولا قائل والفجر لیال عشره

فقط اللّٰهین ایشی فضل و کرم‌دور بشره

قوم فرعون ایاق آلتیندا قالوب چون حشره

واردی موسا کیمی شخصیّتی ایرانلی لارین

یاشاسین دنیا بویی وحدتی ایرانلی لارین

گوردی دشمن اثر ائتمز بیزه توپيله تفنگ

جنگ فرهنگله ایستور بویاسین مین جوره رنگ

آییق اولسونلا جوانلار داخی یوخ جای درنگ

دین و ایمانیله وار شهرتی ایرانلی لارین

یاشاسین دنیا بویی وحدتی ایرانلی لارین

هفته جنگ بیزه خاطرهلر دفتیریدی

سگز ایل خصمیه چالدوخ اودا بیر گونلریدی

ایچی بوش وعده‌لره صدّامی ریگان سَریدی

ایستدی رخنه تاپا نهضتی ایرانلی لارین

یاشاسین دنیا بویی وحدتی ایرانلی لارین

مرد و زن پیر و جوان اولدولا همّتله بسیج
 سگّز ایل تکبیریلن ایلدیلر صدامی گيج
 قوی گمیرسین هله دوشان کیمی چوللرده هويج

اولا قان تشنه سینه لعنتی ایرانلی لارین

یاشاسین دنیا بویی وحدتی ایرانلی لارین

بولدی آمریکا که صدامدا فراست یوخودی
 اونا بیر آش پیشیروب شلغمه بنزر نوخودی
 ایگ چیخاتدون دور ایاقه گنده عالم قوخودی

قیندی داشدی سنه نفرتی ایرانلی لارین

یاشاسین دنیا بویی وحدتی ایرانلی لارین

قوردولار باغلادیلار سالدیلا میدانہ سنی
 ودکانی بنگی وئروب ائتدیلہ دیوانہ سنی
 قاپاغان ایت کیمی کوشکوتدولا ایرانه سنی

دیشیوی سیندیراجاقدی اتی ایرانلی لارین

یاشاسین دنیا بویی وحدتی ایرانلی لارین

خاک ایراندا اولان ملّته احسن احسن
 دؤزمین سرزنشه منّته احسن احسن
 اگمین باش ستمه ذلّته احسن احسن

چون حسینہ یتیشور نسبتی ایرانلی لارین

یاشاسین دنیا بویی وحدتی ایرانلی لارین

بارک الله سنه احسن سُوین ایرانی سُوین
 یخدی برنامه لرون دشمن سرسختین ائوین
 گوز تیکوب شصتیوه «بوسنی» اولایا «هرزگوین»

«صربی» نابود ائده جاق قدرتی ایرانی لارین

یاشاسین دنیا بویی وحدتی ایرانی لارین

تا بو کشورده حقیقت سؤزینون طالبی وار
 تا ابوالفضل کیمی مملکتین صاحبی وار
 تا علینون خلف منتظر و غایبی وار

ایستمز خورد اولایا شخصیته ایرانی لارین

یاشاسین دنیا بویی وحدتی ایرانی لارین

سازمان مللین شکلی اوزاقدان خوشوموش
 یلینن شیشمزیمیش بادکنک تک بوشوموش
 ظاهری بلبلیمیش بانلاماقی بایقوشوموش

آوجین آچدی هامونین همتی ایرانی لارین

یاشاسین دنیا بویی وحدتی ایرانی لارین

بوسنی ده، هرزگوینده سو یرینه قان آخور
 طالبان یاندریران اود یاندریر آفاقی یاخور
 سازمان ملل اما ال ال اوستونده باخور

واردی هر بی طرفه لعنتی ایرانی لارین

یاشاسین دنیا بویی وحدتی ایرانی لارین

آساریق بیز قولاق ایمدی سولارین شرشرینا
دۆزه‌روخ شرقله غربین نازینا قر فرینا
عاقبت بیر جریمیز وار بولارین مین جرینا

هامیا بللنه‌جک صولتی ایرانلی‌لارین

یاشاسین دنیا بویی وحدتی ایرانلی‌لارین

یاخشی دوس یاخشی یدیردر آداما قیله‌داشی

«صدّامین» «بوش» کوپک اوغلی باشینا سالدی داشی

بولموروخ هانسی جهنّمده‌دی «صدّام» داداشی

«بوشا» دا وار هله بیر ساعتی ایرانلی‌لارین

یاشاسین دنیا بویی وحدتی ایرانلی‌لارین

«بوشو» دا موش کیمی بیر گون سالار الله تلیه

هله قوی تولکی کیمی باش قولاقین سیلکلیه

مسخ اولوب واقعا اوخشور گنده کرتنکلیه

«بوش» باشیندا سیناجاق مترتی ایرانلی‌لارین

یاشاسین دنیا بویی وحدتی ایرانلی‌لارین

ریگان آلمیشدی سفیه صدّامی «بوش» بوشادی

«بوش» دا بیر گون بوشانار ساخلامیری دال بوشادی

شیطانین لعنتی ایمدی باشی داشلی «بوشا» دی

هر ابرقدرته وار قدرتی ایرانلی‌لارین

یاشاسین دنیا بویی وحدتی ایرانلی‌لارین

بورج ایچینده بوغولور بینوا «صدام» چابالیر
 بوندان اوندان دیله نیر بوملاری دریایه سالیر
 یوک باسیر دای یری ینمور نفسین دالدان آلیر

لاپ گيجلدوب یازیقی تهمتی ایرانلی لارین

یاشاسین دنیا بویی وحدتی ایرانلی لارین

حیف اولا آل سعودین او گوزل منصبینه
 اُفّ اولا خادم بیتین آلکی مذهبنه
 بویادی قانینه حجاجی باخون مکتبنه

بیر طرفدن که دگول زحمتی ایرانلی لارین

یاشاسین دنیا بویی وحدتی ایرانلی لارین

قوی گوراخ آدی مسلمانلار ائدهلر حرکت
 آیری کشورده کی انسانلار ائدهلر حرکت
 یوخلیان قاری قرآنلار ائدهلر حرکت

اثر ایلر اولارا غیرتی ایرانلی لارین

یاشاسین دنیا بویی وحدتی ایرانلی لارین

بو سؤزی ملت ایران دوشونوب سرتاسر
 فرضیدور امر به معروفیله نهی از منکر
 غرب تبلیغینه وجدانلی لار ائتمز باور

واردی قرآنیه خوش بیعتی ایرانلی لارین

یاشاسین دنیا بویی وحدتی ایرانلی لارین

امر معروف ائدن انسانلارا یار اولسون علی
نهی از منکر ائدنلردهدی لطف ازلی
بو ایکی مسئله سرلوح فرایضدی بلی

نهی از منکره وار سبقتی ایرانلی لارین
یاشاسین دنیا بویی وحدتی ایرانلی لارین

سنده شکر ایله «کریمی» بو وقار و شرفه
اولمیوب بیر بئله امکان شعرای سلفه
آز زماندا یایلوبدی اثرون هر طرفه

گوزل اشعاریه وار قیمتی ایرانلی لارین
یاشاسین دنیا بویی وحدتی ایرانلی لارین



والفجر و لیال عشر

بیز اَمّت قرآنوخ والفجر و لیال عشر
 قرآنه نگهبانوخ والفجر و لیال عشر
 استوره ایمانوخ والفجر و لیال عشر
 بیز ملّت ایرانوخ والفجر و لیال عشر
 قرآن سوون انسانوخ والفجر و لیال عشر



دین اوسته شهید اولموش انسانلارا آند اولسون
 عشاق مناسینده قربانلارا آند اولسون
 اول گونی باغلانمیش پیمانلارا آند اولسون
 سنگرلری دولدورمش آقانلارا آند اولسون
 دشمن صفینی یارمیش اصلانلارا آند اولسون

بیز تابع فرمانوخ والفجر و لیال عشر

بیز معتقدوخ حشره هم کيفره هم اجره
 والشّمسیله واللّیله والعصریله والفجره
 البّته دؤزر عاشق گه وصله گهی هجره
 دین اوسته دایاننوخ بیز هم محنته هم زجره
 مینلرجه سلام اولسون بیزدن دهه فجره

اسلامه ثناخوانوخ والفجر و لیال عشر

وار حمله فرهنگی هر سمتدن ایرانه
 بو فکریله ائتسونله بو کشوری ویرانه
 چاره یولی باغلاندی دای «کارتره» «ریگانه»
 «صدّامی» قوروب بیر گون گوندردیله ایرانه
 بولموردیله بو کشور وابسته دی قرآنه

بو مکتبه قربانوخ والفجر و لیال عشر

«صدّام» قوروب صد دام صد نقشه خامیله
 بوز تولکی هوسلندی شیری دوتا دامیله
 بیز باغلامیشوخ پیمان قرآن و امامیله
 اسلامی ائداخ قائم تصمیم قیامیله
 هرکس بیزه چپ باخسا بیر آیری مرامیله

آلقانینه عطشانوخ والفجر و لیال عشر

تشویقیله بدبختی اربابلاری یاغلولار
 دملولله چایین تئز تئز قلیانینی چاغلولار
 دوست آدینا هر یاندان قوللارینی باغلولار
 ایمدی اوزانوب یرده جان اوسته دی آغلولار
 بریان ایگینه گلدی گوردی دوه داغلولار

سسلندی پشیمانوخ والفجر و لیال عشر

گه چکدی او قان قوسموش دعوانی خلیج اوسته
 قاندان سولویوب جنگه میدانی خلیج اوسته
 آخرده خلیج اولدی اوز قانی خلیج اوسته
 بولموردی دوتوب «مهدی» قرآنی خلیج اوسته
 بیز دفن اندروخ مینلر «ریگانی» خلیج اوسته

بیز قاتل ریگانوخ والفجر و لیال عشر

قاندان شهدا دوزمیش قرآن یولونا لاله
 دوز یولدی باشون سال گئت نه وار تپه نه چاله
 خورمادن اُتور اولما تابع خر دجاله
 ای خائن ائوون یخسین بیزدن اوجالان ناله
 صدامدن آل عبرت دوشمش نجه اسهاله

احوالینه خندانوخ والفجر و لیال عشر

آند اولسون آنالاردان افلاکه چیخان آهه
 هر کیمسه قویی قازسا بیز ملت آگاهه
 گنج تنز تپه سی اوسته فوراً دوشه جاق چاهه
 قارقیش دئمه بدخواهه تاپشور اونی اللهه
 مظلوملرین آهی گور نیلهمه دی شاهه

بیز وارث سلمانوخ والفجر و لیال عشر

دنیا نجه تنگ اولدی «صدام» نگون بخته
گتندی گمیسی غرقه ووردی باغینی شخته
بیچاره آرزیدی طهراندا چیخا تخته
آمریکا یوکون چاتدی ایمدی چاتوب ایش سخته
بدبخته دئدیم آتما لیلایله نر تخته

بیز کهنه مسلمانوخ والفجر و لیال عشر

بیز عاشق جانبازوخ عشقیله سرافرازوخ
سنگرده هم آهنگوخ مسجدده هم آوازوخ
دشمنلری تیهو تک صید ائتماقا شهبازوخ
کافرله قتالوخ مؤمنله دمسازوخ
بیز دشمن سرسخت شربی و قماربازوخ

بیز رستم دستانوخ والفجر و لیال عشر

حیرته قالبوب دنیا دشمنده کی طغیانه
نه مسجدده قائلدی نه بیته نه قرآنه
گور «بوسنی» ده نیلولر بیر جمع مسلمانه
باخ «هرزگوین» اهلی گلیمیش نجه افغانه
بیر جمع «فلسطینده» ناحق بویانور قانه

بو غملره گریانوخ والفجر و لیال عشر

آمریکا نه ایش گوردی ایمدی چابالیر صدام
 ایش دوتمادی اوز قولین ایمدی پس آلیر صدام
 هارّ ایت کیمی انسانی دالدان یارالیر صدام
 هی موشک آتیر دالدان هی بومدی سالییر صدام
 گئت باخ گور ئولوب یوخ یوخ سرتیقدی قالیر صدام

دیو اولسا سلیمانوخ والفجر و لیال عشر

صدام ئولهسن صدام آخ سن نجه رهبرسن
 «کارترا» لره خادمسن «ریگان» لارا نوکرسن
 بیر عدّه یه ائشکسن بیر عدّه یه استرسن
 بیر ملّته مهترسن بیر دولته کهترسن
 شکلون بشره بنزیر باشند ایاقا شرسن

بیز بنده یزدانوخ والفجر و لیال عشر

صدام ئولهسن آتدون وجدانی یدون ننگی
 شیطان سن اورگتدین مین حیل و نیرنگی
 بیز ملّت مظلومه تحمیل ائلدون جنگی
 گوردون نجه دیلدره قالدی ددهوین انگی
 خائندن آدام چیخماز ای بی شرف و بنگی

شروندن هراسانوخ والفجر و لیال عشر

صدام ئوله سن صدام اولدون نیه دیوانه
تاریخ بشر عبرت درسین وئورور انسانه
سندن یکه ظالمیر گلمیشدیلہ دورانه
«چنگیز» اولوب ایرانی ظالم بویادون قانه
چوخ ائولری ایراندا سن ائتدون عزاخانه

بیز ظلموه حیرانوخ والفجر و لیالِ عشر

تحمیل ائلدون جنگی بیز ملت ایرانه
توکدون بو قدر قانلار کاخون اولا ویرانه
گلدون نه جسارته سرمنزل شیرانه
گل درماقا میمون تک گلدون بو گلستانه
ائشک سنی کیم یایدا آزدیردی بو بوستانه

بیز صاحب بستانوخ والفجر و لیالِ عشر

صدام ئوله سن صدام دوستون سنی آلائی
خوش رقصیلقون گوردی میمون کیمی اویناتدی
شیطانه مینک وئردون «ریگان» یوگووی چاتدی
دوستون سنی مفت آلدی آخرده اوجوز ساتدی
دای سندن آدام چیخماز آغزون که قانا باتدی

بیز قانوه عطشانوخ والفجر و لیالِ عشر

ای آتش نمرودی گلزار ائلین الله
 ای یونسه ماهینی غمخوار ائلین الله
 ای شاخه اشجاری پر بار ائلین الله
 احسانینی هر لحظه تکرار ائلین الله
 فرعونلاری موسایه ای خوار ائلین الله

بیزده سنه مهمانوخ والفجر و لیال عشر

ای لشگر فرعونه مکريله یاران نیلی
 غالب ائلدون خصمه سن طیر اباییلی
 قوشدان قوشونون گلدی یخدی سپه فیلی
 یردن یخیلار دورماز وورسان کیمه سن سیلی
 سن ائتمه بیزه غالب بو نفس عزازیلی

بیز بیکس و نالانوخ والفجر و لیال عشر

فخر ایله «کریمی» جان بو عصریده شاعرسن
 بیر نعمت عظمادی اوز طبعوه شاکرسن
 آرایش اشعاره مشاطه ماهرسن
 احسن لره لایق سن به به لره تاجرسن
 اوستادیوه صد رحمت پرورده ذاکرسن

بیز طالب غفرانوخ والفجر و لیال عشر

انزابدان بير غزل

ياراماز عقوبت

دلبر مه لقا اگر يوزدن آچا نقابىنى
 بير باخيشيله سۇندورر قلىمىن التهاىنى
 عاشق دل شكسته نىن حالينا التفات ائدر
 بولسه اگر او بى وفا بو عَمَلين ثوابىنى
 رنج فراق و فوج غم قصد ائليوب هلاكىمه
 ساقى سيم ساق، وئر غم داغيدان شراىنى
 آغ ياناق اوسته قاره خال چوخ ياراشيقلى اگلشوب
 بو قره، آغ تناسىبن كيم ائدوب انتخاىنى
 گول يوزونه آخوب سوزور شرم عرقى نارين، نارين
 جانىمى وئرم اول گولون قويسا توتام گلابىنى
 چوخلار اليندن ايچميشم باده، وليك وئرمىرى
 لاله ياناق نگارىمىن لذت لعل نايىنى
 بير بئله درس و بحثدن قصديميز عايد اولمادى
 پارهله بير يول آت چوله بحث و جدل كتايىنى
 دالدا حسود و مغرضون چوخ سۇزىنى ائشيتميشم
 عاقل اودور كه وئرميه هرزه سۇزين جوابىنى

قوی سنه بیر اویود وئریم: ناکسه خدمت ایلمه
هر نه محبت ایلسن آرتیراجاق عذابینی
قطع طریق معرفت سالکه سخت دیر، ولی
ختم اولاجاق سعادتیه گر آلا بولسه تابینی
کیمسه وفالی عاشقه بیر بئله ائتمیوب جفا
بو یاراماز عقوبتین کیم وئره جاق حسابینی
عمر یتیشدی آخره قالدی ثوره کده حسرتیم
بیر باخیشینلا گل قوتار «انزاین» اضطرابینی



تاریخ ازدواج نوهام وجیهه با فرزاد

هزار و سیصد و هشتاد و یک مه مرداد
وجیهه گشت روانه به خانه فرزاد
الهی وصلت این نوعروس و نوداماد
به عزّت ز ازل تا ابد مبارکباد

کریمی دن انزابا جواب

یاخشلیق یاخشیدی

دلبر مه لقا اوغول یوزدن آچوب نقایینی
 کوره سی اود دوتوب یانار گل وئر اوزون جوائینی
 عاشق دل شکسته لر گل سین الینده دسته لر
 هانسی جواندا وار رمق سوندوره اتهایینی
 گل بالا سیندی نرده لر دای گوتورولدی پرده لر
 قالمادی بیر گوزل خانم حفظ ائلسین حجایینی
 سن دئدیقون او ساچلی قیز قارچی ائدوبدی باشینی
 آچدی قولوندان عاشقین سلسله سین طنائینی
 شرم عرقین جبیندن سیلدی ترقی حوله سی
 قالمادی بیر عطیرلی گل سن دوتاسان گلابینی
 باده لری که ایچموسن قی ائله تازه دن ایچاق
 بیرده تاپانماسان قدیم جامین او لعل نایینی
 میوه ساتان مغازه لر تازه اولوبلا میخانا
 سیندی یازیق «بارین طاطوس» کیم آلاچاق شرایینی
 یوخلادی پخمه باغبان پیس گونه قالدی گلستان
 بلبل آتوب وقارینی غنچه آچوب نقایینی
 لُب لُب درسدن بحثدن عایدیم بودی
 گل ساتیرام یوز آلتینا شعر و غزل کتایینی

هر نه دیور دئسون رقیب وئرمه جوابین ای لیب
 آراسیندا گیزلنن نقطه وئرر جوابینی
 یاشلیق ایله آت چوله ایستمه بیر نفر بوله
 نان و نمک شدید ائدر بولمیهنین عذابینی
 خلقین عیار تشخیصین سایما که شخص تشنه کام
 آب روان حساب ائدر بادیهنین سرابینی
 یاشلیق ایله یاشلیق یاشیلارین اداسیدی
 یاخشی گوره‌لله یاشیلار یاشلیقون حسابینی
 جانی چیخیدی بقالین یووجی یوویدی سقالین
 ایستوری قابلا سین سنه بال آدینا دوشابینی
 بیر گون آچالاً قول قولا دوزگون آتالاً باسکولا
 اوغرولارین گناهینی دوغرولارین ثوابینی
 طول طریق معرفت سالکی خسته ایلمز
 آتش آهیله چکر سیخه اورک کبابینی
 یولدادی یاشلی گوزلریم سینهدده قالدی سؤزلریم
 سؤزلریمی بوشالدارام گوسترن اولسا قابینی
 کورپی دیولله قیلجادی ایش عجله آغیر شله
 ائشگه یولون آغیر یوکون کیم آلاجاقدی تاینینی
 باشی قرالی مفلسین قارنی همیشه یاسلیدی
 گور باشی داشلی منعمون الده کی قان خضابینی

شانلی سهندین اوغلویام قانلی باشیم دومانلیدی
 خوشدی همیشه یاغدیرام دامنه گوز سحابینی
 قدرینی بول «کریمی نین» بیر گون الون چیخار بوشا
 آختاراسان تاپانماسان قاف هنر عقابینی
 دسته دیغیرلانوب بالام یاخشی تاپوب هونگینی
 آخ وایلان گئچر گونی تاپماسا بابلی بابینی

خیرمقدم

آیدین اولا گوزلروز ای دوستان	دکتر عزیززاده منادن گلوب
بوسه ائدوبدی حجرالاسودی	سعی ائلیوب مروه صفادن گلوب
بیت خداوندی طواف ایلیوب	محضر پر فیض خدادن گلوب
گون او گون اولسون دیوم عاشقلره	دکتریمیز کرب وبلادن گلوب
وار بو طیبین باخیشیندا شفا	فیضین آلوب دار شفادن گلوب
آتدی پاشازاده عصانی یره	فارغ اولوب درد و بلادن گلوب
دکتری گورجک دیریلوبدی پاشا	سان دوغولوب تازه آنادن گلوب
نامخدا بگ تک تازادان شاخلانیب	لیفلنوب استخر شندان گلوب

مژده «کریمی» که طیب لیب

کعبه عشق عرفادن گلوب

نصیحتها

ماشالله صد ماشالله کبلا گلناز

دوغوبدی دورد اوغول ماهر قمارباز

بیری اوغری بیری زیرک قاچاقچی

بیری دونبک چالان دوردومجی قوشباز



گلن گلدی شکارین ووردی گئندی

بش اون گونلوق بساطین قوردی گئندی

هره بش گون اوز آتین میندی چاپدی

یدی ایچدی اوتوردی دوردی گئندی



مناعت اولسا نوکرده آقادی

قناعتله مناعت کیمیادی

بیرینده اولماسا جود و کرامت

اگر قارون دهر اولسا گدادی



هره بیر زاد جهانندان تاپدی قاچدی

که رستم گلدی رخشین چاپدی قاچدی

او که هر بینوایه بوک قویاردی

اجل بورکون باشیندان قاپدی گئندی

بوداغلاردا الیمدن توت چیخاندا

گئداخ باهم اوبایه سوت چیخاندا

دئدیم قیز وئردیگون قوله وفا ائت

بویوردی تیر گیرنده توت چیخاندا



اوغول آت گلمینجه کوفته وئرمه

سؤزیوه اهل تاپ سات مفتہ وئرمه

باشارسان نسیه وئرمه نسیه آلما

وصیتدور چک آلما سفته وئرمه




بیری بال وئرسه بیر ابن سیله

گوررسن قونشو قاچدی زنجفیلہ

دخالندن بخالتدن اوزاق گز

مثلدی تاری بار وئرمز بخیلہ




عزیز عمرون عزیزیم باده وئرمه

بهاسین بول الوندن ساده وئرمه


قیزون اولسا چولاق، چپ، داز، قوطور، گیج

قوجالسا تورشاسا معتاده وئرمه



اوغول سن شیشه سن سیندیرماز الله
آدام اولسان تپوندن وورماز الله

بشر اوز کاردستین یاندرانمیر
اوزی خلق ائتدیین یاندرماز الله




نه سلطانندان اثر قالدی نه خاندان
نه رستمندن خبر نه هفتخوانندان

دیریلسه دورسا گلسه بیرده ضحاک
اونی قویمازلا باخسین ایت باخاندان



کیمه عمریمده گوستردیم وفانی
اونون وجهینده نوش ائتدیم جفانی

سنه هرکس جفا ائتدی وفا ائت
محبت آرتیرار قلبه صفانی



اوغول یورقانیوی سات وئر موبایلا
قولاقدال الو بعلی هرایلا

حمامدا مستراحدا راستوراندا
بازاردا هی الو سات بعلی پایلا



چکنده پوللی مجلسده قراقین
هامی احسن دیر آهنگ جازدی

یازیق پولسوز بیر آز برک اُسگورنده
دیللر بی‌لیاقت آنلامازدی



عسل نوش ائتمرم اغیار الیندن
منه شیریندی حنظل یار الیندن

سیخیلما ممت ناپایداره
سنی قورتارسا بیر گون دار الیندن



دولاندیم شهر عشقی کوچه کوچه
یتیشدیم عاقبت بن‌بست پوچه

کتاب عشق و عرفانی بازاردا
ساتان اولسا چیخاتماز بیر کلوچه



اگر بیر سنگ ردّ اولسا ماشیندان
دگر بیچاره بدبختین باشیندان

منار اوستن حاجی لک‌لک سیچاندا
آخار بو بینوانین گوز قاشیندان




اگر دُر یاغسا باران تک سمدان

آلنسه توز یرینه اون هوادن

فقیرین دامینه بیر ذرّه دوشمز

فلکدندی قدردندی قصادن



قوجالیق ایلوری انسانی اوچ قات

عصا گوشی و عینک تازه سوغات

آلور آرامی هر گون تازه آفات

کهنگی آرتیرور واریس پروستات




قوجالیق ایلر انسانی کلافه

قاچیردار آمپولا کپسوله شافه

ائلیکه حبّ و شربتدن قوتولدون

چکلر اُستووه بیر آغ ملافه



اوغول ممتله ساقیدن جام آما

یغنتی کوچه ده گوزله دام آما

باشارسان سفته دن چکدن کنار گز

عوام اولما دوام ایله وام آما



عزا بزمینده افغان یوخسولوندی

صلات و صوم و قرآن یوخسولوندی

جنازه دفنی تابوته یاپیشماق

سیزیلتی چشم گریان یوخسولوندی




نه قرآندان خبر وار نه کتابدان

نه ایماندان اثر وار نه حسابدان

نه اوغلانلاردا ننگ و عار و غیرت

نه قیزلاردا متانتدن حجابدان




بحمدالله قوتاردی اضطرایم

لب بامه دایاندی آفتایم

یتیردیم یتیمیشه عمر عزیز

یتیشدی یرمی بش جلدہ کتابیم



گلن ایلور بو دنیانی ملامت

اوزینده آخرتدن یوخ علامت

اوزاق یول وار قباقدان قیلجا کورپی

یوکی یونگول گوتور تا گنج سلامت



گلر بدبخته دائم بد بد اوسته

وورالار بینوایه حد حد اوسته

یاتان شانسی دورار اوندا ایاقه

دورا بیلسه یومورتا گنبد اوسته



سوروشدوم بیر نفر اهل صفادن

نه باش تاپدون جهان بی وفادن

دئی حل اولمیاندی بو معما

باشیم چیخماز منیم بو ماجرادن



کیمون صبحه کیمی یاندی چراغی

گئچنلردن کیمون واردی سراغی

او کس که کورپیدن گئچدی قوتولدی

سووینسین دای سودان گئچدی اولاغی



ائتیتدیم بو سؤزی فرزانه لردن

چراغ یانماز سنه بیگانه لردن


جهاندا عارفه واعظ نه لازم

ادب درسین آلار دیوانه لردن




بو دنیا قالمیوب شاهه وزیره
بگه، خانه، کلانتر یا امیره


ریاست تختینون وار چوخ بلاسی
قناعت یاخشیدی نان و پنیره




خزان وقتی گل آغلار بلبل آغلار
گورر زلفون پریشان سنبل آغلار
اُپنده لبلروندن آیریلاندا
اَسر گوگلوم دوداق تترر دیل آغلار



ایمی هر قابا آتدیم بوش اولدی
یووادان قوش چیخاتدیم بایقوش اولدی
مگر مندن عداوتلیدی دنیا
منی ناخوش گورنده دلخوش اولدی



گهی شاگرد و گه آموزگارم
گهی رند پریشان روزگارم
اگر عشاق ایچینده عزتیم وار
ولی اغیار ایچینده خوار و زارم




گهی دریای پر جوش و خروشم

گهی شیخم گهی پیمانہ نوشم

گهی چون شمع سوزان و خموشم

گهی مانند زاهد خرقہ پوشم



نقدری ائتمیوبسن ترک لذات

الوندن دوتمیوب پیر خرابات

یوزیوه باغلیدی باب مناجات

مراده یتماقون هیهات هیهات



گر ایسترسن اولا والا مقامون

خداوندین یانیندا احترامون

صعود ائت گئچ ملکدن نه فلکدن

یازیلسین عرشده برجسته نامون



وجودون خاکدور ذلّته خاک اول

اوزون سال شوره زار عشقه پاک اول

گئدوب پروانه دن آل درس عشقی

وصال شمعہ پر چال یانِ هلاک اول




دوشونسن باقیاتُ صالحاتی

تاپارساں خضر تک آب حیاتی

توگل خرمنیدن خوشه درس

خدا سد ایلمز راه نجاتی



گرک وصل آختاران عاشق همیشه

دولانسون کوه عشقی الده تیشه

گلنده عشق عقلین یوخ دوامی

که عشقی سنگ فرض ائت عقلی شیشه




شراب عشقیدی لعل مروّ

او صهبادن ایچنمز خنگ و احمق

اونون قدرین بولر منصور حلاج

دیر دار اوسته مستانه اناالحق



فقیرم عاشقم دلدن کبابم

خرابات اهلیم مست و خرابم


فراموش ائتمه بو پیمانه نوشی

گورورسن داغ باشیندا آفتابم




گرک طّی ایلخ بو پرتگاهی
بو منزلدن کوچاخ خواهی نخواهی

نه درویشین خبر وار کلبه سیندن
نه دایم دور سریر پادشاهی




گوگل رفتار دنیادن ظنیندی
سراسر فتنه دی دعوادی کیندی

قدم قویدوقجا گوتدوخجا خیال ائت
ایاقون آتدا یوزلر نازنیندی




نگاریمده اورک وار داش دمیردن
گوروم اولسون یوزی قاره کومیردن

منه رحم ائتمدی آزدی آریتمدی
نه ایستور بولمورم مومدان خمیردن



آدام هر کئف چکوبدی اولیندن
آلور آخرده عزرائیل الیندن

کیمون وار قدرتی وورسون دوشوندن
اجل پیکی دوتاندا سقلیندن



مریض اوز باشینه دوشمز ایاقدان
سویار دکتر آلاز جانین قباقدان

اولار آماده عزرائیل گلنده
دیر بای‌بای چیخار روحی دوداقدان



اوتوز گون سی‌سی‌یو اغماده قالماق
مینکسیز قیش گونی صحراده قالماق

بولار چوخ سهلیدی اهل وقاره
کیچیلماق منت ادناده قالماق



بو خلقین مدحی تشویقی یالاندی
بولار هر ناقلایه کف چالاندی

ماشالله مرسی بای‌بایدان قورولما
یازیق پالتو خیال ائتمه پالاندی



«کریمی» سؤزلرون شهد شکردی
کلاموندن مراغه مفتخردی

شعار کینه‌جولردن داریخما
عسل بیر عدّه بیماره ضرردی



علی مولا

علی یاسین والقرآنه مظهر

علی طاها و کرمنایه مصدر

علی معنای الرحمان قاموس

علی همراز کوثر باب وَنَحَرَ



نه هر مولا اولار حکمتده حیدر

نه هر «مولا»^۱ اولار خدمتده قنبر

اوغول هر مستمع یوز آصف اولماز

نه هر گوینده مانند بلوهر



علی حمله ائدنده خیبر اوسته

ملائک آچدی شهر شهر اوسته

اوخوندی عرشده انا فتحنا

علی لنگر سالاندا لنگر اوسته



گتور قوی جامی ساقی ساغر اوسته

توک آب سلسبیلی کوثر اوسته

اولوم سرمست جام اولیادن

چکوم اشعاری مدح حیدر اوسته



علی فانوس عصمتدور مسلم

اونی خاموش ائدنمز ابن ملجم

اوزوندن اولماسا حاصل اجازه

قلج قاخماز گویه واللّه اعلم



حیا قیل مدّعی دوشمه عناده

غلوّ ائتمه مقام اولیاده

علی آئینه‌دور پیش خداده

خدانی گور جمال مرتضاده



علی نورالسّمّوات است فی الارض

مشو غافل علیّ حُبّه فرض

او اوچ نامرد آچا بانگ تعاون

دیلننوخ بیز اولاردان آلماروخ قرض



علیدور مسلمینون مقتداسی

علیسز یوخدی اسلامین صفاسی

او گوزلر که علی آدین گورنمیر

اونا دوشسون بو اشخاصین قاداسی



علی سرکرده سلطان سرمد

علیدور منطق غرای احمد

اگر جسم پیمبر کولگه سالماز

علیدور سایه روح محمد



علیدور غم گونومه غمگساریم

اودور حلال مشگل شهریاریم

علی پیریم مرادیم تاجداریم

اونا قربان اولادار و نداریم



علی بیر سید عالی نسبدی

علی مجموع اخلاق و ادبدی

بؤلن انگشتیه مّر ابن قیسی

علی دشمنلره قهر و غضبدی



ابوموسی اولوب آتما علینی

بنی سفیانلارا ساتما علینی

وصی اصل احمددور بلافصل

او اوچ لامذهبه قاتما علینی



علی پیغمبره صاحب لوادی

علی فرمانده کَلّ قوادی

همیشه یاعلی ادرکنی سسله

علینون بیر آدی مشکل گشادی



اگر وابسته سن دین حنیفه

علیدور احمده اول خلیفه

عمر عثمان ابی بکر و علینی

گل انصاف ایله دوزمه بیر ردیفه



عزیزیم نفسوی ایله مذمت

علی آدین اذاندا بولمه بدعت

وَلَا الضَّالِّينَ کش وئرمه اوزاتما

ولایتدور نمازه اصل نیت



اوخی بلبل اوخی گلر آچیلسون
سیلینسین غصه دن دلر آچیلسون


اگر هر مشکله دوشدون داریخما
علینی سسله مشکلر آچیلسون



علی مولود اولوب طاها سوویندی
مطهر صلبده زهرا سوویندی
گورنده اوزلرین الله ائوینده
گولوب بنت اسد مولا سوویندی



اوخی بلبل اوخی ناد علیدن
تغافل ایلمه یاد علیدن
اگر گردابه دوشدون بحر غمده
تنز امداد ایسته اولاد علیدن



اوخی بلبل سوموکلر سازه گلسین
ئولن اندامه روح تازه گلسین
اوخی وصف کمالات علیدن
سنه جان طوطیسی پیشوازه گلسین



اوخی بلبل گنه گُللر آچیلسون
وورولسون شانه سنبللر آچیلسون

یتیش امداده ای حلال مشکل
توجه ایله مشکلر آچیلسون



جهان بیر قطره دور دریا علیدور
نظام آفرینش با علیدور

علی آدین دیلونده ایله ازیر
دیوللر اسم اعظم یاعلیدور



اوخی بلبل اوخی روز طربدور
هامی می خوارگان ساغر به لبدور

ضیافت وار بو گون بیت خداده
دیوللر اون اوچ ماه رجبدور



گتور ساقی محبت شربتیندن
گوزوم دویماز او جامین لذتیندن

ئولونجه مست اولا روحیم آیلماز
اونا قاتسان حسینون تربتیندن



اوخی بلبل، شمامه تاق ایچینه

گلی بیدار ائله یپراق ایچینه

وئراخ سس عندلیبه سنلی منلی

علینی گولدوراخ قنداق ایچینه



اوخی بلبل سرود لا فتادن

اوخی یاسین و کوثر هل آتادن

اوخی بیر تذکره کرب و بلایه

آلاخ بیز عیدیانه مرتضادن



اوخی بلبل سرود عاشقانه

قاریشسین بیربیره رقص و ترانه

آناسی فاطمه بنت اسدن

آلاخ تا بیر زیارت زیبانه




علی رحمتدی الرّحمان ایچینه

علی ذوالعصف والرّیخان ایچینه

اقیمو الوزنه بالقسط ایها الناس

نه غفلت تخسر المیزان ایچینه




یوز اون دورد سوره قرآنی سراپا

اُندوبلر لفظ بسم‌اللّٰه اُخفا

او بسم‌اللّٰه مصدر نقطه با

همان بایه علی‌دور عین معنا



علی کیمدی ولی‌اللّٰه اعظم

علی جبریلہ اوستاد معظم

هله خلق اولمیوب حوّا و آدم

علی زهرائله غیبتده باهم



علی کیمدی علی ساقی کوثر

علی کیمدی علی قلاّع خیر

علینون عشقی دولسا هانسی قلبه

اونی یان‌دیرماز اود لو کان کافر



علی کیمدی علی زهرايه همسر

نه زهرا میوه قلب پیمبر

نه زهرا آرزو ایلر مقامین

کنیزی فضّه‌نین سارا و هاجر



علی کیمدی علی بابای زینب

علی سرمطلع طغرای زینب

هزاران مریم و سارا و هاجر

کنیز درگه زهرای زینب



فلک محو تماشای علیدور

ملک مست تولای علیدور

قضا دیوانه کو لا علی

قدر مبهوت سیمای علیدور



زمان مخمور صهبای علیدور

زمین مسرور مینای علیدور

کلیم الله عشق و معرفتده

دخیل طور سینای علیدور



فقط بیر قطره دریای علیدن

یتیشدی خضره اعطای علیدن

گلر فُزْتُ بِرَبِّ الْکَعْبَه هر آن

قولاق وئرسن مصلای علیدن



علینون عینیدی عین عدالت

علینون لامی لم یولدن آیت

یدالله فوق ایدیهم اشارت

علی مهر نبی مهر نبوت



علی اولسیدی بیر انسان ساده

دوغولمازدی یقین بیت خداده

علی مهمانسرای کبریاده

اندوب خوان کرمدن استفاده




دلا حُبّ علیدن غافل اولما

صراط المستقیمه جاهل اولما

تأمل ایله اکملت لکمده

همیشه حق یولین گنت باطل اولما



اگر قلبونده وار عشق ولایت

سنه یوخ وحشت قبر و قیامت


علیدن اولسا پاسپورتون الونده

چیخارسان هول محشردن سلامت



اوزون سال درگه شیر خدایه
بو مولا یوخ دئمز هرگز گدایه

چکوب هوهو دی حق حق آل علیدن
گذرنامه بهشت دلگشایه



علیده قل هوالله احد وار
علیده لطف الله الصمد وار

علیده لم یلددن بیر سند وار
و لم یولددن امداد و مدد وار



کریمی ده هانی نطق فصاحت
اولا مداح سلطان ولایت

آسوب کشکولینی باب امیده
گدالر تک ائدر عرض ارادت



دوبیتی‌ها

کلامی شاعر و مدّاح نامی
به هرجا مقدمش بادا گرامی

شود هر مجلسی نورّ علی نور
اگر باشد کریمی با کلامی



بحمدالله بو بش گونلوق جهاندا
نه دوو نه دوووم وار نه دوهوم وار

خوشام بو نعمتيله هر زماندا
بش اوغلوم بش عروسیم اون نوهوم وار



اگرچه بیر باشیم مین اویناشیم وار
دیین یوخدی گوزوم اوسته قاشیم وار

آتام ذاکردن آثار و نشانه
یانیمدا اوچ باجیم بش قارداشیم وار



اگر اولسا عبادتده قصورون
لقاءالله وار شرم حضورون

حسینه عشقون اولسا ذره قدری
علی امضا ائدر برگ عبورون

نماز اوغلووم بدون نیت اولماز

نیاز مردمی بی‌منت اولماز

اگر سست اولسا قانون و عدالت

ائله بیر شهریده امنیت اولماز



عجب نعمتدی شیرین زندگانلیق

خصوصاً عمرده فصل جوانلیق

هره بش گون بو منزله قوناقدی

قالان بیر یاخشیلیقدی بیر یامانلیق



محبت رشته‌سی حبل‌المتیندی

محبت امتحانی چوخ چتیندی

محبّتدن اوزاق گزمه، ئولنده

دیللر گورباگوردی تونبتیندی



دگول بیر الده بش بارماق مسلم

اوزون قسا قوویشسا اولسا باهم

بو وحدتدن اولار پر زور و بازو

وورار دشمن دوشوندن مشتم محکم



عدالت اولماسا آسایش اولماز

سیاست اولماسا آرامش اولماز

گوزللیق باشقا نعمتدی وجوده

قوطور هر نیلسه آرایش اولماز



اگر سلب اولسا قلبوندن فراغت

نه طاعت خوش گلر نه استراحت

خیال آسوده اولسا فکر راحت

اولار انسانه مطبخ، باغ جنت



صَلَوَاتِیله کف چالماق دانیشدی

کوسولیدی نه مدتدن باریشدی

او گلدی مسجده بو سینمایه

مکانلاردا زمانلار تک قاریشدی



مین اوچ یوز ایل خانملار دالدالاندی

قارا چرشاب ایچینده پیشدی یاندی

بحمدالله شریعت تازه‌لندی

زمان بر وفق دلخواه زنانندی



خانم کشف حجاب ائمه یانارسان

جهنّمده توکوندن آسلانارسان

کئفه باخ لوت دولان چیخ هر اویوندان

گورنده اودلی زنجیری قانارسان



خانم حکم حجابی سهل سانما

اوتان هر گونه بیر موددا دولانما

سنی بیر همسره عقد ایلوبلر

گلن باخسین گئدن باخسین اوتانما



قیامتده هامی لوتدی زن و مرد

او گون باخسین کئفه عیّاش و ولگرد

بو گوندن باشلیوب تمرین خانملار

علاج واقعه قبلاً توان کرد



سوور بلبل صفای گلستانی

گورنمز گل ایاقینده تیکانی

رقیبی گورجاقین قالخار فشاریم

نجه ملاّ گورنده نوحه خوانی



ازل گوندن بو دنیا قالماقالدی

دوشور قالخیر بیر اوجدان دول بوشالدی

اولان ئولدی دوغولانلار بوغولدی

همیشه گئتمه گئتدی قالما قالدی



یولوم دوشدی دیار اصفهان‌دان

تماشا ایلدیم نقش جهان‌دان

نه شاه‌عباس قالور عالی قاپودا

نه مسجدده خبر لطف‌الله‌خاندان



اگر دریا دیازدی یا دریندی

ملایم، شور و شیریندی، سَریندی

سو که باشوندن آشدی، ایش قوتاردی

بوغولماق حتمیدی ئولماق یقیندی



الهی سندن اُتری روزه‌دارم

سنون افطاریوه اُمیدوارم

توگلت علیک ای کردگارم

قبول ائت مندن ای پروردگارم



اوغول عمرونده سعی و اهتمام ائت

زمانه سیخسا قوی سیخسین دوام ائت

امانتدن دیانتدن حیادن

بیرین تاپسان اونا مندن سلام ائت



او زلفی که عمومه سرسختدی

غزلده مشک و سنبل یاسمندی

او زلفین بیر تلی دوشسه غذایه

دیلین وورماز او کس که سن سووندی



عوامین قول و فعلین ائتمه باور

ایته آهو دیرلر شیره عنتر

بولار گوساله‌نی الله بولرلر

قبول ائتمزله موسانی پیمبر



بیر عده مسجدی ائتمیش اداره

بیر عده منبری دوتمیش اجاره

مگر الله ثولوب استغفرالله

ائذیر وراثت ملکین پاره پاره



بو خلقین دینی ایمانی درمدی

بو گون پارت و پلو کشاف غمدی

اگر دورسا معاویّه دالیندا

ابوموسیٰ علیدن محترمدی



او گوندن که مساجد اولدی سنگر

همان گوندن تریبون اولدی منبر

جماعت قاچدی موشک قورخوسیندان

نه سنگر قالدی نه منبر نه قنبر



گلن گئندی گئدنلردن خبر یوخ

بو گل گئتن قالنلاردا اثر یوخ

سحر گون چیخمامیش عورتدی آر یوخ

قارالدی قاش پسر واردی پدر یوخ



بو جمله یلن خلائق آشنادی

یا زالار، وقت، هر یرده طلادی

او وقتی که اولا مصرف یرینده

والّا وقت بیهوده هوادی




ماتور مینمه ماتور مرگه دلیلدی

ماتور عزرائیله خوش بُلدیزردی

پژو پیکان، دَوو بنز و دوچرخه

سلامتدی ماتور لاپ زیر زیلدی



ماتوردان قاچ ووروب سیندیرمامیشدان

یخوب عمرین دامارین قیرمامیشدان

بونون گئچ بهره‌سیندن لذتیندن

پریشان دادگاهدا دورمامیشدان




سنی که اوز اوزون یاخشی تانیرسان

نیه خلقین سؤزویلن تُولانیرسان

بیری قدحون دیننده هیسلنیرسن

بیری مدحون دیننده شاخلانیرسان



عزیزیم طالب اولما طول عمره

ادب تحصیل ائله آل یاخشی نمره

شرفسیز یوز یاشا ارزش یوز آلتین

شرفلی هر نفس بیر حجّ عمره



دوام عمر، تار عنکبوت است
فقط پاینده حی لا یموت است

از این راه سبک زین بار سنگین
چه حاصل می‌شود جای سکوت است



سوروشدوم کوزه گردن آی آفندی
موادّ اوّل کوزه ننددی

دئدی گر ذره‌بین اولسان گوررسن
سُراین و سینه ساقین و بدنّی



کتاب معرفتدی داستانلار
کیمون وار دیدۀ حق‌بینی آنلار

گندن یولدان قیتمور کاروانلار
هانی جمشیدلر نوشیروانلار



اگر بیر عمر قالسان درد الینده
یورولسان قرص و کپسول گرد الینده

سنه چوخ سهل و آساندی دوشونسن
گریبانون قالا نامرد الینده



هانی هَل مِن مبارز سسلین لر

هانی من من ییوب من من دیین لر

اوج آرشین چلوارا ائتمیش قناعت

سریر اوستونده ابریشم گیین لر




اوغول مردم قورار شخصی قورولما

بورالار گتدیقى یولدان بورولما

دوز اول دوز یول گئدن هرگز یورولماز

ایاقون دگمه سین داشه یورولما



سنه تعلیم ائدوم بیر پاره کلمات

آپار هر شهره، بخشه، کنده، سوغات

چوخ ایشله چوخ قازان چوخ گز چوخ اورگش

باشارسان آز دانیش گول آزی آزیات



اوغول خلقيله همرنگ اول سئچيلمه

شیرین شربت تک اول اما ایچيلمه


همیشه نان خشکه ائت قناعت

آماندی مرد و نامرده کیچيلمه



فشار ظلمدن ائتمه گلایه
ستمکاری سالار آهون بلایه

گوررسن حاصل ظلمی تَلسمه
مکافات عمل قالمور بقایه



اُشیتدیم بو سؤزی کبلای حسندن
دئدی چوخ احتیاط ائت بش، کسندن

بولار بیر جور کسلر قانی چیخماز
سو، تلفن، برق، یول، نسیه، کَسندن



بیزیم اوغلان مسلمانندی نمازسیز
یوزونده نادری خط دستمازسیز

نه غسلون وار دئدیم نه دستمازون
دئدی بیر بشکه سو تاپ امتیازسیز



آدی انسان اولان انصافین آتماز
بش اون‌گون کئفدن اوتری شهری قاتماز

یدون هئچ دویمادون قارنون دلینسین
گُنون قالیندی حتّی بیزده باتماز



قاضلانما قازان تک جوشما داشما

ملایم اول تئز هیسلمه ساواشما

شکر یی طوطی تک عزتله بسلن

گلن مرداره قوزقون تک داراشما



گوگل وئرمه بو دنیای پلیده

بو بیر عفریته‌دور گیسو بریده

اَندر یحیانی قربان هریدوس

حسینون باشینی یولار یزیده



دو روز است عنفوان زندگانی

چه می‌خواهی از این دنیای فانی

تو باشی ماندنی دنیا نماند

اگر دنیا بماند تو نمانی



اوتانما یاعلی دی تا دیلون وار

بو مولا حلّ اَندر هر مشکلون وار

علی نوریندن ایله استفاده

قاباقدا بیر قرانلوق منزلون وار



مواظب اول گ.....دن شلواروندان

چیخاردالآر دیننمزسن عاروندان

کیمیله وئردون ال بارماقلارون سای

مبادا جازلیا بارماقلاروندان



بویاندان گئت اویاندان گل دی دنیا

مصیبتخانه دی انگلدی دنیا

ووران کیم سیندیران کیم یاندیران کیم

غرض بیر قورخولی جنگلدی دنیا



صفای زندگی بش زاددی یولداش

گوزل همسر، قیز اوغلان، باجی قارداش

گوزل مرکبدی مین گز هر بلادی

بشیمجی سویمه لی وسعتلی دام داش



سزای دزد تنبیه است و زندان

چه خوش دُر سفته سعدی سخندان

«ترحم بر پلنگ تیز دندان»

«ستمکاری بود بر گوسفندان»



بیر عده اگلشوب بالای سرده

اٰدیر تقصیرینه قرآنی پرده

نه عذریله دورار پیش خداده

قیامت صحنه‌سی این المفرده



بئله فکر ایلمه طاغوتی‌یم من

نه لعلی جوهری یاقوتی‌یم من

نه رند و لالابالی لوطی‌یم من

قلندر مسلکم لاهوتی‌یم من



بودور دنیاده آداب و سلیقه

اولار هر کهنه‌لن آخر عتیقه

ولی کهنلسه انسان وامصیبت

او بدبختی قویالار منجیقّه



زمستان گلدی تا بستاندا گئتدی

پوزولدی گلستان بوستاندا گئتدی

داغیلدی جمع سوندی شمع محفل

یورولدی دوستان دستاندا گئتدی



چلیک‌لر سینی باشماقلار دلیندی
نه قاصد گلدی نه مقصد بیلیندی

سحر نوزاد اولور شب تازه داماد
گلینلر قینانا، قیزلار، گلیندی



عجب جالبدی دنیانین صفاسی
هزار افسوس یوخ مهر و وفاسی

که هر جشنین داليجا وار عزاسی
غریبه شومیدی مهمانسراسی



فقط خوشدی جهانین دورنماسی
یاخین گلمه بالی یوخ وار بلاسی

وورولما آب و رنگه زرق و برقه
اوزاقدان خوش گلر طبلین صداسی



صحت و عافیت

سحر نسیم سحرگاه این نویدم داد
که آن عزیز دل از خسته خانه شد آزاد
کمال صحت و بهبودیش مبارکباد
تو مرد خیر و والاتباری ای اوستاد

«تنت به ناز طیبیان نیازمند مباد»

ای مادر

مادر ودیعه ایست ز پروردگار ما
از کودکی مربی و آموزگار ما
فرزند را به شیرۀ جان پروریده است
از هست اوست هستی پر افتخار ما
مادر چراغ خانه شبهای تار بود
افسوس آن چراغ برفت از کنار ما
ای خاک تیره پیکر او را مده فشار
زیرا که او نبود رضا بر فشار ما
روحش غریق رحمت پروردگار باد
یاسین و حمد و سوره به روحش نثار ما
مادر اطاق خالی تو غمسرا شده
بی تو در این جهان نبود غمگسار ما
مهمان از این در آید و زان در همی رود
این است با نظام طبیعت قرار ما
ایمن مباش ز آفت این کاروانسرا
جز درد یار نیست غمی در دیار ما

از مراغه تا قم

هزار شکر و ثنا بر خدای حیّ ودود
 که داده مهر نبوّت به احمد محمود
 مفاعلن مفاعلات مفاعلن فعلن
 چه شاعرانه ترنّم چه عارفانه سرود



مشیر طبع کهولتدن اولدی افسرده
 خیال اندوب که سفرنامه یازماسین بیرده
 خرد دئدی هله افکاری ایلمه خسته
 تقدری یازمالیسان یاز صلهن گوزوم اوسته
 یاتوب دوران گنده جاقدی گنجه گونوز قالاجاق
 خموش اولوب دانیشان دیل همیشه سؤز قالاجاق
 همین صفالی سفرنامه لر حیاتونده
 شیرین شیرین قالاجاق زنده خاطراتونده
 بو گون که مشتری واردی اوزیوه هم سؤزیوه
 قوجالقین توزونی قویما اگلشه یوزیوه
 هزار و سیصد و هشتاد و یکده شهریور
 شروع اولور تازادان بیر قصیده دیگر

جناب باقریان کوثری تخلصده
 ادیب و شاعر و والانسب تشخصده
 وئروب صفائیه تبریزده مجلسی تشکیل
 بو فکریله ائده بو خاکساردن تجلیل
 صداقتیله دوتوبدی بزرگداشت منه
 یغوب ادیب‌لری اوز ائوینده انجمنه
 محبت ائتدیه ارباب فضل اهل ادب
 ایکیندی دن اوخونوب شعر تا به نیمه شب
 چیخاندا ائودن آلودی آرایه اهل حرم
 دئدیم گئجه قاپونین سالمیون دالین گلرم
 مراغه دن حاجی ایلانی اوغلی جان جگری
 محبتیله اولوبلار کریمی همسفری
 منیم گوزوم ایشیقی قارداشیم کریم گلدی
 اونون زیارتی کف وئردی روح دینجلدی
 دئدی بلیطیوی صادر ائدوبله طهرانه
 خبر وئروب آقا منصوریان سنه یا نه
 علاقمندی منصوریان منه دلدن
 خدا ائده اونی آسوده جمله مشکلدن
 محبت اهلیدی ممتازیدی لیاقتدن
 اونون سؤزون یره سالماق اوزاقدی حکمتدن

الهی بختور ائت مرضیه یله ناهیدین
 موقّق ایله اونون یوسفیله توحیدین
 غرض رفاقتیم اهل دل ئیله دوتمادی باش
 بو دفعه اولموشام ایلائیه یاریم یولداش
 یاخیندی هر شب وصلین صباحی هجرانه
 اولار مراغیه یولاندی بنده طهرانه
 اوجالدی ساعت سگّز هوایه طیّاره
 گزردی گنبد مینانی مثل سیّاره
 کمال سرعتله باغلادیق کمربندی
 او قدری چکمدی فوراً فرودگاها اندی
 گلوب قباقیمه پروینی و حسین زاده
 منی آپارماقا عالی وسیله آماده
 گلوب کریمی دوباره دیاره سس دوشدی
 خصوص انجمن شهریاره سس دوشدی
 پیا اولوب شب شعر ولادت مولا
 سالوب سلیم مؤذن او محفله غوغا
 سلیم زاده لرین سسلری دلآرادی
 اونون اذانی مناجاتی چوخ گوارادی
 گوزل صدادی وئرن روحه جسمه آرامش
 عروس شعره خوش الحاندندی آرایش

علینی مدح ائله قارداش گوزل صدائيله
 ائشیده نین قولاقین سوکمه های هائيله
 نه یین دیوم آمان الله بیر عده خواننده
 ناشی شوfer کیمی هی گاز وئورور چکور دنده
 هم اوز اورک گوبگین یرتیری یورور نفسین
 نریلدیری نه سؤزون آنلاماق اولور نه سسین
 کلام شاعره زینت وئرن گوزل سسدی
 سسون که یوخدی اوزون یورما بیر آغیز بسدی
 آدمی گردنده داغدا سویسا سارقلر
 چیخاتسا بو سسی قان قی ائدر منافقلر
 بوغاز دگی کره نیدی پولیکادی لوله دی
 آژیردی آی بابا سیقنالدی گورنه ولوله دی
 گوزل صدادی گوزللقدی هم کمال و ادب
 تمامی رفقایه عطا ائله یارب
 گئجه جناب گراوندی به قوناق قالدیم
 باجیمون عطرینی اول خانواده دن آلدیم
 علی الصباح چیخوب آفتاب عالمتاب
 یغیشدی باشیمه اصحاب زُبدَةُ الاحباب
 سدید و واجد و منصوریان و پروینی
 چه اجتماع لطیفی چه بزم شیرینی

بلند ایلدیلر اوج اعتزازه منی
 چکوبله حرمتیله جاده هرازه منی
 ناهاری ائتدیلر آماده خوش به سبک جدید
 نه خوشمزه یمه‌لی دادلی دست‌پخت سدید
 تویوق کبابی جگر قلوه دل چکیلدی شیشه
 قوتارمامش اونی گلدی بالیق اود اوسته پیشه
 دئدیم یازون بو سؤزی ساخلیون اثر مندن
 نتیجه‌بخشیدی بو پند مختصر مندن
 گوگل دریچه‌سینه نور ساچان محبتدی
 آچیلیمیان دوگون اولسا آچان محبتدی
 باریشدیرون باریشیق خوشدی سالمیون قاریشیق
 خدا ییلور قاریشیق‌دان صفالیدی باریشیق
 نقدری زنده‌سبز آیریلیمیون چالون ال اله
 اجل سیزی آیورار بیر گون ائتمیون عجله
 یول اهلیوخ هامیمیز یولدا خوشدی یولداشلیق
 قباقدارادی قرانلیق بیر ایشگه یول، داشلیق
 گلون اورکلری صاف ایلایخ کدورتدن
 قسم خدایه ضرر گورمه‌سوز محبتدن
 خراب ائدر کوسولی قالماق انسانین قانون
 مجادله چورودر عمری آپدیرر جانین

مرض که حاصل اولاً مهردن محبتدن
 دوشونسه‌لر او مرض یاخشیدی عداوتدن
 محبتیله تیکان گولدی انسانین گوزونه
 محبتیله آدام شیری رام ائدر اوزونه
 جهاندا فتنه‌لر ایجاد ائدن عداوتدی
 صفالی ائولری آباد ائدن محبتدی
 ائشید عرایضیمی ای گوزل‌لرین گوزلی
 اینان بو ایگی غزلی غزل‌لرین غزلی

غزل اوّل

منه ناز ایلمه ای ماهپاره گل باریشاخ
 گئچن عُمور اله دوشمز دوباره گل باریشاخ
 ایشی بو گون صباحا سالما قورتولور فرصت
 دیرله خیر ایشه یوخ استخاره گل باریشاخ
 منی دولاندیروب اوز باشیوه تصدّق ائله
 او آغ سینه‌نده‌کی بیر جوت اناره گل باریشاخ
 دیوردی بلبله گل ساقه‌ده خزان وقتی
 گوروش قالیر داخی بیرده بهاره گل باریشاخ
 گئچوب گئچنلری نادیده دوت کناردان گئچ
 غمی غرض مرضی آت کناره گل باریشاخ

یادیمدادی گنجه پروانه شمعہ یاندی دئدی
 اسیریوم منی یاندرما ناره گل باریشاخ
 کمند زلفویله باغلیوبسان ال قولومی
 او ساچلاریلا منی چکمه داره گل باریشاخ
 اجل گلر آرالار سن قاباقدان آیریلما
 که آرزیلی قویاجاق یاری یاره گل باریشاخ
 قاشون قلجلادی مژگانون اوخلادی نه دیوم
 یارالیا دیلیلن وورما یاره گل باریشاخ
 گونی گونه ساتیسان گون قوتاردی گلدی گنجه
 گنجه کیمی گونومیز اولدی قاره گل باریشاخ
 نتیجه آلمادی لیلج بخت، نردیندن
 اوتوزدی نقد حیاتین قماره گل باریشاخ
 الیوی وئر الیمه لاله زارده دولاناخ
 کوسولی گتتمیاخ آخر مزاره گل باریشاخ
 پیاده قوزانار اما سواره قدین اگر
 بودور قرار پیاده سواره گل باریشاخ
 سنی قسم وئرورم دلدلین اوزنگیسینه
 علی الینده اولان ذوالفقاره گل باریشاخ
 کریمیا دوشر الدن قلم یاتار بو علم
 کتاب عمر اولاجاق پاره پاره گل باریشاخ

کیمون چراغی یانوب صبحه تک سنون کی یانا
زمانه نیلدی گور شهر یاره گل باریشاخ

غزل دوم

گزیر منیله نگاریم اویان بویان کوسولی
دیور محبتیمین آتشینہ یان کوسولی
دیون گولون دانیسون بش گون عمری باشه وئرون
دولانمیون الی قوینوندا ناگران کوسولی
گولون طراوتینہ لطف باغباندی سبب
گل آچمامیش سارالار گزسه باغبان کوسولی
نه خیری وار من ئولندن صورا قرا گیہ سن
یاسیمدا نه قره گی نه طویومدا یان کوسولی
ایتیلہ قورد اولال بیر، سوری گئچر یاریدان
اوتورسه گلہنی اوز باشینہ چوبان کوسولی
او گوندی اوغرولارا طوی، یازیق جماعتہ یاس
اولا رعیتہ داروغه پاسبان کوسولی
محبت گل و بلبلدن عبرت اخذ ائلیون
نه گل کوسر نه ده بلبیل نه گلستان کوسولی
بیر عدہ طویدا قوناقلقدا بلکه یاسدا کوسر
دگر بیرری بیرہ ئل طایفا هر زمان کوسولی

بیر عده جامعه دن رختی انزوایه چکر
 اندر خرابه ده بایقوش کیمی مکان کوسولی
 گلون کوسنلری بیریر باریشدیراق قارداش
 نه خیری وار سنه اون ایل قالا فلان کوسولی
 عمومه فایدا محبتده دی مودتده
 چیخانماز آغ گونه هر گون یاتوب دوران کوسولی
 اون ایل یاشا باریشیقلا محبتیله یاشا
 نه حظی وار یوز ایل عمر ایله باغریقان کوسولی
 قولوی بونوما سال جان دیوم سنه جان ائشید
 یوزیمه قیقاجی باخما دئمه یامان کوسولی
 کریمینون غزلیندن محبت عطری گلور
 نچونکه سویمز اولا جمع دوستان کوسولی



گتوردی سؤز سؤزی تاپدی اطاله برنامه
 اوزاندی اولدی سفرنامه دردسرنامه
 شریک اولوب هیئتده گلدوخ افغانه
 آپاردی هاشمی آخرده بیت الاحزانه
 همان حسینیه نین آدی بیت الاحزاندی
 صفالی صحنه دی بیر پارچا شور و افغاندی

گوزل قیافه گوزل سسلی نوحه خوانلاری وار

حضور قلیله گوزیاشلی آغلیانلاری وار

یدوخ ناهاری نمازی قیلوب صمیمانه

دوروب گندوب دؤشه دوش صوندا چای و قلیانه

قوتاردی فرصت طهران یتیشدی نوبت قم

صفا وئرر اورگه واقعاً زیارت قم

خلاصه طهرانی ترک ایلدوخ صفائیه

قُمه روانه اولوب قافله وفائیه

او یرده فاطمه معصومه نین زیارتی وار

گوزل خانمدی امام رضایه نسبتی وار

او بیر خانمدی سپهر خدارت اولدوزیدی

تغافل ایلمه باب الحوائجین قیزیدی

رواقی فخر آپارار غرفه های رضوانه

اونون وجودی قُمی دوندروب گلستانه

خصوص حوزه علمیه سی چراغاندی

اورا منابع حکمتدی علم عرفاندی

فریضه دور او گوزل بقعه نی زیارت ائداخ

جناب هاشمینین دعوتین اجابت ائداخ

آچار هر ایل قاپوسین اون گون اهتمام ایلر

عقیده العربیه عرض احترام ایلر

گلوله هر گئجه‌نی نوحه‌خوانلار هر یاندان
 مراغه‌دنده کریمی، کلامی زنجاندان
 جناب هاشمی، روحانی مرد شایسته
 تواضع اهلیدی چوخ خاکسار و وارسته
 او یرده فاضل معروف اهل منبردی
 نظیری کمدی گوزل واعظ سخنوردی
 سحر نمازی گئردوخ زیارت حرمه
 ائردوخ عرض ارادت حضور محترمه
 جناب موسوی سادات حاجی میرمحمد
 همیشه گوزلری مولا غمینده اشک‌آلود
 دلیل اولوب یتیروب فیض جاودانه منی
 سوار ائدوب ماشینا چکدی جمکرانه منی
 قوناق چاغیردی، بیزه آچدی خوان احسانی
 یغوبدی سفره‌نین اطرافینه احبّانی
 جناب فاضل اودا وئردی سور چوخ عالی
 و یطعمون طعام اولدی شامل حالی
 علی‌الخصوص حاجی شیخ جعفری او دانشمند
 قوناق چاغیردی بیزی جداً ایلدی خرسند
 بیر عدّه وار قوناقا جانینی ائدر قربان
 نثار ائدر قوناقا اولسا هر زادا امکان

بیر عدّه وار قوناق آدی گلنده سانجیلانار
 قاچار گندر گلیفه ائوده اولماقینی دانار
 و حال آنکه بیورمش جناب پیغمبر
 قوناق عزیزیدی مؤمن اولا و یا کافر
 قوناق هدیه پروردگار عالمدی
 گئجه گونوز قوناقا قوللوق ایلسون کمدی
 قوناق گلنده گلر روزیسی اوزوندن ازل
 اونون قدملری خوش یمنیدی گوزلدی گوزل
 ولی قمیشلیقا گئچسه وئر آغزینی یاوانا
 دئنه بویور چوله عذر ایستورم ناخوشدی آنا
 قوناق عزیزیدی گر اولسا اهل فضل و شعور
 دولانگیلان باشینا خدمتینده ائتمه قصور
 قوناق که آنلاماز اولدی باشین ویرون قاراغا
 هدردی ایلیه سن قوللوق آنلاماز قوناقا
 اگر سفیه قوناقی فوق العاده ازدیره سن
 مثلدی ماحصلی تاخجادا گزر گوره سن
 قُمیندا فیض وئرَن گونلری یتیشدی باشا
 فراق گلدی چالوب شیشه وصالی داشا
 آقای هاشمی لطفینده قویمادی نقصان
 دئدی منه ندی سوغات قم، دئدیم سوهان

آلوب اون آلتی قوطی قویدی بیر مقوایه
 دئدی بویور سنی تاپشیردیم حی اعلایه
 گتوردیلر منی ترمینالا محبتله
 ادیب آدیندا جوان مرد بالیاقتله
 ادیب بو نچه گونده جواریمیزدهیدی
 هم اوزی هم ماشینی اختیاریمیزدهیدی
 مراغیه یولا دوشدوخ کمال سرعتله
 بدن ماشیندا اورک قالدی قُمدای حسرتله
 نصیری جعفر ایکی اهل حال راننده
 باسوبلا گازه چکوب دنده ائتدیلر خنده
 ایکی رشید جوان سالدیلار شهابی تووا
 قوناق ائدوب منی نوشابه چای تیویوق پلوا
 غرض کریمینی الله یتوردی اکرامه
 اضافه ایلدی دیوانه بیر سفرنامه
 اوخور بو مطلبی مندن صورا بنین و بنات
 منیمده روحیمه اهدا ائدهالله بیر صلوات
 گرک بدنده اولان توکلرین سایي دیل اولای
 بو نعمتین هامی شکر و ثنای حاصل اولای
 کریمیه بش اوغول ایلیوب عطا الله
 مجید ودودیلله مسعود هم عطاءالله

مغازه یولداشیم ائو مونسیم حاجی داود
 که امتحان محبته اولمیوب مردود
 وئروبدی بش گلین الله نجیه و اعلا
 عطیه نیر و زهرا منیره و شهلا
 نجیه صالحه همسر صفالی امر معاش
 وفالی اون نوه اوچ باجی بش گوزل قارداش
 دئدیم گنجه گلرم سالمیون دالین قاپینین
 یوبانماق اون گونه دوندی دالین سالین قاپینین



درکارت عروسی نوه عزیزم وجیهه

وصلت این عروس و این داماد
 بر همه بستگان مبارکباد
 زهره با مشتری مقارن بود
 در زفاف وجیهه و فرزاد



هزار و سیصد و هشتاد و یک اواخر تیر
 به لطف و مرحمت خالق علیم و خبیر
 نوهم وجیهه نی ائتدیم روانه بخت ائوینه
 کریمی طایفاسی غم غصه چکمیہ سوینه

نامه‌دوستانه

نامه‌ن یتیشدی سیلدی بو گوگلوم غبارینی
 شوق وصالون آلدی حقیرین قرارینی
 شکر الله‌ها که انجمنی دایر ائتموسن
 تعمیر ائدوبسن عشق و مودت حصارینی
 چوخ مایلم که شهر آچام عندلیب تک
 سیر ائتماقا او شعر و ادب لاله‌زارینی
 افسوس بش دقیقه‌ده یوخدی فراغیم
 یاددان چیخاتمیشام رفقائین عذارینی
 چوخداندی اولمیوب منه قسمت زیارتون
 دل مکتب وفاده چکر انتظارینی
 دوسلار آماندی بیریروزین قیدینه قالون
 دایر ائدون صفا و صداقت مدارینی
 باخ سرعتیله کوچ ائدیری کاروان عمر
 بو ناهنین بشر نجه ساخلار مهارینی
 هیهات بیرده عمر قیتسون جوانلقا
 قیش فصلی کیمدی درک‌انده گنچمیش بهارینی
 هئچ بولمدوخ نه علته گلدوخ بو عالمه
 درک ائتمدوخ بو گوهر عمرین عیارینی
 دوستون کتابی درس وفادور کریمیا
 ساخلا همیشه طاهرینون یادگارینی

یا اللہ - یا علی - یاحسین

ابتدای سخن به نام خدا وَ لَهُ الشُّکْرُ دَائِماً أَبَداً
 لطفی شاملدی جمله انسانه نه تک انسانه بلکه حیوانه
 خوان احسان آچوبدی دنیاہ هامی نایلدی فیض عظمایہ
 و ثروب انسانه عقل و فہم و شعور خلقتیندہ نہ نقص وار نہ قصور
 مغز لردہ قویوب معمّالر گیزلنوب بیر بشرده دنیالر
 ییری اینترنت ایلوب ایجاد کامپیاتر موبایل دا اوستاد
 ییری انسانلاری سوکور قوشوری گون به گون علم قینیور جوشوری
 ہرہ بیر علم و فنّده ماهر بیرینی ذوق طبع ائدوب شاعر
 شاکرم ہر دقیقہ نعمتینہ شکر اولا عزّت و جلالتینہ
 چکورم خاطراتیمی نظمہ سؤزلریم دستہ گلدی ہر بزمہ
 مبعث حضرت رسول کرام شب شعر اولدی گرمی ده اعلام
 حاجی فتّاحی عالم و عامل علم و فضل و کمالده کامل
 سرپرست ادارہ ارشاد مرد وارستہ دی اتوی آباد
 فرضیدی دعوتین اجابت ائداخ گرمی شہریندہ عصر شعرہ گئداخ
 ناقصات سفر فراہم اولوب پاشازادہ منیلہ باہم اولوب
 قامتی طبعی تک بلند و رسا قولدا کیف گوزدہ عینک الدہ عصا
 گئتدوخ اولدہ، بستان آبادہ شب شعر اولدی اوردا آمادہ
 گئجہ قالدوخ شہودیه مہمان یاخشی شاعردی باعقیدہ جوان

باصفادی	ولی	مجرددی	زندگانلیق	مجردہ	بددی
ای گوزوم	همسر	انتخاب	ایله	هم صفا	ایله هم ثواب
زندگانلیق	چتیندی	آروادسیز	سفره	بی رنگ	اولار آغیز دادسیز
یاندیرار	هم	چراغی	هم	اوجاقی	هم قوجاقی
کیم	اولا	ازدواجیله	محفوظ	ثلث	ایمانین ایلوب
اوردا	وار	بیر	طبیعی	ایستی	حمام
او سو	یاغ	تک	یاییلدی	جانیمیزه	
نجه	سو	سلسبیل	تک	روشن	
او سو	وئردی	پاشایه	تازه	حیات	
هی	جوماردی	چیخاردی	سرعتلن		
تازا	بگ	تک	چیموب	شافاقلاندی	
مشگلین	حق	شهودینین	تنز	آچا	
غرض	اولدوخ	روانه	گرمی		
حاجی	فتاحی	مرد	خوش	اقبال	
بیر	جوان	ادیب	دولتخواه		
گرمینون	بیر	امام	جمعه سی	وار	
شعرا	تک	تکی	دنین	داتدی	
باشیمی	منده	باشلارا	قاتدیم		
گرمیه	گرمی	آد	قویوبلا	ندن	
اوجا	داغلار	آلوبلا	دور	و برین	

یولاری پیچ و خم نشیب و فراز	قیشی صعب العبور و دست انداز
صرف اولوندی غذای شاهانه	یتیشوب نوبه چای و قلیانه
او گئجه کامل اولدی لذتیمیز	گئجه قورتاردی قالدی صحبتیمیز
صبح نور ساجدی داغلارین باشینا	بیزی فتّاحی میندیروب ماشینا
دئدی من اجر أخروی تاپارام	سیزی شایسته دی اوزوم آپارام
شاعره عالم اولسا راننده	علم اولار شعردن نماینده
شعرانین مقام و شوکتی وار	علمانین یانیندا عزّتی وار
من کریمی همیشه سیّاحم	افتخاریم بودور که مدّاحم
شاه عشقین غلام قنبری یم	قاپوسیندا وفالی نوکری یم
یا علی یا علی شعاریمدی	ایکی دنیاده اعتباریمدی
اوزوم ئولسمده ئولمز آثاریم	قالی دیلرده زنده اشعاریم
دوشسه گاهی یولوز مزاریمدن	تحفه سیز گئچمیون کناریمدن
یاخشی مرهم سالون جراحتیمه	اوخیون حمد و سوره تربتیمه

فرصتوز اولماسا ائدون کوتاه

یا علی - یاحسین - یا الله

قال رسول الله ﷺ إِذَا مَاتَ الْعَالِمُ الْفَقِيه
ثَلَمَ الْإِسْلَامُ ثَلَمَةً لَا يَصُدُّهَا شَيْءٌ

ای دل بسوز موسم آتش‌فشانی است
فصل عزا و مرثیه و نوحه‌خوانی است
از آسمان علم مهی گشته مُنخسف
فقدان او که ضایعه آسمانی است
عالم برای جامعه روح است در بدن
عالم چو رفت خاتمه زندگانی است
باز این سپهر بر سر ما ریخت خاک غم
کردار این فلک همه نامهربانی است
از دست ما گرفت شهیری که شهرتش
مرحوم اراکی است و مه آسمانی است
پیر مراد و مرشد اقطاب العارفین
بر خانقاه حلقه ارشاد بانی است
عالم همیشه زنده و جاوید عالم است
چون مرگ او مقدمه زندگانی است
ای دل مباش غره بر این چند روز عمر
جز وجه ذوالجلال همه شی فانی است

در طول عمر از پی هر خنده گریه‌هاست
یک سوگواری از پی هر شادمانی است
علم است و مکتب است و عمل دین و مذهب است
کز بهر متقی اثر جاودانی است
سیرت بجوی این صُور ظاهری فناست
باقی برای اهل حقیقت معانی است
عرض ارادت است مرامت کریمیا
مقصد نه خودنمایی و نه شعرخوانی است



نصیحت با وصیت

اوغول مُحسن^۱ بعنوان نصیحت

سنه مندن وصیتدور وصیت

عبادتدن زمانی غافل اولما

مسلمان اول نمازه کاهل اولما

حسدن کینه دن ائت صاف قلبون

قوی اولسون مرکز انصاف قلبون

خدائی بول هامی اعماله ناظر

اودور خلوتده یا جلوتده ناظر

سنه دشمن سو ویرسن قازماسین چاه

قویی قازما بیرینه اولما بدخواه

یقین ایله مکافات عمل وار

بو دنیاده الین اوستونده ال وار

شراکتدن ضمانتدن اوزاق گز

شهادتدن شمتتدن اوزاق گز

دوز ایشله دوز دانیش دوزلیق گوزلدی

دوزه یوخدی زوال عالی مثلدی

صبور اول عاقبت‌بین اول تَلَسْمَه

تَنَز هیسلمه آماندی جوشما اسمه

دئمه دردون بخيله نانجيه

دی گیزلین دردیوی حاذق طبییه

مصائبده صبور اول استوار اول

شدایدده حلیم و بردبار اول

یورولسان تنگه گلشن درد الیندن

دواسین ایستمه نامرد الیندن

کریمی‌نین کلامین گوزدن آتما

وصیتنامه‌سین یاددان چیخاتما



ميلاد حضرت زينب ؑ

روز ميلاد زينب كبرا هم على شاد گشته هم زهرا
يا حسين عيد يانه مى خواهيم از شما يك برات كرب و بلا



روز ميلاد حضرت زينب هست بر ما عنايت زينب
يا على بهر ما كرامت كن يك برات زيارت زينب



مژده كوثر كه كوثر آورده فاطمه لعل و گوهر آورده
مشتري شاد و زهره رقص كنان چرخ، زهراى ديگر آورده



زينب از فاطمه نمايان شد خاندان على گلستان شد
گفت يثرب به كربلا تبريك قتلگاه حسين چراغان شد



كيست زينب عقيلة العرب است كيست زينب يگانه زين آب است
ابجد احترامش از آب و جد نام زينب ز غيب منتخب است



كيست زينب مدال فخر زنان نوحه خوان زنان سينه زنان
ميخ كفشش مدار چشم زمين چادرش پرده عفاف زمان



بو حسین کیمدی

بو حسین کیمدی بئله شهرتی وار آدینون عرش حقّه زینتی وار
 کار محشر بونیلا باشلاناجاق مگر اللهیله قرابتی وار
 بو حسینون جمالینه صلوات

بو حسین کیمدی بئله نام آپاروب یرده گویلرده احترام آپاروب
 آناسیندان آتا باباسیندان شرف و عزّتی سهام آپاروب
 بو حسینون کمالینه صلوات

بو حسین کیمدی ای خدای جهان آدینا شیعه لر کسر قربان
 وارث آدم صفی الله گلدی دنیایه سوّم شعبان
 بو نگارین وصالینه صلوات

بو حسین کیمدی عشقی کاملدی لطفی اهل ولایه شاملدی
 اولماسا هر اورکده عشق حسین جمله اعمال خیری باطلدی
 منصب و ایده آلینه صلوات

بو گون ائتدی طلوع شعباندا منعکس اولدی نوری کیهاندا
 دوتولوب عاشر محرمده منکسف اولدی لجه قاندا
 هم طلوع و زوالینه صلوات

آلدی قنداقینی قوجاقه نبی دئدی بهبه فداک اُمّی آبی
 گل گزار سرور نُقبا یادگار محمد عربی
 گل کیمی رنگ آلینه صلوات

بالاسين باسدى سینه زهرا دئدى سبحان رَبِّی الاعلا
 نه منیم رتبه مه چاتار مریم نه بالامین جلالینه عیسا
 عزّ و شأن و جلالینه صلوات

آی ماشاالله عجب گوزلدى بالام مظهر حی لم یزلى بالام
 مین زلیخا کنیزیدور بالامین دئمرم یوسفه مثلى بالام
 بو گوزل خطّ و خالینه صلوات

جان حسینیم سنه اوزوم قربان بو قرا قاش گوزه گوزوم قربان
 غنچه گل تک آچان دوداقلاریوا قارا خال آغ یوزه یوزوم قربان
 فاطمه نونهالینه صلوات

ایکی گوزلر. خمار مارال کیمی قارا قاشلار قوشا هلال کیمی
 آنانین سینه سین مزین ائدوب سودامر بیر قیزیل مدال کیمی
 آل احمد مارالینه صلوات

خلق اولاندان بو شمع و پروانه بئله گل گلمیوب گلستانه
 آچدی شعبان سولوب محرّمده ایلدی عالمی عزاخانه
 صورت بی مثالینه صلوات

من کريمی دخیل دربارم آقاما روز و شب عزادارم
 داخی قلییمده نیسگیلیم قالماز بیرده گورسم حسینه زوارم
 بو حسینون جمالینه صلوات

جانباز عشق

در طول زندگانی گر دست و پا ندارم
 جانباز کوی عشقم غیر از خدا ندارم
 دست هوا ببستم پای هوس شکستم
 من جز خداپرستی هیچ ادعا ندارم
 من سربدار عشقم آموزگار عشقم
 من پاسدار عشقم ریب و ریا ندارم
 سر چیست در ره دوست پا چیست در ره یار
 جز آشنائی او من آشنا ندارم
 هر موی من سرود حبّ الوطن سُراید
 چون نی پر از نوایم غیر از نوا ندارم
 مولای من ابوالفضل سر داده در ره دوست
 من اقتدا به غیر از آن مقتدا ندارم
 در کوی عشق جانان گم کرده دست و پایم
 جان باختیم به جانان جز جان فدا ندارم
 من تشنه فراتم مشتاق کربلایم
 در عمرم آرزوئی جز کربلا ندارم
 گر طالب ریاست پست و مقام و شهرت
 یا بار دوش ملت باشم حیا ندارم

ما دست و پای خود را وقف وطن نمودیم
غیر از وطن پرستی ذوق و صفا ندارم
من جان نثار دینم من عاشق حسینم
راضی به هر قضایم لا و بلی ندارم
من مست هوشیارم جانباز و جان نثارم
در سر بجز هوای مهر و وفا ندارم
جانباز سربلندم در دام عشق بندم
چون صید در کمندم جز عشق جا ندارم
در کف سلاح قرآن در سر هوای جانان
غیر از عصای ایمان در کف عصا ندارم
اشعار تو کریمی جداً غذای روح است
حاشا کسی بگوید میل غذا ندارم



السلام علیک یا اباصالح

یا امام زمان گل هرایه
پرچم سرخی وور کربلایه



گل اورکلر آقا دوندی قانه شیعه لر دل آچوب الامانه
آل سفیان ائدن ظلملردن بیر یانار اود دوشوبدی جهانه
یا امام زمان گل هرایه
پرچم سرخی وور کربلایه

ای گوزل مذهبه پشتوانه اول اوزون حامی اسلامیه
آل بو قرآنی اغیار الیندن گور نه وضعه دوشوبدی زمانه
یا امام زمان گل هرایه
پرچم سرخی وور کربلایه

آل اله تیغ آتش فشانی ظاهر ائت صحنه کربلانی
اصغیرین قانلی قنداقین الده ساخلا محکوم ائله اشقیانی
یا امام زمان گل هرایه
پرچم سرخی وور کربلایه

هرکس اوز میلی قرآن وراقلیر دین لباسینده دینی ایاقلیر
گل وجودون دانانلار اینانسین هانسی قدرتی اسلامی ساخلیر
یا امام زمان گل هرایه
پرچم سرخی وور کربلایه

گل آقا باخ بو فسق و فجوره جامعہ یوز قویوب ظلم و زوره
خولی دن آل خبر قانلی باشی نه جسارتله قویدون تنوره
یا امام زمان گل هرایه

پرچم سرخی وور کربلايه

یر یوزی دولدی جور و جفادن یوخ اثر صدق مهر و وفادن
چک علیدن قالان ذوالفقاری جدیوین قانین آل اشقیادن
یا امام زمان گل هرایه

پرچم سرخی وور کربلايه

بیر طرفدن چالیر تندرولر بیر طرفدن چاپیر زورگولر
انتقام آختاریر کینه جولر سینه لرده قالب آرزولر
یا امام زمان گل هرایه

پرچم سرخی وور کربلايه

نه سخاوت قالب اغنیاده نه تحمل فقیر و گداده
بعضی مست هوای ریاست قدرتیندن ائدور استفاده
یا امام زمان گل هرایه

پرچم سرخی وور کربلايه

آلآدور خلقی رنگ و ریالر ائولری بیخدی ربح و ریالر
قالدی خالی مساجد منابر دولدی جهاليله سینمالر
یا امام زمان گل هرایه

پرچم سرخی وور کربلايه

نه اُموراتده نظم و سامان نه اداراتده عدل و احسان
 نه جماعتده انصاف و ایمان چکدی تعطیلہ احکام قرآن
 یا امام زمان گل ہرایہ

پرچم سرخی وور کربلاہ

گل آقا آل الہ ذوالفقاری سیل خون ایلہ دنیاہ جاری
 ریشہ کن ائت شرابی قماری باغ اسلامی ائت آبیاری
 یا امام زمان گل ہرایہ

پرچم سرخی وور کربلاہ

فاطمہ سینہ پھلو شکستہ وای اوغول وای دیور زار و خستہ
 گل اوزون تاپ او ایتگین مزاری شیعہنی دعوت ائت دستہ دستہ
 یا امام زمان گل ہرایہ

پرچم سرخی وور کربلاہ

آل الہ پرچم انقلابی گل یغیشدیر بو کشف حجابی
 ائت اوزون دین و قرآنہ نصرت سربلند ایلہ اسلام نابی
 یا امام زمان گل ہرایہ

پرچم سرخی وور کربلاہ

یاد اولور جدیوین غملریندن اکبریندن سوسوز اصغریندن
 قمچی لر ردی شامین یولوندا گتتمیوب عمہوین پیکریندن
 یا امام زمان گل ہرایہ

پرچم سرخی وور کربلاہ

سسلروخ کربلا باغ اولیدی دوره سی سلدیریم داغ اولیدی
عمّه وه تازیانه دگنده کاش ابوالفضل عمون ساغ اولیدی

یا امام زمان گل هرایه

پرچم سرخی وور کربلایه

شامده باشه کوللر توکولدی عترت آغلاشدی شام اهلی گولدی
بیر باجون کنج ویرانه لرده تازیانیله اللرده ئولدی

یا امام زمان گل هرایه

پرچم سرخی وور کربلایه

ای «کریمی» گوزون قانیاش آغلار انتظاردا داغ آغلار داش آغلار
ایمدی ده زینب اللر اورکده سسلر هارداسان قارداش آغلار

یا امام زمان گل هرایه

پرچم سرخی وور کربلایه



مراغه کریمینی جان تک قوجاقلا

قوناقدور سنه ساخلا حرمتلی ساخلا

نقدری ساغام منزلیم مسکنیم سن

ئولندن صورا مقبره مدفنیم سن

مراغه اماندور عناد اوسته دورما

سنون شاعروندی چوخ اینجیتمه یورما

شماتت شمشاد به درخت گردو

درخت گردکانه گودی شمشاد

ندور بو شاخ و برگ ای داد و بیداد

باغین نصفین دوتوبدی قول بوداقین

یوغونلو قدا اولوبسان بویلی آرواد

رژیم دوت وزنی یونگوللت آریقلا

سبکبار اول منیم تک سرو آزاد

غزلرده منی قد نگاره

مثل وورمش هامی اقطاب و اوتاد

اٹشیتدی گردکان بو انتقادی

دئدی اٹتسن منه حقون وار ایراد

عزیزیم بارلینی بارسیز بگنمز

پیاده آتلیا درد ایلر ایجاد

ضعیف العقل سن بسکه اوزونسان

اولوب کل طویل احمق انشاد

منم سرمایه دارم عزتیم وار

که واردی اقتصاده مندن امداد

منی سن باغباندان ایله تحقیق

بولر قدرین عروسین تازه داماد

اندرمیش عاقله جاهل شماآت

گرک محتاج اولا شاگرده اوستاد

منه هرکس داش آتسا میوه وئرم

بیر یولدان گئچن مندن اولار شاد

حصولیمن منیم جیبالر دولی پول

وصولیمن آغیزلار وار دولی داد

سنه عمرون بویی بیر کس داش آتماز

نه میوهن وار نه شیوهن خانه برباد

دوشه‌لر داغ داشا آهو دالینجا

گوروبسن صید انده روباهی صیاد

منم صولتده داغ دولتده دریا

شرافتده قیزیل ثقلتده فولاد

درخت گردکان با این بزرگی

درخت خربزه فریاد فریاد

بویوک باشین اوزوندی ماجراسی

بالام هر داش یونان اولماز که فرهاد

اوغول نعمتدی هر شی اوز یرینده

عبث خلق اولمیوب بیهوده هئچ زاد

که هر چیزی بجای خویش نیکوست

قویار تأثیرینی اصلاح و افساد

کریمی ثابت اول قرص اول متین اول

مبارکدور سنه بو طبع وقاد

قالاندی سؤز سؤز اوسته آخر اولدون

اطاق بایگان ثبت اسناد

سؤزون شیرینلشیر گنچدوخجا سنون

قوجالیدیجا پیشیر شغلینده قناد

ماشالله خُمرةُ الاشعار اولوبسان

کوله‌بوی سن یتیمیش وزن هشتاد

رهین منت آن باش هر آن

تو را نطق و بیان طبع روان داد

چه‌سان از عهده شکر برآیم

الهی خانه احسانت آباد



حرمخانه مسجد کرمخانه خداست

دلا خانه حی سبحاندی مسجد
 تجلی‌گه نور یزداندی مسجد
 حقارتله باخما بو عالی بنایه
 خیال ایلمه سنگ و سیماندی مسجد
 مساجد همان کعبه‌دن شعبه‌لردی
 بلی کعبه عشق و عرفاندی مسجد
 بورا سنگر دیندی نه سنگر جنگ
 فقط مکتب درس قرآندی مسجد
 مساجددی مؤمنلره باغ جنت
 ولی قوم فسّاقه نیراندی مسجد
 بورا معبد ذکر‌دور وعظ و احکام
 دئمه غیبت و جای بهتاندی مسجد
 هره اوز دّنین داتماسین منبر اوسته
 بئله بولمه‌سونلر دگیرماندی مسجد
 حدیث آدینا نقلی باسما حسابه
 مگر جای روماندی داستاندی مسجد
 گلن اوز متاعین ائدیر بوردا حراچ
 نه مکاره بازار و دگانندی مسجد

گلن اوز مقامین وئیرر خلقه عرضه

حریف آختارور یوخسا میدانندی مسجد

قوجا کور چولاق بینوایه نشیمن

مگر خانه سالمندانندی مسجد

بیری اُسگورور آسقریر بعضی اَسیر

بیری چورت وورور گورنه طوفانندی مسجد

سیغار توستوسی، تر ایگی، قیر قوخوسی

گلور جوربه جور نوره بارانندی مسجد

ملکله بورا پرلرین فرش ائدنمز

حیا ایله مؤمن پریشانندی مسجد

بیری بؤیری اوسته یاتوب هی خورولدور

سو بورنوندان آخدوقجا ایسلانندی مسجد

گوزی باغلی آغزی آچیق الله تسبیح

بو حاله بو کرداره حیرانندی مسجد

لیاقت قوناقلاردا یوخ بو مکانه

سیزون دعوتوزدن پشیمانندی مسجد

جوانلار فراریدی الله ائویندن

گروه جوانانه زندانندی مسجد

بیری قیشقیرور مرگ بر قوز یولوق بیگ

بیلون شرق و غربیله دوشمانندی مسجد

بیری سسلنیر زنده بادا فلانی

اونون همتیندن چراغاندی مسجد

چکن کیم ایچن کیم گیرن کیم چیخان کیم

مگر کافه چای و قلیانندی مسجد

عمو مسجدی پاک و پاکیزه ساخلا

باخان قوی دئسون خوش گلستاندی مسجد

بهشته در فرعی محرابنددی

کرمخانه حی رحماندی مسجد

تفنگ الده مسجده جولان وئروللر

مگر شهربانیدی دژبانندی مسجد

هره بیر طرفدن آچوب غارته ال

بؤلوشدوردیلر گوشت قربانندی مسجد

مبادا آدین قویسالار باستانی

گوررسن که مخروبه ویرانندی مسجد

بابا مال وقفی ده اولماز تصرف

آلان کیم ساتان کیم نه تالانندی مسجد

گهی کودکستان گهی سالمندان

گهی بزم شورای نسواندی مسجد

گهی طویدی پرچم وورولار بزوللر

گهی یاسدی شام غریبانندی مسجد

هتلدی پذیرائی دی رستوراندی

گوتور مسجد آدین که عنواندی مسجد

تریبوندی محرابدا منبر یرینده

باتوب یاسه منبرده گریانندی مسجد

قویون رادیو تلویزیونی منبر اوسته

اصیل موسیقی دن خراماندی مسجد

اگر ماهواره اولا کامل ایلر

گوررسوز کلوب جواناندی مسجد

گر اولسا آتاری، توپ، امکان ورزش

چه بهتر که نسل نووا جاندی مسجد

چتین سینمانی یخوب مسجد ائتماق

ولی سینما اولسون آساندی مسجد

خدا ملکین اوقافيله قوی آرایه

نه شکله سالیمرسان سال احساندی مسجد

نه مال الله آل الله اوقافه چاتدی

سات اولسون اداره، فراواندی مسجد

ملکدر کلکدر گوروب قویدی قاچدی

گل ایمدی چراگاه شیطانندی مسجد

کریمی ایاق چکمه مسجددن اصلا

سراپرده جان جاناندی مسجد

گوی اوزلدوزلاریندان یر اهلی کئف ایلر
 گوی اهلینه اوندان درخشاندی مسجد
 گرامی دوتون مسجدی ایّهالتاس
 سیاحتگه اهل ایماندی مسجد
 فقط مسجده ذات باری دی بانی
 مکان لامکانه شبستاندی مسجد
 رعایت ائدن مسجدین احترامین
 خوش اولسون اونا عفو غفراندی مسجد

«سفره»

مرتب است چنین سفره‌ای به نام ابوالفضل
 بیا بر این سر سفره به احترام ابوالفضل
 شب ولادت سقّای تشنه کام حسین است
 تبرّک است به مهمان بلی طعام ابوالفضل



بیا بیا بنشین در کنار خوان رقیّه
 تبرّک است شبی باش میهمان رقیّه
 بگیر دامن پاک عمویش حضرت عباس
 رواست حاجت شرعی قسم به جان رقیّه

قصیده کوتاه

بیا به خانه پیران که جای احسان است
 برای عبرتیان بهترین دبستان است
 اگرچه خانه آسایش است بر پیران
 ولیک مکتب آموزش جوانان است
 خزان گلشن عمر است و آستانه مرگ
 بین شقایق و سوسن چگونه خندان است
 اگرچه بهتر از این جایگاه نتوان ساخت
 که ابتکار کمالات نیکمردان است
 ولی سؤال کن از ساکنین این خانه
 برای خسته دلان بدترین زندان است
 خوشا کسی که از این خانه عبرت آموزد
 که نکته بینی شخص امتیاز انسان است
 جزای خدمت زحمتکشان این خانه
 به روز اجر عمل با خدای مٔان است
 خوشا به مردم خیر که این بنای بزرگ
 ز سعی و همتشان همچو مه درخشان است
 خوشا به حال کسی کو در این گذرگه عمر
 همیشه همره و همدوش خیرخواهان است

نهال خیر نشانید و میوه برچینید
 که هر کسی به جهان چندروزه مهمان است
 برای شهر مراغه عطیه ایست عظیم
 مراغه کان به صفا افتخار ایران است
 مراغه ای که ز آغاز بوده مهد ادب
 به باغ معرفتش اوحدی غزلخوان است
 مراغه ای که سهندش کشیده سر به فلک
 پُر است دامنش از گل سرش زمستان است
 لَبَن به حد نصاب و غسل برون ز حساب
 چو سفره برکت نعمتش فراوان است
 ز رودخانه صافی صفای باغاتش
 همیشه طعنه زن روضه های رضوان است
 مراغه ای که رصدخانه اش ز خواجه نصیر
 مدال سینه تاریخ گرچه ویران است
 دخیل و ذاکر و اشراق وی نمی میرند
 به زیر خاک اگر چون خزینه پنهان است
 به شیعیان همه تبریک گویم از دل و جان
 طلوع اختر پنجم ولی سبحان است
 سرور سینه زین العباد اباجعفر
 که نور چشم محمد رسول یزدان است

نبی به جابر انصار گفت اوصافش
 وصی پنجم من رهنمای قرآن است
 ز من سلام رسان بر حضور انور او
 هم او مروج دین است و جان جانان است
 علوم را بشکافد بسان شخم زمین
 به دست او همه کشف علوم آسان است
 سمی حضرت ختمی مآب ختم رُسل
 ز بطن فاطمه بنت الحسن نمایان است
 ایا امام زمان عیدیه می خواهیم
 که روز جشن تولّد بهار احسان است
 کریمی تازه جوان است و روحاً و طبعاً
 ز حسن رابطه در جمع سالمندان است
 الهی سایه لطف از سرش دریغ مدار
 کسی که خادم دلسوز مستمندان است

«کارت عروسی»

گل و بلبل به هم کردند وصلت
 به روز تابش مهر ولایت
 مبارکباد این جشن محبت
 به حقّ اولین برج امامت

نامه به شهرستان خوی

تاپسام گینه ایامدن امکان حاجی زاده
 «انزاییله» گلم خویا مهمان حاجی زاده
 مجلسده آچار اهل ادب دفتر شعری
 تشکیل تاپار مجلس عرفان حاجی زاده
 صبحانه وئرر کله پاچا دیل «حاجی حیدر»
 شام کوفته ناهار قیمه فسنگان حاجی زاده
 نامه‌نده یازوبسان منی آل‌الله مداح
 هم اهل ادب قاری قرآن حاجی زاده
 منده او لیاقت هانی عرفانه تاپام یول
 یالاینکه اولام مظهر ایمان حاجی زاده
 باخما هره اوز نفعینه قرآنی وراقلیر
 تفسیر یازیر طفل دبستان حاجی زاده
 ظاهر سنی آلاتمیا باطنلری آختار
 مشگل آدی سلمان اولا سلمان حاجی زاده
 آلانماگیلان سقله سقل مود اولوبدی
 سقللی چالیر تاریله قارمان حاجی زاده
 ظاهرلری اسلام اولان اسلامی ایاقلیر
 بوذر دگی هر آدی مسلمان حاجی زاده

سن ایسته خدادن من اولوم علمیمه عامل

آلاتمیا بلکه منی شیطان حاجی زاده

بیر عمر عزا گلشنینه نغمه سرایم

مدّاحم آقام ایلسه احسان حاجی زاده

بیر بیر رفقایه ائدیرم عرض ارادت

الآن نظریمدن وئرورم سان حاجی زاده

خوی محفل عرفاندی گوزل مکتب دانش

«دانشلر» ائدوب سینده پنهان حاجی زاده

بیر بیر رفقا بار سفر باغلادی گئتدی

بو دیریده یوخ قالماقا امکان حاجی زاده

طول اولسا چکامه یورا شاید سنی خامه

فعلاً وئرورم نامیه پایان حاجی زاده

عرفاندا کریمی ده قاتوب باشلارا باشین

هوهو چکوب حق حق ائدر اعلان حاجی زاده



انجمن شعرا

دیار عشقه وار بیر محلّه گزر شاعرلر اورد ا گلّه گلّه
 او یرده بولدی لیمو و شمامه هلو دیشله الونده اوینات الله
 باباطاهر لوت عریان الده دفتر چیخور تالار عشقه پله پله
 ووروب خیام خیمه بیر طرفده اولوب قائم مقام اهل چله
 اویناندا بوعلی سینا موقر یازیر قانون حکمتده مجله
 دئدیم اوستاد وار منده ییوست منه لطف ایلدی بیر چنگه حله
 یازیق سعدینی گوردوم شور موتالیر وئورور اهل صفایه بلله بلله
 ایچور هی باده حافظ یون داراقلیر خیال زلف و شانه خال و خلّه
 بویاندا اوحدی جام جم الده اولوب ساقی اساتید اجلّه
 دئدیم حتماً بو یرده انجمن وار اولوبلار جمع اعلام و اجلّه
 اوزاقدان گوردوم اوستاد شهریار که اوینور صائبیه کله کله
 دئدیم تنز ایلون نیمایه اخطار بو بزمه گلمه شاعرلر ازله
 عجب بدعت قویوبسان خانه ویران غزال شعره قوردون یاخشی تله
 آپاردی شعر نو شعرین صفاسین اوزون قیسا یاز ائت انبار غله

کریمی اختصاره اول مواظب

رجوع ائت الکلام قله دله

از تنگنای قبر

من سرو گلستانم در باغ دوستان
جز بیست و شش بهار ندیدم از این جهان
قربانی تصادم اکنون به زیر خاک
از پیکرم نماند بجز مثنی استخوان
ای مادر ای برادر من در عزای من
صبر و شکیب پیشه نمائید هر زمان
جان شما و جان یتیم صغیر من
نازش کشید بهر خداوند لامکان
آن بی پدر امید ندارد بجز شما
از بهر او شوید شما باب مهربان
شد داغدار قلب من از شعله فراق
چشم همیشه سوی شما هست ناگران
این است رسم و عادت این چرخ کینه جو
هر گلشنی ز بعد بهاری شود خزان
در میهمانسرای مشیت کریمیا
در دست ساقی جای شراب است شوکران

جریمه شاعر

رئیس باصفای آبیاری جریمه ائتمیسوز من بیقراری
 یاشیر بیر خانه ده دورد خانواده اون اوچ باش مرد و زن بلکه زیاده
 قولاق وئر من دیوم سن سال حسابه باشا اوچ نوبه سو اوچ آفتابه
 اگر بوندان چوخا یوخدی اجازه تیمم ایلایخ هر دستمازه
 حمامی قفل ائداخ با صرفه جوئی تیمم بهتر از غسلی وضوئی
 نظافتدور اگر اسلامه پایه شریعت ائتمه سین بیزدن گلایه
 داشیلان سیللوخ ایش چکسه درازه اونادا وئرموری بهداشت اجازه
 قدیم شاعرلره اکرام اولاردی گوزل خلعت صله انعام اولاردی
 سویون کس شاعرین بیت الخلاء قویون اوچ داشدان ائتسون استفاده
 نه خلعت ایستورم من نه ولیمه سیزه توهیندی شاعردن جریمه
 مِنْ الْمَاءِ كُلِّ شَيْءٍ حَيٍّ حیه نسبت رضا اولما قالاق بیز بی طهارت
 اولار که شاعره آرام جاندی گل و بلبلی خوش آب رواندی
 چراغ یانماز سیزه دم شاعریندن سوسوز شاعرلقین اولماز دوامی
 کنار رود صافی سبز و خرّم یازاندا آبدار اولماز کلامی
 تیمم باطل است آنجا که آب است سو هر سمته آخور چون آب زمزم
 مراغه چشم آذربایجاندی چوغان بی ارزش است آنجا که فاب است
 منی چوخلار سویوب دای سنده سویما سویا بوردا جریمه چوخ گراندی
 داماره باخ قان آل قان یوخدی منده یوک اوستوندن یوکی اوست اوسته قویما
 بو قدری شالاقا جان یوخدی منده

بویور اشعاری گوزدن سالماسونلار

کریمی دن جریمه آلماسونلار

یا نصیب یا قسمت

قورد آپاردی قویونی یرتدی هرای قالدی منه
 او اندوب قارینی راضی قورو های قالدی منه
 منه واعظ دندی آلانما آماندی بو تایا
 اوزی نقداً بو تایی گوتدی او تای قالدی منه
 یدیلر ایچدیلر شربتلی کهلک پلووی
 نان خشکیله بایات دمله مه چای قالدی منه
 دهر مهمانخاناسیندان هامونی سالدی یولا
 قاپی باغلاندی نه یاخشی نه قولای قالدی منه
 قان سوران یاد اناری لیمونی سوردی مه مه تک
 قوپ قورو قپ قره کیمی زای قالدی منه
 قارا بختیم قارا ائندی گئجه تک آی گونومی
 عمر قورتاردی نه ایل قالدی نه آی قالدی منه
 قیز گلین دوروبریمدن داغیلوب قونشو قوهوم
 منی تک قویدی نه ائولی نه سوبای قالدی منه
 بیر قاری بیر قوجا بیر صومعه ده گون سایبروخ
 کهنه باشماق تایی تک بیر قاری تای قالدی منه
 تولکی، دوشان دالیجا اوخلاری آتدیم هدره
 کمانیم سیندی اوخوم قالمادی یای قالدی منه
 من کریمی گونی شعر و غزله صرف ائلدیم
 ملتین خشکه یالان به بهی پای قالدی منه

دانلاقلار

حیف او اوجا قده قوی هیکله
 مزرعه‌م اولسیدی گوزل خرمنیم
 بچه مسلمان‌دی ولی دینی یوخ
 مادری زهرا آتاسی مرتضا
 یاشلامیوب سقلینی دستماز
 گه خلبان تک اوچوری گویله
 اوغری قمارباز بچه‌باز جیب‌کسن
 صنعتی یوخ غیرتی یوخ دینی یوخ
 گه سینماده چکوری عربده
 من سنی کوکدن تانیرام ای خبیث
 کاش سینیدی آکه‌نین سنتی
 سال اوزیوی آی گنده موددان مودا
 باشه قویوب بیر دانا دیمدیکلی بورک
 عار ائلمه اوچ نفره بیر ماتور
 سور بالا بوردان اورا بوردان بورا
 دای چتین اصلاح اولابو جامعه
 وعده‌لری که وئریلور گون به گون
 باسما ریاست میزینی سینه

قارنی یوغون پیسری بنزیر کله
 یاخشی اگوز مثلی قوشاردیم، وله
 بولموری احکامدن اوچ مسئله
 آدی حسیندی عملی حرمله
 «پوخ قویوم او سرکه باسان سقله»
 گه باشی کوللی یخیلور منقله
 گور بو نچه قارپیز آلوب بیر اله
 قوی هله قورسون گلنه بیر تله
 گاهی مساجده سالور ولوله
 یا اولاقورد تک یا قویون تک مله
 رحمی دوشیدی دوغانین انگله
 قیز کیمی تئل کس گوزیوی سُرمله
 صانکه کلوشانه تاخوبسان سله
 سیگاری چک پیسره دالدان پوله
 قارقانی قرقی قووالیر جنگله
 گوندر الهی بیزه بیر زلزله
 هاموسینی بورمله آت مزبله
 حکمی آغیردی گنده کر تنکله

بعضیسی عمداً دوزا شکر دیور یرتیری یولداشه دیور روفله
 بعضیسی یاددان چیخادوب محشری قانموری متقال دیوری مخمله
 ... اولوب نشر اکاذب یری چرخ فلکدی بو، گلن چونبله
 قالدی فقط ایش سنه یابن الحسن گل آقا توک خلقی الکن اله
 وور بو خطادیده لرین بوینونی گوستر عدالت ایشه وئر فیصله
 بسدی «کریمی» دلیوی لال ائله بلکه قولاقلار یورولوب دینجله

سن دی سؤزون حجتی اتمام ائله
 ایش قالب آخرده فَمَنْ یعمله



«کارت دعوت»

نور چشمانم آرش و لیلا
 طویوویز واقعاً مبارک اولا
 بو طویا لطف ائدن قوناقلاردان
 اوزاق اولسون همیشه درد و بلا

مجلس تودیع

نجیب‌زاده عزیز است هرکجا باشد
 به هر کجا که رود ناصرش خدا باشد
 خوشا به حال کسی که همیشه در عقبش
 برای بدرقه صد کاروان دعا باشد
 خوشا کسی که به هنگامهٔ حکومت او
 خدا و خلق ز رفتار وی رضا باشد
 لئیم‌زاده فقیر است اگر غنی گردد
 نجیب‌زاده غنی است اگر گدا باشد
 غلام همت آنم که در ریاست خود
 همیشه حامی مستضعف و فنا باشد
 خوشا به حال کسیکه در این سرای سه پنج
 به دست عاجز و افتادگان عصا باشد
 وجود مردم خیر به است از زر ناب
 طلا طلاست به هرجا گرانبها باشد
 «کریمیا» هنر مرد استقامت اوست
 بسان کوه در امواج پابجا باشد

جشن تکلیف دختران

یاوروز خالق تبارکدی
جشن تکلیفویز مبارکدی



غنچه لر آچدی گل گلستاندا حدّ تکلیفه چاتدوز ایراندا
یاشیون سیز پناه قرآندا پخش ائدون بو سرودی هر یاندا
یاوروز خالق تبارکدی
جشن تکلیفویز مبارکدی

سیز بو گوندن مطیع قرآنسوز مؤمنه باحیا مسلمانسوز
سیز حجابہ نمازه قربانسوز هاموویز افتخار ایرانسوز
یاوروز خالق تبارکدی
جشن تکلیفویز مبارکدی

او که قیزلاردا اصل زینتدی دین و تقوادی حُسن سیرتدی
معرفتدی حجاب و عفتدی عورتین زینتی لیاقتدی
یاوروز خالق تبارکدی
جشن تکلیفویز مبارکدی

عصمتین ساخلیانماسا ملکه سالاجاق دامن عفافه لکه
ال به ال اوینادالاّ مثل تکه پاک اولون پاک اوخشیون ملکه
یاوروز خالق تبارکدی
جشن تکلیفویز مبارکدی

قیزلاریم حفظ ائدون حجابوویزی آچمیون چادر و نقابوویزی

اوخیویون درسوزی کتابوویزی آنلیون اجروزی ثوابوویزی

یاوروز خالق تبارکدی

جشن تکلیفويز مبارکدی

اولمیون لالابالی هرچائی عییدور خودسری خودآرائی

تا کشد امرتان به رسوائی پارسائی اولون پریسائی

یاوروز خالق تبارکدی

جشن تکلیفويز مبارکدی

عورتین اولسا دینی ایمانی ساخلاسا زنده حکم قرآنی

ائده جاق شاد روح زهرانی تاپاجاق سیر باغ رضوانی

یاوروز خالق تبارکدی

جشن تکلیفويز مبارکدی



«عذرايستماق»

سيز بو سفردن منی منها ائدون

الله امانینده سلامت گئدون

وقت مناسبده نصیب اولسا گر

منده سیزیله اولارام همسفر

ایامکم سعیده

خرّم دلم ز طبع گهربار مرغ حق

آید شمیم خلد ز گلزار مرغ حق
آمد رقیمه‌ای که پر از لطف و مرحمت

مکتوبه‌ای ز منطق سرشار مرغ حق
یارب جریحه‌ای نرسد بر قریحه‌اش

پاینده باد منطق سرشار مرغ حق
یارب وجود مغتنمش حفظ کن ز غم

خوش بگذرد لیالی و اسحار مرغ حق
عشق و صفا و مهر و وفا ذوق و معرفت

بارد مثال دُرّ ز متقار مرغ حق
سال جدید آمده ایامکم سعید

طالع همیشه باد مددکار مرغ حق
ای قاصد صبا ز «کریمی» به شهر خوی
لطفاً بیر جواب به طومار مرغ حق

نامه‌نگاری

رسید نامه شیرین بیان ز سوی نگارم

چه نامه همچو گلی پر ز عطر و بوی نگارم

متانت است و صداقت مودّت است و محبّت

که کرده نور علی نور خلق و خوی نگارم

ایا نسیم سحرگه ز کوی یار گذر کن

ولی ز جانب من بوسه کن ز روی نگارم

ز خون دل به نگارم کتاب غم بنگارم

به آرزوی نگارم به آبروی نگارم

چه نامه با قلم آتشین و عشق و محبت

پر از عواطف شیرین گفتگوی نگارم

همیشه خانه به دوشم بجوشم و بخروشم

که کوچه کوچه بگردم به جستجوی نگارم

جواب نامه پُر مهر او نوشت کریمی

مگر شود عوض خدمت نکوی نگارم

از شجاع الدین صفائی زنجانی

سلام ای ملک ایران افتخاری سلام ای جبهه حق پاسداری
سلام ای شهر عشقین شهریاری سلام ای شاعر ایران کریمی
اُندن ظلمین ائوین ویران کریمی

کریمی سویمه‌لی شیرین بیانسان نه گویچک صاحب نام و نشانسان
بوتون شاعرلره آرام جانسان سراسر سؤزلرون پند و نصیحت
اندوبسن مکتب اسلامه خدمت

سن آذربایجانیه افتخارسان غزله همدیف شهریارسان
او قرآن حافظیندن یادگارسان سنون افکاریوه قربان کریمی
گوزل اشعاریوه قربان کریمی

دوتوبدور شهرت شعرون جهانی اولوبسان ملتین آرام جانی
وئروب الله سنه طبع روانی یازوب کیم بیر بئله دیوان کریمی
ماشالله حافظ دوران کریمی

فلک آتمیش منی گوزدن قیراغه اگر تاپسان مشاغلدن فراغه
نصیب اولسا منه شهر مراغه قوتارسا مدّت هجران کریمی
گلوب اولام سنه مهمان کریمی

سنه تای یوخدی، شاعرگرچه چوخدی سنی کیم اینجیده وجدانی یوخدی
فراقون سینه‌مه خنجردی اوخدی فراقون قلبیمی یاردی کریمی
اورکلرده یرون واردی کریمی

صفائی یازدی بو نچه کلامی فقط عرض ارادتدور مرامی
بیزیم زنجاندا واردی بیر کلامی جانیم قربان سیزون تک آشنایه
یازوبسوز نوحه شاه کربلايه

غزل کوتاه

غریبه دوزلو خلق ائدوب تبارک آی ماتان سنی
 گوزل دوغوب آنان سنی گوزل اکوب آتان سنی
 مثل ووروم او یوسفه جمالیوی کمالیوی
 نه درک ائدوب آلان سنی نه ترک ائدوب ساتان سنی
 تمام خلق بیر یانا سن ای نگار بیر یانا
 ایشینده اشتباه ائدوب گوزلره قاتان سنی
 سن انتخاب عشق سن فقط کتاب عشق سن
 برنده دی دوتان سنی سفیدور آتان سنی
 بو آرزوده یم رقیب همیشه گورسون ای حبیب
 سنبله گون چیخان منی منبله گون باتان سنی
 سنون هوای وصلوه وورولمیشام جیریلیمیشام
 جیریدی قینانان سنی ووریدی قیناتان سنی
 بگنمیوب کریمیا بگنمز ائتمرم ریا
 آتان سنی باتان سنی ساتان سنی قاتان سنی
 بو خلقی باسما چوخ داشا گنچین آز عمری وئر باشا
 غریق رحمت ایلسون دوران سنی یاتان سنی

عرض تسلیت

افسوس از محافل ما مرد راد رفت
 آشفته گشت حال مریدان مراد رفت
 با عرض تسلیت به بزرگان شهر خوی
 مرد بزرگ «سید عالی نژاد» رفت
 آن سید جلیل که در جمع دوستان
 روشن چراغ بود و ز نور افتاد رفت
 روحش غریق رحمت و قبرش قرین نور
 بر پیش جدّ امجد خود شاد شاد رفت
 «انزاب» دوستان همه رفتند یک به یک
 عالی نژاد از پی شان همچو باد رفت
 من عرض تسلیت به که گویم به شهر خوی
 یکسر بسوی سوک و عزا این بلاد رفت
 رفت آمد است کار زمانه «کریمیا»
 خرّم کسی که شهرت نیکی نهاد رفت

نيه ال آچميسان

قارداش نه وئرميسن بو فلکدن ال آچميسان
 عمرون قوتاردی حيله کلکدن ال آچميسان
 توک قالمادی باشوندا يوزونده آغارماسين
 قالدون اوشاق بو پوخلی بَلکدن ال آچميسان
 عمرونده آغزیوين دادین ای پخمه بولمدون
 قنداب پلو قوتاردی پفکدن ال آچميسان
 دسته يورولدی خاملادی سوستالدى قول قيچون
 هی گوبسيسن بو کهنه ديبکدن ال آچميسان
 ناقرا^۱ ديشی دوشنده قاچار توبه سمتينه
 ديشلر توکولدی سن پولمکدن ال آچميسان
 دائم خروس کیمی پيپيگون قانلی، قيچ سينيک
 دنيا گولور دووشمه، کوتکدن ال آچميسان
 بير قصر تک که سيل فنادن يخیلماسين
 آخر نه تولکی تک بو دَمکدن^۲ ال آچميسان
 باخ بير او تايدا گلرر آچوب عنديلب اوخور
 سن قارلی داغدا شاختا کولکدن ال آچميسان

باغ بهشتی حور و قصوری بوراخمیشان

مطبخنه مغمغا کینکدن ال آچمیشان

گوزلور یولون گول اوزلی خمار گوزلی حورلر

بو پیره زال ژنده لچکدن ال آچمیشان

لَمْ يَطْمِئُنْ إِنْسٌ وَ لَا جَان قَبْلَهُمْ

بو بدقیافه کیرلی گوبکدن ال آچمیشان

دنیا دویوبدی شعر و غزلدن کریمیا

مردم یورولدی سن سوله مکدن ال آچمیشان

دائم مقام شکریده سن طبع شعریوه

حقّ طعام و نان و نمکدن ال آچمیشان

وار دعوتون یوبانما یغیشدیر بساطیوی

تئز گل نیه یاوان سو چورکدن ال آچمیشان

ثروت داغیلاندی - از انزاب

کس رسم دگیل کؤچمه ده بیر زاد، آپارسین
 پس خوش او کسین حالینا خوش آد، آپارسین
 جان قیمتینه بیر گول اکیب عرصیه گتدیم
 انصاف دگیل ایمدی قویام یاد آپارسین
 دنیا قالاجاق یر دگیل ای دل ائله ترپش
 آغلار گتیره ن تانری سنی شاد آپارسین
 عشقین تیشه سی بیستونی قازدی، ولیکن
 قسمت بویوموش شهرتی فرهاد آپارسین
 عمر ایستیری بیر ناقّا بالیق عرصیه گلسین
 حق سیز، اونی سالسین تورا صیّاد آپارسین
 بلبل بونا خوشدور که گولون وصلینه چاتمیش
 ظالم فلک ایستیر گولونی باد آپارسین
 ثروت داغیلاندی اوزیوی زحمته سالما
 گل اولما رضا مالیوی داماد آپارسین
 کیم ایسته سه، هر حرفه ده استاد اول، بی شک
 لازیمدی که بار غم استاد آپارسین
 آزاده گلوب عالمه «انزاب» ازل گون
 ایستیر اچلیندن اونی آزاد آپارسین

آپارانماز

یارین بو آغیر چم خمینی یاد آپارانماز
 بو تیشه آغیر تیشه‌دی فرهاد آپارانماز
 گوگلووم قوشونی حلقه زلفونده گورنلر
 بیردن دئدیملر بو قوشی صیاد آپارانماز
 جان نعره چکور جانیمی جانانیم آپاردی
 صبریم دئدی چوخ ایلمه فریاد آپارانماز
 قلبیم سند عشقیوه مخزندى نگارا
 اوغری که گیروب صندیکا اسناد آپارانماز
 عاشق اودی یانسین اودا آخرده کول اولسون
 گر یانماسا پروانه کیمی آد آپارانماز
 ظلمین اوجالان قصری اولار عدلیله ویران
 فکر ایلمه بادلان گلنی باد آپارانماز
 محکم کیشی ایستر دورا دشمن قباقیندا
 چاتما بو یوکی آروادا، آرواد آپارانماز
 اورگتمه بونا اسلحه اوز جانووه رحم ائت
 ایستر بگن ایستر ائله ایراد آپارانماز
 یوزمین تومن ایستور بزه‌یه بیر قیزی دلاک
 بیر لذته مین زحمتی داماد آپارانماز

هرکس اولاً هر مرتبه ده مفلس و منعم
 قبره عملیندن صوراً هیچ زاد آپارناماز
 بار غمی قالدیرما منیم چیگنیمه رحم ائت
 کامیون یوکونی بیر قوجا معتاد آپارناماز
 قبر آدی گلنده عرفا غش ائلیوبلر
 هیچ کس اورا غیر از عمل امداد آپارناماز
 دنیانین آغیر زحمتی بیچاره لریندی
 شاگرده چاتالار یوکی اوستاد آپارناماز
 خوش رتبه دی هر بندیه یا عبدی اطعنی
 بو نمره نی هر فاسق شیاد آپارناماز
 عرفاندا ریاضت یتیرر پیر مراده
 هر بی سر و پا خرقة ارشاد آپارناماز
 اشعارده مقبول معارفدی «کریمی»
 شعرینده اولان لذتی هیچ داد آپارناماز
 شهرت که قویوبسان آرادان گنتمیه جاقدی
 مین ایل گنچه خردادیله مرداد آپارناماز

نقده - سولدوز

نه گوزل منطقه سن قلبه یاتانسان نقده

قوجا دنیاده مگر تازه جوانسان نقده

مرحبا دوزلو قیافه گوزل انسانلاریوا

بو صفاده دیه سن باغ جنانسان نقده

آفرین فصل زمستاندا بو گرمیتیوه

بو قیشوندی هله یازدا نه ماتانسان نقده

سولدوزون بوغداسیدی ایرانی آباد ائلین

برکته ائله بول دشت مغانسان نقده

بیر گئجه اولدی کریمی سنه حرمتلی قوناق

مهربانسان قوناقا راحت جانسان نقده




مراجعت حاج آقا عبادی فرماندار مراغه از کربلای معلی

در این سفر به شما ای عزیز ما چه گذشت
 به کوی یار چه دیدی به کربلا چه گذشت
 بگو برای احبّاً جناب فرماندار
 به قتلگاه چه دیدی به خیمه‌ها چه گذشت
 شنیده بودی و با چشم خود عیان دیدی
 ز سرگذشت علمدار نینوا چه گذشت
 کنار مرقد ششگوشه ناله‌ها کردی
 چه‌ها مشاهده کردی ز ماجرا چه گذشت
 حُسینُ مَنی اَنَا مِنْ حُسینِ کلام نبی است
 تو را به خدمت فرزند مصطفی چه گذشت
 همیشه در حرکت باشد این قطار زمان
 بنی‌امیه چه شد بر یزیدها چه گذشت
 ز حادثات جهان درس عبرتم دادند
 به اشقیا چه سر آمد به اتقیا چه گذشت
 بین نتایج اعمال ثبت تاریخ است
 ز جور ظلم سلاطین به انبیا چه گذشت
 «کریمیم» به عبادی علاقمند رفیق
 به خیرمقدم او خوشتر از دعا چه گذشت

سنگ مزار

هر که بودم امیر و یا سرکار
هستم اکنون اسیر کنج مزار
مکن از حمد و سوره محروم
دارم امید عفو از غفّار



در تنگنای قبر بسی زار و مضطرب
پیوسته ناگران ز عقوبات محشر
گر شاهم و رعیت و گر مفلسم غنی
زین بیشتر سه متر کفن نیست در برم



اُشیتسین قبریمه زینت و ثرنلر
آچوب شال و قطیفه گل سَرَنلر
منیم ساغلیقدا اُپسیدوز یوزومدن
من ئولمزدیم هله ای گ..... و ثرنلر

با عرض سلام و تسلیت

تسلیت یاران که سروی از گلستان رفت رفت
 از گلستان ادب سرو خرامان رفت رفت
 آذر مازندرانی شاعر شیرین زبان
 طوطی شکرشکن از جمع یاران رفت رفت
 از سخنگویان جمعیت دهانی بسته شد
 کرد عجب جمعیت ما را پریشان رفت رفت
 خنده گل چند روزی بود و با سرعت گذشت
 بر دل بلبل نهاده داغ هجران رفت رفت
 خنده‌های دلگشای آذر مازندران
 شد مبدل با سکوت چشم گریان رفت رفت
 انجمن‌ها را پس از آذر سیه‌پوشی سزااست
 دوستان را صبح شد شام غریبان رفت رفت
 تسلیت گویم به فرزندان آن یار عزیز
 از «کریمی» آه جانسوزی به کیوان رفت رفت

پرستار نمونه

اگر هستی تو در شغل پرستار
 مبارک باد روز و ماه و سالت
 پرستار است مردمدار کشور
 ز پای خستگان خاری کشیدن
 برابر با صواب بیشمار است
 ز بیماران پرستاری نمودن
 اگر با نیت پاک است و قربت
 پرستار نمونه گر بخواهی
 پرستار اسیران است زینب
 چه زینب شد پرستار نمونه
 چه زینب نامش از هو منتخب بود
 چه زینب شاهکار آفرینش
 چه زن رسواگر سلطان ظالم
 چه زن اسطوره شأن و فضائل
 ملک در عشق شد حیران زینب
 یگانه دختر زهراست زینب
 چه زن الگوی تقوا و حجاب است
 چه زینب شهرتش ام المصائب
 دل بیمار محزون را بدست آر
 حقوق مختصر باشد حالات
 بهین خدمتگذار و یار کشور
 جفای ناز بیماری کشیدن
 ثواب عابد شب زنده دار است
 به وامانده مددکاری نمودن
 مقدم باشد از هر گونه طاعت
 بگویم نام او با سوز و آهی
 اگرچه فخر نسوان است زینب
 به حفظ جان بیمار نمونه
 چه زینب در حقیقت زین اب بود
 زنان را افتخار آفرینش
 ز آهش شد خراب ایوان ظالم
 چه زن مستوره مریم شمایل
 فلک در صبر سرگردان زینب
 مگر انسیة الحوراست زینب
 علی را بهترین نایب مناب است
 عزیز مظهر کل عجایب

چه زن با نهضتش احیای دین کرد	پرستاری به زین العابدین کرد
چه زینب رهبر مردان عالم	به قربان حجابش جان عالم
چه زینب بر حسین آرام جان است	مگو زن طایر خلد آشیان است
چه زینب یار و غمخوار رقیه	به ویرانه پرستار رقیه
شده همسوز و همساز یتیمان	کشیده روز و شب ناز یتیمان
چه زن آمال دشمن را رقم زد	به سوریّه مظفر شد علم زد

«کریمی» تا صبح و شام دارد

به سر شوق هوای شام دارد



غزل

یانمیشام حسرتیوین شمعینه پروانه کیمی
 نیه مندن قاجیسان نازیلہ بیگانه کیمی
 روبرو عییمی آئینه کیمی سای یوزومه
 مو به مو سریمی افشا ائلمه شانه کیمی
 دلی گوگلوم گوروسن باغلیدی گیسولریوه
 آچما زنجیرین اُتورمه چوله دیوانه کیمی
 مرغ دولتدی گوگل باشوین اوسته پر آچوب
 دام زلفونده قرا خالی گوروب دانه کیمی
 عشقی صنعان کیمی رسوا ائلمه اللہا باخ
 بیوضو قویما قدم مسجده میخانه کیمی
 سِکّه قلبی زر خالصی صرّاف تانیر
 جوهریله عرضی قاتماسا فرزانه کیمی
 آهیم آهولره تأثیر ائده یاهو چکرم
 داغلارام داغلاری فرهاد یاران خانه کیمی
 من مُجازیله مَجازی تانیرام صبر ائدهرم
 بار عشقی چکرم منزل عرفانه کیمی
 قصّه لیلی و مجنون سند عاطفه‌دی
 حیف جهّال سالوب دللره افسانه کیمی
 من کریمی یاشادیم بولمدیم عالمده نه وار
 مست گلدیم گئدیرم مقصده مستانه کیمی

بابادان نوه‌یه

دده‌سی دائم ایشردی تیانا
 نوه‌یه باخ پاپا سویلور دده‌یه
 باباسی میندی پالانسیز اولاغ
 دده‌سی تاپمادی شلوار گوتونه
 بالا «لی» شلوا ری سویمور قاش آتیر
 نه‌نه بز کونینگیلن گتدی گورا
 الی مین گورموری آرایشینی
 بلی یتیمیش دولارا نفت ساتیروخ
 مفت پول بودجه قودوردوب هامینی
 گونه بیر مود گلوری مملکته
 آدی اسلام مودی خارجه‌دی
 منه سویلردی اوشاقلیقدا آتام
 پولومیز چوخدی ادبدن دالیوخ
 نظره گلدی او ملیتیمیز
 باباسین مسجده قویمازدی خدیم
 دوشه گر پست الینه پست و مقام
 بارالها پیشیگه وئرمه قاناد
 مرد ایگیت اولمیا نامرده اسیر
 بالاسی قاش گوز آتیر چینی وانا
 ایشه باخ گلدی هایاندان هایانا
 بالاسی بنزه مینور نه ژیانا
 هی یاماق سالدی یاماقدان تومانا
 گورنه بیردن عوض اولدی زامانا
 ایمدی گل باخ فاطیا فاطما جانا
 شاما بلوارد دؤشور راستورانا
 بوندان آرتیق گرک انسان اوایانا
 مود گرک کلّه‌دن آنسین دابانا
 قوجالاردا قاریشوبلار جوانا
 اوزی مؤمن نمازی گون باتانا
 قازان اوغلوم پولووی وئر قازانا
 مغول عطّاری ساتارمیش سامانا
 بولمدوخ یاخشینی قاتدوخ یامانا
 نوه ایمدی یول آچوب پارلمانا
 چاپاجاق چالخیاجاق شهری قانا
 میزیلن چکمه بیزی امتحانا
 ساتمیا یوسفی بش گردکانا

وای او گوندن که آجین قارنی دویا
 گورمدون نیلدی صدام لعین
 ائوینی یخدی مکافات عمل
 بونی بیل اوت کوکی اوستونده بوتر
 گوش هوشیله قولاق وئر سؤزومه
 قورخ او گوندن دوشه اصلان تلیه
 کیشی بدبخت الی قولتوخ دولانا
 باسالار شاقانی دار قابلامیا
 «قیرآتا» صاحب اولا نازلی نگار
 قورخ او گوندن مینه آرواد کیشینی
 گورمه میش جن قره واش تاپسا جگر
 بیر خانم میندی گئچن گون دوهیه
 صونسیزا وئرسن اوشاق وار یوخونی
 قیق یاشیندا سوبای ائولنسه اگر
 اولسا شهرین بویوگی خسته قاسم
 مطربا دور ایاقا ناز ائلمه
 ساقیا سنده قابین آغزینی آچ
 سنده تلویزیونی آچ آی گوزه لیم
 آت غمی دوت دمی دنیا به درک
 بیزه نه هانسی شاهین دوره سیدی
 چکیل اوغلان یول آچون پهلوانا
 ایله بیر فاجعه گلمز گمانا
 ایمدی بنزیر باشی داشلی خوخانا
 دسته ریحان دئمه شیرین بیانا
 یوزیوی دوتما بویاندان اوایانا
 دوو دوشه تولکویه قوردا قابانا
 یتیشه میز ریاست مامانا
 قینه دیقجا داشا آخرده یانا
 قوچ کوراوغلی دوشه داغدا بورانا
 قوزانا هورا سسی آسمانا
 ساخلیا نفسینی مشگل دایانا
 مرتضی باغیرینی دوندردی قانا
 قوهوما قونشیا پایلار زوبانا
 دده دن قالمانی پایلار طویانا
 هر محله اولاجاق خسته خانا
 من چالیم دونبگیمی سن کمانا
 تونگی لبریز ائله توک استکانا
 گل تماشا ائله سلطان شبانا
 چال اوخی اوینا دیوم جان دی جانا
 نه بگه قالدی بو دنیا نه خانا

یاخشی پیس عادل اولاً ظالم اولاً گرک آخر کفنه چولقالانا
 هانی اسکندر و دارا و کوروش نیلدی دنیا انوشیروانا
 سرعتیله گئچور ایام بهار کیم ئوله کیم چاتا فصل خزانا
 تار و تنبوریه وئر بزمه صفا بلکه غم مجلسیمیزدن اوتانا
 نه غنی نین کئی قالدی سحره نه فقیرین غمی چاتدی اذانا
 یولانوب قافله سرعتله گئچور یاتما دور سنده قوشول کاروانا
 گوزه لیم ساخلا خطادن دیلیوی وئرمه عادت یالانا یا یامانا
 یا قماربازیله قویما سمنی یادا قاتداش ضرره یا زیانا
 ای کریمی دالی قالما سورودن صورادان دردسر آچما چوبانا

ایستوسن دوشمیه سن دردسره

رام ائله نفسیوی یاغلی یاوانا



سالها آید که خالی باشد از من جای من
 یادگار از بهر یاران عکس من امضای من
 از محبت خارها گل می شود اما چه سود
 کشته راه محبت شد دل شیدای من

دیوانه‌لر کیمی

یاندیم شرار شمعیوه پروانه‌لر کیمی
 آتما گوزوندن عاشقی بیگانه‌لر کیمی
 گلم سنیله سایه به سایه اسیریوم
 باغلانمیشام طنابیوه دیوانه‌لر کیمی
 عشاق ایچینده لب به لبم چون لبالبم
 اللرده گزديرر منی پیمان‌لر کیمی
 گوسترمه‌سین خدا او گونی بوش قدح کیمی
 یاریم منی وورا داشا مستانه‌لر کیمی
 توزلانمیشام جلالی باشیمدان داغیتمیشام
 آثار باستانی اولان خانه‌لر کیمی
 بیر گون گلر سراغیمه ارباب معرفت
 دللرده صحبتیم گزر افسانه‌لر کیمی
 بیر چم خمیله آلدون الیمدن قراریمی
 سالدون فتانی فتنیه فتانه‌لر کیمی
 بیر گون گوورماق عشقینه حاصل گوتورماقا
 سپدیم کلامی توپراقا من دانه‌لر کیمی
 سینمده گنج گوهری گیزلتمیشم هله
 مردم ولی باخور منه ویرانه‌لر کیمی
 یل‌لر مقابلینده دایانمیش کریمی‌یم
 قوشلار خزاندا ترک ائلین لانه‌لر کیمی

گازگندی

گوزل کالای حُسنوندن بهای امتیاز گئندی
 بویون^۱ دوتما بویون^۲ سینی تکبر گئندی گاز گئندی
 بهار حُسنوه شدتله باد مهرگان اَسدی
 قیزیل گل تک آچان سیمانی سولدوردی ایاز گئندی
 زمان چوخ تندرودی توشه اخذ ائت ایلمه غفلت
 گوزون یوم آچ گوررسن فوری قار قیش گلدی یاز گئندی
 بوزاردی قاره گوزلر، زلف پیتداشدی، داراق سینی
 قاش اویناتما، گوز آتما، عشوه، چمخم گئندی ناز گئندی
 منی مست ایله ای ساقی دئمه کیم گئندی کیم گلدی
 منه نه خسرو و شیرین و محمود و ایاز گئندی
 قوجالماقدان قباق سعی ائت عبادتدن دالی قالما
 گلر بیر گون گوررسن آسقیراندا دستماز گئندی
 چیخار فرمان الوندن دنده و تورموز سؤزه باخماز
 رفوزه روزهدن هر روزه یل گلدی نماز گئندی
 قییت قیرخ ایل دالی تئز کُرسینی دمله اودون یاندير
 اُمیدون کس شوفاژدان برقدن نفت گئندی گاز گئندی

دونیدی قانه بو نفتی بیزه وزر و وبال اولدی
 قاپانلار قاپدی قاچدی سالدی ایرانه قاپاز گنتدی
 گلین ارکک چیخوب طوی باطل اولدی بیگ قویوب قاچدی
 دهل یرتیلدی سس یاتدی عاشق لال اولدی ساز گنتدی
 تماشا عزمینه اگلشمیشم دریا کنارینده
 گورم امواجیله هر لحظه اوردک گلدی غاز گنتدی
 وسطده نه ایشیم وار سسلنم یا خضر و یا الیاس
 بلی ساحل نشین بولمز درین گلدی دیاز گنتدی
 کریمی عزت آختار طول عمره اولما چوخ طالب
 قوناق اوندا گرامیدی گوراخ آز گلدی آز گنتدی



طویلار مبارک اولسون

عاشیقلار سۆزی

باهاردی یازدی گولدی گل چیچکلر سپور گلاب گلشنه ملکلر

داغین دؤشونده کورپه لر ایمکلر چایین کناری قیرمیزی لچکلر

هوای بوستان مبارک اولسون

صفای دوستان مبارک اولسون

تازا گلین تازا داماد گوزلدی تازا کوزه سرین سو داد گوزلدی

قوناقلار آد به آد دلشاد گوزلدی باخیرام مجلسه هر زاد گوزلدی

بو عیش جاودان مبارک اولسون

صفای دوستان مبارک اولسون

گللر آچوب بلبل اوخور چمنده یاشیل باشلی صونا چایدا چیمنده

قویونلاردان قوزولار صود آمنده باخا باخا شاد اوللوخ سنده منده

بهار گلستان مبارک اولسون

صفای دوستان مبارک اولسون

الهی خاطر رسول اکرم مبارک ایله بو طویی مسلم

گلون دیاخ عروسه خیرمقدم گرامیدی قدملروز مکرم

همیشه شادمان مبارک اولسون

صفای دوستان مبارک اولسون

الهی خاطر علی و اعلا سنون یانوندا محترمدی مولا

علیدی والی و ولی والا علی مقامینه قسم خدایا

بو وصل هر زمان مبارک اولسون

صفای دوستان مبارک اولسون

حسن امام مجتبیاه خاطر حسین شهید کربلايه خاطر

علی اسیر اشقیایه خاطر محمد اتقی الاتقیایه خاطر

عروس مهربان مبارک اولسون

صفای دوستان مبارک اولسون

خدا به حق صادق مصدق وثرن تشیعه رواج و رونق

بو ایکی نونهالی ائت موفق اوغوللی قیزلی دادلی دوزلی یاحق

همیشه همچنان مبارک اولسون

صفای دوستان مبارک اولسون

الهی حرمت امام کاظم رضا امام هشتم اعظم

تقی نظام انتظامه ناظم عروسه بوللی روزی ائت ملازم

حیات کامران مبارک اولسون

صفای دوستان مبارک اولسون

به خاطر رضا شه خراسان امام هشتم افتخار ایران

گوزل رواقی رشگ باغ رضوان همیشه بارگاهی نورباران

بهشت شیعیان مبارک اولسون

صفای دوستان مبارک اولسون

تقی جواد اہلبیت عصمت نقی سراج دہم ولایت
امام عسکری امید امت آتا آنالارین ائله سلامت

بو طوی بو داستان مبارک اولسون

صفای دوستان مبارک اولسون

گوزل آدی صفادی نُہ رواقہ اونون آدی دگندہ ہر قولاقہ
گرکدی شیعہ لر دورا ایاقہ امام عصرہ بیژدہ وار علاقہ

او صاحب زمان مبارک اولسون

صفای دوستان مبارک اولسون

کریمی سندہ شکر ایله خدایہ ٹولونجہ ائتمہ بختدن گلایہ
ہمیشہ اللرون گوتور دعایہ تشکر ائت خدا وئرن عطایہ

زبان و بیان روان مبارک اولسون

صفای دوستان مبارک اولسون



از شاهد یک نامه

بشرسن یا ملکسن آی کریمی	سپهر معرفتده «آی» کریمی
گلور تهراندان طفل طفیلی	جنابوندن آلا بیر پای کریمی
جیریلدی حنجرهن دائم چیغیردون	نه هی هی قالدی نه های های کریمی
کلامون طنز و تنقیدیه قاتدون	گهی لای لای هی نای نای کریمی
سؤزی زیر و بمه سالدون بو ملت	نه نای نای قاندی نه لای لای کریمی
بو یاتمیش ملته لای لای نه لازم	ئولوبدی گل دیاخ وای وای کریمی
هانی خاقانی و سعدی و حافظ	خبر یوخدی اولاردان دای کریمی
وطنده آذریلر افتخاری	ادبه شهریاره تای کریمی
سنون دیوانیوه دیوانه مانند	علاقمند سالام سای کریمی
سؤزون شهد و شکردی اهل علمه	ولی قانمازلارا ازوای کریمی
فنون شعرده اوستاد کامل	غزلده سعدیه همپای کریمی
اوزاقدان گلمیش نامه الیمده	خداحافظ، یاشا، بای بای کریمی
گلوب مشتاقیه دیداره شاهد	غلام درگهوندن سای کریمی

قولاق بورماسی وئرمه شعریویله

گلوب ایچسون سنيله چای کریمی

نصیحت

اوغول چوخ یاتما، آزی، چوخ دانیشما

قاریندان اتری هی کوسمه باریشما

نه چوخ یی داشسون آغزونندان توکولسون

نه آج قال رنگ آتوب گوزلر سوکولسون

اندوب ارباب دانش آزمایش

بشر اوز قارینا ائتمز ستایش

چوخ عبدالبطن اولوب عمرون قوتارما

دوشوب صحرالره قارنون اوتارما

آغیرلاتما بو سنگین باردانی

مبادا از طریقت بازمانی

مراعات ائت گلونی واشربونی

فراموش ایلمه لا تُسرفونی

قارین دولسا دوغور مین گونه آفات

اُدر انسانی حمّال نجاسات

اُندن انسانلاری ناخوش قاریندی

ولی سالم سلامت بوش قاریندی

قارین دولسا اولار احساس خاموش

اُدر کلاً شئوناتی فراموش

قارین دولسا یترا قلبه خسارت
 نتیجه، نفس ائدر عقله جسارت
 ائلیکه عقلیوه نفس اولدی غالب
 گلر سنده بروزه چوخ مطالب
 تاپار شهوات نفسانیّه قوّت
 وورالار عقله زنجیر اسارت
 صفای اندرون قالماز بدنده
 ائدر نفس آدمی شیطانہ بنده
 یازوبلار مسجده دیره کنشته
 ایکی آتدیمی دنیادن بهشته
 بیرین قوی نفس شومین خیدگیندن
 ایکیمجین آت بهشته شاد و ایمن
 کریمی عقلی ایله نفسه غالب
 بو همّتله چاتار مطلوبه طالب



گنه قیش گلدی

گنه قیش کیپلدی ساج مثلی قیزانلار سُوددی
دوشدی تعطیله اوباشدان رمضانلار سُوددی



داغ گلوب آغنادی بهمن نمازین کسدی یولون
قار باسوب کورلادی تقوا یولونون صاق وصولون
شاختا دونداردی یازیق واعظ شهرین شوغولون
قویلانوبدی قارا گلدسته اذانلار سُوددی

هانی مسجدده کی مشغول عبادت کیشیلر
ئولدی قورتولدی او دارای دیانت کیشیلر
گئجه احیا ائلین اهل اطاعت کیشیلر
اشگیله نامه خداونده یازانلار سُوددی

گئجه نی عشقیله مسجدده قالانلار هانی بس
شب احیا باشا قرآنی آلانلار هانی بس
خلقه افطار وئروب سفره سالانلار هانی بس
قالدی مطبخده او زنجیرلی قازانلار سُوددی

هانی مردمده قدیمکی هیجان و حرکت
آد اگر ماه مبارکدی تاپولمور برکت
هایانا گتندی او بوللوخ او اوجوزلوخ عظمت
خلق اولوب جانلی جنازه نیه جانلار سُوددی

کهنه مسجدده حصیر اوسته جماعت واریدی
یر تاپولمازدی ایاق قویماقا کثرت واریدی
ساده افطاره نچه مجلسه دعوت واریدی

او صفالی یازی سولدوردی خزانلار سُوددی

شاختا دونداردی او برنامه لری ووردی دالا
ایمدی مسجدلر اولوب معرکه آت مین قُوالا
دوشدی بو اَمّت مرحومه او خالدان بو حالا

دای مساجدده کی فریاد و فغانلار سُوددی

عصر اینترنت اولوب مَلّت اویاندی یوخودان
دای نه قرآن اوخویان قالدی نه قرآن اوخودان
ئولولر قبرده قالدی گوزی یولدا نگران

ایلده بیر آی دده سین یاده سالانلار سُوددی

نه سو نه برق نه تلفن نه فریزر نه ده گاز
اون بش آرشین قویودان سو چکه سن وقت بیاز
دستماز قار قاباقیندا حصیر اوستونده نماز

او صفالی قوجالار دوزلو جوانلار سُوددی

ایمدی انسان دوشونور آخ نجه بنده ییمیش اولار
جسم اسلامه مگر قلب تپنده ییمیش اولار
بانگ اسلامده واللّهی برنده ییمیش اولار

حیف قورتولدی اوتانلار اوتوزانلار سُوددی

ایمدی بو جامعہنین شعر ہنرمندی منم
کور آتین السیز ایاقسیز چری نلبندی منمی
قاتارام مثل کریمی دوزولان قندی منم
قورودی قولار اوخ ایریلدی کمانلار سُوودی

سفرنامه حج

وَلِلَّهِ عَلَى النَّاسِ حِجُّ الْبَيْتِ مَنِ اسْتَطَاعَ إِلَيْهِ سَبِيلًا

خرّم دلی که پر شود از مدّعی حج

خرّم سری که هست در آن سر هوای حجّ

خرّم کسی که دعوت حق را کند قبول

عازم شود به سفره مهمانسرای حج

پرسیدم از خرد ز صفای بهشت گفت

باشد صفای خلد ز سعی صفای حج

کو گاو و گوسفند و شتر را لیاقتی

ای صد هزار جان گرامی فدای حج

ای حاجی عزیز بکش تیغ انتقام

نفسی که سرکش است بکُش در منای حج

اندر دل عموم مسلمان پاکباز

من حسرتی سراغ ندارم سوای حج

حاجی که ره گشود به خلوتسرای عشق

غیر از بهشت، گرچه دهندش بهای حج

وزن اُحد طلا به فقیران عطا کنی

حقّا به اجر و مزد نباشد قضای حج

ای دردمند خسته امراض معصیت

بازآی باز شد در دارالشّغای حج

حاجی غریق رحمت خلاق داور است

از اوّل اراده الی انتهای حج

دیدار کعبه را نکند با بهشت عوض

حاجی اگر به حقّ شود آشنای حج

نازم به گوش آن شنوائی که بشنود

لبّیکها به کلمه یاربنای حج

با شرط استطاعت در حال اختیار

هان کافر است تارک بی‌اعتنای حج^۱

هر سال بهر اهل زمین از فراز عرش

آید من استطاع سیلا ندای حج

مُحرّم شدی علاقه بیّر از تمایلات

اینجا جوار رحمت حق است و جای حج

ای بندگان مخلص درگاه کبریا

جان را رها کنید ز کبر و ریای حج

مُحرّم به سهو و غفلت یک صفر مُجرّم است

دَقّت نما خطا ننمائی عطای حج

اینجا نمونه عرصات قیامت است
 آمادگی نشان بدهید از برای حج
 از بهترین لباس و اساس و تجمّلات
 تنها دو حوله گشته عبا و قبای حج
 گویا ز قبر آمده‌ای با همان کفن
 آماده‌باش پای حساب است پای حج
 یا سیدالکریم کرم کن به مکرم
 مکرم شود کریمی ز فیض و عطای حج



اوّل ل از زُبَالِ رذائل تو صاف کن
 وانگه بیا مطاف خدا را طواف کن
 مُحَرَم شدی بیا به حرمخانه خدا
 تو محرمی بیا به حرم اعتکاف کن

لیک اللّٰهم لییک

یاران دوشوبدی باشیمه شور و هوای حج

شوق صفا و مروه و سعی و صفای حج

خوش حالینه او کس ائده الله ائوین طواف

بو شرطیلن بوله ندی قدر و بهای حج

حاجی کنار سفره احسان حقه‌دی

حجّاجه میزباندی کرمه خدای حج

هر ایل من استطاع سبیلا ترانه‌سی

آفاقی دولدورار نه گوزلدور ندای حج

هر لحظه‌سی شب عرفاتین موّحه

ایلدن گوزلدی اولسان اگر آشنای حج

خضره دیون دولانمیا ظلماتیده عبث

زمزمدی هر سکندره آب بقای حج

غرق بحار رحمت پروردگار دور

حقا او کس که اولدی مهیا برای حج

حاجی مناده شوقله قربان کسر ولی

ایلر عملده خواهش نفسین فدای حج

حاجی نه حاجت ایستسه الله روا ائدر

البته مستجاییدی حق‌دن دعای حج

با این جلال و شوکت و اعزاز و احترام
 چاتماز منای کرب و بلایه منای حج
 کرب و بلایه کعبه او گون فخر ائده بولر
 آیری حسین تاپا اوزینه پیشوای حج
 اوندا مقام حجرده هاجر فرحلنر
 اکبر کیمی بویا گتوره مهلقای حج
 مین کاروان مین ایللریله بیته یول سالا
 عبّاس تک چتین تاپا صاحب‌لوای حج
 زمزمده غبطه واردی فراتین مقامینه
 وار تلّ زینبیهده سعی و صفای حج
 علت اودور که حجّینی ناقص قویوب حسین
 میقات کربلاده گوروب اعتلای حج
 عاشق‌دی آلتی گوشه مزاره بهشت اوزی
 نی تک نوائیله دولیدی نینوای حج
 زمزم آدون قولاقوه چوخ دگمه‌سین سنون
 آب فراتدندی بو نشو و نمای حج
 آلله‌دان ایسترم ائده توفیقینی رفیق
 بیر حجّ‌نامه ثبت ائلم رهنمای حج
 مین اوچ‌یوز آتمیش اوچده یازیلدوخ عیالیه
 یتیم‌بشه چکوب بیزه نوبت برای حج

بعضی ٹولوب گندوب یازیکا نوبه چاتمادی

بعضی قوجالدى گئىدى بدنن قواى حج

صبر ایستور انسان اون ایکی ایل نوبیه دؤزه

دؤزدوخ غرض یتیشدی زمان ادای حج

الله تمام شیعهلره قسمت ایلسین

مشکلدى گورمه میش دییه بیر دل ثنای حج

یوخ اوزگه آرزوسی اورکده کریمینون

الّا که بیرده لطف ائده بیتین خدای حج



حاجی گرک گرامی دوتا اوز مقامینی

وزر و وبالہ ائتمیه آلوده نامینی

دست خدانی بوسه ائدوبدی دوداقلاری

لازمی ساخلیا حجرین احترامینی

مقدمات سفر

توفیقینی رفیق ائلیوب حی کردگار
اولدوخ زیارت حریمه امیدوار
اولده کارت کامپیتر وئردیلر بیزه
قرخ قطعه عکس آقایلا خانمدان سه در چهار
اولماقه منله حاجی تقی پور همسفر
بی حدّ علاقه وئردی نشان اول بزرگوار
بیر ایل قباق یتیشمیشیدی نوبتی اونون
تأخیره سالدی تا اولا بنده ایله همقطار
اولدی شروع نُهم آذر۱ معاینه
گئتدوخ مطبّه ساعت اوچ نصفه نهار
دکتر یوباندیروب بیزی بش ساعته کیمین
دسگاه خراب اولوب گوتوره بولمدی نوار
دسگاه دئدیم بو تنزلیقا اصلاح اولان دگول
ائتمیش خراب کاری ازلدن خرابکار
گئچدی گئجه معاینه میز قالدی شنبه
بو یولدا گرچه اینجیماقین چوخ ثوابی وار

انسان ولی گرک نیه انسانی اینجیده

المؤمنونه اخوه دی بیز امته شعار

قارداشدا قارداشین وئرر آغزین قارا- داشا

داش سیندیرار دیشی آغیزی دونداراندی قار

خوش حالینه او شخصین اولا نفسینه امیر

ملک وجودینه ائده تقوانی پاسدار

تا روز شنبه عازم اولوب آزمایشه

گتدی عطان ژیانی بیزی ایلدی سوار

اوردا خانم دئدی قولیوی چیرما قان آلم

باخدی دئدی هانی یوخوموش سنده هئچ دامار

گولدوم دئدیم نه بیزده دامار وار نه قان قالب

زالو کیمی سوروب قورودوب جور روزگار

دوشدوخ ایکنیدی رادیولوژی اشتیاقینه

گتدی تویوتانی حاجی محمود باوقار

عکس و نوار حلق و ریه قلب و سینه دن

آماده اولدی اما نه آسان به صد فشار

جانان یولوندا سالکه هر نیش نوشدور

عاشق نگار دعوتینه جان ائدر نثار

ای کاش اولیدی بیر ائله دسگاه اختراع

ما فی الضمیر شخصی چبخاردیدی آشکار

معلوم اولیدی کیمدی حاجی کیمدی ناحاجی

کیم باغ جنت اهلیدی کیم مستحق نار

ستاریدی رثوفیدی پروردگاریمیز

لطفاً چکوبدی عیالین اوسته استار

بیر ایگنه ووردیلار بیزه بیر قدری ترله دیک

تر توکمه میش چتین بیری گرمابه دن چیخار

آخر معاینه دئدیلر قالدی تبریزه

ناچار مرد و زن اولا تبریزه رهسپار

قحط الرجال اولوب بو داغیلیمیش مراغه ده

قادر دگول معاینیه بیر پزشکیار

تبریزدن گرک گله دستور امر و نهی

تبریز اولوبدی منطقیه صاحب اقتدار

بیچاره کتلی آتمیش آغاج هشتروddن

قیشدی سویوقدی نیلسون آخر بو دلفکار

الله اولار که جامعه نی ایستور اینجیده

دنیا و آخرت ائلسون لعته دچار

تبریزدن بورا ایکی دکتر گلنموری

بوردان سورور جماعتی تبریزه لال و کار

دنیا هوسنور بشری راحت ائتماقا

بیز گون به گون درست اندیروخ خلقه انزجار

کین و کدورتیله دولوب سینه لر تمام

نه رحم و نه مروّت و انصاف و اعتبار

انسان اودور که ارزشه قائلدی انسانا

دنیاده سربلندی عقیاده رستگار

خدمت به خلق مکه ثوابیندن آز دگول

اینجیتمه خلقی روز جزا اولما شرمسار

بیر نحو ائله گئندنه سرای سه پنجدن

ائتسونله مغفرت گلی تابوتیوه نثار

وای اول کسه که لعنت و نفرین و فحشیه

دنای فانی دن اولا عقیابه رهسپار

الدن گلن دوت السیز ایاقسیزلارین الین

گر ایسته سن الون دوتا خلّاق کردگار



حجّین شرطری

اگر زیارتِ بیتِ افضلِ عبادتدی

ولیک حاجیلیقون شرطی استطاعتدی

هم استطاعت مالی گرکدی هم جانی

اوچومجی شرطیده امنیّت و فراغتدی

حسین فاطمه امنیّتین خطرده گوروب

قویوبدی حجّینی ناقص بو خلقه حجّتدی

اڤدوبدی حسرتیلن کعبه‌دن خداحافظ

او کعبه که حرم مولد امامتدی

حاجی عزیزدی گئدیر اللّٰهین زیارتینه

اونا حقارتیلن باخماق عین غفلتدی

اگر حاجی گوره بو یولدا منته دوشه‌جاق

بو واجبی سفری ترک ائده شهامتدی

سو منّیله اله گلسه دستماز آلاسان

وضونی بوشلا تیمّم سنه کفایتدی

او یرده که حاجی شخصیّتین خطرده گوره

او حجّی ترک ائلسون مقتضای غیرتدی

اگر قرار اولامرده التماس ائده‌سن

او حجّی ترک ائله اعماله رُکن نیّتدی

ولی محبت اولان یرده حکم ساقطدی
 مقام عشقه عشاقه رنج راحتدی
 به شوق کعبه بیاباندا زاد و راحله سیز
 جفای خار و مگیلان بلاله لذتدی
 بو یولدا جمله لذایندن ایله صرفنظر
 خلوص نیته سعی ایله قصد قربتدی
 ائلیکه محضر معبوده باغلادون احرام
 بو ییرمی بش عملین ترکی اولویتدی
 بیری شکاریدی کوچک اولا و یا که بزرگ
 حریم قریده صید ایلماق جنایتدی
 اذیت ائتماقا بیر موره یوخ اجازه سنه
 اگرچه قدرتون اعلا و اوج قدرتدی
 حرامدور اولا عورت کیشیله همبستر
 اگرچه اوز خانمی محرم شریعتدی
 لباس دوخته دی تازه کهنه رنگارنگ
 که اوردا حوله قطیفه حجاب عورتدی
 اورک قانیلا گوزه سرمه چک بو سوداده
 بورا نه جای خودآرائی جای زینتدی
 خطادی آئینه باخماقون باخ آئیه
 بورا معاینه آئینه قیامتدی

غلطدی ایلماقون عود و عنبر استعمال
 حضور حقه سنون عطرون عطر جنتدی
 کفن حساب ائله احرامی صحنه صحنه حشر
 مقام حضرت مستنطق عدالتدی
 یوزون او قبله بیر عمر عبادت ایلموسن
 یتوبسن ایمدی وصاله دایانما فرصدی
 گتور گناهویو بیریر بیانه عذر ایسته
 که آستانه وسیع و وفور رحمتدی
 گوزیوی اشکیله یو، حسرتیله باخ بیته
 که بیته باخماق عبادت ثواب طاعتدی
 تمام منظره لردن نتیجه بخش و مفید
 بیرری بو بیتیدی الله سون عمارتدی
 بیرری کتاب الهی کلام حق قرآن
 ورق ورق باخاسان اجری چون تلاوتدی
 بیرری آتا آنانین گل جمالیدی که اوغول
 باخا محبتیله دیندیره حمایتدی
 رقیق اولار آتانین قلبی بالاخص قوجالا
 که انتظاری وار اوغول قیزدان استعانتدی
 مقام توبه دی ذکر و دعا و استغفار
 مباد یوخلیاسان غفلتون ندامتدی
 کریمی کعبه دن آیریلماقا کراحتی وار
 نچون بولور بورا سرچشمه کرامتدی

معاینه در تبریز

به نام نامی پروردگار سبحانی

گتوردی کتم عدمدن وجوده انسانی

خلاصه تبریزه گئتماق اولوب بیزه تحمیل

چکوبله تبریزه آخر بو خسته اورگانی

ماشین گتورمیشیدی پیشوازه ناصردوست

خدا فامیللریمه وئرسین عمر طولانی

نهار تدارکی گورمیشیدی سفره سالمیشیدی

تویوق پلو یدوخ اوستوندن ایچدوخ آیرانی

مریضخانهده بیر صحنه لر گلوب قاباقا

قاریشدی سیملریم اعصاییم اولدی شیطانی

مراغهده اولونان ماینه اولوب تجدید

که جوت قات اولسا ایش اولماز قیریلماق امکانی

آتام دیردی اوغول کیمده اولسا احساسات

وجودینی آریدر بوز کیمی ائدر فانی

ایتی قلب نجه ایلر غلافینی ضایع

اوجوردی عقل سالار زحمته یورار جانی

گوزلدی آز قاناسان آز یانوب آلواناسان

وجودی ائتمیه سن چاه غمده زندانی

دوشوب معاینه‌دن قینیمیز حاجی مختار
 ائدوب اوز اوغلونا موکول حجّ اعلانی
 ولی اوزی نچه گوندن صورا وفات ائلدی
 روان پاکی اولا شاد و قبری نورانی
 هله دگولدی مدیر گروهیمیز معلوم
 الهی بو سورینون ایمدی کیمدی چوپانی
 «عنایتی» بیزه ائتدی عنایتین کامل
 آلوب مدارکی بیزدن او مرد عرفانی
 معین اولدی سید هاشمی مدیر گروه
 همین گزارشی شوقیله وئردی ایرانی
 مزیت اولدی گروهه مدینه قبل اولماق
 عنایت ایلدی الله بو فیض عظمانی
 مدینه آدین ائشیتجک گوگل هوسلندی
 گتوردی شوره همین مژده طبع شیوانی
 قلم الیمده باشیمدا هوای شوق سفر
 نظام نظمه گتوردوم بو دُر غلطانی
 نجه مدینه که بازار و کوچه دشت و جبال
 اوزینده ضبط ائلیوب سوره سوره قرآنی
 مشامه عطر پیمبر گلور فضا سیندن
 نسیمینون نفسی مست ائدیر مسیحانی

سلام بر مدینه

شهر مدینه‌نین گوزل آب و هواسی وار

البته شهر وحی‌دی اوزگه صفاسی وار

شهر مدینه ملک بشیر و نذیریدی

عالم‌ره شرف یارادان مصطفاسی وار

جبریل او بلدیه ائلیوب بارها نزول

پیغمبره همیشه سلام و شناسی وار

پیغمبریه یاتدی عبا ایچره جبرئیل

دیللرده اشتهار حدیث کساسی وار

پیغمبرین گوزل بدنی اوردا دفن اولوب

خاکینده چشم ماخلقه توتیاسی وار

گتسن دولان قاپی قاپی مردمدن آل خبر

آختار علینون اوردا امامت‌راسی وار

یرمی بش ایل او ائوده علی یالقیز اگلشوب

دیوار و درده نی کیمی شور و نواسی وار

آثاری بیر یانان قاپودی میخ جانشکار

بیر قانلی آستانه اوزون ماجراسی وار

تاپسان او آستانیه مندن سلام ائله

زهرانین اوردا ناله‌سی وار آه و واسی وار

بیر محسن آدلی طفله او یر قتلگاهیدی

ظلمیله سقط اولوب بدنینه یاراسی وار

زهرای بویاندی قانه همان آستانده

مسمار درده سینه سینون قان حناسی وار

بیت الحزندی فاطمیه باب جبرئیل

هر گوشه ده سیزیلتیسی وار و اَباسی وار

دوشسه یولون بقیه او نیسگیللی مدفنه

آغلا که دورد امامین او یرده عزاسی وار

قبر امام باقر و صادق آتا بالا

گونلر اُونونده آغلامالی بیر نماسی وار

قبری اگر خرابه قالوب زین العابدین

یالقیز دگول آتا عوضی مجتباسی وار

بیر گوشه ده دایان او گوزل قبره سال نظر

نه گنبد و رواق و ضریح طلاسی وار

فکر ایلورم اورک باشینا قویمیش اللرین

یاندی جگرلریم آنا زهرین جفاسی وار

قویدی فلک گوزوم ایشیقی قاسمی یتیم

نازین چکر حسین تک عمو باوفاسی وار

خاک بقیع لعل و جواهردی کیمیا

گر دردون اولسا اوردا ابوالفضل آناسی وار

باب الحوائجین نه‌نه‌سی اوردا دفن اولوب

هر دردون اولسا دی او خانمدا دواسی وار

عبّاس آقا سنی آناوین قاره معجری

هر حاجتین سیزون قاپوویزدان رواسی وار

یا جسمیمیز مریضدی یا خسته روحیمیز

دکترلرینده سیزدن امید شفاسی وار

بیر عده‌نین وطنده قالوب یولدا گوزلری

ییزدن تضرّعیله دعا التماسی وار

وئروخ قسم سنی آناوین توزلی قبرینه

سندن آقا بو جمعین امید عطاسی وار

ضبط ایلیوب بلال سسین مسجدالتّبی

گلدسته‌لرده ایمدی‌ده صوت و صلاسی وار

ای گلشن بقیع سولوبسان پوزولموسان

سنده مصیبت عالمی محنت هواسی وار

سنده آقام علی نه‌سین قبره تاپشیروب

بنت اسدله تربتیوین متّکاسی وار

ایراندا بیر امام رضا دفن اولوب ولی

شاهانه پایتختی شکوه و اساسی وار

گلدسته و ضریحیله ایوان زرنگار

بیرون و اندرونیه مهمانسراسی وار

صحن رواقی شیعه‌لره مجلس عزا

دفتر، اداره، موزه و گنج و طلاسی وار

سن دورد امامی عزتیلن ساخلیانمادون

دورد قبر گون اُونونده اَسْغلی نماسی وار

سندہ یاتان وجودلر افضلدی ای بقیع

توپراقوین گوی اهلینه گون تک ضیاسی وار

زَوّاریوین ولی اورگی کربلادهدی

حجّین کمالی اوردادی که کربلاسی وار

قربان اولوم حسینون او ششگوشه قبرینه

قیمتلی خاکینون اثر کیمیاسی وار

اوچ نازنین وجود آلوب آغوشه بیر مزار

باغ بهشته طعنه ووران بیر صفاسی وار

باشسیز بدندی اللری پیکردن آیریلوب

صد پاره سینه‌سینده گوزل بیر بالاسی وار

قویمیش ایکی بالاجا الین گل بوغازینه

شامه گندوب آناسی یانیندا آتاسی وار

پائین‌پاده دفن اولونوب بیر گوزل جوان

پیغمبره شبیهیدی طاها لقاسی وار

آچ باغلی یوللارون داخی زَوّاره یاحسین

هانسی شهین سنون کیمی جود و سخاسی وار

روز جزا چکنده سؤاله کریمینی

تیکمز باشین اشاقه حسین تک آقاسی وار

ئولسم بو قاره کوینگیلن دفن ائدون منی

بو قاره نین حریردن آرتیق بهاسی وار

نکرین اُپلر اللریمی احترامیله

اگنیمده گورسه لر که حسینون قراسی وار

وار اعتقادیم آتش دوزخده یانمارام

من نوکرم منه آقامین اعتناسی وار



اسلام سربلندی آثار کعبه دن .

اغیار باش تاپان دگول اسرار کعبه دن

اَو اللّٰهین ائوی قوناق اللّٰه قوناقلاری

مهمان پذیر خلیلیدی زوّر کعبه دن

جلسات آموزشی

اولوب نچه جلسه منعقد به نظم و نظام

برای ذکر مسائل مناسک و احکام

آقا خانم هامی خرّم به فکر آسوده

یغیشدی مسجد زیبای ملاّمحموده

نچه نفر حاجیلاردان دئدی قرائتینی

نمازدی آرتیران انسانلارین شرافتینی

نماز اولماسا درگاه لطف باز اولماز

نماز اولماسا هئچ رازيله نیاز اولماز

ولی بیر عده نمازینده سست و مُهملدی

تمام امریده زیرک نمازدا تنبلدی

چینه پاپوش تیکور اما قرائتین بیلّمور

نمازی قبلیه گوندرمگه یوزی گلمور

نه حمد و سوره ائشیتجک آدام آتین ییوری

که نستعینه بو سنّیله نستقین دیوری

بیری اگر اولا بیر عمر مگّه ده ساکن

تبرکیله ائده سرمه کعبه نین خاکین

نماز اولماسا جدّیتی دگول ناجی

کتاب قربده یازمازلار آدینی حاجی

مَنیت اِثمدی ابلیسی ساجد مسجود

تمرد ایلدی درگاهدن اولوب مردود

نماز قیل بشرین ارزشی نمازیله‌دی

بوتون اورکلرین آرامشی نمازیله‌دی

نماز نهی ائدر انسانی جمله منکردن

نماز هدیهدور اشخاصه حی داوردن

ان الصَّلوةُ عمودُ الدِّین

ستون خانه ایمان اتقیادی نماز

زجاج معرفته صیقل و صفادی نماز

نماز اولماسا هرکسده اوندا دین یوخدی

بلی دیانته هم رکن و هم بنادی نماز

نمازسیز که دعا استجابته یتمز

نخست راه دعا شرط التجادی نماز

بیرینده حاتم طائی کیمی سخاوت اولا

دگول قبول که مستلزم سخادی نماز

تمام مشکلوین حلینی نمازدن آل

که دردمندلرین دردینه دوادی نماز

طریقت اهلینه مشعلدی اهل حقه چراغ

صراط حقندن آزان شخسه رهنمادی نماز

نماز یله یتیشر بنده قاب قوسینه

صفای صوفی و معراج اصفیادی نماز

وفای عهد الم اعهده ازل گونه

الست ربکم شاهد بلادی نماز

پل صراطی گئچنمز نمازه کاهل اولان

که پرتگاهده الده گوزل عصادی نماز

نمازی اول وقتینده قیل قصور ائلمه

بو کیمیانی اوجوز ساتما پربهادی نماز

صلاة باعث غفراندی رافع الدرجات

نمازی یاخشی ادا ایله خوش ادادی نماز

اوزیوی اهلیوی ایله نماز یله بیمه

حوادثاتده حتماً گره گشادی نماز

اگر ائمه اطهاره اعتقادون وار

ضیاء چشم نبی روح مرتضادی نماز

او ضعف حالیه زهرا دوتور بیر الی قنوت

توکور سرشکینی معنای من بکادی نماز

وضو آلاندا آتور رنگینی امام حسن

نچونکه مرحله خوفیدی رجادی نماز

حسین یارالی دوشوب سجده دیور الله

آدامسیزام منه مقتله آشنادی نماز

الهی آخر عمر آخرین نمازیمدی

ذبیح عشقه مناده گوزل دعادی نماز

الهی شاهد اول عشقیمده امتحان وئرورم

بو آخرین نفسیمده منه ثنادی نماز

بو قوم عشق مجاز اوسته من نماز اوسته

منه اوزون بولوسن عین مدّعادی نماز

توکولله قانیمی لب تشنه سو کنارینده

حسینه قرب مودّته خونبهادی نماز

بابام نمازیله یول تاپدی قُرب معراج

دلیل رفعت معراج مصطفادی نماز

آتام علینیی نماز اوسته ایلویوله شهید

بو خانوادیه سردوش قُل کفادی نماز

مدال عبدی اطّعی همین نمازده دور

سرود عشق و مناجات انبیادی نماز

باجیم خرابه ده اوتدوخ یری نماز قیلار

او مهلقایه گلوبند شبنمادی نماز

فراز طور محبّته دیم کلیم کیمی

حسینه نغمه لیک ربّنادی نماز

بو اوخ یریندن آخان قانلا دستماز آلارام

ولایت اهلی بوله روح اولیادی نماز

نمازی ناقه‌لر اوسته قیلار بالام سجّاد
 اونا تسلی خاطر دی اقبادی نماز
 باشیم جدا اولا تندن جدا دگول سندن
 خدا جدائیله مندن مگر جدادی نماز
 کریمی آغلا حسینه نمازدان آیریلما
 حسین سیز بئله فکر ائتمه اکتفادی نماز
 حسینه سینه ووران کاهل نماز اولماز
 که شرط اوّل مقبولی عزادی نماز



گیرم که جود و لطفیده حاکمدی بی‌نماز
 یا قدرت مصافده رستمی بی‌نماز
 الله سجده ایلماقا وار کراحتی
 اولماز نجاتی اهل جهتمدی بی‌نماز

وداع از دوستان و همشهریان عزیز

او وقت اولوب که احبّادن انقطاع ائلیاخ

بو دیلرلیله گرک دوسلاری وداع ائلیاخ

رفیق اولوب بیزه توفیق کبریا گئدیروخ

نصیب اولوب سفر خانه خدا گئدیروخ

حلال ائدون بیزی بیزه سیزی دعا ائدهروخ

اورک دولی سؤزولن دیل دولی دعا گئدیروخ

عملدن اللریمیز بوش گناهیه دولیدی

اودور حضور خدایه یوزی قرا گئدیروخ

گناهیه باشاباش کولهباریمیز سنگین

ولی اورک دولوسی خوفیه رجا گئدیروخ

قوناق حقیر اولسا اگر، قوناقچی اعظمدی

برای مغفرت و پوزش خطا گئدیروخ

دوتوبدی گوگلویمیزی محنت و ملال گناه

صفا و مروه‌دن اخذ ائتماقا صفا گئدیروخ

گرک داش آتماقا شیطانہ حق کومکلیق ائده

مناده نفسیمیزی کسماقا فدا گئدیروخ

مصمّموخ حجرالاسودین زیارتینه

گرک او سنگ محکدن آلاخ بها گئدیروخ

پیمبره سؤزوز اولسا مدینه ده یتیراخ
 مشرف حرم پاک مصطفی گندیروخ
 اولاردی نور علی نور بو سفرده اگر
 ضمیمه سفر اولسیدی کربلا گندیروخ
 حسین آقا او گوزل قبره جانیمیز قربان
 قوتاردی عمر قالور دلدہ مدعا گندیروخ
 قوتولدی ائولریمیزدندہ مهر کربوبلا
 گوگلده حسرت دیدار نینوا گندیروخ
 نولیدی بیرده گوریدوخ که سسلنور چاوش
 گلون گلون آچیلوب راه کربلا گندیروخ
 مریض جرم و خطایوخ گناه خسته سیوخ
 طیب حاذق الیندن آلاخ دوا گندیروخ
 گرک امام حسن قبرینه پناه آپاراخ
 هامی مرضلره اوردان آلاخ شفا گندیروخ
 بقیع بقعه ذکر و دعادی دار سلام
 او یرده حاجتیمیز اولماقا روا گندیروخ
 فدا اولاخ او یره دورد امامه مدفن اولوب
 اندر او منطقیه غبطه نه سما گندیروخ
 قالوبلا گون قباقیندا نه گنبد و نه ضریح
 اولوبلا شیعه لره مایه عزا گندیروخ

سپاخ او قبرلره گوزیاشی گلاب عوضی
 دویونجا آغلاماقا قویسا اشقیا گئدیروخ
 سیزه دعا اندهروخ روضه پیمبرده
 اجابته یتیشر اوردا هر دعا گئدیروخ
 اگرچه نیتیمیز کعبه‌دی مقام خلیل
 ولی به عشق ذیحاً من القفا گئدیروخ
 حسین آقا سنه چون قسمت اولمادی عرفات
 بو غصه قلبیمیزی ایلوب یارا گئدیروخ
 مناده اولمادی ممکن کسنمدون قربان
 سنون مناوه مناندندی مرحبا گئدیروخ
 او کعبه که اورا منزلگه ملائکه دور
 او کعبه که اونا عاشق‌دی انبیا گئدیروخ
 همان او کعبه حسیندن صورا عزایه باتوب
 آقام ئولندن ائدوب پرده‌سین قرا گئدیروخ
 حسین او کعبه‌دن آیریلدی آیریلاندا دئدی
 الهی جبراً ائووندن اولوب جدا گئدیروخ
 بو دار امنده‌ده بیزلره امان یوخدی
 غریب و دربدروخ بولمیروخ هارا گئدیروخ
 اوجور که قانلی باشا سینی طلا یاراشیر
 حسینیه قرمزی احرام کربلا یاراشیر

بو باش اگیلمدی نامرده مرد مردانه
 جدا بدندن اولان باشیمه جدا یاراشیر
 بو باشی بسلمدیم ناز بالش اوسته قویام
 کول اوستی بو باشا مطبخده متگا یاراشیر
 ازل بلی دئیشم هر بلایه لا دئرم
 بلالی باشه بلی واقعا بلا یاراشیر
 حضور یاره گئدن زینتینده دقت ائدر
 بو آغ محاسنه آلقانیله حنا یاراشیر
 وفا یولوندا اوزوک وئرماقین نه زحمتی وار
 ال ایسته سونله وئریم عاشقه سخا یاراشیر
 باشیم جداده گرک هفت شهر عشقی گزه
 بو سالکه نه بلدچی نه رهنما یاراشیر
 یورولمارام بو یولی اکبریمدی همسفریم
 قوجا آنایه جوانی گوزل عصا یاراشیر
 تازا عروسه اگرچه غلطدی قاره لباس
 ولی آتاسی ئولن قیزلارا قرا یاراشیر
 گوزی باخا باخا بیته حرمدن آیریلدی
 اسیر عشقه بلی عهدینه وفا یاراشیر
 دئدی بو کعبه بو سیز حاجیلار خداحافظ
 حسینه کربوبلا معدن بلا یاراشیر

ایچون او زمزم، او سیز، ایچمدی دویونجا حسین

منه فرات کیمی نهر دلگشا یاراشیر

گئدون آپون حجرالاسودی زیارت ائدون

منیم دوداقلاریما سنگ اشقیا یاراشیر

میان خیمه‌گه و قتلگهده سعی و صفا

بو بیر عملدی فقط زینبه بجا یاراشیر

بجای تلبیه زینب بیر آیری ذکر تاپوب

او حاجیا ائله احرامه والا یاراشیر

سوسوز بالالاریمون العطشله هروله‌سی

صفا و مرویه آرتیرماقا صفا یاراشیر

خليله قوچ قوزی زیننده‌دور فدا، منه یوخ

حسین مناسینه اصغر کیمی فدا یاراشیر

بالا فراقینه هاجرده یوخدی استعداد

منای عشقده لیلایه مرجبا یاراشیر

کریمی درگه درباریمه آسوب کشکول

ائله منیم کیمی شاهه بئله گدا یاراشیر

تحویل ساکھا

خلاصه شامل ائدوب لطفینی خدای غفور

توکوبدی باشیمیزه رحمتین به حدّ وفور

معین اولدی گروه شریفه روحانی

جوان عالم و فاضل جناب یوسفپور

پیا اولوب قره مسجده بیر نچه جلسه

او بزم خاصده حجاج تاپدی فیض حضور

آقا خانم باشاباش حمد و سوره سین اوخودی

ائدوب مناسک اعمال حجّی جمله مرور

وئروبله ساکلاری اوچ گون قالاندا نوروزه

وسایلی ائلیاخ جابجا و جور به جور

پتو ملافه لیوان بشقاب و قاشق چنگال

قوری چورک شوورن فاب نبات لباس ضرور

بلی گرک سفره توشه فکر ائده سافر

که یولدا قالمیا آواره اولمیا رنجور

گناهيله دولودور کوله باریمیز یارب

سفر خطرلیدی ره خوفناک و مقصد دور

الهی دوت الیمیزدن هدایت ایله بیزی

غبار شهوت نفسانی ایلوب بیزی کور

الهی بیتویه امیدله قوناق گلیروخ
 قوناقچی عفو ائدر اولسا قوناقدا هر نه قصور
 الهی عاجز و بیچاره یوخ ذلیل و ضعیف
 سنون کرامتون ائتمیش بیزی گناهه جسور
 سنون جهنمیوه بیزده یوخدی تاب و توان
 ضعیف بیر مگسه نیلمز لهیب لنور
 الهی بیتویه باخماخلقا حیا ائدیروخ
 باغیشلا بیزدن اگر باش وئروبدی فسق و فجور
 یوزی قارا، الی بوش، غرق بحر معصیتوخ
 سنی دیوب گلیروخ شوقله اناث و ذکور
 سنی قسم وئیریروخ بیز حسینون جانینا
 او وقتینه که دوشوب قتلگهده زار و فکور
 دیوردی ربی اغثنی یارالیام سوسوزام
 دلوبدی سینه می اوخلار چو خانه زنبور
 الهی من دئرم ارنی لن ترانی گله
 نه من کلیم و نه ده مقتلیمدی وادی طور
 اوره گیم آینه سینده باخوب سنی گورورم
 سنون جلال و جمالوندی مصرعیمده کی نور
 سنون وصالوین عطشانیم نه آب فرات
 دوروب بابام باشیم اوسته الینده جام بلور

بو ایستی قان منه شیریندی آب کوثر دن
 نه سلسبیل نه کوثر لبن نه ماء طهور
 امین وحیه بویور آچماسین قانادلارینی
 سپور یارالاریما ذره ذره نورینی خور
 گلن اوخی باسارام باغریما نگار کیمی
 که نوشدارو کیمی نوشیدور بو سم ستور
 بالالاریم ملر آهو کیمی داغیلدی چوله
 یانار رقیه مون احوالینه وحوش و طیور
 طریق عشقه من سندن ال چکن دگولم
 سنون جمالوه آئینه دور بو قلب صبور
 بالالاریمدا اوزومده جلالوه قربان
 اناالغریب و اناالمضطرب اناالمنحور
 الهی بو غم عظماده صبر وئر باجیما
 آلوبلا دوره سینی خیمه لرده قوم شرور
 فقط شفاعته بیر قول وئر بو جانیمی آل
 بو اوخ یاران اوره گه سال ضما د و جد و سرور
 خدا قالور سنون امیدیه باجیم زینب
 که روز روشن اونا اولدی بیر شب دیجور
 کریمیا سنی اعمالون ایلمز رسوا
 حسینه خاطر ائدر عیبوی خدا مستور
 الهی من که حسینه تاپمیشام شهرت
 قیامتین گونی اولام بو عشقیله محشور

تذکر به حجاج محترم

نیتون باصفادی ای حاجی

مقصودن اعتلادی ای حاجی

طالعون سعد بخت یاروندی	جای شکر و ثنای ای حاجی
سنی الله سوویب قوناق چاغیروب	عملوندن رضادی ای حاجی
میهمانسان خدایه بیتینده	میزبانون خدادی ای حاجی
نچه گون استراحتی بوشلا	یاتما وقتون طلادی ای حاجی
دیلیوی باغلا کذب و غیبتدن	ورد و ذکرون دعادی ای حاجی
ییرمی بش شیدن اجتناب ایله	حاجیا ناروادی ای حاجی
نفسی صید ایله اوزگه صید ائلمه	صید صید هوادی ای حاجی
آیری وقته حرام استمناء	بوردا مثل زنادی ای حاجی
صیغه عقد ایلمه جاری	محکم ائت اعتقادی ای حاجی
اولما اوز همسرونله همبستر	اگر اولسان خطادی ای حاجی
باخما آئینه باخ آیاته	نظرون کیمیادی ای حاجی
اولگلان پابرهنه گیمه لباس	قطب وادلطوادی ای حاجی
ایلمه هرگز عطر استعمال	سرمه چکمه عزادی ای حاجی
آت گوزوندن تمام دنیانی	بورا دار بقادی ای حاجی
فخر ساتما تکبر ائتمه کیچیل	جای یاولینادی ای حاجی
زر و زیوردن اجتناب ایله	آغلا جای بکادی ای حاجی

حشراته	اذیتون	گنچسه	چاره‌سی بیر فدادی ای حاجی
بدنوندن	چکنمه‌سن	بیر توک	بو عمل نابجادی ای حاجی
جسموه	ائتمه	روغن استعمال	سعی سعی صفادی ای حاجی
کولگه	آختارما	دیرناقون دوتما	نهی سفک‌الدّمادی ای حاجی
بوردا قان	توکماقین	کراحتی وار	دارالامن خدادی ای حاجی
دوتماسونلار	خانملار	اوزلرینی	بوردا محشر بیادی ای حاجی
بیر گیاهی	قوپاتما	گل درمه	دیش چکیله جفادی ای حاجی
ایله خلع	سلاح	مُحرم‌سن	واردی جنگین فسادی ای حاجی
لا فُسُوقَ و لا جِدَالَ لَدَیکَ			وقت صلح و صفادی ای حاجی
لحظاتوندن	اخذ	ائله توشه	محضر کبریادی ای حاجی
قبله‌گاهون	مقام	ابراهیم	گوزیاشون پُربهادی ای حاجی
اوردا کوه	گناه	کاه اولاجاق	بیت اوزی کهریادی ای حاجی
قبر هاجردی	حجر	اسماعیل	مدفن انبیادی ای حاجی
هر گناهوندن	ایله	استغفار	وقت یاربّنادی ای حاجی
عرفاتی که	اوردا	صاحب‌الامر	سنیله همصدادی ای حاجی
بوردا نه من منم نه سن سنسن			هامی ملک خدادی ای حاجی
هامونین فکری	ذکری	نیتی بیر	وحدته آشنادی ای حاجی
کلمه لا إِلَهَ إِلَّا اللَّهُ			هر دوداقدان ادادی ای حاجی
و قِنَا رَبَّنَا عَذَابَ النَّارِ			هامیا مدّعادی ای حاجی
نفسی ذبح	ایله	قربتاً لِلّٰه	بو قرار منادی ای حاجی

ایله	پرتاب	سنگ	شیطانہ	او شیر و دغادی ای حاجی
گرچه	مشعرده سن	ولی	اورگون	مایل کربلادی ای حاجی
آلتی	گوشه	مزاره	جان قربان	نه گوزل خوشنمادی ای حاجی
فاطمه	اوغلینون	عزاسینده		بیتہ پوشش قرادی ای حاجی
صاحب	بیت	اوزی	حسینہ گورہ	بوردا صاحب عزادی ای حاجی
اوچ	وجودی	قویوبلا	بیر قبرہ	بیر مجلل بنادی ای حاجی
صودامر	بیر	اوشاق	جوان بیر اوغول	بیر یارالی آتادی ای حاجی
ادبه	سیر	ائلہ	جوان بالادا	یری پائین پادی ای حاجی
آدی	اکبردی	نوگل	لیلا	مظہر مصطفادی ای حاجی
صودامر	قان	اموبدی	صودیرینہ	گل بوغازی یارادی ای حاجی
بولمورم	اوخ	نجه	بیچوب بوغازین	باش بدنن جدادی ای حاجی
ایمدی ده	قان	آخور	یاراسیندان	ایشی آہ و نوادی ای حاجی

بو کریمی نیدہ دعا ایله

یوزی قارہ گدادی ای حاجی

ایضاً تذکر به زائرین بیت الله

ای شخصلری که اولوسوز مکیه عازم

ارباب ادبوسوز سیزه توضیح نه لازم

الله چاغیروبدور سنی اوز بیتینه مهمان

من باب پذیرائی آچوب سفره احسان

بو آیری قوناقلیقدی بو بیر آیری سفردی

یولداش سنه هر مرحلهده فتح و ظفردی

پاک ایله خطا چرکینی گیی توبه لباسین

آت زیور دنیانی گوتور توشه اساسین

نازیله ملکلر سنی پیشواز ائنده جاقلاقلار

شهر ایاقون آتدا ره انداز ائنده جاقلاقلار

سعی ایله صفائیه دین وقتیده لیک

درگاه خدادن سسیوه سس گله سعدیک

موسا کیمی اخلاصیله گئت طوره گئدیرسن

آت ظلمتی دلدن جبل نوره گئدیرسن

جهد ایله گوزی یاشلی قدم قوی عرفاته

احیا ائله یالوار اورا بنزر عرصاته

بو یولدا بوتون زحمته اجرت وئره جاقلاقلار

اوز معرفتون قدریجه قیمت وئره جاقلاقلار

شیطانیه جنگه گئدیسن همتون اولسون

دشمن قاباقیندا سپر آچ صولتون اولسون

پر زوردی دشمن ایشه سال سعی و تلاشون

گوزله قیدوب دگمیه اوز سینه وه داشون

الله سنی ممتاز ائلیوب بنده لریندن

سن جهد ائله سالما اوزون الله نظریندن

ظاهرده مناده کسه سن قوچ قوزی قربان

باطنده ولی نفسیوی ائت قانینه غلطان

احرام که اُرتوبسن حساب ائت کفونودی

مشعر سنه محشردی او آغ پیره نوندی

بیر لحظه که گوزیاشلی دوشر بیته نگاهون

الله گنچه جاق قالمیاجاق ذره گناهون

هر چرک و کثافتی اوزوندن ائت ازاله

دوشمه قیدندن صورا دای وزر و وباله

دور محضر معبودیده عرض ایله الهی

عفو ایله بو بندونده اولان جرم و گناهی

بیر عبد ذلیل قاپووا گلیمشم الله

اوز بیتویه خاطر منه ایله کرم الله

یارب غم عشقونده یانان جانلارا خاطر

بو مذبح عشقونده کی قربانلارا خاطر

بو رُکن و مقام و حجرالاسوده خاطر
 بو بیته شرافت یارادان احمده خاطر
 بو حجّی قبول ایله بو شرمنده لروندن
 ای فضل و کرم معدنی گئچ بنده لروندن
 یارب منه رحم ایله ذلیل یوزی قاره
 چاره ندی سن ایلمه سن دردیمه چاره
 امیدیه گلماقدا بو دربار جلیله
 قیترمه منی باب کرمدن بوش ایله
 سوغات گناهیه گلوبلر هامی حجاج
 العفو دینلر کرم و لطفوه محتاج
 بیر عده گلنده رفقادن فضلادن
 اصرار ائلیوبلر آپاراخ تحفه دعادن
 وئروخ قسم الله سنی لب تشنه حسینّه
 ائت حاجت شرعینی روا ملتسمینه
 اقوام و عشیره تانیان ذیحق و بیحق
 مشکللرینی آچ هاموسین ایله موفق
 احیا ائدن احکامیوی پیغمبره خاطر
 بیتونده رجبه دوغولان حیدره خاطر
 باشند ایاقا غرقیدی عصیانه کریمی
 عجزیه گلوب درگه احسانه کریمی

حرکت از مراغه

هزار و سیصد و هفتاد و پنج فروردین

مه تولّد لاله، بنفشه و نسرین

آچیلدی ساحت صحرايه فرش رنگارنگ

وورولدی دامن کُهاره خیمه رنگین

بَزَنَدی حجله داماد نوبهار زمان

یتوردی کامله آرایشین عروس زمین

شکوفه سایه سالوب عندلیبه چتر مثال

آچوب نقابینی گل غنچه‌سی بسان گلین

سپوبدی ژاله نسیم سحر عروس گله

اُندوبدی گلشنی ابر بهار عطرآگین

گلوب ترانیه قمری بنات طاها تک

باتوبدی یاس اوزی یاسه چو عترت یاسین

گویون یوزونده کی رنگین کمان کماندی مگر

فلک قوروبدی غزال طبیعت اوسته کمین

نی شبانيله طاووس مست رقصیده‌دی

می شبانه‌ئيله درد ماقع تسیکن

نوای چه‌چه بلبل صدای قهقه کبک

فضای گلشن و گلدن سالوب سپهره طنین

گلوب تمّوَجِه انهار سرعتيله آخور
 شکوفه دن آسیلوب گل چو خوشه پروین
 یازوبدی سورّه توحیدی برگلرده قضا
 گورر او خطی خطوط ایچره دیده حق بین
 چنار و سرو و صنوبرله بیدمشک تمام
 چکوبله صف لب انهارده یسار و یمین
 طبیعتین قلمی دست قدرتین کرمی
 ائدوبدی گلشن و باغی نگارخانه چین
 بلنچی سویمه لی موقع وئروب اجلدن امان
 نصیب ائدوب بیزه اوز بیتینی خدای امین
 قرار اولوب اوتوراخ روز جمعه نی گوروشه
 وورولدی درگهیمه پرچم امام حسین
 حسینچینون طویودا یاسیدا حسینله دی
 علمدی بیزلره مدهامتان و جبل متین
 حسینون آدی بیزه زینت محافلدی
 حسینله ائده روخ بیز محافلی تزیین
 بیزه بو قاره علملردی پرده عصمت
 بولاردی پرده دروازه بهشت برین
 الهی پرده لرین پاره ایله رسوا ائت
 او کس لرین که ائده لر بو پرچمه توهین

حسین قراسینی گی اگنیوه مریض اولما
 بو قاره کوینگی بیل هر بلاده حصن حصین
 گر اولماسیدی ملامت وصیت ایلردیم
 بو قاره کوینگیلن ایلون منه تکفین
 حسین قراسینی ابریشمیه ائتمز عوض
 او کس که دامنی عصیانیه دگول چرکین
 الهی فاطمه اوغلوندان آیری سالما بیزی
 بو پاک عشقیله ایله بیزی همیشه قرین
 حسین شفیق معاد و حسیندی فلک نجاه
 حسین مکمل ایمان حسین خلاصه دین
 حسیندی ترجمه کاف و ها و ذیح عظیم
 حسیندی مظهر طاها و مضر یاسین
 اوزاق یاخین هامی ئل طایفه گلوب گوروشه
 دوتوبلا دوره می دوسلار بسان نقش نگین
 آلوب آرایه منی بلبلان گلشن غم
 سالوبلا مجلسه شور و فغان و شیون و شین
 خدا منیم ائویمی نوحه خوانسیر ایلمه سن
 فقط بولاردی منه بال و پر منم شاهین
 بوتون مراغه نین اهلی گلوب زیارتیمه
 هامی سوور منی هم دوزلیام همی شیرین

بناب و اسکو و خسرو شهريله تبریزدن

گلوبله دیدیمه دیلدرده آفرین تحسین

جماعتین گوزی لایقدی من که معیوبم

خدا موفق ائدوب خلق اولوب منه خوشبین

بیر عده گئتدی بیر عده قالوب شاما ناهارا

دوشندی سفره احسان چو سفره هفسین

تمام لذته دورد لذتین مزیتی وار

آچیق قاپی، آچیق ال، سفره و گشاده جبین

آقام حسینده بولار جمعیدی بحمدالله

که درگهیندن اونون بوش قیتمیوب مسکین

او سائله قاپیدان وئردی کیسه دینار

عرب او کیسیه باخجاق توکوبدی اشک ترین

بویوردی آغلاما آز اولسا چوخ حساب ايله

که بوندان آرتیقا الساعه منده یوخ تمکین

عرب دئدی ائوون آباد اولا آقا چوخدی

بیر آیری مطلب آقا ایلدی منی غمگین

هزار حیف بو ال توپراق ایچره دفن اولاجاق

نجه اوتانمیا جاق روزگار بدآئین

بویوردی کاش بو ال توپراقا گنده سالم

بو اللری کسه جاق ساربان شوم و لعین

کسبیدی بند زر اوسته او نازنین اللر
 او نیسگیله یاناجاق شیعه‌لر شه‌ور و سنین
 او اللری گوتوروب باس‌دی سینه زه‌را
 دئدی اوغول بولوسن کیملرین کسلله الین
 حسین بو ال‌دی یدالله فوق ایدیهم
 بهشته ائدرم ساربانوه نفرین
 کریمیده نه طمع وار نه کل جامع‌دی
 که دسترنجیله ایلر معاشینی تأمین
 الهی قسمت ائله جمله آرزومنده
 زیارت عتبات و زیارت حرمین



در حال حرکت

الهی بیتیوه مسکین و بی‌نوا گلیروخ

او آستانیه یوز قویماقا خدا گلیروخ

اوزون بویورمسان اُدعونی استجب یارب

سنی دیوب قاپووا دلدۀ آه و وا گلیروخ

الهی چوخلار ائدوب بیزدن التماس دعا

امیدیلۀ قاپووا دلدۀ التجا گلیروخ

اوزون غنی ائلیوبسن وار استطاعتیمیز

ولی سنون قاپووا مفلس و گدا گلیروخ

قوناق نقدری لیاقتسیز اولسا حرمتی وار

قوناقچی سن کیمی مولای باسغا گلیروخ

الهی عمر گئچور توشه یوخدی قبر ائوینه

او منزله بیزه بیر توشه ائت عطا گلیروخ

مریض‌لر وار الهی بیزی وسیله سالوب

گرک آلاخ او دواخانه‌دن دوا گلیروخ

بیر عدۀ بوشلیدی بیر عدۀ‌نین دامی یوخدی

امید وار اولاجاتلری روا گلیروخ

اگرچه حاضر و ناظرسن هر مکاندا ولی

او بیتیده هامی امراضه وار شفا گلیروخ

بیزیم لیاقتیمیز یوخی سن که لایقسن

لیاقتونله بیزه ایله خوش صفا گلیروخ

قوناق سنوندی خدا ائو سنوندی سفره سنون

عطا سنونکیدی بیز فقره مبتلا گلیروخ

سنون ائوون، کرمون، دعوتون، سؤزون دوزدی


هدایت ائت بیزی یول دوزدی بیز خطا گلیروخ

یارا تدیقون بدنی قهر اوتوندا یاندرما

مگر کریم پیسه پیس وئرر جزا گلیروخ

الهی کعبه هارا بیز هارا مدینه هارا

اوزون صلاح ییلوب ائتموسن ندا گلیروخ



وداع

هزار شکر بو اقباله طالع سعه
 یتیشدی ییرمی ایکی صبح ماه ذیقعه
 نماز صبحی ادا ایلدوخ جماعتله
 آلوبلا دوره می دوسلار گنه محبتله
 گوزل توسل اولوب آغلادوخ فغانیله
 یولا سالوبلا بیزی نوحه و اذانیله
 مراغه اهلینه من فوق العاده مدیونم
 او ازدحامه او احساسه خیلی ممنونم
 حسینه خاطر الیندن قویوب هامی ایشینی
 هامی ییلوبله غلام حسینون ارزشینی
 حسین حسینچیلره عزت و صفا یارادیب
 حسینون عشقینی خلاق کیمیا یارادیب
 دوتوبلا باشیمه قرآن به طمطراق عظیم
 قباقدایر بیر نچه چاوش اوخور به رسم قدیم
 اوغول، گلین، باجی، قارداش، نوه، فامیل یکسر
 باخاردیلار منه آغلاردیلار ائدنده سفر
 بو منظره یادیم سالدی اوزگه بیر مطلب
 مجسم اولدی نظرده حسینیه زینب

دایاندی خیمه قباقینده دیلده یا حافظ

بو نوعیله باجیسیندان ائدوب خداحافظ

زبانحال امام به خواهرش

گل زینبیم پیمبره مهمان گئدیر حسین

گل باشیم اوسته دوتماقا قرآن گئدیر حسین

جدی، آتاسی، ساقی کوثر اولا اولا

پیغمبرین حضورینه عطشان گئدیر حسین

سنسن منه آنا عوضی مهربان باجی

بو آیریلیق زمانی پریشان گئدیر حسین

سن آغلیاندا یادیمه زهرا آنام دوشور

زهرا باخیشلی گوزلره قربان گئدیر حسین

سن آغلاما باجی منی ناراحت ایلمه

آغلار گوروب او گوزلری گریان گئدیر حسین

چک نازینی اوزوم کیمی نازلی رقیه مون

بو طفلی تاپشوروب سنه الآن گئدیر حسین

یا دین گرک گنده آرادان یا حسین گنده

قالسون همیشه زنده بو قرآن گئدیر حسین

بیر مهربان آنا کیمی عصرین امامینه

سجّاده ایله لطفوی اعلان گئدیر حسین

عشق عالمینده جمله بلیاته صبر ائله
 اول معرفت سریرینه سلطان گئدیر حسین
 مُحرم سن عشقه جمله مشقاته صابر اول
 چو خدور بو یولدا خار مغیلان گئدیر حسین
 چوخ چوخ خطرلیدی یولون اما مواظیم
 قوخما سنه جداده نگهبان گئدیر حسین
 سن محمل شکسته ده تقصیر ائدن زمان
 نیدن باخوب سنه دئماقا جان گئدیر حسین
 من زیر بار ذلته تن وئرمم باجی
 ظلمین بناسین ائتماقا ویران گئدیر حسین
 من ساتمارام وقاریمی بش گون ریاسته
 مطبخ سرانی ائتماقا رضوان گئدیر حسین
 زینب گتور آنام توخویان کونگی منه
 گرچه آنا حضورینه عریان گئدیر حسین



حرکت به فرودگاه تبریز

خوش حالینه هرکس تا پا توفیق صفادن
 دعوت یازالار آدینا دربار خدادن
 به به نه زیارت نجه عزتلی سفردی
 هر کیمسه دادین آلماسا بولمز نه خبردی
 باشند ایاقا هر قدمی خیریدی بهره
 دوسلار یتوروبلر منی دروازه شهره
 بو طالعه بو شانسا بو اقباله ماشالله
 بو عزت و تکریمه بو اجلاله ماشالله
 خوش فصلیدی هریان گلیدی لاله و سنبل
 یولاندی ماشین تبریزه الله توکل
 اقوام و عشیرم دئمه ئلدن دالی قالدی
 تبریزه کیمی بدرقه گئندی یولا سالدی
 اقبال ائلیوب بخت اوجالوب ماهه یتیشدوخ
 دوز ساعت اون بیرده فرودگاهه یتیشدوخ
 صرف ائتدوخ ایاق اوسته فرودگاهدا ناهاری
 قاتدوخ تو یوقا سنگکیلن آما خیاری
 طیاره هُما ساعت دورد ایلدی پرواز
 بش یوز نفری قوزادی اعجازیدی اعجاز

به به بئله ایامه بو عصره بو زمانه
 میندیردی بیزی قوش کیمی گلدی طیرانه
 بیر غول قوی پیکریدی قاخدی هوایه
 بیر سرعتینه وصل ائلدی ارضی سمایه
 آسایش انسان یتیشوب آخر حدّه
 اوج ساعتین عرضینده اولوب وارد جدّه
 باش قوزیون ای قبریده آسوده یاتانلار
 ای مکّه بش آیدا مشقّله چاتانلار
 جدّه نجه جدّه نه فرودگاه مجلّل
 حقّا که تماشاسی قویور فکری معطل
 به به نه گوزل گورمه لی عالمدی الهی
 افسوس که ملّته ثنا کمدی الهی
 حیرت دوتور انسانی دولانديقجا مطاری
 قدرتلر ائدوب اوردا نه سرمایه گذاری
 میندوخ ماشینا ساخلادی بیر کافه ده چایه
 بیر قریه ده دوشدوخ گینه تغیر هوایه
 گئچدیم توالته ائلیم جانیمی راحت
 یوخ یوخ توالت سویلمه بیر پارچا کثافت
 سو اولمادی تطهیریمه قالدیم توالته
 هی الیریمی آنما چالدیم توالته

فوراً رفقاند بیری بیر شیشه سو گندی
 شیشه ايله طهارت حجتدن حجتدی
 حقاً که نظافت یوخوموش قوم عربده
 ایرانلیدی ممتاز اولان اخلاق و ادبه
 بیر عده تیمم ائدوب ال گوتدی دعایه
 بیر عده نین اما نمازی گتدی قضایه
 آتدیم باشی قیزدیردی ماشین ایش یامان اولدی
 چیخدی قارا باخ داغلارا داغلار دومان اولدی
 بیر منزله چاتدوخ ماشینون باتدی صداسی
 دوشدوخ نفس آلدوخ خوشودی آب و هواسی
 بو یولدا بلی اینجیماقین چوخدی ثوابی
 جان تک باسارام باغریما هر رنج و عذابی
 عشقیله گرک حاجی بو یولدا قدم آتسون
 چوخ نوشیدی مین خار مغیلان جانا یاتسون
 دوز ساعت اون بیرده عیان اولدی مدینه
 گوزیاشیم آخوب آهیميله یاندی بو سینه
 ناگاه اوزاقدان گورونوب گنبد خضرا
 آرامگه حضرت یاسین شه بطحا
 گورجک او گوزل شهری مرامیم اله گلدی
 شاد اولدی گوگل طوطی طبعیم دیله گلدی

مدینه شهر پیغمبر

مدینه ای دیار وحی و قرآن
 صفا و مروه دن سن باصفاسن
 هامی دنیا به سن نقش نگین سن
 حسین سنده قدم قویمیش جهان
 مدینه ای خزان اولموش گلستان
 اولاخ سنده یانان درگاهه قربان
 مدینه ایلرم سندن گلایه
 فشاره سالدون اصحاب کسان
 عجب خانه نشین ائتدون علینی
 داغیتدون آل پیغمبر جلالین
 هانی سنده او قانلی آستانه
 مدینه ای گلستان رسالت
 یولوم دوشدی گلستان بقیعه
 گوررسن دورد امامین قبری ویران
 نه قنذیل و ضریح و سایبان وار
 او یرده دفن اولوب عباس آناسی
 فقط بیر آغلیان وار یانه یانه
 دییر قبری قالان ویران آنام وای
 سنه سنده یاتان جانانه قربان
 غلط اولماز دئسم ام القراسن
 مطاف حضرت روح الامین سن
 سن اولدون مرغ عشقه آشیانه
 معطر گلر اولموش سنده خندان
 آخان اولدوز دوتولموش ماهه قربان
 مبارک اولمادون خیرالنسایه
 چوخ اینجیتدون علی المرتضانی
 طنابه باغلادون الله الینی
 سسین گلدسته دن کسدون بلالین
 یانان بلبل داغیلیمیش آشیانه
 تقدری سنده وار درد و مصیبت
 ئولونجه آغلاسان باجادی شیعه
 قالبولار گون قباقینده پریشان
 یواشدان اوخشیان وار آغلیان وار
 نه گنبد وار نه بیر عالی بناسی
 امام عصریدی صاحب زمانه
 بو ایتگین قبریوه قربان آنام وای

مدینه مطلع انوار سنسن
 مدینه سنده بیر شورا قورولدی
 همان اوددان دوشوبدی بیر شراره
 علینون یانماسیدی بارگاهی
 امان بیر وقتدن اشار کوفه
 حسین ئولدی خیامی اولدی غارت
 مخاطب ائتدی سعد اوغلی سپاهی
 خیمدن توستی قالخوب آسمانه
 چیخان قیز خیمه‌دن صحرايه قاجدی
 رقیه گه قاجوب گاهی یخلدی
 نه قالدی بیر قولاقدا گوشواره
 داغیلدی چوللره پرده‌نشینان
 دئدی شمر ایلرم بو امره چاره
 حسینون باشینی ووردی جدایه
 قاچان بلبل گلین آلدی سراغین
 آلوب پروانه‌لر شمعی آرایه
 حجابات اولدی برهم بالعیانی
 سراسر مخزن اسرار سنسن
 علینون درگهینه اود وورولدی
 حسینون خیمه‌گاهی یاندی ناره
 آلیشمازدی حسینون خیمه‌گاهی
 امامت شمسینی سالدی کسوفه
 بو ظلمه ائتمدی دشمن کفایت
 گرک یانسون حسینون خیمه‌گاهی
 قاجوب قوشلار داغیلدی آشیانه
 قوویب دشمن باشیندن معجر آچدی
 گهی بوردا گهی اوردا سیخیلدی
 قُواردی هر قیزی نچه سواره
 قالوب سعد اوغلی بو احواله حیران
 قاچانلار تک به تک گلسون دوباره
 اوجالدی صوت تکبیری سمایه
 یخیلدی نیزه‌نین اُپدی ایاقین
 بالا قیزلار گلوب نی تک نوایه
 آلوب نی‌دن صدای لن‌ترانی

مدینہ گونلری

غرض مدینہ بیزہ بیر صفالی جتتیدی

گئجه گونوز ایشیمیز ذکریدی عبادتیدی

گونون خوش اولسا آیون گوندن آز گلر نظره

اودور که هفته دقیقهیدی آیدا ساعتیدی

برادران سید هاشمی، شجاعی فر

بیزه مواظیبیدی مفتخر به خدمتیدی

مظفر، حاج علی عباسی، اصغریوندین

گئجه گونوز ایشی یکسر بیزه محبتیدی

ادب مثالی امین پور بیرده یوسفپور

حاج حیدر آشپز عجب شخص بالیاقتیدی

غذا مرتبیدی شام ناهار و صبحانه

موز، آلمان، پیسی، آناناس، وفور نعمتیدی

پیمبرین حرمی باغ جنتین مثلی

نه بلکه جنت اورا عاشق زیارتیدی

رواق مسجد محراب و صحن و ایوانی

نجه دیوم نه مصفا نه باجلالتیدی

نه وار قلمده او قدرت نه دیلده وصف ائلیه

که اوردا روح فراغته فکر راحتیدی

او مسجدین قاپوسی چوخدی لیک بیر قاپونین

بنام روح الامین جبرئیل شهرتیدی

اجازه سیز او یره داخل اولمازیدی ملک

که جایگاه رسول و امام امتیدی

بئله خیال ائدیرم فاطمه دوشن یر اولا

گلوب گئدن چوخودی ازدحام و کثرتیدی

مگر علینی چکور مسجده ستمله عدو

سالوبلا بوینونا اوز شالین اوزگه حالتیدی

او یرده فاطمه نین پرپر اولدی غنچه گلی

او آستانه مگر موضع جنایتیدی

او آستانه ده جرأت هارا یتوب دئرم

فقط بو بیت حسینی لره کفایتیدی

قاپونی یانديران اوچ یوز نفر جماعتیدی

قاپی دالیندا دوران حامله بیر عورتیدی

یخیلیدی فاطمه بیرده دورانمادی ایاقا

سینوب قابورقالاری سینه سی جراحتیدی

گلوب قاچا قاچا زینب آتاسی محضرینه

نه اگلشوبسن آتا صحنیده قیامتیدی

اماندی دور بابا امداده گل نه نه م ئولدی

جوان آنام نچه لحظه قاباق سلامتیدی

بابا نه نه م یخیلوب صحن خانه ده تئز گل
 آنام مریضیدی بیکسیدی بی طبابتیدی
 علی ایاقه دوروب چیخدی صحنه سرعتله
 که قصدی بیر آناسیز عورته حمایتیدی
 دوتوب او شخصی یره ووردی سسلدی ظالم
 قولومی باغلیان افسوس بیر وصیتیدی
 قولوم اولیدی آچیق اوندا ثابت ایلردیم
 که سنده بو نه تمرد بو نه جسارتیدی
 او شخص بولدی علی ذوالفقار چکمیہ جاق
 روا گوروب او جنابه او که خیانتیدی
 باشی آچیق قولی باغلی عباسی بوینوندا
 چکوبله مسجده جبراً عجب حقارتیدی
 بو طبع شعر و بو نطق و بیان بو داد سخن
 فقط کریمه حقدن خدا کرامتیدی



زیارت شهدای احد و مساجد سبعة

حمد لله وفور نعمتدن	بهره مند اولموشوخ زیارتدن
روز شنبه صفا یتوب طبعه	عازم اولدوخ مساجد سبعة
مسجد بوذر و بلال حبش	دامن کوه باصفا دلکش
بیز میننده ماشین خراب اولدی	ایستی دوشدی اورک کباب اولدی
نایل اولدوخ سعادت عزتینه	شهدای احد زیارتینه
حنظله حمزه سیدالشهدا	روحیمیز بیر بئله شهیده فدا
جان زهرا عموی پیغمبر	عشق بوطالب عزت جعفر
بولمورم نیلدی او کینه نهاد	لَعِنَ اللّٰهَ لَاکِلِ الْاَکْبَادِ
گلستان اُحد نوا یریدی	ایمیدیده شیون و عزا یریدی
شهدا قبری گون قباقینده	نده زواری وار سراقینده
مسجد فتح و مسجد زهرا	مسجد مرتضا علی مولا
مسجد کوچک عمر عثمان	بیرده بوبکر و مسجد سلمان
بیر اذان وئردی داغدا عباسی	سیلینوبدی اورکلرین پاسی
بیر اذاندا وئروبدی حاجی مجید	اجری منظور اولا ثوابی مزید
اولین بار داغلار اولدی گواه	شَهِدَ اللّٰهَ عَلٰی وَلِیِّ اللّٰهَ
نوحه باشلانندی آغلادوخ دویدوخ	مسجد قبلتینه یوز قویدوخ
مسجد قبلتین بهشت برین	جلب اندیر اهل صنعتین نظرین
قبله اولده بیت اقدسیدی	بو تفاخر یهودیچون بسیدی

بَدِوِ اسلامِ مسلميله يهود	هامی بیر قبله ائدردی سجود
اهل تورات جرأت ایلدیلر	مصطفایه شماتت ایلدیلر
یوخدی اسلامه قبله دیگر	بیزه تابعدی مسلمین یکسر
بو سؤز آلدی قرار طاهادن	باغری قان اولدی طعن اعدادن
تئز خدا جبرئیلی گوندردی	قبله نی سمت کعبه دوندردی
خالق کارساز و بنده نواز	اوز حبیبین شماتته قویماز
اوردا یوز دوندروب بسوی خدا	نچه رکعت نماز ائتدوخ ادا
بو حدیثی دیوب شه مدنی	أُحْدی ایسترم أُحْدده منی
یوز قویوب جایگاه اصحابه	غزوه خندقله احزابه
جنگ احزاب و غزوه خندق	اوردا محسوس و زنده دور الحق
یتوروب بخت مدّعایه بیزی	چکدیلر مسجد قبایه بیزی
نجه مسجد نجه عمارتی وار	هامی مسجدلره مزیتتی وار
بورا بیر کندیمیش بنام قبا	اوردا مهمان اولوب رسول خدا
ایلیوبلر او مسجدی تأمین	اوزوده ایشلیوب رسول امین
قوم باطل رقابت ایلدیلر	آیری مسجد عمارت ایلدیلر
دعوت اولدی رسول رحمتدن	اوردا قیلسون نماز عطوفتدن
جبرئیل ائتدی احمدی آگاه	لا تَقُمْ فیه یا رسول الله
ائتمه بیر لحظه ده بو یرده مکان	بورا مسجد دگول دکاندی دکان
نیت فاسد اوستهدی بو بنا	بوردا طاعت غمل فنادی فنا
بو بنانی یريله یکسان ائت	باخما مسجددی فوری ویران ائت

جمله اعماله شرط نیتدی	نیت الگوی هر عبادتدی
شک و تردید و نیت فاسد	بی‌ثمر دور عبادت حاسد
انتدیلر مسجد ضراری خراب	توطئه‌گر لر اولدی نقشه برآب
الغرض روضه پیمبرده	بیر صفا وار که یوخدی هئچ یرده
غمی، آلامی گوزدن آتمیشیدوخ	روز و شب سود گولونده یاتمیشیدوخ
هی دؤشردوخ نمازه شام و سحر	که نمازداندی افتخار بشر
من صراط علینی بوشلامارام	من علی‌سبز نمازی خوشلامارام
طاعتین حجّتی ولایتدی	منه حبّ علی کفایتدی
حق یانیندا وقاری وار آقامین	عالمه افتخاری وار آقامین

حاش لله دییم خدای علی

یا خدادن دئسم جدای علی

خسروان سریر و تاجه دیون	صاحب تاج انمادی علی
معنی هل آتی علی الانسان	شرح تفسیر قل کفادی علی
بو فضیلت فقط اونا بسدی	همسر خیره‌النّسادی علی
شاهد اول سنده یا رسول‌الله	ایکی دنیا منه آقادی علی
دین اسلامی ایلین احیا	حامی شرع مصطفادی علی
یرمی بش ایل ائوینده خانه‌نشین	فرد مظلوم اولیادی علی
خانمین دوگدولر دوروب باخدی	مرتضایه بلی رضادی علی
گلدی الله ائوینده دنیا یه	زاده خانه خدای علی
گینه مسجدده گئتدی دنیادن	مسجد و منبره صفادی علی

اوزوگین بخش ائدن نماز اوسته مستمنده گره‌گشادی علی
 لطف ائدن سائله اوز افطارین بحر جود و کرم سخادی علی
 کاسه شیر و وئردی قاتلینه لاجرم اسخی الاسخیادی علی
 ناامید ایلمز کریمینی شیعه‌نین دردینه دوادی علی

حیف‌دور ناقص اولسا برنامه

گرک اتمام اولا سفرنامه

حمله‌دارین ولی چتیندی ایشی هاشمی واقعاً کیشیدی کیشی
 کاروانین دؤزدی هر نازینا هامونین گوش ائدردی آوازینا



چتین لردن چتین

اون اوچ ایل حجه انتظار اولاسان

یا آلوب وجهیوی کنار اولاسان

یوخودا بسته بسته پول تاپاسان	اویانوب سکتیه دچار اولاسان
ییرمی بش ایل اولوب کرایه نشین	کودن کویه رهسپار اولاسان
قیشدا یولدا وسیله سیز قالاسان	تانکرین اوستونه سوار اولاسان
یا ائله بیر ایش انتخاب ائده سن	گئجه خسته گونوز خمار اولاسان
قیز وئرن اولمیا سوبای قالاسان	حسرت چهره نگار اولاسان
خال و ابروین عکسینی اوپه سن	عاشق زلف مشکبار اولاسان
ناگهان سوغاتون ماشیندا گئده	هم خجل همده شرمسار اولاسان
دوشه سن یولدا چله ده کولگه	دوناسان یخزده خیار اولاسان
تومنی اوچ قرانلا وام گوتوروب	مرد نامرده قرضدار اولاسان
حق جاری رعایت ایلمین	نانجیبیله همجوار اولاسان
ایستی چولده سوسوزلقا دوشه سن	تشنه آب خوشگوار اولاسان
قطع اولاسو صابین دولا گوزیوه	باخوب افشانه اشکبار اولاسان
بو چتینلیقلاری که من سایدیم	اوندان آساندی که حمله دار اولاسان



صفا و صمیمیت

هتل	باصفای	حیّ البحر	بیزه اولموشدی جای خنده و قهر
سوغات اوسته آقا خانم ساواشیر			بیربره شوخلوق ایلوری ساتاشیر
رفقا هر فرتقادان چیخدی			دورد نفر اوردا بیربرین قیخدی
تئز شهیدی آلوب اله ماشینی			حاجی یعقوبین اوتلادی باشینی
ماشینون اوّلیدی اوستا ناشی			حاجی یعقوبین الده قالدی باشی
هی دیردی بسیمدی قیخما یاواش			هی آخاردی ایکی گوزوندن یاش
بسدی آز باشیمی سیخوب ال له			باشیمی اُتدون ایلدون کله
صیدی حاجی صفر ظرافتله			بیربرین قیخدیلا ر صداقتله
قورتولونجا اوتوز یول آسقیردی			بینوا یعقوبین ایپین قیردی
جعفرینی شهیدی ائتدی شهید			قیرخیلینجا عذابین ائتدی شدید
یتیشوب پنجنسبه روز فراق			او مکاندان چتیندی آیریلماق
تا گونارتا ایکیندینی قیلدوخ			گوزی یاشلی حرمدن آیریلدوخ
آیریلاندا حرمدن اجباری			زمزمه ایلدیم بو اشعاری



وداع از حرم مطهر رسول اکرم (ص)

جانلار سنه قربان اولایا رسول الله

زوار یوی دور سال یولایا رسول الله

اهل سخاوت سائلی بوش یولا سالماز

سن باسغا بیز مبتلا یا رسول الله

ای اوز عباسین سائله لطف ائدن مولا

ای ملجأ اهل ولا یا رسول الله

شاها سنی وئروخ قسم خیر نسوانه

بیزدن خطا سندن عطا یا رسول الله

گل ناامید ائتمه بیزی باب رحمتدن

قوما قاپوندان برملا یا رسول الله

مولا سنی وئروخ قسم شاه عطشانه

لطف ائت بیزه بیر کربلا یا رسول الله

ششگوشه قبرین حسرتی قالدی دللرده

قان آغلاروخ صبح و مسا یا رسول الله

اوغلون حسین بیزدن کوسوب ایلمور دعوت

اول واسطه ای باوفا یا رسول الله

میقات مسجد شجره

ساعت پنج ظهر یوم خمیس

هامی دیلرده تلبیه تقدیس

نیت قربتی آلوب نظره اولدوخ اعزام مسجد شجره

سیزه الله نصیب ائده کرات گوندر آل محمد صلوات

ترک ایلدوخ مدینه‌نی شور و نوائیله

چیخدوخ او شهردن صلوات و ثنائیله

سالدیم خیاله شاه شهیدین او وقتینی

چیخدی مدینه‌دن هوس کربلائیله

سسلندی ای مدینه منی ساخلیانمادون

ساغ قال همیشه بو گوزل آب و هوائیله

من کربلا دیوب گئدیرم چون بلا گونی

مانوسم آه و دادیله درد و بلائیله

ای باصفا مدینه منی قویمادی فلک

تا معتکف اولام حرم مصطفائیله

قال جان سنوندی جان نه‌نمین قبری ای بقیع

فخر ائت بهشته تربت خیرالتسائیل

سازش منیله ایلمدی مکه و منا

چوخ خوشدی کربلا منه یتمیش فدائیل

مشهور اولوب کرمدی آتام مرتضا علی

حال رکوعده بیر اوزوک وئردی سائل

قوی بارماقیدا گئتسون اوزوک اشتیاقینه

بجدل سُوینسین عشق نگین بهائیله

نه مگّه نه مدینه منه صاحب اولمادی

همسایه ام سلیقه ده مرغ قطائیله

احرام ایچینده چوخ حاجی شم شیر باغلیوب

عصرین امامین ئولدوره فکر خطائیله

بیر نکته سهو محرمی مجرم ائدر بلی

دوتماز بو امر کینه و کید و ریائیله

دنای پنج روزده بیر قصر زرنگار

هئچ فرقی یوخدی عاشقه مطبخ سرائیله

یاتسون یزید عزّیله تخت نازده

من کوللر اوسته راحتم عشق وفائیله

اکسیر احمر ائتماقا قانیمله توپراقی

تصمیم دوتموشام نظر کیمیائیله

بیر عمر شیعه توپراقیما افتخار ائدر

ائتمز عوض او تربتی سیم و طلائیله

قیلسون نماز او تربت پاکه حسینچیلر

آلسون دوا مرضلره خاک شفائیله

هر یاره بیر مدال شفاعتدی سینه مه

یار ایستیوبدی یارینی دوردمین یارائیله

عشق نگاریله دولوب آماس ائدوب اورک

لازمی نیستارلنه تیر جفائیله

بیر قوچ فدا وئروبدی مباحات ائدر خلیل
 مشهور ائدوب منانی همان بیر فدائیله
 یتیمیش ایکی فدائیله شرمنده دور حسین
 من کربلائیم نه ایشیم وار منائیله
 عباس تک قوچوم علی اصغر کیمی قوزوم
 آهو تک اکبریم خط و خال و ختائیله
 هاجر دؤزنمدی گوره عطشان بالاسینی
 اصغر آناسی اُنسیدی بو ماجرائیله
 قنداق ایچینده سودامری ال ایاق چالا
 آغلار او نیسگیله آتاسی هایهائیله
 اوخلانماسا بالام قوجاقیمدا نه عشقیدی
 قولین ثباتی فعلیدی یا ادعائیله
 قبریمده سینهم اوسته یاتار نازلی اصغیریم
 هر لحظه نازینی چکرم لایلائیله
 بیر اکبریله قبریمی ششگوشه ایلرم
 تاریخ فخر ائدر او مقدس بنائیله
 شیعه نقدری زنده دی واکربلا دیر
 زنجیر آتالا سینه وورالار قرائیله
 جان اوسته منده سالام عزاداری یادیمه
 مابین شیعه واسطه اولام خدائیله
 نی تک نوایه گلّم الهی کریمی یم
 دائم سزیدارام هوس نینوائیله

احرام باغلورام حجّ عمره دن خاطره
حجة الاسلام دا واجب قربتاً الى الله

مبدّل اولدی شب انتظاریمیز سحره
او دم که مسکنیمیز اولدی مسجد شجره
او مسجد آدینا لایق گوزل مشجّریدی
صفائیه دولی میقات حج اصغریدی
همان محلّیدی میقات حجّ اسلامی
نظافتی نچه یوز مستراح و حمامی
او مسجدین اگر اگلشمه سن رواقینده
تاپانماسان او صفانی بهشت باغینده
او یرده غسل ائلیوب حاجی باغلوری احرام
عروج ائدیر گویه لّیکلر صداسی مدام
نماز شامی قیلوب اوردا باغلادوخ احرام
الهی قسمت ائله خویش و اقربایه تمام
عدس پلو شاما موز پیسی پرتقالیه
ماشیندا صرف ائلدوخ رغبت کمالیه
سویوق سویوق یل آسوب تتره دوخ مگر قاردی
ایتان دئسم که بیزی ساختا ووردی دونداردی

چکوبدی بعضی باشا حوله بعضیسی پتوسین

یوخیدی چارهسی قویموردی یل یاتوب اوتوسین

دئدیم که بؤینوزا قربان گلور دئدی کسروخ

علاج یوخ گوروسن ساختادان دونوب آسروخ

علی الصّباح یتیشدوخ دیار قرآنه

که یعنی مکّیه بیت خدای منّانه

نه بیت دفتر تاریخ یادبود خلیل

نه بیت معبد هاجر مقام اسماعیل

نه بیت بیت نبی زادگاه عین الله

نه بیت آینه جلوه جمال الله

نه بیت اولسا بصیرتله گر بیر ناظر

گورر که صاحب بیت اوردا اگلشوب حاضر

نجه اولار که قوناق بیر ائوه اولاد دعوت

گزوب تاپانمیا ائو صاحبین ائده رجعت

نه بیت اوردا حسین اکبریه شوط ائلیوب

حسین ئولندن عزادار اولوبدی قاره گیوب

امام عصر گلنده که عزم جنگ ایلر

او قاره اُرتوگی البتّه سبز رنگ ایلر

نه بیت ترک و عجمله عرب سیاه و سفید

نه بیت پیر و جوان سرخ و زرده باب امید

باخان زمان او گوزل بیته گوزلریم دولدی
 تمام خویش و تباریم باشیمدا جمع اولدی
 مجسم اولدی گوزومده او وقت کیم رفقا
 مراغهده یغیشوب ایلور التماس دعا
 خدا بیلور سیزی آنی نظردن آتامیشام
 یادیمدان هئچ بیروزی هئچ زمان چیخاتمامیشام
 دولاندوخ عزتیه کعبه نی به نیت صاف
 مقامده ایکی رکعت ادا نماز طواف
 صفا و مرووده سعی ایلدوخ صفائیه
 ائدردوخ هروله اخلاصیه دعائیه
 صفاده کثرتیدی تا شروع اولوندی نماز
 کسیلدی یول هامی صف باغلادی به راز و نیاز
 تاپانمادیم نمازا یر نه گئچماقا معبر
 داغا دایاندیم ائدردیم او ازدحامه نظر
 صفاده یاندیم عطشدن یتیشدی ایش سخته
 اینان اولوب دیلیم آغزیمدا بیر تکه تخته
 ائله داش اوسته دوشندیم او ضعف حالتیلن
 دیلیم دولانموری قلبیم یانور حرارتیلن
 کنارده نچه یوز پنکه مسکنیم سایه
 اورک دولوبدی پوزولدوم بیر اوزگه معنایه

دئدیم خدا نه چکوبدی او گون خانم هاجر
 سوسوز بالا قوجاقیندا سوسوز دوداقین آمر
 یارالی قوش کیمی قونمیش بوداقیدن بوداقا
 سو آختاریردی قاچوردی بو داغیدن او داغا
 کباب اولوردی عطشدن او بانوی اعظم
 بالاسینون ایاقی آتدا جوش اندوب زمزم
 سوویندی هاجر ایچوب سو دویونجا اسماعیل
 او خاطره قالاجاق تا به صور اسرافیل
 بلی سوسوزلقا دؤزماق چتیندی دنیاده
 علی‌الخصوص سوسوزلیق کنار دریاده
 رباب اصغری قویمش قباکه وای دیوری
 گورور بالاسی پریشانندی لای‌لای دیوری
 سولان شرار عطشدن جمالی وای بالاوای
 یانیقلی سینه‌مون احمر مدالی وای بالاوای
 یارالی قلبیمی یانديرما یات بالام لای‌لای
 باشوندان آغلاما سو فکرین آت بالام لای‌لای
 نماز قوتولدی دوروب قاچدیم اشتیاقيله
 اوزومی زمزمه سالدیم سوسوز دوداقيله
 اولار که ائتمیشیدی مندن التماس دعا
 گلوب گئچوب نظریمدن چو پرده سینما

منیم بو خاصیتیم وار نه صاق نه صول گئدهرم

خدایه شکر حلیم هامیلا یول گئدهرم

کومکله شوبله تقی پور و حاجی ناصردوست

که همجواری ایشان برای من نیکوست

که قویمیوبلا وورام آغ قرایه من الیمی

گوله گوله منیم اصلاح ائدوبله سقلیمی

بلی مناسب اخلاق آداملا یولداشلیق

وجودی یورمیا جاق گیرم اولسا یول داشلیق

خدانکرده چیخا یولدا شانسا پیس یولداش

سفر سقر اولاجاقدور صفالی دوز یول داش

مشقت سفری رفع ائدر رفیق شفیق

حدیث معتبر اول رفیق ثم طریق

صفا و مرووده جمعیت هزار هزار

شعارلر وَ قِنَا رَبَّنَا عَذَابِ النَّارِ

صفا و مروهنی قورتاردوخ ایلدوخ تقصیر

صفادن آینه تک دل گوتوردی مین تصویر

رجوع ائدوب هتله زار و خسته یورقون آج

مقریدی بیزه تنعیمده فندق الابراج

غذا منظمیدی کادر چوخ مرتبیدی

خدمه لر هاموسی واقعاً مؤدبیدی

خصوص حاج علی عباسی مرد فرزانه
 دولاندی باشیمه من شمعیدیم او پروانه
 ایکیمجی گونده خانملار روان اولوب عمله
 خدایه شکر اولا اعمال عمره گلدی اله
 گنجه چیخوب دوشه دوخ مسجد حرام اوسته
 نماز هر فامیله دوستانه بام اوسته
 تمام مدت عمریمده اولین شیدی
 قباقدای بیت بیزه قبله مقربیدی
 اوچومجی گون رفقا چیخدی سیر بازاره
 یتیشدی نوبه فروشندهیه خریداره
 دولویدی جنسیله سوق کبیر بوسفیان
 خریده باشلادی پیر و جوان گران ارزان
 دئدیم که بُرد یمانی آلوم نچه طاقه
 ئولوم لباسی ضروریدی لاغره چاقه
 کفن ساتان شوخودی بیر جوان خوشگلیدی
 گلنه بیر سؤز آتوردی گولن شیرین دیلیدی
 سوروشدی یای کفنی ایستوسن یا قیش کفنی
 گیجهیسوز ایکیویز یا تکوز بو پیرهنی
 دئدیم بو پالتارین اوغلان دویونجا آخ وایی وار
 بونون نه یاز پاییزی نه قیشی نهده یایی وار

بو کونینگین سرینی ایستیسی قالب عمله
 گئجه‌سی گوندوزی هر فصلی بسته‌دی اجه
 اگر عمل گوزل اولسا حریر و دیبادی
 سریندی گیمه‌لیدی محترمدی زیبادی
 بونی گر ایسلاداسان اللی دفعه زمزمدن
 عمل بد اولسا بو بیر طاقه‌دی جهنمدن
 عمل گوزلدی ولی علمیه منظم اول
 علی‌الخصوص عمل علم ادبله باهم اول
 بدون علم ادب هیچ عمل ثمر وئرمز
 عملسیز علمده بنزر چناره بر وئرمز
 الهی لطف ائله علم و عملده کامل اولاخ
 علوم دینه رسوم معاشه عامل اولاخ
 گر ایسته‌سن یازالار باشدا آدیوی حاجی
 قمار عشقده سال پیچ و تابه لیلاجی
 غریق نعمت پروردگار حاکم‌سن
 اوزیوی ساخلا خیال ائت همیشه محرم‌سن
 گرک ائله دولاسان شور عشق سرمدیه
 که بیت اوزی دیه احسن سنه خوش‌آمدیه
 طواف ائدنده گرک قلبون عشق اودوندا یانا
 طوافین عوضی کعبه باشیوه دولانا

شعب ابی طالب

سه شنبه چارم ذیحجه پنج نصف نهار

گروه، شعب ابوطالبه اولوب زوار

او شعب که اوچ ایل اوردا قالبوب رسول خدا

سالوب محاصره اقتصادی اعدا

نقدری زحمته صبر ایلیوب ابوطالب

او وقته تک که اولوب نور ظلمته غالب

قریش او یرده بنی هاشمی سالوب تبعه

ایشیقلی گونلری تبدیل اولوب سیاه شبه

او وقت اولوب که آجیندان خدیجه ناچار

سو مشکینی قورودوب دوگدی ایلدی افطار

همان او شعبده صوددن آچوبلا زهرانی

خدیجه صوددن آیوردی او فخر نسوانی

او یرده دفن اولوب عبدالمطلب عبد مناف

خدیجه قبری اولوب اوردا قدسیانه مطاف

همان خدیجه که دنیاچه احترام آپاروب

که جبرئیل خدادن اونا سلام آپاروب

او یرده حضرت یاسین سلم اولوب صبره

بالاسی قاسمی حسرتله تاپشیروب قبره

خلاصه شعب ابوطالب آه و وا یریدی

نوائله دولیدی نی کیمی نوا یریدی

ازل او قبرلرین اوسته سایبان واریمیش

ضریح و گنبد و گلدسته دن نشان واریمیش

خراب ائدوبدیلہ وهایلر عداوتله

قالوبلا گون قباقیندا ائله حقارتله

وهایلردی بولور شیعه نین هدر قانین

کسیدی نسلینی الله بو قوم ترسانین

او کس که اهل عزای حسینه بدییندی

او چشمه دن سو ایچوب ناصیدی بی دیندی

رضا دگولله حسین آدینا علم اوجالا

خدا بو فرقه نی پیس درده مین بلایه سال

بو پرچم ایل به ایل ایران فزاسینه اسه جاق

منافقین و وهایتین کوکون کسه جاق

ولی قویاخ هامی اجر و صوابی بیر طرفه

باخاندا بیته اورک شاد اولور گلور شغه

حاجی که اگلشور ال سینه سینده بیته باخور

اورک تلاطم ائدیر اشک شوق گوزدن آخور

مقام ذکر و دعا اعتکافدور کعبه

که انس و جنّه همیشه مطافدور کعبه

لباس و صورت و سیرت تمامی رنگارنگ

زباندا مختلف اما عملده هم آهنگ

مطاف کعبه‌دی ام‌القرا امین‌الله

قویوبلا آد حجرالاسوده یمین‌الله

گلن زیارتینه خانه خدانی گورر

بصیرتیه باخان ذات کبریانی گورر

بهشتدن دییه بوللم صفالیدور کعبه

قوناقی بوش یولا سالماز وفالیدور کعبه

نجه اولار که قوناقلار خدانی گورمیه‌لر

اوزاق یولی گله‌لر میزبانی گورمیه‌لر

قوناقلارین هاموسیندان خدا سلام آلاجا

نوازشیله هدیه وئروب یولا سالاجاق

گورن گوز آختاریرام جلوۂ جمالی گوره

باخاندا هر طرفه وجه ذوالجلالی گوره

وفات حضرت باقرده مجلس اولدی بیا

توسل ایلدوخ آغلاشدی جمله رفقا

نقدری عمر ائلیم مدّت حیاتیمده

همان دقیقه‌لر احیادی خاطراتیمده

کنار بیت و حرم روبروی مرو و صفا

یغیشدی باشیمه بیر پنجشنبه اهل وفا

ابو قیس داغینون دامنی دعای کمیل
 اِلهی اِرحَم عَلَینَا به حَقِّ هَذَا اللَّیْلِ
 ائله زمینه فراهمدی سینه داغلاماقا
 بیر عدّه اهل دلیله حسینّه آغلاماقا
 هزار حیف دوتوب دهری قیل و قال اهلی
 حساب ائدنده صدی یکدن آزدی حال اهلی
 کریمی حضرت حقّدن نه پول نه مال ایستر
 فقط صفالی اورک عارفانه حال ایستر
 خوشا او حاجیلارین حالینه لیاقتله
 دورا مقابل بیت خداده حسرتله
 گوزینده یاش الینی قُوزیا مناجاته
 گئده حضور خداونده عرض حاجاته



مناجات با قاضی الحاجات

بارالها بیتیوه زار و پریشان گل میشوخ

اؤ سنون دعوت سنوندی بیزده مهمان گل میشوخ

ای خدای کعبه و رُکن و مقام و مستجار

روسیاهوخ بی پناهوخ دستخالی شرمسار

سنله تجدید ائتماقا عهد الستی آشکار

دیده گریان ناتوان العفو گویان گل میشوخ

پیر و بُرنا آچمیشوخ درگاهوه دست نیاز

رحمةً لِلْعَالَمِينَ سن بندهوی ائت سرفراز

ناامید ائتمه قاپوندان ای کریم کارساز

دلده امید عطا و بذل و احسان گل میشوخ

آتماقا شیطان ملعونه عداوت داشینی

کسماقا قربان کیمی مذبحده نفسین باشینی

آلماقا سعی صفادن مغفرت پاداشینی

باغلیاخ بیرده سنيله عهد و پیمان گل میشوخ

ای شهیدان احد بیزدن سیزه اولسون سلام

مرحبا الله یولوندا ایلدوز جنگه قیام

رهبر اسلامه جان وئردوز فدا تاپدوز مقام

تربتوزدن آلماقا بیز فیض شایان گل میشوخ

اولدون ای کعبه ازل گوندن حوادث صحنه‌سی
 سنده قالمیش هاجرین اسماعیله لای لای سسی
 هم اوزی آغلار سوسوزدان همده نور دیده‌سی

اولماقا سیراب زمزمدن لب عطشان گل‌میشوخ

ای منا سنده اوز اوغلون یخدی ابراهیم یره
 ایستدی اوز مهجه‌سین معبودینه قربان وئره
 سنده بیر آثار جاویدان اولوب بو خاطره

کسماقا بیزده هوای نفسی قربان گل‌میشوخ

حاجیلار هر ایل کسلر سنده قربان ای منا
 وار نه سَرّی سندن عزّتده قاباقدور کربلا
 اوردا بیر عاشق وئروب معشوقه یتیمیش بیر فدا

عشقی‌نه واله‌دی عالم بیزده حیران گل‌میشوخ

ای دیار مکه ای دارالامان مسلمین
 امن جانی گورمدی سنده علی‌اوغلی حسین
 باغلامیشدی بعضیلر احرام ایچینده تیغ کین

بیریره سویلردی بوردا توکماقا قان گل‌میشوخ

حسرتا پیغمبر اوغلی قویدی حجّین ناتمام
 کربلانی کعبه ترجیح وئردی والسّلام
 نینواده یوز دوتوب انصارینه وئردی پیام

بیز بو صحرايه فدای دین و قرآن گل‌میشوخ

ای منیم یاورلریم سیز افتخار بوالبشر
 نه سیزون مثلوز گلوب دنیاہ نہ بیرده گلر
 نصرت قرآن و دینہ باغلیون محکم کمر

قویماقا آل یزیدی خانہ ویران گل میشوخ

بیز بو نهضتده شکست اولساخ دگول جای اسف
 چهره اسلامه وئروخ قانله رنگ شعف
 جان به کف دعوا ائدون باشه قویون تاج شرف

قوخمیون بیز مرز اسلامه نگهبان گل میشوخ

بولموشم واجب یزیدین محو ائدم بدعتلرین
 تختینی تابوت ائدم خونخوار اولان دولترلرین
 قدرتی اسلامه چاتماز هیچ ابرقدرتلرین

ارتش کفری یخا نیروی ایمان گل میشوخ

اولمادی ممکن ائدم بیت خداده اعتکاف
 کعبه عشقی یارالی جانیله قیلام طواف
 مسلمینه کربلا دشتی گرک اولسون مطاف

آرتیراخ کرب و بلاہ عزت و شأن گل میشوخ

قاندان احرام اُرتوب آلام قانیمیلہ دستماز
 قتلگاه عشقه سالام لخته قاندان جانماز
 اهل قرآنی ائدر آخر نمازیم سرفراز

وئرماقا حج و جهاده قدر و میزان گل میشوخ

نیلورم مرو و صفانین سعی چاتماز مقتله
 خیمه لردن قتلگاهه زینب ایلر هروله
 تلبیه تکبیرگویان قیزلاریم دوشسون چوله

تشنه لب دریا یانیندا وئرماقا جان گلیمیشوخ

بیر گوزل احرامه بنزر مندرس پیراهنیم
 چیخمارام احرامدن تا گلمسه اهریمینیم
 خوشلارام تقصیریمی باشه وئره بجدل منیم

ائتماقا نقصان حجه بوردا جبران گلیمیشوخ

من کریمی التماسیم وار هامی زوآریدن
 ایلین وقته زیارت خانه داداریدن
 یاده سالسونلار منی بو یازدقیق اشعاریدن

بیزده محتاجوخ بو درباره ثناخوان گلیمیشوخ



عمران و آبادی شهر مکه

عجب آباد عجب زیبایی مکه

سراسر قصریدی ویلادی مکه

عمار تله چکوب باش آسمانه	اروپادن گوزل مأوادی مکه
درین درّه اوجا داغ سیلدیریم داش	طبیعت نقشینه دارادی مکه
گونی بش وقت اذان گلدسته لردن	دوتور شهری بلند آوادی مکه
نچه میلیون حاجی نعمت فراوان	گلور موجه مگر دریادی مکه
گلور هر سمتدن قرآن صداسی	دیار خالق یکتادی مکه
کتاب خاطرات روزگاران	مدال سینّه دنیادی مکه
آلوب آغوشینه بیت خدانی	اودور امّ القرا غرّادی مکه
چیخوب عرشه صدای ربّی آرنی	عمومه قبلّه والادی مکه
گلور زواری هر ایل هر طرفدن	دیرسن وادی سینادی مکه
نه سینا عرش اعظمدن معظّم	که شهر حضرت طاها دی مکه
فضانی دولدوروب ائی انا الله	محلّ معبد موسادی مکه
بو شهره آند ایچور قرآندا یزدان	اوخی لا اُقسمه معنادی مکه
نقدر عمران و آبادی گورورسن	بوتون آبادی دن زیبادی مکه
ملوث سن اگر لوث گناهه	گناهی پاک ائدن دریادی مکه
بتولین هم علینون زادگاهی	مبارک یر گوزل مأوادی مکه
هره بیر نقطه دن بیر مملکتدن	غرض فهرست بیر دنیادی مکه

عرفات

یتیشدی جمعه گونی موقع دعای سمات
 مینوب ماشینلارا اولدوخ مسافر عرفات
 ماشیندا سورۀ یاسینی باشلادیم اوخودوم
 دوباره بیر ائله ساعت اله دوشه هیهات
 غریبه لطف و صفالیدی وادی عرفات
 معاینه گورونوردی علایم عرصات
 گئدیر سیزیلتی سسی خیمه لردن افلاکه
 دوتوبدی دشتی مناجات قاضی الحاجات
 دوشوب خیالیمه دشت بلا خیام حسین
 سزیلداشولاً و ثروب سس سسه بنین و بنات
 دعا، نماز و مناجات، العطش، شیون
 گئدیر سپهره دمامد دقایق و لحظات
 آلوبلا بیر گئجه مهلت سپاه اعدادن
 بقایه دار فناندن گوتورماقا سوغات
 آخار سویون سسی قویمور یاتا سوسوز بالالار
 چکور اگرچه خجالت سسین اوجالدا فرات
 آچوب قماطین علی اصغرین آناسی رباب
 بالانین حالی آنادان آلودی صبر و ثبات

سعودی دولتی سعینده قویمیوب نقصان
 دولان دیروب عرفاتین چولون ائدوب عرفات
 ائدوب مشجر او وسعتلی دشتی سرتاسر
 درخت یاسین ائدوب عطری چوللری جنات
 سالوبدی آی جبل الرحمت اوسته اوز ایشیقین
 دولوبدی نوریله پهنای دشت یوخ ظلمات
 صفائیه هره بیر گوشهده ائدوب خلوت
 صدای ذکر و مناجاتیه دولوب فلوات
 سالدیدی سفره گلوب شام اولوب پذیرائی
 که اکل و شربه مقیددی استدام حیات
 غذای جسمی پلو پرتقالیدی پیسی
 غذای روحی دعا و نمازیدی صلوات
 قارین دولان کیمی گوزلر یومولدی غفلتدن
 یخیلیدی یان یانا چوخلار چو قبرده اموات
 ولی بیر عده صباحه کیمی ائدوب احیا
 نمازیه سپری اولدی صبحه تک ساعات
 سحر دوروب جبل الرحمته صعود ائلدوخ
 اوخوندی اوردا زیارت آچیلدی اشکه قنات
 ولی بو مطلبی لازمدی ایلیم روشن
 تواتره یتوروبلر بونی روات ثقات
 امام عصر اگر هاردا اولسا بی شبهه
 یقین گلر عرفاته او سیدالسادات

اولار که گوزلری روشندی قلبی سالمدی
 امام عصری گوروبلر او دشته کرات
 همیشه اللری قوینوندا ذوالفقاره باخار
 نثار ائدر گوزی دامانه متصل قطرات
 دیرر بابا منی تأخیره سالدی دور زمان
 اولانمادیم سنه ایثاریمی ائدم اثبات
 لَانَدْبَنک فی کُلّ حال یا جدّا
 چیخاتمارام سنی یاددان بابا هامی اوقات
 سعودی دولتی حجاجی ایلوب راحت
 اولوبدی خلقه فراهم مدرن تجهیزات
 سرین سو مفتهدی بوز مفتہ شیر مجانی
 درختکاری و باران صنعتی مرات
 گنجه او وادی ایمنده اولدی بیتوته
 اوخوندی نوحه زیارت توسّل و آیات
 صباح اذان چاغی حجاج یخدی خیمه لری
 وسایلین گوتورن قاچدی کوچ ائدوب نفرات
 حسین آقا جبل رحمتین کنارینده
 دیل آچدی رازونیاژه اورک دولی حسرات
 او حجّ ناقصه وئرم سنی قسم یارب
 بیزیمده حجّیمیزی اهل حقّ حجّینه قات
 اگر کریمیه ائسن کرم کرامتله
 ائدر سنون کرمون سیّئاتینی حسنات

مشعر

عرفاتین وقوفی اولدی تمام
گینه میندوخ ماشینلارا آرام



ایمدی حجاج مشعره گنده جاق	بلکه صحرای محشره گنده جاق
حرکات عملده بیر آنی	بیزی ترک ایلمزدی روحانی
یاراشیقلی عمللی عالمیدی	شخص با اعتقاد و سالمیدی
گورمین کعبه نی سؤزون جانی	درک ائدنمز شئون قرآنی
نقدر کعبه واردی قرآن وار	مکتبه کعبه تک نگهبان وار
نجه مشعر نمونه محشردن	باشلیوب خلق داش یغور یردن
واردی دوتقون هواسی حزن آلود	خفقان آور و ملال اندود
ایستی یلر اسور نه منظره دی	هر طرف داغدی داش درین دره دی
هامی یالقیزدی تک اوزینی گورور	اگیلوب بوردا اوردا داش دوشورور
دولدی ریزه داشیلا همیانلار	میندی سیّاریه مسلمانلار
هامی دیلبرده ربّنا العفّ	حاجیلار یوز قویوب منایه طرف
سرگشاده ماشین هوا ناجور	خسته و کوفته بدن رنجور
شیوه عارفان ریاضتدی	اهل حقّین یولی مشقّتدی
زحماته دایانماسا حاجی	اولا بیلمز نتیجه ده ناجی
بو سفر بنزه مز هامی سفره	یوزه دوخسان قریبدور خطرّه

منا

تا یتیشدوخ منایه آهسته
 نچه مینلر چادردی وصل به هم
 اود یاغوردی هوا چوخ ایستیدی
 بوزلو سو، قارپیز، آخ سرین ایران
 رفقا یوز قویوب بو عنوانه
 بو حدیثی بویوردی پیغمبر
 بونی بیلسون که بوش قیتمیه جاق
 الغرض شیطانین ایپین قیردوخ
 حاجیلار بولسون اصل معنایی
 آتیروخ بیز منیتین داشینی
 آتدوخ عجب و خیانتین داشین
 قالمادی بیزده ذره کبر و ریا
 داخی بیز رشوه و ربا یمه روخ
 حاجی که وارد اولدی احرامه
 پاک اولار چرکیدن کثافتدن
 ایله که خارج اولدی احرامدان
 پاک پاکیزه چیخدی حمّامدان

وارد اولدوخ چادرلارا خسته
 یوزنفر بیر چادردا وار باهم
 در حقیقت منا چوخ ایستیدی
 السّلام علیک یا عطشان
 آتالار داش بزرگ شیطانه
 قالا هر کیم منا داغیندا اگر
 مطلبین آلمینجا گئیمه جاق
 کله سیندنده یدی داش ووردوخ
 یخا بولمز بو داش او شیطانی
 حسد و بخل و غیبتین داشینی
 یاردیق حبّ الرّیاستین باشین
 تهمت و کذب، عیب، رشوه، ربا
 بیر کسه فحش و افترا دئمه روخ
 ایله بول بگدی گلدی حمّامه
 شاد و خندان اولار نظافتدن

قربانی

صورا گئتدوخ سراغ قربانه نفسی عقله یخوب فدا ائلدوخ ایلدوخ نفسی قانینه غلطان دای خلاف ائتمه‌روخ یالان دئمه‌روخ گوردوخ ابراهیمون مقامینی بیز وای منه قول و فعلیم اولسا یالان گئتدیگیم بیته آند ایچیم هر دم بارالها به حق بیت و حرم ناامید ائتمه ملتمس‌لریوی چالما غریبل امتحانه بیزی ذبح اولوندی یتیشدی ایش حلقه قیرخیلوب باشلار اولدی نورافکن چوخ باشا تیغه چوخ دولاشمیشدی قان ائدیر آغ قطیفه‌نی الوان باشیمی یاخشی قیخدی ناصردوست نوبه یتدی کتابچیا بیردن هئچ قوهوم سالمیوب او حاله یادی بیز قوتولدوخ یتیشدی وقت اوزونه	باتدی حوله قطیفه‌لر قانه هوسین باشینی جدا ائلدوخ اولماروخ بیرده تابع شیطان حاجیوق رشوه و ربا یمه‌روخ ساخلاروخ بیتین احترامینی بیز منه آنجاق دئسونله حاجی فلان اولا کعبه الیمده جام قسم بیزی سئچمه قبول ائله درهم یاخشیلاردان آییرما پیس‌لریوی عرفادن چیخاتما یانه بیزی آلوکج الده دوروب هامی حلقه ائتدی باشلار چادرلاری روشن یرمی یردن کسوب یول آچمیشدی کود وراق داش زمی قوجا دهقان نه قاناتدی نه قازدی باشندان پوست قورتارینجا کسوب اوتوز یردن یازیقی فیشقیراق کیمی بویادی قان باشیندان آخوب دولوب گوزونه
--	--

هی کتابچی وئردی اَلگوجه گوج توکی کسمیر اَتی کسیر اَلگوج
 قیدی آتدوخ حیانی بوش دوتدوخ یریویز بوش قنودا دوش دوتدوخ
 یتدی پایانه رمی جمره تمام قورتولوبدی مناده کی احکام

مسجد خیف منا

در منا هست یک مقام شریف بارگاهی به نام مسجد خیف
 یدی یوز انبیا به سوز و گداز او مکاندا قیلوبلا جمله نماز
 اولارین آخری رسول خدا خاتم الانبیا ابوالزہرا
 نجه عالی بنا مقام منیع نجه گلدستہ لر بلند رفیع
 سنی قارداشلار اشتباه ائلیوب مسجد خیفی خوابگاه ائلیوب
 مسجدین عرض و طولی چوخ چوخیدی ایکی رکعت نمازه یر یوخودی
 خیفده یوخلاماق عبادتدی قبری اُپماق حرام و بدعتدی
 ایکی یوز مین نفر یاتوب یخیلوب بیریرینون قوجاقینه سیخیلوب
 ایکی ساعت گوزل رکوع و سجود حیف پوک گردکاندی وئرمز سود
 بیر نمازه ایکی اذانلاری وار دستمازه دواملی جانلاری وار
 ایکی رکعت نماز ادا ائلدوخ او مقدس یری وداع ائلدوخ
 ای مقدس مکان خداحافظ کوچ ائدیر کاروان خداحافظ
 گئچدی ساعت یتیشدی نصفنهار بیز منادن گرک کؤچاق ناچار
 قافله گئتدی خیمہ لر یاتدی هجر یاران منانی آغلاتدی
 بیرده گورمز منا بو اجلالی قالاجاق بیر ایله کیمی خالی

نه عمارت نه بیر بنا قالاجاق
 چوخ مبارک بو حجّ حجاجه
 نهار اولدی تو یوق پلو گلدی
 وانا گیردوخ نظاقت ایلماقا
 در حقیقت نظافت ایراندا
 چون اولار منکر ولایتدی
 گنجّه بیتّه طرف روان اولدوخ
 قوجانی ناتوانی اجرتیله
 بارالها به حق بیت و حرم
 هامیا قسمت ائت جوانلیقدا
 بیرری که ایلدی بشیکده طواف
 او زیارت اونا نه داد وئره جک
 تا جوانسان بدنّه طاقت وار
 دئمه شاعر بو نکته نی دئمه دی
 قوجالیق قوشلارین یاتان چاغیدی
 نه عناصرده اختیار قالار
 اشتها کُند اولار اراده ضعیف
 نه دیوب گولماقا قالار هوسی

دردیوه ائت دوا جوانلیقدا

التماس دعا جوانلیقدا

مکّہ بلد امین و امّ القرائی

الغرض شهر مکّہ نی گزدوخ
 چوخ مجلّدی سوق بوسفیان
 شرط تکمیل حجّدور سوغات
 یار و اقوام گوز تیکوبله سنه
 هرکسه بیر تبرکی کموبیش
 گونی گوندن فزوندی تشریفات
 بیر کادویلان گلن گلور گوروشه
 آز اولاندا دیور من ایستمرم
 ایسته سن واقعاً کئفون ساز اولا
 ساح باشا ساقزی قری یاخما
 گلدوخ اوتدوخ ماشیندا ایستیدی
 یول ترافیک شلوغ و کثرتیدی
 بیر حاجی ایستیدن یازیق پیشدی
 مکّہ بیر شهریدور اروپائی
 باش چکوب عرشه آتشین داغلار
 گون وروب داغلیوب داغین کوره گین
 دورد طرف کوهساردور مکّہ
 سویمه سیدی اگر بو شهری خدا
 سوغات آلدوخ ریال لاری آزدوخ
 اوردا اجناس نسبتاً ارزان
 اولماسا تلخ اولار سنه اوقات
 دستخالی گئدنه سن وطنه
 برگ سبزیست تحفه درویش
 آرتیروب مشکلاتی تشکیلات
 انتظاری عوضده اوندی بشه
 بئله بیر شخصه من حاجی دئمرم
 چاره یوخ سوغاتون گرک آز اولا
 هرکس هرنه دیور دئسین باخما
 الده سورسات بدنده خستهیدی
 گوز نقدر ایشلوری جماعتیدی
 قاپینی قویدی شیشه دن دوشدی
 ساختمانلار به طرح ویلائی
 سهمیلن توستولی خشین داغلار
 پیشیروبدی کباب ائدوب اوره گین
 خلقته شاهکار دور مکّہ
 اوز ائوین بوردا ایلمزدی بنا

هر نه الله سویوب بیزه خوشدی	سویوقی ایستیسی بیزه نوشدی
کوی عشق نگار ما اینجاست	بیت پروردگار ما اینجاست
سند خلت خلیل اینجاست	هاجر و حجر اسمعیل اینجاست
صوفیان مروه و صفا اینجاست	عارفان زمزم وفا اینجاست
صبح جمعه دوروب سعادتلن	فکر عمره یله قصد قربتلن
قصد میقات فیض و تکریمه	عازم اولدوخ مقام تنعیمه
باصفا یردی مسجد تنعیم	صحنی عرفاتی باغ و قصر نعیم
مُحَرِّم اولدوخ دئدوخ خدا لیک	و لَکَ الملک ربّنا لییک
بیر جهندن فقط ایشیم یاشیدی	همرهم نه اوغول نه قارداشیدی
الله آغزون نوغولسیز ایلمه سین	هئچ وجودی اوغولسیز ایلمه سین
سُفَرَن افطاردا قالماسین آش سیز	اولماسین هئچ غریب قارداش سیز
فخر دنیا اوغولدی قارداشدی	بو ایکی نعمت هر نه دن باشدی
اسدالله چکدی زحمتیمی	اوزونه فرض بولدی خدمتیمی
حیف اولاقورتولوردی فرصتیمیز	سرعتیله گئچوردی ساعتیمیز
بیرده هیهات بخت ائده یاری	بیز اولاخ بیرده کعبه زواری
دئدی روحانی گروه منه	نچه مینجی سفردی حجّ سنه
دئدیم اول سفردی بسم الله	و عَلَى مِلَّةِ رَسُولِ الله
دئدی یاللعجب و ثُمَّ العجب	نه ایمیش بس بو اضطباره سبب
سن که شاعرسن ثلترین دیلیسن	ملّتین دردینی دییه بولیسن
قدریوی ثل بولیدی گر حدجه	ایل به ایل گوندرردیلر حجّه

یا هوشون کمدی دستلاتسیزسان	یادا یوردوندا قول قاناتسیزسان
دئدیم ای شیخ فاضل و عالم	بندگی ننگ زندگی سالم
تا به حال هئچ کسه اگیلمه‌میشم	بیرینون باشماقینی سیله‌میشم
چوخ اولار چوخ آز اولسا آز بیرم	دردیم اولسا تک الله دیرم
گر باشارسیدیم عجز و مدح و ثنا	بنده‌یم مخلصم جُعِلت فدا
ایمدی باشماقلاریم قیزیلدانییدی	ثروتیم نعمتیم فراوانیدی
الغرض عمر وصل قورتولوری	سفرین مدّتی تمام اولوری
اولدی حسرتله گوزیاشیم جاری	بیته باخدیم دئدیم بو اشعاری

سینه‌زنی وداع

ای کعبه ای کهف امان بیز خداحافظ بیز خداحافظ

قال تا قیامت جاودان بیز خداحافظ بیز خداحافظ

ای کعبه سن سرچشمه لطف خالق سن

عاشق‌له اسطوره عشق صادق سن

بیزده لیاقت یوخسادا سن که لایق سن

بیز میهمان، سن میزبان بیز خداحافظ

ای زمزم و مرو و صفا حجر اسماعیل

الحمد لله اولموشوخ فیضیه نایل

سیزدن توجه تا اولاخ لطفوزه شامل

احسان ائدون بیر ارمغان بیز خداحافظ

ای زادگاه مرتضا خانه یزدان
ایسته گلاخ درگاهوه ایل به ایل مهمان
روز قیامته بیزی قویما سرگردان

آل بیزلره اوددان امان بیز خداحافظ

سندن که آیریلدی حسین اضطرابیله
احرامه وئردی شستشو اشک ناییله
ائتدی مخاطب زمزمی بو خطاییله

ای چشمه باغ جنان بیز خداحافظ

من چوخ علاقه‌م وار ایچیم نهر علقمدن
باشدور اونون بیر قطره‌سی چاه زمزمدن
من کربلا مشتاقیم دویمارام غمدن

گئتدوخ او دشته باغری قان بیز خداحافظ

من بو منای حجّده کسمدیم قربان
ایلر منای کربلا نقصیمه جبران
یتیمیش ایکی قربان وئرم ائتمیشم پیمان

وئرم اوزومده تشنه جان بیز خداحافظ

اولمیش کریمی نغمه‌خوان عشق باغیندا
ایلر توسّل کعبیه غملی چاغیندا
ساخلار او بیتین نقشه‌سین گوز قباغیندا

عرض ایلر ای عالی مکان بیز خداحافظ

کوه ثور و غار حرا

یتوب روز شنبه زمان فراق
 او داغ که نبی اوردا پنهان اولوب
 فراش پیمبرده یاتدی علی
 بویورموشدی اصحابه کیم بو گئجه
 گوروب اولیمجی دوروب کوچده
 اوزیلن آپاردی رسول کبار
 اگر مکّه نین دورین آلمیش جبال
 بیری کوه رحمت بیری کوه نور
 بو داغلاردا وار داغ بویی افتخار
 همان بوقییس اوسته خیرالبشر
 قرار اولدی کوه حرایه گئداخ
 اوجا داغدی وحشتلی صعب العبور
 دیردیم الهی ندور امتحان
 ابی جهل لر قصر معمورده
 یاتا بالش نازده بولهب
 خدیجه او بانوی سلم قضا
 خانملار گرک ال چکه نازدن
 خانملیقدا خرجه و ثروب همّتین
 ائدوب کوه ثوره گروه اشتیاق
 که شرّ عدودن گریزان اولوب
 پیمبر چیخوب شهردن مجملی
 ائووزدن بیروز چیخمیون خارجه
 ییلوب قالسا شاید سالا مفسده
 او گوندن قالب شهرتی یار غار
 ولی واردی دورد داغدا عزّ و جلال
 بیری بوقییس و حرا مثل طور
 قالب لوح تاریخیده یادگار
 ابی جهله گوستردی شقّ القمر
 گوزل غار وحیی زیارت ائداخ
 هامی یول سالوب دیرماشیر مثل مور
 حبیبون نه دن بوردا ائمیش مکان
 محمد قالا غار دیجورده
 قالا غارلرده امیر عرب
 نجه گئدی هر گون بو غاره غذا
 آلا درس او بانوی ممتازدن
 فدا وئردی دینه هامی ثروتین

وفاسینده هم سَر اولوب همسره
 بیر آز چیخدیم اما یورولدی دیزیم
 جوانی عجب نعمتی بود و رفت
 دم آن دم دمی بود یادش بخیر
 داغا دیرماشاردیم من آهو کیمی
 بیر عده جوان حاجی مانند دود
 دیردیم جوانلیق نه سرمایه سن
 جوان غفلت ائتمه بو سرمایه دن
 او یرده توسّل ائدوب آغلادوخ
 وداع ایلدوخ بیت داداریدن
 نجه بلبل اوخشار چمن عشقینه
 بیر عده اورکدن یانوب حسرت
 بیر عده گنچنمیر بو دوراندن
 ائوینده یوغوت تاپمیان بی بمیز
 چالاسرده غسل ایلین ناردانا
 دویونجا عمو دادمیوب گلبر
 فرنگی توالت یووانمیر یانین
 مسلمانندی آتمیش یاشیندا یقین
 بیر کتلی لردن گتوردی ادا
 خبر وئردیلر فوری روحانیه
 شریک عظیم اولدی پیغمبره
 نفس دوشدی تنگه قارالدی گوزیم
 چه زیبا چه خوش ساعتی بود و رفت
 عجب عالمی بود یادش بخیر
 گئدیکلر آشاردیم آخار سو کیمی
 ائدوب قلّه کوهه چابک صعود
 چه فایدا که تئز ردّ اولان سایه سن
 باخ آینده نی محکم ائت پایه دن
 گلوب منزله سورساتی باغلادوخ
 کباب اولدی دل ناله و زاریدن
 بیر عده سوویندی وطن عشقینه
 که هیهات بیرده چاتا وصلته
 غذاهای دلچسب و الواندن
 غذا میل ائدنمزدی نوشابه سیز
 سحر آخشام آنجاق گیرردی وانا
 بگنمور قرالسیدی موز مختصر
 آچور سیفونی ایسلادور هریانین
 یازیق نستعینه دیور نستقین
 دئدیلر آر آرواد کسوب بیر فدا
 یازیق ملاّ گلدی همان ثانیه

بیر آز دانلادی ائتدی خشم و عتاب
 ایکی قربان آلسام پولوم قورتارار
 بیز ایلده بولردیک بیرین اون یره
 نه زحمتله قویدوخ غرض بوینونا
 نه دیل آنلوری نه نظافت ییلور
 چایی پیخالیردی توکوردی وانا
 مصمم اولوب کاروان جدیه
 فرودگاه جدّه چوخ اعزازی وار
 هواسی چوخ ایستی سویی زهریدی
 نه وسعتلی بازاری وار هر شی آل
 دچار اولدی دکتّر حقیقت بیزه
 دئدی بوردا بیر محترم حاجیدی
 مراسمه هر ایل گلر بو سیاق
 ناهار شام و صبحانه بیر آی تمام
 دئدیم احسن احسن بو شخصیتّه
 یقیناً شرافت سخاوتده دور
 آدام وار قراندور جانی قرانی
 ایکی شی ائدر بندهنی محترم
 بیرینده نه طاعت اولاهه سخا
 قالب بیر گئجه جدّهده میهمان
 آجیقلاندی آخر بو اولدی جواب
 نه جارویه تلویزیونا پول قالار
 کسیم الدن آلسین قاچیتسون قره
 بو تکلیفدور عذر یوخدور بونا
 نه تکلیف و نه استطاعت ییلور
 سپوردی کولون سیگارین هریانا
 یوکی چاتدوخ اولدوخ روان جدیه
 که هر ساعته اللی پروازی وار
 فرودگاه حساب ائتمه بیر شهریدی
 موزون کیلوسی دورد الی بش ریال
 بیر آز اگلشوب ائتدی صحبت بیزه
 مقدس کیشی شهرتی راجیدی
 بیر آی جمله حجّاجی ایلر قوناق
 قولون چیرمار ایشلر بسان غلام
 بو اطعامه احسانه خوش نیتّه
 نه تنها عبادت اطاعتده دور
 الین کس یالار قویماز آخسین قانی
 عبادتدی بیرده سخا و کرم
 اونون ئولماقی یاخشیدی یا اخی
 سحر کوچ ائدوب تبریزه کاروان

فرودگاهدان اولدوخ همایه سوار
 ناهار صرف اولوندی هواپیمادا
 یازیقلار نه لذت نه کثف سوردولر
 بیر ایل عرض و طول سفر دردناک
 تب لرز و اسهال و گرمازده
 عجب عصریدی عصر صلح و صلاح
 عطشیدن کیمون اودلانور تابه سی
 هواپیما اگلشدی تا تبریزه
 فرودگاه تبریز نجه هرج و مرج
 بیزی اوردا بورمانج تک بوردولار
 آغیر شنک یورقون حاجی پیرزن
 اولار که گلوب حاجیا پیشوازا
 سعودی فرودگاهدا قرآن وئورور
 دئماقدان یورولدی داخی انگیمیز
 ایشیقلاندی گوزلر او پیشوازدن
 بوتون هیئت اهلی صغیر و کبیر
 قباقدان اسیر هیئتین پرچی
 بو عزت هایانداندی یا ذوالکرم
 الهی به حق رسول انام
 امیدیم حسیندی پناهیم حسین
 هاچان ساعت اون بیرده قبل از نهار
 قدیم حاجیلاردان سالاردیم یادا
 سفرده حضرده نه گون گوردولر
 یوزه ییرمی زایر اولاردی هلاک
 بیره، بیت، مله یاندریاردی دده
 فراغت میسردی فوز و فلاح
 یانیندا سرین بوزلو نوشابه سی
 گلوب خویش و ئل پیشوازه بیزه
 نه خرج ایلمیشدوخ اینان باتدی خرج
 نه کثف چکمیشوخ اوردا قوسدوردولار
 اوتوز پله دیرماش اوتوز پله آن
 باتوم قورخوسوندان قویاردی گاذا
 بولاردا باتوم الده فرمان وئریر
 هله لنگ و لنگاندی فرهنگیمیز
 دل عاجزدی شکره او اعزازدن
 فامیل لر نه اجلالیله بی نظیر
 چیخوب خسته لیق جانان آتدیم غمی
 حسین ابن زهرايه چون نوکرم
 آقامدان آیورما منی والسلام
 عزیزیم حسین قبله گاهیم حسین

چپینده گتورمزله هئچ زایری
 منی ائتدیلر گُللر آماج گُل
 گلن لطفیله قول سالوب بوینوما
 ائدوب طالع امداد اولوب بخت یار
 جلالیله چاتدوخ گوزل موطنه
 تبرک تیمَن دن اُتری گلن
 دئدیم چوخ وورون بوسه بو سقله
 دیونجا ائدون بوسه بو لبلی
 اُپون گوزلریمدن که بیته باخوب
 نجه نار قهره یانار بو بدن
 نه کعبه نماینده کردگار
 نه کعبه مکان حق لامکین
 نجه کعبه قرآن و دینه سند
 نه کعبه که پاینده آثاری وار
 نه کعبه که عشاقی مدهوش اولوب
 حسینی پریشان سالاندان یولا
 نه کعبه که تفسیر الله نور
 نه کعبه که کافینده وار کربلا
 او یردن آچار پرده وجه الحسن
 چکر تیغ برّانی ایلر ندا
 بلی مفتخردی حسین شاعری
 قویوبلار منیم باشیمه تاج گل
 بیر حلقه گل سالوب بوینوما
 نسیم وطن سیلدی دلدن غبار
 مراغه صفالی و طندور منه
 منی غرق بوسه ائدوب مرد و زن
 بقیعون توزی وار یوزومده هله
 بو لبلیر اُپوب قبر پیغمبری
 که باخدوقجا کپرک صانی اشک آخوب
 که مس ایلوب خانه کعبه دن
 مقام منیع خداوندگار
 نه کعبه همان قبله مسلمین
 قسم یاد ائدوب حق بهذا البلد
 نقدری جهان واردی زواری وار
 حسین ماتمینده سیه پوش اولوب
 پشیمان گئجه گوندوز ایلر نوا
 ائدر نور ذوالنور او یردن ظهور
 عطش عینی باینده وار هر بلا
 امام زمان حجة ابن الحسن
 اَنابُنُ الحُسَینُ قَتیلِ العِدا

کریمی گلر چوخ خزان و بهار ائدر سیر ساعات لیل و نهار
 ائدر ضبط اشعار یوی روزگار قالار بو سفرنامه لر یادگار
 اوخوز اهل دانش سنی یاد ائدر دعالر گلر روحیوی شاد ائدر
 گزر سؤزلرون دیل به دیل ال به ال آدون زنده یادون اولار ماحصل
 الهی به حق امیر براق سنون بیتیه اون گون اولدوم قوناق
 قبول ایله لطفیله اعمالیمی جهتمده یاندرما سقالیمی
 الهی گنهکار و شرمنده ایم الیمدن یاپیش روسیه بنده ایم
 اگر روسیاهم ولی موسفید بو بیچاره نی ایلمه ناامید
 قبول ایله مندن بو برنامه نی
 منه توشه ائت بو سفرنامه نی



سفر نوبهار (حج نامه)

ای که نام تو زینت دهنم
لطف کن بر طراوت سخنم



گنه باشلاندی ماه اردیبهشت	بوستان اولدی، گلستان بهشت
جام می اولدی، ساغر لاله	رند هشیاری مست اندیر ژاله
چهره گلدۀ قطره شبنمدی	یا محاسنده آب زمزمی
فرش زیبای دامن صحرا	أخضر و أحمَر أبيض و صفرا
بزیوب کوه و دشت و صحرانی	لاله زار ایلوب بیابانی
ناز سنبل ترانه بلبل	نکته یاسمن لطافت گل
نعمه عندلیب لطف فضا	لای لای نسیم روح افزا
شور مستانه قدح نوشان	نالۀ سوز و ساز مدهوشان
اهل عرفانه خوش هوا یارادیب	صاف صوفی لره صفا یارادیب
قلم زرنگار لم یزلی	ثبت ائدوب برگ گلدۀ ناد علی
یردن ایستور ائده نمو گیاه	سسلنور یاعلی ولی الله
موج دریاده اوج عرفان وار	جزر و مدینه رمز و عنوان وار

نور مهتاب مرغ یاحق شب

لب شب زنده داریده یارب

شاهد و شهد و شمع و پروانه	ائدیر ارباب ذوقی دیوانه
عود و بربط سرود ساز سه تار	سسلنیر زنده باد فصل بهار

بولود آغلیر گلون حکایتینه گل گولور بلبلین فراستینه
 چون قاباقدا غم زمستان وار انقلاب هزار دستان وار
 بو طراوت چمنده قالمیاجاق بو هوس سنده منده قالمیاجاق
 یوخلاما آچ گوزون سنی تاری ائت طبیعتدن عکسبرداری
 بسدی ال چک قدیمکی عادتدن فارغ اول چورتودان کسالتدن
 ایکی مین بش یوز ایلدی یوخلامیسان یورقانی چول پالاسی پ...

ای که پنجاه رفته در خوابی

مگر این پنج روزه دریابی

بئله موسمه بخت والادن گلدی دعوت خدای یکتادن
 وئردی پیک اجل بیزه مهلت الله اوز بیتینه ائدوب دعوت
 حاجی داود، همسری ننه سی آدامین بو یولا گلور هوسی
 احدی همسریله همسفریم حاجی ایلائی نخل پر ثمریم
 حاج علی بعضی عذر خاطرینه^۱ باسدی زرین نشانی اوز یرینه^۲
 تور رخس مراغه آماده سرپرست اولدی جمله افراده

ایله روحانی گروهی ده یاد

واعظ محترم محمدی راد

ایکی سرخیل ایکی جوان رشید هم سید هاشمیه حاجی مجید
 خوش او شخصه نصیب اوله عمره عمره نین ساعتی دگر عمره
 نه ایشیم وار گئدم اروپایه عمریمی صرف ائدم تماشایه
 گئدرم میهمانسرای حقه قوناق اولام خدای نه طبقه
 میزبانیم خلیل و اسماعیل خادمیم جبرئیل و میکائیل

غسل و احرام مسجد شجره
 ائله که حاجی باغلادی احرام
 اولیمجی شکار حیوانات
 عقد و یا صیغه بیرده استمنا
 سُرْمه چکماقدی عطر وورماقدی
 هم یالاندی یاماندی فسق و فجور
 کندن مو ز هر نقاط بدن
 بارماقا زینتی اوزوک تاخماق
 دیرناق دوتما یا که دیش چکمه
 یردن اوت چکمه شاخه سیندیرما
 باشا بورک قویما سایبان دوتما
 اول مواظب که سهو و یا نسیان
 آت نظردن اساس دنیانی
 نجه انسان دورار مزاریندن
 دلدۀ یا ویلنا سراسیمه
 چاره یوخ خوفیمه هراسیمه

ائله بول صحنۀ قیامتدی
 جمله اعمالیوی گتور نظره
 ای خدا ائو سنوندی بنده سنون
 الله الله غریق عصیانم
 دادگاه علی عزّتی
 آغلا یالوار خدای دادگره
 هامی عالم سنوندی منده سنون
 رحم ائله درگهونده مهمانم

اللّٰه اللّٰه علیل و بیمارم	هیچ کسیم یوخ ذلیل و بی یارم
بارالها آیورما ایماندان	منی حفظ ایله شرّ شیطاندان
بارالها یوخومدی طاقت و تاب	منی ائتمه جهنمونده کباب
اللّٰه اللّٰه باغشلا یا غفّار	وقنا ربنا عذاب النّار
اللّٰه اللّٰه توکّلم سنهدی	بی پناهم توّسلم سنهدی
ای خدا رحم ایله من زاره	اوزومی سالمیشام بو درباره
دامن آلوده خرّقه ناپاکم	دل پریشان و سینه صد چاکم
ای کریم اللّٰه ای عزیز اللّٰه	کوله باریم خطادی جرم و گناه
ای خدا قورخورام جهنمدن	منی بی دین آپارما عالمدن
سن خدا خالق الخلاق سن	منده یوخ غرضه سن که لایقسن
جرمیمه گلمیشم ائدم اقرار	و قنا ربنا عذاب النّار
درگهونده دخیلم ای قهار	عدلیله منله ایلمه رفتار
فضلیله لطفیله کرامت ائله	عذر تقصیریمه عنایت ائله
بیتویه باخماقا حیا ائدیرم	آیری سؤز بولمورم دعا ائدیرم
قویمیوب غفلت آبرو منده	بسته گلدیم بیر آبرو منده
ای کریم ای رحیم بنده نواز	آچمیشام درگهونده دست نیاز
ای خدا مندن ال اتک سندن	کس الیم آلما دامنون مندن

لَیْسَ فِی الدَّارِ غَیْرُکَ دِیَّار

و قنا ربنا عذاب النّار

صد و بیست ثواب

واردی یوز یرمی فیض آماده	کعبه ده یعنی بیت یکتاده
آتمیش قلبی صاف ائندلره دی	دور بیتی طواف ائندلره دی
قیرخی اهل نماز و طاعاته	او که یوز دوندروب مناجاته
یرمیسی صاحب تماشایه	اگلشه خوش باخا او مأویه
اورا عصیانه مغفرت یریدی	اهل عرفانه معرفت یریدی
اورا عارف باخار بصیرتیه	گورر اللهینی حقیقتیه
یار گوسترمسه اوزون یاره	بس او یارین نه فرقی اغیاره
گوزین آماده ایلسه حاجی	گورر اللهی حاجی ناجی

حاجی اوچ صنفیدی فضیلتده

ضیافتده

متعمدیلر

بیری پرونده سین آلوب الینه	گلوب اللهینون مقابلینه
آغلیور یالواریر ندامتله	دل آچوب اعتذاره خجلتله
یاپیشوب کعبه آستاریندن	اوتانیر حی کردگاریندن
قوزیوبدی هوایه اللرینی	سایور اللهینه عملرینی
بئله بیر شخص امیدوار اولسون	قویماز الله او حاجی خوار اولسون
صنف دوّم خواصّ خالصدی	اولار آئینه خصایصدی
اولار عشق و علاقه دعوتینه	گلوب اللهینون زیارتینه
اولارا آشکاردور مطلب	یته باخجاق دیرله هذا ربّ

اولار	آگهدیلر	خفیّاته	متصرّفدیلر	حجاباته
اولار	ارنی خیالین	ائتمزلر	لن ترانی	جواب ائشیتمز لر
سسلنن	وقته ربّنا	لَبّیک	سس گلر	مرحبا بیا سعدیک
اولما	افسرده ای	منیم بندم	خوش گلوبسن	بو بیته خرسندم
بسدی	وئرمه اجازه	گوزیا شووا	بیتیمی قوی	دولان دیریم باشووا

صنف سوّم عوام و جاهلدی

اولار اسرار حجّه کاهلدی

کورکورانه	جاهل و نادان	اونای یوخ	فرقی مکّه یا طهران
گونئی	بازارده	تجارتده	گنجّه فنّدیقدا
نه	مناسکده	خبریّتی	وار
اونودا	حاجیلار	حسابینه	سای
ناامید	اولماسین	کرامتدن	
اولا	دانای	عصر و	یا نادان
هامیا	واردی	اللّٰهین	نظری
سعی	ائله	یاخشی	واسطه سالاسان

بهترین واسط رسول امین

علی و فاطمه حسندی حسین

عصر	جمعه‌یدی	موسم	برکت
ساعت	بش	یاریم	سوار اولدوخ
بهترین	روز	بهترین	ساعات
اولدی	شهر	مراغه‌دن	حرکت
سوی	تبریزه	رهسپار	اولدوخ
موقع	خواندن	دعای	سمات

حبّذا بیر بئله مسافرته
 نه منه خاطر اللّٰها خاطر
 باشلیاندا اذانی صون بشیگیم
 دوتدی قرآن گلینلریم یا هو
 دوسلاریم دوز کیمی یالاردی منی
 هره بیر تحفه شیرنیدن موزدان
 گر مسافر ضعیف اولایا قوی
 گوگلونی بیر کادوئيله آلاسان
 تیکه فکراتمه قارنی دولدوراجاق
 یار و یولداشدا انقطاع ائلدیم
 مرغ طبعیم اودم گلوب هوسه

زمزمه با سرود یا حافظ

شهردن ایلدیم خدا حافظ

خدا حافظ

مراغه ای منه زیبا مکان خدا حافظ

بیزی حلال ائلیون دوستان خدا حافظ

بیمبره نه سؤزوز وار بیان ائدون یتوراخ

گئدیر مدینه بو کاروان خدا حافظ

گئداخ بقیه اولاخ دورد امامه تعزیه دار

سیزی ده یاد ائدروخ هر زمان خدا حافظ

ننجه بقیع نمونه بهشت باغلارینا

تاپانماسان ائله بیر گلستان خدا حافظ

ننجه بقیع آلوب آغوشه بیر وجودلری

اولاردی قائمه آسمان خدا حافظ

بو عالمه اولارین مثلی گلمیوب گلمز

چتین گورر داخی چشم جهان خدا حافظ

دوباره عالمه زهرا گلوب حسن دوغاجاق

نه، تنز بهار ائدوب اولدی خزان خدا حافظ

یوزین قویوب باجیسی زینبین یوزونه دئدی

آنام باجی گوزون آچ بیر اویان خدا حافظ

گورنمه سن منی دیدار محشره قالوری

بو زهر آلدی الیمدن توان خدا حافظ

نه قاسمی بویا گتدیم نه ده طویون گوردوم

او باره دن گئدیرم ناگران خدا حافظ

مریضلرین سؤزی اولسا امام بیماره

دئسونله بیز یتوراخ رایگان خدا حافظ

هنوز بند طنابین یاراسی توختامیوب

کسوب ایاقلارینی ریسمان خدا حافظ

امام باقر آلوبدی کنارینه بالاسین

او دورد امامه گئداخ نوحه خوان خدا حافظ

نئجه بقیع ابوالفضل آناسی امّبنین

اولوب قوناقلارینا میزبان خدا حافظ

یاتوب بقیعده گوزیاشلی کربلایه باخار

دیر اوغول سنه قربان آنان خدا حافظ

او سرو قامتیوی یاد ائدوب آلواننام

هایاندا گورسم اوجا بوی جوان خدا حافظ

دیولله قدیوه نسبت بالاجادی قیرون

بو سرّی کیم منه ایلر عیان خدا حافظ

سنون کیمی اوجا قامت جوان کیچیک قبره

نئجه اولار ندی بو داستان خدا حافظ

کسوبله قولاریوی دوغریوبلا پیکریوی

دمیر عموده اولوبسان نشان خدا حافظ

یانوندا اولمادیم اوغولم آلام باشون دیزیمه

آنا دیننده دیم منده جان خدا حافظ

ائتتمیشم خانمیم فاطمه گلوب یانوا

آلوب قوجاقه سنی مهربان خدا حافظ

اوزوم بقیعه‌دیم کربلا‌ده‌دی روحیم

بو خسته جسمدن ائتتمیش او جان خدا حافظ

او اوخ دگن گوزه امّالبنین آنان قربان

اولار گوزوم یاشی گوزدن روان خدا حافظ

دیر همیشه «کریمی» ثولونجه واعباس

آدون اولار اونا ورد زبان خداحافظ

کاروان یوز چوویردی تبریزه	جام عیشیم یتیشدی لبریزه
باش بیزیم باش جناب خوبانفر	چاتدی تبریزه کاروان ظفر
هنری صنعتیندن اعلاندی	او هنرمند فرش ایراندی
آبرو قالمیوب هنرمنده	بیزیم ائلر کلم دیور قنده
هنرین نقشی اوزگه شکله دوشوب	هنر اوز اسم و رسمینی دگیشوب

شام و خفتن نمازینی قیلدوخ

ورد و ذکر و دعادن آیریلدوخ

قصده معراج چرخ دواره	صوندا اولدوخ سوار طیاره
مرتضی یاری یاورى الله	زنگ ووردی حاجی عطاءالله
حاجی داود باشلادی صلوات	تا صعود ائندی پیک خوش حرکات
طول پرواز ساکت و آرام	اوج ساعت یرمی بش دقیقه تمام
هواپیما یاواش یاواش اندی	نیمه شب با کمال خرسندی
فوری آلدی قوجاقه سیّاره	بیزی آتدی کناره طیاره
دادلی صبحانه تازه چای دمه	بین جدّه مدینه مطعمده
گنه میندوخ ماشینلارا دلشاد	اولدی تغیر ذایقه ایجاد
حدّ تقریبی یولدی بش ساعت	جدّه دن تا مدینه حرکت
هتل باصفادی رشوانه	تا یتیشدوخ او شهر رضوانه

گوزلریم تا مدینه باخدی

غم گلوب موجه گوزیاشیم آخدی

نہ مدینہ نہ عالی منظردی
 اورا پیغمبرین یاتان یریدی
 اورا شہر رسول اکرمدی
 نہ مدینہ دیار قرآندی
 ہر وجہ توپراقیندا خاطرہ وار
 اوردا وار عشق و غم سابقہ سی
 حَسَنین اوردا گلدی دنیایہ
 اوردا وار بیر خرابہ قبرستان
 کربلادہ حسین زیارتی وار
 اورا صاحب لواہ مسکندی
 ای ابوالفضل آناسی امّنین
 سن کہ باب الحوائجہ آناسان
 دردیمز وار خانم دوا ایلہ
 گلستان بہشتہ بنزردی
 نیر اعظمین باتان یریدی
 محترم بلدہ مکرمدی
 بیت الاحزان خیر نسواندی
 اورا سگان عرش اولور زوار
 کربلادن قاباقدی سابقہ سی
 کربلا چاتدی عرش اعلاہ
 باطناً رشگ روضہ رضوان
 دورد امامین بقیعدہ تربتی وار
 بورا امّالبینہ مدفندی
 ای اولان شغلی آہ و داد و انین
 زایرین حالینہ گرک یاناسان
 ہامنین حاجتین روا ایلہ

باخدییم مدینہ شہرینہ گلدییم ترانہ

بو شعریلہ سو سپدییم اورکدہ زبانیہ

مسجد النبی

ای مسجد النبی ہانی سلمان و بوذرون

پیغمبرون ہانی نیہ خالیدی منبرون

نولدی بلال حضرت طاہا مؤذنی

نولدی بتولی شاد ائدن اللہ اکبرون

سنده نماز لر قیلینوب سوز آهیله
 ضبط ایلوب دعالری دیواریله درون
 مین رکعتین مقابلیدی سنده بیر نماز
 وار رتبه ده مساجد دنیا به برترون
 سنده علی اذان دیوب ای خانقاه وحی
 بس هاردادی علی اسدالله حیدرون
 سن خاطرات دفتری سن ای گوزل مکان
 واردور بهشته بنزرون ایستکلی منظرون
 پیغمبرون قیزی نقدر سنده آغلیوب
 وار غملی ماجرالرون آه و نوالرون
 قول باغلی پای منبریوه گلدی مرتضی
 قبرینده جسمی نالیه گلدی پیغمبرون
 مروان علینی ایلدی تحدید قتلینه
 باعث نه اولدی تترمه دی عرش داورون
 غصب اولدی حق فاطمه قان آغلادی فدک
 پیغمبرین وصیتینه یوخدی باورون
 بش گون ریاست عشقی سالوب دینه اغتشاش
 مظلوم اولوب قالب الی قوینوندا رهبرون
 محشرده یوخ هراسون عطشدن «کریمیا»
 حتماً گلر سراغوه ساقی کوثررون

دوشسه یولون مدینه اسلامه هر زمان

دور باب جبرئیلده اول بیله نوحه خوان

یا فاطمه حضوریه گلدوخ زیارته

بیلدوخ مریض سن اودی گلدوخ عیادته

پیغمبرین قیزی نجه سن راحت اولموسان

یا سینه ده یاران گنه گلیمیش اذیته

یا فاطمه دیوب اندروخ گوزیاشین روان

مرهمدی اشگ شیعه او کاری جراحته

مسمار دلدی سینه وی قان آخدی سو کیمی

بیر کس تاپولمادی سنه گلین حمایته

دیواريله قاپی آراسیندا یخیلماقون

دنیا نقدری زنده دی نیسگیلدی امته

تا المیوب قصاصیوی اوغلون ولی عصر

باشه وورار بو شیعه لر آغلار او حسرته

پهلورون سیناندا یخیلدون دورانمادون

امته گور خیانتی اجر رسالته

تاپشیرماسیدی عترتینی ختم الانبیا

سالمازدی اهلیتینی امت بو حالته

سیندیردیلار جفائله یاقوت عصمتی

بیر بیله ده خیانت اندلر امانته

زهرا یوزینده سیلی یرین گورسه آفتاب
 حتماً دوشر کسوفه باتار چاه ظلمته
 بولم نه حاله قالدی حسن نیلدی حسین
 زینب گوروب او حالی دوشن وقته وحشته
 سسلندی فضّه گل آقا زهرانی یخدیلار
 چیخدی علی حیاطه باخوب بیر جماعته
 اوّل ایشی که گوردی گوتوردی عباسینی
 سالدی او توپراق اوسته دوشن سرو قامته
 درس حیا و عصمتی وئردی خانملارا
 مردان با شرافتی سوق ائتدی غیرته
 صوندا یاپشدی حنجره سیندن او ظالمین
 سالدی او نحس جسمنی خاک مذلّه
 فرمایش ائتدی ظالم عجب فرصت ائتموسن
 ساکت گوروب علینی گلوبسن جسارته
 گر اولماسیدی ختم رسالت وصیتی
 حسرت قویاردیم عمریوی بیر لحظه راحت
 افسوس باغلیوب قولومی ختم الانیا
 دست اراده باغلیدی قید وصیته
 ثانی دئدی یدان یدالّهی باغلیون
 تنبیه اولا مخالف امر خلافته

خیبرشکن علینی ائله سیخدی روزگار

شالین سالوبلا بوینونا بیر باخ جنایته

عمّامه یوخ باشیندا، عبا یوخ ایاق یالین

مولانی چکدیلر یوزی اوستونده بیعته

زهراده گلدی مسجده اما نه حالیه

سینمه ساخلارام من آپارام قیامته

مداحوم خانم قاپوویزدا قوجالمشام

شامل ائدون «کریمینی» فیض شفاعته

چوخ صفالیدی فندق الرشوان هم غذاسی مرتّب و الوان

یاد او گونلر که ظهر و شام و سحر باغلاناردی جلالیه صفلر

حیف سنی لرین عبادتینه خوش نماز و گوزل قرائتینه

او تومانیله و خضوع و خشوع او تلاوت گوزل سجود و رکوع

مُتعصّبدیلر عداوتیه فاصله آچدیلار ولایتیه

بابا جان ترسه دستماز اولماز گر علی اولماسا نماز اولماز

اولار اصل نمازه جاهلدی شیعه ده واجباته کاهلدی

سنی بیچاره اشتباهدهدی شیعه آواره نصف راهدهدی

سنی ظاهر دوتوبدی قرآنی خار ائدوب اهل بیت طاهانی

دئیوبدی مگر رسول امین تارک ائی فیکم الثقلین

گنه آخر برنده دور شیعه عشق مولایه بنده دور شیعه

هره بش گون یتیشماقا کامه تفرقه سالدی اهل اسلامه

شیعه دور جامع اصول و فروع معرفت شیعه دن ائدوبدی شیوع
کیف دوتیدی ریاستین بالاسی دول قالیدی سیاستین خالاسی
بش گونون پُستی هوش آلوب باشندان قارداشی آیری سالدی قارداشدان

حاشیه وئرمیاخ داخی سخنه

بو سفرنامه خوشدی انجمنه

گشت سیر مساجد سبعة داد وئروب روحه خوش گلوب طبعه
مسجد قبلتین یا که قُبا روحه ذوق و صفا وئورر عجا
نه سیغار توستوسی ایاق قوخوسی آدامین عشقدن گلور یوخوسی

هله مکه مدینه سرداری

قدغن ایلوبودی سیگاری

شارع عامده چکن سیگار همی شلاقی هم جریمه سی وار
بابا مسجددی بو چکوب پولمه در و دیواری توستویه بَلمه
بونى اما دیوم گرکدی، نه لر شیعه لر سنی لردن اورگنه لر

نظم مسجد نظافت مسجد حفظ شأن و شرافت مسجد

مرگ بر پخمه های باسان یوخدی مشه حمدالله هارداسان یوخدی

بولار اولسایدیلار ولایتده بیزه یر قالمازیدی جتتده

آلادوبدی یازیقلاری شیطان مرتضادن اولوبلا روگردان

یاعلی سسله خسته حال اولما

شیعه اول جان وئرنده لال اولما

یا علی سسله شرمسار اولما محنته مشکله دچار اولما

صبحین زمانی سینه‌سی سوزان بقیعه
 اگلشمیشم ملول و پریشان بقیعه
 دورد قبری آلمیشام نظره آه و وائيله
 درد دل ایلورم حسن مجتبايله
 مندن سلام اولا سنه یا مجتبا حسن
 اولسون خراب قبریوه جانیم فدا حسن
 بیر حادثه اگر گئجه یوز وئرسه بیر کسه
 اوّل وفالی همسرین ایلر صدا حسن
 حسرت اودور که همسری نامهربان اولا
 بیگانه‌لیق طریقی گئده آشنا حسن
 مظلومیتده گرچه حسین شهرت ایلوب
 مظلوم سن‌سن ای ستمه مبتلا حسن
 قطعه به قطعه طشته توکولدی جگرلرون
 زینب گورنده سسلدی واحسرتا حسن
 قوی سسلیوم حسینی ابوالفضلی قاسمی
 زینب بو درده ایلیه بولمز دوا حسن
 گل تک دوداقلاروندا دوروب قطره‌قطره قان
 گورسون بو حالی هاردادی خیرالنسا حسن
 زهرا ایکی اوغول ایکی قیز قویدی یادگار
 کلثوم و زینب حسین مجتبا حسن

دوردونده ائتدی ظلمیله مظلوم روزگار
 شیعه دیلله وای حسین آه، واحسن
 هر طایفه جنازیه قائلدی احترام
 تحقیری حی میته گورمز روا حسن
 تابوت ایچینده اوخلادیلار گل جنازه وی
 تابوتی تیکدی نعشیه تیر جفا حسن
 اوخلار یاغوب یاغیش کیمی تابوته بولمورم
 هاردایدی بس او صحنهده صاحب لوا حسن
 اما حسین، دوشنده یوزی قویلی مقتله
 گون تیره لندی لرزه ائدوب کربلا حسن
 اوخ نیزه داش قلج دگوری بیر یارالیا
 گاهی دیردی یاعلی گه یا ابا حسن
 نه بیر ایچیم سو وئردیله عطشان دوداقینه
 نه حالینه ترحم ائدر اشقیا حسن
 بو قطعه شعری یازدی «کریمی» بقیعهده
 پاداش اجرینی اوزون ایله عطا حسن
 حاجی زرین نشانیه احدی
 حاجی داود، وارثی، ولدی
 هر گئجه بیر اوطاقد همدیدوخ
 هم نماز و دعاده باهمیدوخ

هاردا آی چیخدی هاردا گون باتدی

بولمدوخ یدی گون باشا چاتدی

عمر بد گنچسه آی دونر ایل اولار

زندگانلیق جهاندا مشگل اولار

ایل گوزل گنچسه قیشدا، یاز گله جاق

نوح تک عمرون اولسا آز گله جاق



«کتاب کریمی»

برای اهل ادب ارمغان زیبنده

به از کتاب هدیه نیافتم بنده

پُر است شعر کریمی ز طنز و یا خنده

کتاب نوحه سرائیست بهر آینده

امید هست کتاب کریمی دست به دست

شود به نسل جوان تحفه برازنده

ولادت عسکریه

سه‌شنبه شیعه‌لرین عید باسعادتیدی
 بوگون امام حسن عسکری ولادتیدی
 امام یازدهم عسکری با هیبت
 جهانہ قویدی قدم وئردی عالمہ زینت
 گرک مدینہ‌ده بیز سامرانی یاده سالاق
 گئداخ امام زماندان بیر عیدیانہ آلاق
 ایا امام زمان لطف ائله کرامت ائله
 برات کرب و بلانی بیزه عنایت ائله
 ایا امام علی نقی جُعِلْتُ فداک
 سنون وجودیوه خاطر دی خلقت افلاک
 بیزی بالان حسنین باشینه دولاندير آقا
 بو جمعی سایه لطفونده دال‌الاندير آقا
 خدا سنه بیر اوغول لطف اندوب ملک صورت
 ابامحمد حسن سیرت و حسین صولت
 اونادا بیر اوغول ایلر عطا امین و امان
 بقية الله اعظم ولی عصر و زمان
 گلنده مهدی صاحب زمان اباصالح
 دوشر صعوبته اتباع ظالم و طالح

شارار تیغیله اشراره اود سالان گله جاق

بساط عدلی قوروب انتقام آلان گله جاق

امام یازدهم گلدی دار دنیا یه

بوکوبله پاک وجودین حریر و دیبایه

آلوب امام علیٰ النقی قوجاقینه

ازل اذان و اقامه دئدی قولاقینه

دئدی خدا بالامی ساخلا شر اعدادن

بونون وجودینی حفظ ایله هر بلایادن

«کریمی» باب کرمدن بهانه سیز گئتمز

گلوبدی حاجتیه زیبانه سیز گئتمز

مدینه ده دولاناردوخ گوزل سیاحتیه

گئچردی گونلریمیز طاعت و زیارتیه

نظام شهری بگندیم که چوخ منظمدی

دئمه سلیقه ده شهر مراغه دن کمدی

نه تریکی هروئن چی نه دود سیگاری

بیر عدّه چاق و ذوغالی بیر عدّه گلناری

گوزل وسیله نقلیه حددن چوخودی

بیزیم ولایتیمیز تک ماتورسوار یوخودی

وسيله لر آراسیندا باشا بلادی ماتور

اینانگلان یوزه دوخسان خطر خطادی ماتور

کیشی اوز اوغلونا دائم نصیحت ایلردی

نصیحتین آراسیندا وصیت ایلردی

دیردی آی گنده باتسین آدون ماتور مینمه

ماتوردا چوخدی خطر آتسا دوتسا دیسگینمه

گونى قالینی دی درک ائتمدی آتا سؤزونى

گئجه اورژانسیدا تخت اوسته گوردی اوز اوزونى

گوزون آچوب دئدی ایوای هانی منیم ماتوریم

ایاقه ایستدی دورسون قولونى دوتدی سوروم

دولانما حاشیه گئچ ازلکی تحریره

مدینه گونلری قورتاردی دوشمه تأخیره



مسجد بلال

اولوب بلال آدینا بیر گوزل بنا مسجد
 تاپانماسان او نظافتده باصفا مسجد
 بلی مساجدین الله یانیندا عزتی وار
 یر اوسته بنده لره خانه خدا مسجد
 مساجدی بئله ساخلالا شیعه لر کیمی یوخ
 محل ذکر الهیّه دی دعا مسجد
 بیر عده مسجده گلمور سلیقه خاطرینه
 نیه ائدنموری بهداشتی جابجا مسجد
 ائوونده گور اوتوروب دورماقا هئچ ایرگنه سن
 توجه ایله ائوون محترمدی یامسجد
 نظافتی ادبی اورگشله مسجده دن
 ائدر مریض لرین دردینه دوا مسجد
 ایچوب سریمساق آشین اگلشوب قباق صفده
 آغیز آچاندا، ملکلر دیولله وا مسجد
 جورابووین ایگی دال صفده کین سالوب قیه
 باشی گیجللنیری وا مصیبتا مسجد
 شب جمعه کنار قبر نبی از دعای کمال بود شبی
 یتیشوب روز جمعه وقت فراق چوخ چتیندی حرمدن آیریلماق

دوردوم عشقیله طور سیناده

روبرو بارگاه خضراده

یا رسول خدا خداحافظ التماس دعا خداحافظ

بیزه دی بیر ایاقیلن گئتمه سنه جانلار فدا خداحافظ

هامی ایلر مشایعت قوناقین گل بیزی سال یولا خداحافظ

قوناقا میزبان وئرر سوغات بیزه ایله عطا خداحافظ

بی ادبلیقد اولسا محضرده سن آقا بیز گدا خداحافظ

سنه بیر هفته بیز قوناق قالدوخ ائوون آباد اولا خداحافظ

درگهوندن نه حاجت ایستمیشوخ هاموسین ائت روا خداحافظ

ظاهری باطنی مریض لره حقدن ایسته شفا خداحافظ

کیمه اظهار ائداخ اورک سؤزونی درده سن ائت دوا خداحافظ

جان سنون جان یارالی فاطمه نین باب خیرالنسا خداحافظ

سنه بیز آغلیانمادوخ اوجادان ناقص اولدی عزا خداحافظ

قزیویندا تاپانمادوخ قبرین دلده واحسرتا خداحافظ

دئدی بیر گونه مرتضایه خانم ای قضایه رضا خداحافظ

ئولورم باشیمی گل آل دیزیوه آغلا ای باوفا خداحافظ

دورد بالام قالدیلار یتیم آناسیز سؤزلری وای آنا خداحافظ

من «کریمی» اگر مدینه ده یم

گزیرم کربلا خداحافظ

قویدی زرین نشان غرامتینی توالته ایتوردی ساعتینی

عصر جمعہ یدی دولدوخ حمّامہ غسل ائدوب وارد اولدوخ احرامہ
 خوت وشلوار و کفش و کیف و کمر قالمادی بیر بدنہ زیور و زر
 هامونین وردی ذکر ی یا اللہ
 وَحْدَهُ لَا إِلَهَ إِلَّا اللَّهُ

حجّہ میقات مسجد شجرہ قلبہ نیرودی نوریدی بصرہ
 سولہ لبیک ربّنا لبیک آل جوابونده مرحبا سعیدک
 شاما کشمش پلودی نوشابه موزلاری نسگل ایله احبابہ
 موز یماقدان مجالیمیز یوخدی حیف اضافہ چووالمیز یوخودی
 قرمزی آلمالار بیگ آلماسی تک
 پرتقال لار سولی یی خدگہ تک

دیلده یوخ ذرہ غصّہ دن لکّہ نصف شب اردو وارد مکّہ
 شکر خلاق کن مکان ائلدوخ فندق الرّاشدی مکان ائلدوخ
 استراحت اولوب نئچہ ساعت
 اولدوخ عازم طوافہ با سرعت

بیته دوشدی گوزوم ثنا ائلدیم آد با آد دوسلاری دعا ائلدیم
 سن کہ آگهسن ای خدای سخا ایلوب کیملر التماس دعا
 بیزی اونلاردان ائتمہ شرمندہ سن خدای کریم بیز بندہ
 دل آچان وقته عرض حاجاته
 الیمی قوزادیم مناجاته

غار حرا

تا مگه ده دوشدی نظریم کوه حرایه
 مات اولدی خیالیم قوشی بیر حال و هوایه
 بالای سر کوهده بیر غار محقر
 ظاهرده محقر ولی باطنده مؤقر
 بیر صومعه‌دی حضرت پیغمبره مخصوص
 اسلامه دژ منطقه بنیانیدی مرصوص
 دوشدی گوزوم اول صومعه صعب‌العبوره
 قرآن او یره نازل اولوب سوره به سوره
 بیر مرد چهل ساله اولوب پیر خرابات
 عبّادی سالوب حیرته زهادی قویوب مات
 بیر غاریدی عزّت یارادیب کوه حرایه
 پیغمبر او یردن یتیشوب اوج علایه
 هر گونده دوشوب زحمت و ایذایه خدیجه
 آذوقه ائدوب حمل بو مأویه خدیجه
 پیغمبره خاطر نقدر چکدی مشقت
 نسوان قریشی‌دن آلوب طعن و شماتت
 اسلام یولوندا هامی ثروتدن ال اوزدی
 جاه و جبروتیه جلالندن ال اوزدی

املاکینی کلّیه و ثروب دینینه قربان

اوز همسرینون مکتب و آئینینه قربان

ایمدی بیزی چک سنده خدیجه یله قیاسه

دنیا دن اوتور خلق ساتور دینی اساسه

اموالینی صرف ائتدی خدیجه بو مراره

تا پایه اسلامی یتورسونله تمامه

امت بو گون اسلامی ساتور ثروته خاطر

ایمانی ایاقلیر نئچه گون راحت خاطر

ال چکدی خدیجه صنمندن صمد اوسته

اجدادی سوون شرکی بوراخدی احد اوسته

باخ ایمدی ریاستدن اوتور گور نه تالاندی

دین گئتسه ده گئتسون بو ریاستدی قالاندی

قان آغلا مزارونده بو اوضاعه خدیجه

گل گور زحماتونده اولور عکس نتیجه

اسلامه آچوب غارت الین خلق مسلمان

قربانی مادیات اولوب مذهب و ایمان

قاری گوزل آوازیله قرآنی وراقلیر

آیاتی اندیر ترجمه، احکامی ایاقلیر

سیزدن صورا اسلام عجب گونلره قالدی

سیز بسلدیقوز باغ صفا سولدی سارالدی

حق خانه نشین اولمادا باغلاندی یدالله

زنجیره دوشوب قالدی قفسده اسدالله

ایش بیر یره چاتدی که یانوب خانه ایمان

اسلام باتوب یاسه گلوب نالیه قرآن

هاردایدی خدیجه گل طاها سیخیلاند

زهرا در و دیوار آراسیندا یخیلاند

پیغبر رحمت زحماتی هدر اولدی

دین صدمه گوروب آل علی دربدر اولدی

اوچ یوز نفر اشرار علی قانینه عطشان

اولدی ایکنجی اولارا صاحب فرمان

سیندیردیلایانمیش قاپونی اولدولا گستاخ

دولدی هامی صحنه یخیلوب فاطمه آخ آخ

کیمدور وئره جنتده خبر ختم رسوله

مسمار باتوب سینئه مجروح بتوله

بیر یاندا حسن سسلدی ایوای ننم ئولدی

بیر یاندا حسینون گوزینون یاشی توکولدی

بیر یاندا الی باشدا قاقوب منزله زینب

بیر حالده کی گتدی علینی دله زینب

چوخ دوشمه قیزیم وحشته قوخما بالا قوخما

یاندیرما منی حسرته قوخما بالا قوخما

فضه دئدی مولا خانمیم دوشدی ایاقدان

امداده یتیش ایمدی چیخار جانی دوداقدان

نامحرم ایچینده یخیلوب قانینه غلطان

اگلشمه فراغتله کنیزون سنه قربان

تتر گل شرف شمسی قوتار نار آراسیندان

زهرانی کنار ائت در و دیوار آراسیندان

فکر ایله علی گورسه او غملی جریانی

نه حاله قالار بیشه دین شیر ژیانی

زهراکیمی جاناندان ال اوزدی نجه اوزدی

صبر ائدی سکوت ایلدی دؤزدی نجه دؤزدی

یاز مطلب قلبی یتور اتمامه «کریمی»

قویما قالا ناقص بو سفرنامه «کریمی»

بیر عده صعود ایلدیلر قلّه کوهه

تا غار حراده باخالار فر و شکوهه

وار هر حاجینون دیزلرینون طاقت و تابی

اوردا ایکی رکعت نمازین چوخدی ثوابی

باخدیم دئدی ای دادیله بیداد جوانلیق

بیرده قیدوب ایله منی یاد جوانلیق

ای کاش او آغزیم سولانان گونلر اولیدی

داغلاردا مارال تک دولانان گونلر اولیدی

دنیا بویی کیمدور اولاً راضی قوجالیقدان
 یاددان چیخاجاق لذت ماضی قوجالیقدان
 ای کاش جوانلقدا بولیدیم قوجالیق وار
 قاش گوز آغاران وقتده آچاق اوجالیق وار
 ای نسل جوان نعمت عظمادی جوانلیق
 دوشمز اله، بیل قدرینی زیبادی جوانلیق
 سعی ایله جوانلقدا وصول ائت حسناتی
 اولماز قوجالاندان صورا عمرین برکاتی
 قویما دوتا آئینه حُسنی خس و خاشاک
 ائت صورتیوی سیرتیوی آینه تک پاک
 ایام شبابی بونی بیل زود گذردی
 بو گوهری صرف ائتمه خرافاته ضرردی
 ساخلا بو گوزل گوهری روحون کیمی شفاف
 صوفی کیمی اول اهل صفا مغلطه دن صاف
 یورقون گونوو ایله جوانلقدا ذخیره
 تا گوهر ایمانون ائده گوزلری خیره
 قورتارما عزیز عمریوی لهو و لعبیله
 بش گون باشا وئر عهد شبابی ادبیه
 تریاک و شراب و هروئیندن حذر ایله
 قوی بوته اخلاصه مس قلبی زر ایله

یاد ایله الم اَعَهْدَ إِلَیْکُمْ جریانین

اود وورماگیلان خرمینه عهد و وفانین

شش پنج قوناقسان بو سرای سه و چاره

فرصت قوتارینجا اوزون ائت باشوه چاره

چوخ منظره لیدی هتلین نقشی نماسی

دلچسب هواسی واریدی عالی غذاسی

زواری سرافراز ائلیوب دولت ایران

هر یاندا فراهم یارادیب حاجیا امکان

بیزدن او پولی که آلینور وجه اجاره

تنها هتلین بوش گئجه سین ائتمز اداره

صبحانه ناهار شام نئجه لذتلی غذالر

مثلین گوره بیلمز نه قدرلر نه قضالر

بوندان بوئله بعضیلری بی درک تفکر

بو نعمت عظمالره ائتمولله تشکر

بیر لحظه غذاسی یوبانوب قینه دی داشدی

بیهوده مدیریتیلن فوری ساواش دی

که حمله ائدیر حمله دارا گاه مدیره

گربه او غذانی یسه قالخار بابا شیره

سعی ایلدی تقصیریمه حلاّقه داود

دلکلقین اورگشیدی باشیمدا حاجی داود

مفتہ یماق ایچماقدی دولانماق صلواتی
 اللہ الیمیزدن هله آلما بو حیاتی
 وقت اولدی گئداخ مشعر و مینا عرفاته
 سیر ایلماقا موقف رمی حجراته
 شیطانلاری گوردوخ یتیشوب حدّ بلوغه
 اما داش آتان یوخ دوشه باشلاری شلوغه
 شیطان یکهلیدی دئمه باشین اگه جاقدی
 هر یاندان او ملعونه داش آتسان دگه جاقدی^۱
 اما بیز آتان داشلار او شیطانی یخانماز
 چوخلار یتیشر حجّه ولی حاجی چیخانماز
 شیطان بابامیز آدمی یخدی منه نیلر
 بو خرداجا داشلار او قوی دشمنه نیلر
 بیر هفته مدینه داخی بیر هفته ده مگّه
 آئینه رخساریمیزه دوشمدی لگّه
 البتّه بو نعمتله شکرانه گرکدی
 نقیلدی یانین کله سی پوکدی گوبله کدی
 گئج گلدی ماشین بینوا راننده نی دانلیر
 بیر لحظه آسانسور دایانیر خلقی یامانلیر

۱- به شیطانها وسعت داده شده که در رمی جمره مردم به آسانی انجام دهند.

قوزا باشووی مهبالی بیر باخ او قالاقدان
اوغلون چیخادوبدی باشینی قیللی پاپاقدان
آلمیش باشینا راستورانی مرد حسابی
گارسون آنا شاکی ز همین وضع خرابی
وار سنده که بیر بيله گوز اویناتما قاش آتما
داسلار قییدر باشوه شیطانہ داش آتما



زمزم

سویون قدر و بهاسیندن سوروشدوم چاه زمزمدن
 دئدی سرمایۀ هستی اولوب سو بدو عالمدن
 سویون هر قطره سی روح رواندور جمله موجوده
 مِنْ الْمَاءِ كُلِّ شَيْءٍ حَيٍّ گور قرآن اعظمدن
 اگر بوندان اضافه تشنه سن تفسیره توضیحه
 سویون گئت ارزشین قدرین سؤال انت نهر القمدن
 ایکی قول وجهینه بیر مشک سو وئردی گنه آلدی
 پشیمان اولدی هتچ شرم ائتمدی سقّای مخیمدن
 نه حاله قالدی یازهرا او ساعت تشنه لب سقا
 نه مشکیندن حفاظت ایلیه بولدی نه پرچمدن
 نه آئندان اوخی چکماقلاقا فرصت وئیر اعدا
 نه ال وار پاک ائده گل چهره سین قطرات شبنمدن
 عمود آهنین الده دوروب نوفل مقابله
 ووروب بیر دل یاراسی آغلادیب زهرانی ماتمدن
 شماتت ضربتی دل یاره سی مرهم قبول ائتمز
 دلیله داغلانان قلبین علاجی یوخدی مرهمدن
 بدن السیز آچیق باش سنگدل دشمن عمود آهن
 نه یوز وئردی نجه اولدی ساخلارام قان آغلارام غمدن

ابوالفضل عاشقی وثرمز او قانلی دامنی الدن

همیشه یاس دوتار آغلار نه تک ماه محرمدن

خداوندا بیزی قووما حسینون آستانیندن

حسینه آغلیان گوز آغلاماز یانماز جهتمدن

حیف دور ناقص اولسا برنامه خوشدی چاتسین باشا سفرنامه

کاظمی قالدی ایشدن آواره بیزی چکدی خریده بازاره

چونکه زرگر بولر عیار زری تاپ بو ایشلرده صاحب نظری

تانیماز پيله‌ور برلیانی مرد صراف آچار بو معنایی

رفقا جمله دولدی سوغاته هدیه زینتدی مستحباته

خانه کردگاردور کعبه

بیت پروردگاردور کعبه

خانه کبریایه عشق اولسون کعبه با صفایه عشق اولسون

حجرالاسود اللهم ساغ الی او یمین خدایه عشق اولسون

عزتیه مقام هاجرده دفن اولان انبیایه عشق اولسون

هم حطیم و مقام ابراهیم داشداکی رد پایه عشق اولسون

آستار حجاب خانه حق ناودان طلایه عشق اولسون

مست و مدهوش ایلین خضری زمزم آب بقایه عشق اولسون

دولانان دور بیه شام و سحر مرد و زن اتقیایه عشق اولسون

ادبین کاملاً رعایت ائدن اهل شرم و حیایه عشق اولسون

یدی شوطه ایکی نماز طواف سعی مرو و صفایه عشق اولسون

عذر تقصیر اهل تقصیره	هم طواف نسیاه عشق اولسون
صلوات و دعایه مشعرده	عرفات و منایه عشق اولسون
الده تسبیح دلدہ ذکر و دعا	ربنا آتانیہ عشق اولسون
هم طلوعینده هم غروبینده	نکھت جانفزیہ عشق اولسون
زائر کعبہ یم ولی دیورم	کعبہ دن کربلایہ عشق اولسون
السلام علیک یا عطشان	و ذیحاً قفایہ عشق اولسون
یا حسین قبریوہ اوزوم قربان	بلکہ پائین پایہ عشق اولسون

سینون اوستونده اوخلانان یارالی

آلتی آلیق بالایہ عشق اولسون

مکّنین شهری شهر زیبادی	چوخ فرح بخشیدی دل آرادی
جنبه معنوی سی بیر طرفه	جای تفریحیدی تماشادی
یرمی بش مرتبه هتلری وار	نه هتل باغ خلدہ ویلادی
قره قیز آغ لباسیلہ گویا	آغ چینی کاسہ دہ مربّادی
بیزلرین اگنمیزده آغ کوینک	ایکی گون گئچدی مثل لوبّادی
نه ماشینلار شفق سالور اورگه	اٹله گوزلور عروس دامادی
نه ماتور وار باسا یخا آشیرا	دیہ اولسون دیہ مہیّادی
دیہ سین وئرم ئولسہ دہ ئولسون	منہ زندان ائشیکدن اولادی
خیابانلاردا بال توکوب یالارام	آینا تک لگّہ دن مبرّادی
نه قازان وار نه قازدیرن اصلا	قازا بولمزله سنگ خارادی
ایشی اوّل گوروبله دقتله	صورادان یازما قازما بیجادی

رفته گرلر گئجه گونوز چالشور

نه قنولار دولی کثافله

شهردار آبیاری گاز تلفن

نه او یونندان چیخوبدی خواجه نصیر

هی قازیلار ولی تاپانمولار

اصل بهداشت اوردا پیدادی

نه زییل کوچه لرده دریادی

قازها قازدی مراغه غوغادی

بوردا نه گیزلدون معمادی

باشا گلور عجب تقلادی



درکنار بیت

ای خداوند کعبه ای غفار
 ای قدیم و قدیر یا قهار
 یا جمیل و جلیل یا جبار
 هامونی ایله بیتوه زوار
 وَ قَنَا رَبَّنَا عَذَابَ النَّارِ

ای خدا خاطر رسول امین حُرمت مرتضا ابوالسبّطین
 فاطمه بنت حضرت یاسین احترام حسن مقام حسین
 وَ قَنَا رَبَّنَا عَذَابَ النَّارِ

به عبادات سیّد سجّاد باقرالعلم سرور اوتاد
 جعفر صادق اشرف امجاد کاظم الغیظ زمزه عبّاد
 وَ قَنَا رَبَّنَا عَذَابَ النَّارِ

خالقا خاطر امام رضا هم جواد الائمه کان سخا
 هم علیّ النّقی قلیل عدا حسن عسکری شهید جفا
 وَ قَنَا رَبَّنَا عَذَابَ النَّارِ

الی قوینوندا واله و حیران ذوالفقاره باخار ائدر افغان
 کعبه ده کربلا ده سرگردان حجة ابن الحسن امام زمان
 وَ قَنَا رَبَّنَا عَذَابَ النَّارِ

بیر گون عالمده انقلاب ائده جاق ظلم کابینه سین خراب ائده جاق
 هامی بدعتلره جواب ائده جاق راه قرآنی انتخاب ائده جاق
 وَ قَنَا رَبَّنَا عَذَابَ النَّارِ

ای «کریمی» همیشه ایله دعا عقلوی نفسون ائتمه سین اغوا
 روز محشرده اولماسان رسوا سنه کافیدی یازدیقون طغرا
 وَ قَنَا رَبَّنَا عَذَابَ النَّارِ



گئچدی گونلر مدینه گونلری تک سرعتیله رواندی چرخ فلک
 گر الیم چاتسا چرخ دواره ائده رم تند گئتماقا چاره
 فرمانیتدان دوتوب دایاندیرام اونی اوز میلیمه دولاندیرام
 اونی بد گونده سرعتیله سالام بئله خوش گونده سرعتیله آلام
 بُن داودیده حاجی داود

نوبر آلدی اریک یدوخ خوشنود
 پنجشنبه یدی مفتی اعظم دایانوب در مقابل زمزم
 ایکی رکعت نماز ادا ائلدی یاغیشا دسته جمع دعا ائلدی
 منه بیر خاطره اولوب زیبا قیلما میشدیم نماز استسقا
 ایکی رکعت نماز اون تکبیر سن قبول ایله ای خدای کبیر
 دئدیم ای مفتی خلیفه خصال ایمدی وئرمز یاغیش بو قومه مجال
 ایمدی طوفان نوح اولار ظاهر وئره سن غرقه عالمی آخر

اوزووہ بسدی وئرمہ دردسری	اولا بولمز دعالرین اثری
کیمدی اعمالین ایلہہ تطہیر	اولا بیت خدایہ دامنگیر
بو نمازین اگر فضیلتی وار	بنماز حاجینون نہ حرمتی وار
یتیمیش ایل شکیدہ یقین دہ دور	ہلہ ایاک نستعین دہ دور
کیمدی احکامینہ اولا عالم	بو ولا الضالینہ دیور ظالم
بو دعا ایلسہ یاغیشدا یاغار	یای گونی قار، یاغیشدا قیشدا یاغار
آتمیش ایلدی قرائتین بولمور	ہلہ غسل و طہارتین بولمور
نہ حجاب و حیا و عصمتی وار	نہ مسلمانلقا لیاقتی وار
قانمور احرام و احترام حرم	تانیمور محرمیلہ نامحرم



سپاس

ولی لازمدی من باب تذکر اولاً نعمتدن اظهار تشکر
 دوغوردان خدمت حج زیارت ائدوب هر باره‌دن زواری راحت
 وار اولسون سازمان حج و اوقاف ائدوب کعبه یولون حاجیلره صاف
 وسیله حمل و نقل و استراحت غذای گرم و سرد و استراحت
 یتیشدی صبح جمعه شام هجران

کنار بیت‌ده با چشم گریان
 دعای ندیه وئردوخ ادامه زیارت گونلری چاتدی تمامه
 دیلر آیریلقددا داشلار آغلار باجیلار سس چکر قارداشلار آغلار
 چتیندی آیریلیق بیت خدادن کنار زمزم و مرو و صفادن
 نئجه آیریلدی بس شاه مدینه
 او آیریلماق گران گلدی حسینه

اوزاقلاشدیقجا دوندی بیته باخدی گوزوندن قطره قطره اشکی آخدی
 اورکدن آهی آه اوستن چکردی باخاردی بیته گوزیاشین توکردی
 دولی گوزلر باخوب بیت خدایه صفادن مروه‌دن ائندی گلایه
 حسینون بولمدی قدرین مسلمان آیوردی کعبه‌سیندن اهل قرآن
 تانور زهرا عزیزین قوم عیسا یارالی باشیمی گوزلر کلیسا
 شریح قاضینون پولدور مرامی قویار راهب حسینه احترامی
 چوخ اولدی زحمتیم مرو و صفایه منی گوندردوز آخر کربلایه

حسینه وئرمه سو ای چاه زمزم
 ائله بیر قوچ کفایتدور منایه
 منیم جانانه قربان جانلاریم وار
 منیم لیلا آدیندا هاجریم وار
 منیم غوغالره دوشمش باشیم وار
 حضور یاره پرپر گللریم وار
 منیم لَبیکدن خوش یاریم وار
 چکوم دشت منانی کربلایه
 قویار حیرتده ایثاریم خلیلی
 حسینم عشقیمون پابندی یم من
 حسینم جام وحدت مستی یم من
 بدن آماده دور شمشیره خاطر
 منیم وار قتلگاهیمده مین آیه
 دیر مقتلده زینب واحسینا
 سالار تحلیقمی شمر انتظامه
 تماشا ائتماقا نور خدایه
 وئرم جانی گرک جانان یولوندا
 گوارادور منه قرآن یولوندا

وئرر سو گلشن قرآنه قانیم

اولار دائم «کریمی» نوحه خوانیم

غرض وئردوخ باشا شور و نشاطی

هتلدن باغلادوخ بند بساطی

ماشینلار گلدی ساعت دو قوز اولدی
 تدارک آرمیوه یلن موز اولدی
 ماشین یولانما میس بیر عدّه یاتدی
 قارینلار چون دولوب دور ایگ چیخاتدی
 دوداقلار سالانوب گوزلر یومولدی
 هامی فکر و خیالاته جومولدی
 یتیشدوخ جدّه ده باهم مطاره
 دوزولدوخ مَهر پاسپورتا قطاره
 نچّه ساعت مطاردا قالمالیدوخ
 گلینجه کشتی لنگر سالمالیدوخ
 گلوب کیهان نورد غول پیکر
 مسافرلر سوار اولدی سراسر
 اوچاردوخ مرغ عنقا تک هواده
 طبیعتدن ائدردوخ استفاده
 بولود گویده، کف دریاده امواج
 و یا پانبوق آتیر اوستاد حلاج
 یوزه روبند ائدیر گه گون سحابی
 قدیم تازه گلینلر تک نقابی
 هواپیماده صرف ائتدوخ ناهاری
 بو شاتدیق قلبی دولدوردوخ تغاری

اوغول تحقیقون اولسون اولما ساده
 بو امکاناتدن ائت استفاده
 همیشه فرصت اولماز کئف ساز اولماز
 قانادلار سینسا قوشدا پرواز اولماز
 اوزون انجام وئر شوطه طوافه
 عباداته ختومات اعتکافه
 او حجه انتظار اولما قباقدان
 سودانلی باشد گذدیرسین طباقدا
 او قاجدیقجا طباقدا لوله لهله
 خبردار اول محالی آلمه سهله
 هواپیما اولوب تبریزه نازل
 مسافر جانینه دوشدی عزازیل
 مطارین زلفی ناجور و دگرگون
 فرودگاهدا نه برنامه نه قانون
 نه کئف سورمیشدیک اون بشگون سفرده
 هامی سین اوردا قوسدوخ دردسره
 فرودگاهدان قوتولدوخ خسته نالان
 آلوب یورقونلوقی دیدار یاران
 اولوبلار قائل عالی امتیازه
 گلوب قوم و قبیله پیشوازه

تماماً اهل هیئت قوم قارداش
 الهی هئچ باغی قویما بادامسیز
 جہاندا هئچ کسی ائتمہ آدامسیز
 ماشیندا اگلشوب شیشدوخ گووندوخ
 ہزاران شکر حی لامکانہ
 دل شب وارد اولدوخ دودمانہ
 «کریمی» شاعر شیرین کلام
 کہ محبوب القلوب خاص و عام
 اوزوم شیرین سؤزوم شیرین اوزومدن
 گلن ئوپدی الیمدن یا ئوزومدن
 حسینون آستانیندہ قوجالدیم
 بہ حمداللہ قوجالیدیجا اوجالدیم
 اگر اولسام موفق فیض صبرہ
 یتورم بو چولاق ایمانی قبرہ
 اگر اولسا مجالوز بعضی اوقات
 منی قبریمدہ گل ایلہ ملاقات
 منہ بہتر کادو قبریمدہ سوغات
 فقط احسان ائدون بیر دادلی صلوات

یاهو (زیارت نامه)

به به طبیعتین گنه نقش و نگارینه
 انفاس روح بخشینه آیدین بهارینه
 صبحین نسیمی عطر بهشته نمونه دور
 شبیم سپیر آسنده شقایق عذارینه
 بلبل گلوب ترانیه مستانه مست مست
 ایلر نظاره نرگس مستین خمارینه
 قمری و ان یکاد اوخودی شاخسارده
 گوز دگمه سین قضا و قدر شاهکارینه
 سرو اگینه گنه گینوبدی قبا ی سبز
 صف صف بنفشه لر دوزولوب چای کنارینه
 گل گلشنه سیاحتیه اگلشمه منجمد
 باخ سروینه صنوبرینه آبشارینه
 داغ دامینده گل چیچکه ایله بیر نظر
 سیر ایله قلّه دن توکولن چشمه سارینه
 حجله اولوبدی عاشق و معشوقه گلستان
 هی دسته گل تعارف ائدیر یار یارینه
 ذوق و صفا و عشق و وفا شور و انبساط
 زنجیر آچوبلا منطقه نین شش کنارینه

فَراش فرش اَندوب چمنه فرش رنگ رنگ

ایلمک سالوبدی گل چیچگی پود و تارینه

مَشاطَه عبا بزی یوب گل گلینلرین

احسن بونون سلیقه سینه ابتکارینه

گه گه بولود الیر چمنه بارش بهار

شاباشی وار گلون باشینا باخ نثارینه

باخ عندلیبه ناد علیاً سَیْجَلِی

آهنگینی سالوبدی ولایت سه تارینه

یعنی بهار و شمشک و باران و رعد برق

قربان اولای علی الینون ذوالفقارینه

دعوت گلوبدی بیر بئله موسمه هیئته

عزم ایلیاخ امام رضانین مزارینه

سال هزار و سیصد و هشتاد و چاریدی

اود دوشدی سیزده به درین هر نه وارینه

بیز عید سیزده به دری ساخلادوخ قما

یوز قویمشوخ کریمه آلین دیارینه

بیر جمع هیئت شعرا نوحه خواندن

هر تک تکی وقار و شرف اعتبارینه

اوغلوم مجید بیرده عیالیم گلینلریم

گلدی قوشولدی عشق و محبت قطارینه

سرقافله مجید کریمیدی، نیکخو

هر تک تکی نمونه ادب روزگارینه

مدّاح باصفا حاجی یعقوب نوحه‌خوان

هم فاطمی قاریشدی بو جمعین شمارینه

وقت اولدی ایلسون حرکت کاروان عشق

یارب بلا یتورمه صغار و کبارینه

بیر هفته‌دی رقیّه مزاریندن آیریلوب

اولدوم روان امام غریبین جوارینه

در هر دوگانه مسئلتیم وار یگانه‌دن

هفتادیمی گذشت ائلیه هشت و چارینه

بیر آبروئله بو سرای سه پنجیدن

ملحق اولام جوار ذوالافتخارینه

لیلّاج شهر معرفتم من «کریمی» یم

جان نقدینی اوتوزموشام عشقین قمارینه



خداحافظی

جانا بو جانی جانب جانانه سال یولا

جسم آرزو ائدر یتیشه جانه سال یولا

قبر امام هشتم و سلطان دین رضا

زوآر عشقی سوی خراسانه سال یولا

اسپند و عود مجمره سال ان یکاد اوخی

تا چشم زخم وورمیا بیگانه سال یولا

بیر جمع دلشکسته گئدیر مطلب آماقا

یوز دوندروبله درگه سلطانه سال یولا

درویش لر مراده مرید اولماقا گئدیر

هوهو سالوبلا حلقة عرفانه سال یولا

ساقی مسافرین دالیجا سو ثوابیدی

دولدور او باده دن نئچه پیمانه سال یولا

مطرب اوخی ترانه یا ثامن الحجج

شوریده سرلری ائله دیوانه سال یولا

ای شمع شعله چک ایشیق ائت عشق محفلین

عشاقی آل کناره چو پروانه سال یولا

گل ای مراغه شهر حسینی گوله گوله

بو کاروان عشقی گلستانه سال یولا

یاددان چرخاتمارام او گونی که حسین دندی

گل زینبا حسینوی میدانه سال یولا

سو، یوخ داليجا سو سپه سن بو مسافرین

ایله کفایت اشگیله افغانه سال یولا

قرآنی ساخلا اللرون اوستونده من گندیم

بیمه ائله حسینوی قرآنه سال یولا

قوی یوز یوزه سرشگیله ایسلات دوداقیمی

اشگون دوا دی بو لب عطشانه سال یولا

نوبت منیمدی الله امانینده سوز باجی

یاندوقجا صبر ائت آتش هجرانه سال یولا

زهرآ آنام بو گوندن اوتور بسلوب منی

قرآن یولوندا تا بویانام قانه سال یولا

وئر باجی فاطمه توخویان کوینگی منه

شاید سویاندا گئتمیه تالانه سال یولا

رغبت او کهنه کوینگه ائتمزله کوفیان

پوشش قالار بو پیکر عریانه سال یولا

گیزلت رقیه دن منیم اللرده ئولمگیم

قالدی یتیم او گوهر یکدانه سال یولا

بیر گون گلر، رقیه ده زینب دیر سنه

عمه بو سن بو گوشه ویرانه سال یولا

عمّه حلال ائله گئدیرم اکبره قوناق

گل وور بو توزلی تللریمه شانه سال یولا

کشکول آسوب «کریمی» بو دربار رحمته

وار احتیاجی خلعته احسانه سال یولا

بیر عمر دور خانم قاپوویزدا قوجالمشام

یاز بیر حواله روضه رضوانه سال یولا

دارالشفا دی آل علی آستانه سی

گلدیم اشد دردیمه درمانه سال یولا

دوتموش بو جانی چرک و کثافات معصیت

وار احتیاجی بارش غفرانه سال یولا

میندوخ غرض ماشینلارا ذوق و صفائیه

فریاد اربعینیه عشق رضائیه

زوآر اگلشوبله هامی اولدی جابجا

شیخ باشلادی اذانینی دلکش صدائیه

راننده لر مؤدبیدی چوخ گشاده رو

ساچمازدیلار مسافری نیش جفائیه

انسانلارا ادب شرفه پشتوانه دی

مفرقدی بی ادب اگر اولسا طلائیه

بیر ناقلا دانیشدیقینی ووردی آلتینا

جیردی قراردادینی رنگ و ریائیه

تأخیره سالدی قافله‌نی پاسگاهده

بولموردی آبروسینی آلام حیائیله

هر کس دانیشدیقی سؤزونه مالک اولماسا

حقا اونون تفاوتی یوخ چارپائیله

انسان توپوردیگین یالامازدی قدیم زمان

اوز قوسدوقین ییور تازا مودلار غذائیله

متروک اولوب حلال و حرامیله خیر و شر

مخدوش اولان کیمی بوتون آل وئر ربائیله

اصلاً کیشی دگول کیشیده سؤز بیر اولماسا

آلانا زرق و برق و عبا و قبائیله

•

امضاسینی دانور چکی هر یاندا بوش چیخور

تولانما عینک و لبه‌دار و عصائیله

اوز قول و فعلینه اوزی خائندی دبه‌کار

مدرک عملده‌دی نه فقط ادعائیله

انسان که ساتدی عزتینی بش تومن پولاً

گیرم که میلیادیردی نه فرقی گدائیله

زوآر میندیلر یولا دوشدوخ مراغه‌دن

ذکر اذانیله صلوات و ثنائیله

ایستردی تا قرا چمنی رده‌اولا ماشین

داود زنگ ووردی وطندن وفائیله

اوندایدی که مجید او خوردی خرابه دن
 دولمش ماشین ترانه واحسرتائيله
 کبلای مسعود حاجی عطاءالله و ودود
 هی زنگی زنگه باسدیلا حال و هوائيله
 دوشدوخ نماز مغرب عشایه میانیه
 بلوارینه شاما دوشه دوش اقربائيله
 کتلت تویوق پلو چای نوشابه و سالاد
 قیمه خورش دویونجا یدوخ اشتھائيله
 آرواد دئدی ماشین یورور انسانی واقعا
 خوشدور مسافرت نه زمینی هوائيله
 گولدوم دئدیم گوز آچ باباسی قوزا باشیوی
 فرق سلیقه نوهنی گور بابائيله
 سن بو یولی گئدردون اولاغيله اسبله
 ایمدی ماشین یورور بونی چون و چرائيله
 عرض ائتدی اولماسا قیداخ دالدان اوله
 ایرانلی لار چون انس دوتوب قهقرائيله
 ایمدی قاطر زمانیدی ائشک قاطر دگول
 اینترنت عصریدی نه ایشون مامضائيله
 گولدوم دئدیم که یوخلیانا یوخ تفاوتی
 یا یول گنده حماریله یا کیم، همائيله^۱

جایز دگول اویانماقمیز یوخلا یوخلیاخ

بیز دورساق عالمی قاتاروخ پیس ادائیله

دنیا ده دینی ساتمادا دیناره چاتمادوخ

خرماده گتدی فاصله آچدوخ خدائیله

ایراندا بکر مغزلری توستی کورلیوب

عادی دی یوزده اللی میز امر قضائیله

مین لر کلیف یاش اولدی یالاندان سو گلمدی

بیچاره ملتی سریدوخ ادعائیله

یاز خاطراتی حاشیه ده گزیه ای قلم

یول پیچ و خم خطرلیدی گتیه خطائیله

بیر مسجد اهلیت آدینا غرّه بهشت

باش قالخیزوب سپهره مجلل بنائیله

اوردا نماز صبحه هامی ایلدوخ قیام

نیت گوزل ادائله قصد، ادائیله

صبحانیه قُما دوشدوخ استراحت

قوم و قبیله طایفه ائل آشنائیله

ایچلی نریک پنیر کره کیک قاز یومورتاسی

حلو و گردکان و طلا رنگ چایله

گون سیزده به در گونی معصومه محضری

هر ساعتین دگیشمروخ عمر فنائیله

معصومه آل حیدره بانو نمونه‌دی

وار منصب قرابتی خیرالتسائیله

شهرتده اهلیت رسوله کریمه‌دی

هر دردیه دوا ائدر آسان دوائیله

قُمدان قوتاردی قافله یوز جمکرانه‌دی

تکمیل ائداخ زیارتی هر ماجرائیله

آجیلدی شیرنی کیویدی موز آلما پرتقال

هی پایلانیر مسافره جود و سخائیله

دادلی ناهاری صرف ائلدوخ جمکرانه

دولدوخ نمازه سجده و شکر و دعائیله

آل محمدین قاپوسی باب فیضیدی

یوخدی بو محترم قاپودا یوخدی سائیله

سیمای مسجدی چوویروبلر تفرّجه

تفریحیله سیاحتیله های‌هائیله

هر مسجدین که کورلادیلار معنویتین

یوخدور تفاوتی اونون اوزگه سرائیله

اوستادیدور «کریمی» سفرنامه یازماقا

تفریحیله کنایه و مدح و رثائیله

ترسی خطالریندن امیدی ائمه‌دن

عمرین بوجور وئرر باشا خوف و رجائیله

سالما منی کنارہ الہی ائمہ دن

محشور ائلہ جزا گونی آل عبائیلہ

ہمراہ کاروانیدی عشق ولایتی

یولاندی سمت مشہدہ تور زیارتی

گاہی رضائی شوقلہ باشلاردی زمزمہ

گاہی مجید و فاطمی ذکر مصیبتی

نقاش محسن ائتمدی خدمتدہ ہیچ قصور

یولاردا نمرہ بیستدی نقش رفاقتی

گاہی سالاردی شور حاجی سہراب مجلسہ

یوخ بیر کسین اورکدہ نہ کین و کدورتی

یتیمیش نفر هامی بیر اولوب اتحادیدہ

سالسونلا بلکہ گردشہ چرخ مودتی

ہر صندلیندہ اگلشن آسودہ یوخلادی

خستہیدی کاروان یورولوب یوخ مذمتی

ہیئت ماشیندا آغنادیلار بیربیر اوستونہ

گویا یغوبلا بیربیرینون اوستہ ہی اتی

تنہا اویاق قباقدہ شوفر دالدا بندہیم

او سرنوشتی خلقی یازیر من سیاحتی

آسودہ مقصدہ یتورر اوز مسافرین

رانندہنین ایشیندہ گر اولسا مہارتی

یول چوخ اوزون گلوب نظره خسته کوفته

تا سبزواره چاتدی داغیتدی کسالتی

بلوار سبزواره بیر سبزه زارده

اندیردیلر به نیت صبحانه امتی

اوزلی پنیر یومورتا قاتق حلوا بال کره

بیزدن الهی آلمانا بئله ناز و نعمتی

فواره لر مجسمه لر آبشار لر

اجسامه وئردی طاقتی ارواحه قوتی

بیر نچه قطعه عکس سالیندی تفتنّا

وئرسونله تا بو سیر سفردن شهادتی

ای دل حیات عارییه ائتمه اعتبار

ائت استفاده عمرده تاپسان فراغتی

بیر گون گلر وئرر الیوه روزگار عصا

سمعک قولاقدا عینک آلار گوزدن عادتی

اولماز رضا حیات حیاطی دولانماقا

ال دن ائله زمانه آلار استطاعتی

سن یغ تومن تومن گلی بیر گون دولار دولار

اموالوه آچار ورثه دست غارتی

اولادون انحصار وراثت دوزتماقا

هی گون به گون گزله ادارات دولتی

دارائی شہرداری اوغول قیزدان اوستہ دی

تقسیم ائدہللہ وئرماقا حصر وراثتی

گرایش بیر آز دوگون دوشہ سؤزلردہ چپ گلہ

ہی گوندرللہ روحوہ نفرین و لعنتی

بش گون فراغت اولسا اماندی تلاش ائلہ

خسرانی وار اگر وئرہسن فوتہ فرصتی

امکانون اولسا گر دولان ایشلہ مواظب اول

انصاف ائلہ بخالتہ قاتما قناعتی

احسان ائلہ زیارتہ گئت چیخ سیاحتہ

ترک ایلمہ زیارتی سیر و سیاحتی

اولاد ذی شعور اولانیلر ددہ مالین

نیلور او مالی نہ ہوشی وار نہ فراستی

نیشابورا یتیشدی غرض کاروان عشق

ائتدوخ زیارت اوردا قدمگاہ حضرتی

خاک قدوم دوست تبرکدی بیزلرہ

حاشا فراموش ایلیاخ اجر رسالتی

ہر نہ دیور دئسون بیزہ بیر عدہ نادرست

بیز زندہ ساخلاروخ ہامی آداب سنتی

ہر یاندا اولیا آدینا وار گوزل ضریح

وار شیعہنین او یردہ نماز و زیارتی

بیز هر امامزادیه یوز قویساق عجزیله

آللوخ خلوص نیتیه هر نه حاجتی

راندنه‌نین جریمه‌سی باسدی اوتوز مینه

اون مین تمن قوتاردی وار اولسون بو رشوتی

هر مشکلاتی آرخیین اول رشوه حلّ ائدر

ساخلا یادوندا رشوه‌نی وئر چکمه زحمتی

رشوه گوزلدی چون شب اول سنون بابان

رشوه وئروب دل آلتینا دیندیردی عصمتی

واضحدی رشوه‌دن دوغولان رشوه‌خوار اولار

مندن یادوندا ساخلا بو لذتلی صحبتی

نه عشوہ سیز مادام اولی نه رشوه سیز آدام

چون عشوہ رشوه سیز عملین یوخدی لذتی

محض اینکه چاتدی مشهده ایسلاندی قافله

یاغدیددی ابر باشلارا باران رحمتی

دوتدوخ نظرده بارش بارانی فال نیک

الله ائدر قبول بو عرض ارادتی

زنبوری یر رزرو ائلمیشدی جماعته

ایللردی هیئتین اونا لذتدی زحمتی

بیر واحدین گلینلریم ام‌المجیدیه

کبلای تراب و بنده‌نین اولدی سکونتی

شرط زیارتی سایورام اختصاريله

اول رعایت ايله لباس و نظافتی

غسل و وضونی ترک ائلمه چوخ ثوابی وار

عطر ايله استفاده که وار چوخ فضیلتی

یعنی الهی ظاهریمی من تمیزله دیم

سندہ یو باطنیمده کی چرک و کثافتی

صد شکر اولا جلال و جمال محمدہ

چاتدوخ حضور ثامن آل محمدہ

نوپدیم او آستانه نی با عرض احترام

اوندان صورا بو شعريله عرض ایلدیم سلام

یابوالحسن غمون سالوب اود جانہ گلیمیشوخ

عشقون چکوب گتوردی خراسانه گلیمیشوخ

حلّال مشگل اوغلوسان ای معدن کرم

هر مشگلی یتورماقا آسانہ گلیمیشوخ

باب الحوائجین بالاسی اهل حاجتوخ

درد اهلیوخ بو درگه درمانہ گلیمیشوخ

بیلدوخ مریض سن آقا گلدوخ عیادته

سن جان وئرندہ باشلیاق افغانہ گلیمیشوخ

به به جلال و شوکتووه طمطراقوه

زرین مناره لر قیزیل ایوانہ گلیمیشوخ

مأمون هانی جلالی هانی سلطنت هانی

عبرت گوزیله باخماقا دورانه گل میشوخ

دنیانی دولدوروبدی جمال جلالتون

شمع جماله اولماقا پروانه گل میشوخ

هیچ سائلی آقا الی بوش سالماسان یولا

بی دست و پا گداروخ احسانه گل میشوخ

آهویه ضامن اولدون آقا ایلدون خلاص

گل ضامن اول اوتور بیزی رضوانه گل میشوخ

جرم و گناهله دولیدی کوله باریمیز

مولا سنی شفیع بیلوب عصیانه گل میشوخ

بیر قطره گوزیاشی بولوروخ یوخدی ارزشی

پای ملخدی تحفه سلیمانیه گل میشوخ

زواره اوچ محلّیده پشت و پناهسن

بیز بو اوزاق یولی همین عنوانه گل میشوخ

گلدن گلاب دوتماقا ذوق و صفائله

دلرده آرزو بو گلستانه گل میشوخ

الده کلاف عشق همان پیرزن کیمی

بیزده خرید یوسف کنعانه گل میشوخ

مهمان نقدری پست اولایقدی میزبان

بیر لحظه باغلاماز قاپی مهمانه گل میشوخ

عطشانندی قلبلر او گوزل سقاخانه‌وه

خضرین الیندن آماقا پیمانه گل‌میشوخ

طشته دولان جگرلریوه جانیمیز فدا

قربان دوداقلاروندا دوران قانه گل‌میشوخ

چوخلار اوزین سالوب بو گوزل آستانه‌وه

بیزده مراغه‌دن بئله دیوانه گل‌میشوخ

هر ایل چاغیرمیشان ائوون آباد اولا آقا

عرض تشکريله ذیلانه گل‌میشوخ

نوحه دیوب سیزیلداماqa سینه وورماقا

ائتماقلقا رواقون عزاخانه گل‌میشوخ

بیر دفعه گر سلامینی آلسان بو هیئتین

بسدور بیزه بو منصب شاهانه گل‌میشوخ

قربان بارگاه تو یا ثامن‌الحجج

هستیم در پناه تو یا ثامن‌الحجج

ما شیعه توئیم که ره گم نمی‌کنیم

راه خداست راه تو یا ثامن‌الحجج

باخ گنبد رضاده آسن سبز پرچمه

ایله دیلونده بو گوزل اشعاری زمزمه

یا ثامن‌الائمه جلالت سنونکیدی

ایراندا بو سریر خلافت سنونکیدی

چو خلار گلوب سیاستی دیندن جدا بولوب
 تنها دیانتیله سیاست سنونکیدی
 مأمون هایاندادی باخا جاه و جلالوه
 وزر و وبال اونوندی امامت سنونکیدی
 مظلوم اولونجا ظالمی سالدون مذلته
 حکام ظلم نولدی عدالت سنونکیدی
 پیغمبرین یرینده علی وار اوتورماقا
 مأمون چه کاره دی بو لیاقت سنونکیدی
 مأمون هانی او مرد سیاسی و حيله گر
 لعنت اونوندی بارش رحمت سنونکیدی
 بش گوندن آرتق اسمیه جاق ظلم پرچی
 دیوان عدل تا به قیامت سنونکیدی
 زهری یدون یاراندی وجودونده انقلاب
 یخدون بنای ظلمی حکومت سنونکیدی
 یالوارمادون او ظالمه یاندی جگرلرون
 یاندردون عالمی بو مصیبت سنونکیدی
 بیر کس تاپولمادی دیه مأمونه ای خبیث
 دوز دوتما باشیوی بو جنایت سنونکیدی
 غربتده فاطمه بالاسین ایلدون شهید
 عزّت رضائیلندی ندامت سنونکیدی

بش گون ریاست ایلمسین کور گوزلرون
 دائم مگر بو میز ریاست سنونکیدی
 صبحاح بو تختدن انه سن اوزگه سی مینر
 مست اولماسان فسانه عبرت سنونکیدی
 بیر فکر ائله هایاندادی سندن قباقلار
 بش گونده تاج و تخت امانت سنونکیدی
 وور سیندیر ئولدور اینجید هلاک ایله ملتی
 فرصتدن استفاده بو ساعت سنونکیدی
 ایمدی وطنده باجیلاری گوزلوری یولون
 ئولدورمه بو غریبی نه عادت سنونکیدی
 ظالم قوناقه زهر وئرلر حیا ائله
 سن دعوت ائتموسن بو ضیافت سنونکیدی
 معصومه ایمدی حسرتیله گوز تیکوب یولا
 یارب رضانی ساخلا سلامت سنونکیدی
 اشعارده «کریمی» اگر شهرت ایلوب
 شعرین ملاحظتینده کرامت سنونکیدی

رجوع به مطلب

بیر عده نازنین صنمی اینجیدر ماشین
 یورقونلوقا قیچ آغریسینا سادی یولداشین

قوی قالسین آدلارین دئرمم چکمرم یوزه

بعداً قطار سبزیله وصل اولدولار بیزه

کیمدور تشکر ایلیه پروردگاردن

نعمت چاتوب وفوره یمین و یساردن

زوارچون فراهم اولوبدی وسیله لر

طیاره لردن عالی ماشینلار قطاردن

کئف چکمه لی زماندی دادین بیلسن آغزیوین

دویسا گوزون تجمع مارک و دولاردن

افسوس سرعتیله گئچور ساعت زمان

عمری بو حالدا ساخلاماق اولماز محاردن

باشه یتور زیارتین ارزشلی گونلری

آز قالدی کوچ ائداخ وطنه بو دیاردن

یارب همین زیارتی بیزدن قبول ائله

محشرده آیری سالما بیزی هشت و چاردن

هان بیست و هشتم صفر و روز رحلت است

پیغمبر آیریلور بو فضا روزگاردن

امت یتیم اولوب آتاسیز قالدی فاطمه

گرچه نبی قوتولدی بو رنج و فشاردن

پیغمبر ئولدی فاطمه قالدی قرا گونه

صبحی علینون اولدی قرا لیل تاردن

بش گون ریاست عشقینه بیر جلسه قوردولار

دارالسقیفه لرزیه گلدی او کاردن

بیر مجلس مشاوره بیر جشن انتخاب

چیده اولوب قرار آپاروب بیقراردن

پیغمبرین جنازه سی قبره قویولمامش

امت تخلف ایلدی قول و قراردن

دعوی دین ائدن ائله سیندیردی بیعتی

قوزاندی هی انا رجُل هر کناردن

باغلاندی مرتضا الی مظلوم اولوب علی

نی تک اوجالدی سوز نوا ذوالفقاردن

ظلمین نهالین اکدیله تا اولدی بارور

حاصل بو اولدی چیخدی شریعت مداردن

قرآن دوشوب صعوبته اسلام آغلادی

قان آخدی دیدۀ فلک اشکباردن

اسلامه دوشدی تفرقه آیریلدی مسلمین

یاویلنا او حادثۀ ناگواردن

آیریلدی فرقه فرقه خلل دوشدی وحدته

خلق اولدی توده توده چیخیلدی شماردن

ایش بیر مقامه چاتدی که پیغمبرین قیزین

اوز منزلینده دوگدوله ظلم شراردن

زهره قاپی دالیندا دئدی ئولدوم آی ننه

فوراً خدیجه سسلدی جان جان مزاردن

زهره اوتانما سسله علینی هرایوه

ایسته حمایت حیدر دُلل سواردن

هر مشکله دوشن دئسه یا مرتضا علی

مولا خلاص ائدر اونی هر انزجاردن

زهره قاپی دالیندا ائله یاعلی دئدی

سالدی حسینله حسنی اختیاردن

زینب دئدی بابا ننم ئولدی هرایه گل

قان سو کیمی آخور او تن زخممداردن

صحنه چیخوب علی نه گوروب یومدی گوزلرین

شرمنده ایم دیم او شه شرمساردن

ارباب معرفت اوزی درک ائتدی مطلبی

شرم ایلورم سؤزی چیخادام استتاردن

عذر ایستورم امام رضادن بو روضه مه

خیبرشکن علی ائله دوشدی قراردن

گوردی یوز اوسته فاطمه نی یومدی گوزلرین

گوزلر قیزاردی دوشدی بدن اقتداردن

آیریلدی غنچه بیر یانا گل دوشدی بیر یانا

بی تاب اولدی قفسده هزار آه زاردن

مهمانسرای حضرته دعوت گلوب بیزه
 صرف اولدی فی سیل تبرک ناهاردن
 برنامه میز مرتبیدی مجلس اهل حال
 نه وار خبر مجادله دن انکساردن
 شیرین سفر گوزل جلسه خوش مصاحبت
 قالدی آغیزدا لذتی گشت و گذاردن
 بیر وحدتی مراغه لی لر وئردیلر نشان
 مبهوت اولوب بو وحدته مردم کناردن
 هیئت لر ال بیر اولدولا نام مراغه نی
 مشهده زنده ایلدیلر ابتکاردن
 سربازلی، نوحه خوانلی چوبانلی رئیس لر
 باهم اولوب وئروب ال اله اقتداردن
 گئتدی سنون منیم داخی من سن لر اولدی ما
 شهرین باشین اوجاتدیلا عشق و وقاردن
 الله بو وحدتی الیمیزدن آپارما
 حفظ ایلسین بو شهری غم روزگاردن
 بیر گونده دعوت ایلدی منصور نوحه خوان
 بیز دعوتین قبول ائلدوخ افتخاردن
 بیر عالی کوفته شوربا سرین آبدوغیله
 صرف اولدی پرتقال بم و شہسواردن

احساس غربت ایلمدوخ بو نئچه گونی

دائم یغیشدی باشیمه خویش و تباردن

شاعرلی نوحه خوانلی گلردی سراغیمه

مین لر تشکر ائتمه لیم کردگاردن

ماه صفر قوتاردی سفر تاپدی خاتمه

وقت اولدی آیریللاق او مقدس جواردن

خوش بیر مسافرین حالینا که گوله گوله

سوغاتله گئده وطنه شاهکاردن

وای اول کسه خجل الی بوش خسته روسیاه

وزر و وبال و جرمی داشا کوله باردن

زندان قبره وارد اولا دست بسته خوار

ایوای نکیر و منکر الینده تاتاردن

یارب اوزون کومکلیق ائله بو اوزاق یولی

سالم قالاق مزاحمت مور و ماردن

بیر خدمت ایلویله مجیدیه نیکخو

هئچ شهرده گورونمیوب هئچ حمله داردن

روز چهارشنبه یتوب موسم فراق

وقت اولدی آیریللاق حرم زرنگاردن

ئوپدیم گوزل ضریحینی حسرتله آغلادیم

بو بیتله وداع ائلدیم شهریاردن

یا ثامن الائمه عزاداریوم سنون

خوش گلدون ایله سال یولا زواریوم سنون

زواریوم عنایت ائله یا ابالحسن

بیچاره یم حمایت ائله یا ابالحسن

بو آخرین زیارتیمیز اولماسین آقا

هر ایل بو جمعی دعوت ائله یا ابالحسن

گلدیم سنون زیارتیوه، جان وئرن زمان

سنده منی عیادت ائله یا ابالحسن

عزرائیله اوزون دی چوخ اینجیتمه سین منی

آخر نفسده راحت ائله یا ابالحسن

سن قویماسان جهنم اودی یاندیرا بیزی

محشر گونی شفاعت ائله یا ابالحسن

آهو کیمی ملر گلیروخ آستانه وه

قربانووام ضمانت ائله یا ابالحسن

سن که آقا لقبده امام رئوفسن

رافت ائله محبت ائله یا ابالحسن

درد و ملال و غصه و هر هم و غمیدن

قورتار بیزی سلامت ائله یا ابالحسن

اوچ یرده زائرین گله جاقسان سراغینه

تئز گل قبول زحمت ائله یا ابالحسن

منده «کریمی» یم سنه بیر کمترین غلام

مداحوم کرامت ائله یا ابالحسن

وقت اولدی که آپارتمانی ترک ائداخ گئداخ

زنبورینون حضورینه گئتدوخ وداع ائداخ

قرآن دوتوبلا باشیمیز اوسته سلامله

یاندیردیلار اوزرلیک عجب احترامله

میندیردیلر بیزی ماشینا سالدیلار یولا

سو سپدیلر دوزولدوله عزتله صاق صولا

زرین نشان شیرینلیقینا آلدی بستی

شیرین اولیدی آغزی آیندیردی خسته نی

اوتدوخ ماشیندا قیز گلین اوغلان جوان قوجا

اوچدی ماشین شاما نمازا دوشدی فاروجا

بلوار باصفاده سویوقدا پلو تویوق

ایستی نفس یدوخ عجلیلن سویوق سویوق

یاهو گروه ورد زبان یاهولار کیمی

مازندرانی سیر ائدیروخ آهولار کیمی

هر باصفا مکاندا دوشوب استراحته

احسن بو اتفاقه بو سیر و سیاحته

بو اتحاد عشق و محبت هایاندا وار

تنها بو هیئت شعرا نوحه خواندا وار

ساخلا الهی درد و بلادن بو هیئت
 آخر زیارت ائتمه بیزه بو زیارتی
 بلبل کیمی قاناد چالیروخ گلستانده
 قیلدوخ نمازی مسجد صاحب زمانده
 چوخ عکسلر گوتوردوله دریا کنارده
 آلبومدا یادگار قالا روزگارد
 سهراب محمودیه قویوب اللی مین کنار
 تلکاینه، بیر عدّه میزی ایلدی سوار
 بیز گویده مضطرب رفقا یرده ناگران
 آتدی سسین باشا حاجی یعقوب نوحه خوان
 قلیان و چای قلّه بالای کوهده
 دوسلار همیشه لیق بو جلال و شکوهده
 لاهیجانا یتنده که خسته یدیلر هامی
 صرف اولدی آخر سفرین آخرین شامی
 کبلای ترایین الفتینون ذره یوخ سؤزی
 قاتداشدی یولدا هر زحماته سؤزون دوزی
 میندوخ ماشینلارا هامی خورخور خورولدادی
 یاغلیدی شام دولویدی قارینیلار گورولدادی
 طیّ مراحل ایلدوخ عالی مسیره
 ائتدوخ نماز صبحی ادابخش نیرده

بیر عدّه باخدی ساعته هی سایدی ثانیه
 زندانی تک تیکوب گوزونی آستانیه
 یولداش تلمسیون قویون آسوده یول گنداخ
 آچ گوزلرون بو گورمه لیلردن صفا انداخ
 آز وئر سلام ایاقلاریوا باخ صاقا صولا
 هی دسته گلدی دست طبیعت دوزوب یولا
 قارداش تلمسیون تله سن ترسه کئفلنر
 دنیا همین ماشیندی مسافر مینر آنر
 قیزلار ننه اولونجا اوغوللار اولور دده
 گنج تئز بو قافله یته جاق اصل مقصده
 اون بش گونون مسافرتی چاتدی آخره
 بیر ساعتین یوبانماقی نیلر مسافره
 صبحانه بخش بوستان آوا پارک بوستان
 من کله پاچیه حاجی سهرابه میهمان
 یولاندی کاروان زیارت مراغیه
 دنیا بویونجا یتمه سین آفت مراغیه
 سنده مراغه ایله محبت «کریمیه»
 اینجیتمه سیخما ائتمه اذیت «کریمیه»
 ای شهر اوحدی بئله شاعر تاپانماسان
 ساخلا «کریمینی» داخی ذاکر تاپانماسان

پروانه وار شمع محبتده یانمیشام

اوز شهریمه دیاریمه شهرت قازانمیشام

ساغلیقدا ساخلا خاطریمی آنلا قدریمی

مندن صورا گلوب گُله باسدیرما قبریمی

گل ساغلقیمدا گول یوزیمه قلبی شاد ائله

ئولسمده روحیمی صلواتیله یاد ائله

کریمی نسبتم عبدالکریم غریق لطف رحمان و رحیم

گئدر زوار حجه کربلايه خراسان علی موسی الرضایه

سپردن من کیمی صحبت قازانماز بلئه شیرین سفرنامه یازانماز

گزنمز هفت شهری من ایاقدا سفرنامه یازانماز بو سیاقدا

حسین آدیم حسینه نوکرم من نه بلکه خاکپای قنبرم من

محبت گلشنینده خوشه چینم مودت مکتبینده نکته بینم

وئروب مولا منه بیر طبع سرشار قلمدن منتشر دور در شهوار

چاتور باشه بهار زندگانی یتیشدی عمریمون فصل خزان

اگر دنیا دوغوردی یا یالاندی اوزوم ئولسمده آثاریم قالاندی

شکر ریزد ز نوک خامه من

بیا بشنو نصیحتنامه من

بازهم زیارت شام

هزار شکر که عمریمده یتیمش کامه
 خانم رقیه گنه دعوت ایلوب شامه
 بو هفتمین سفریم هفت سین عشقیدهیم
 که هفت شهری تمام ائتمیشم دمشقیدهیم
 هزار و سیصد و هفتاد و سه زمان سرور
 اواخر مه اسفند چارشنبه سور
 رفیقیمیز حاجی یعقوب اولوب امانی وند
 مراغه دن حرکت اولدی تبریزه خرسند
 شب وفات رقیه گولون سولان گئجه سی
 او اوچ یاشیندا قیزین غصه مرگ اولان گئجه سی
 گئداخ خرابه ده شرکت ائداخ عزاسینده
 وئراخ ربابه تسلی رقیه یاسینده
 ارا به جانب تبریزه ایلدی حرکت
 گئجه شاما اخوی آچدی خوان بابرکت
 آدی کریمیدی خلق کریمه دارادی
 کریم طایفه دی اسم بامسمادی
 دوشندی چایله قلیان آچیلدی بند بساط
 قاریشدی بیریره شعر و حدیث عیش و نشاط

نماز صبحیله ائتدوخ عبادت الله
 بیزی یتوردیله تعجیلیله فرودگاهه
 زمان کوچیدی طیّ طریقه ناچاروخ
 آژانس توری آفاق گشته زواروخ
 وطنده چون حاجی داودیلندی زحمتیمیز
 سفردهده حاجی داود امیر هیئتیمیز
 مدیریمیز حاجی داود صبرده ایوب
 ماشالله هر نه دئدی هر گلن گئدن دئدی، خوب
 یتیشدی ساعت اونا حمد اولا خداونده
 اوتوردوخ عشقله طیاردهده خانم بنده
 رقیه جان اوزون احسان ائله قوناقلارووا
 سنی قسم وئوروم من قابار ایاقلارووا
 اورکده حاجتمیز وار گرک روا ائدهسن
 گولگده گیزلین اولان دردلره دوا ائدهسن
 سنی قسم وئوروم زینب عمّهوین جانینا
 بابان حسینون اونا حق یره آخان قانینا
 موفق ایلموسن بارها زیارتیوه
 قیامتین گونی مشمول ائله شفاعتیوه
 گئدردی گویده هواپیما غولپیکریدی
 فضای آبی افلاکده شناوریدی

گوزل وسیله دی انسانلارا بشر یارادیب
 خدا مگر بو کیچیک مغزیده نه لر یارادیب
 گویون یوزونده غذا گرم و سرد نوشابه
 گول اوزلی خادمه لر نسل اولسون احبابه
 حدود ساعت یک منتهای عشقه یوخ
 نه غصّه وار نه کدر وار نه غم دمشقه یوخ
 دیار شامی گوروب استراحته یتدوخ
 خلاصه فندق قرطاجیه نزول ائتدوخ
 ازل وسایلی منزله جابجا ائلدوخ
 صورا رقیّه حضورینده التجا ائلدوخ
 گنه چکوب منی عشقون گتوردی شامه خانم
 بو آستانیه گلدیم گنه سلامه خانم
 بیان ائله قابر اولموش ایاقلارون نئجه دی
 سنون مصیبتون اود ووردی خاص و عامه خانم
 خرابه لرده چیخان جانووه جانیم قربان
 سارالدی سولدی جمالون مگر شمامه خانم
 او گون تاپولمادی بیر کس سنه مصاحب اولما
 دور ایمدی سیر ائله قبرونده ازدحامه خانم
 بیر عروسک آلودی بیریشیک گتوروب
 بیر سالور او مقدّس ضریحه نامه خانم

رقیه آدینا هر یرده سفره لر سالینور
 همین خرابه ده حسرت قالان طعامه خانم
 عرب عجم هامی گوزیاشلی دلدۀ واویلا
 گلوله محضریوه عرض احترامه خانم
 بو یرده بیر حالا دوشدون جفادن آجلیقدان
 نه قالدی یاتماقا طاقت نهدۀ قیامه خانم
 «کریمی» یم داخی سیزدن صورا پناهیم یوخ
 تعرّض ایلمه بو قاره یوز غلامه خانم
 هتلدۀ سابقه لی قیل و قال باشلاندی
 قاباقکی لار کیمی جنگ و جدال باشلاندی
 بیر دیور بو هتلدی و یا تو یوق قفسی
 داریخمادان آدامین بوردا تنگ اولار نفسی
 بیر دیور توالتر فرنگیدی هاموسی
 بلشمیشم آدامین مردارا باتیر ناموسی
 بولار فرنگیدی بیز مؤمنوخ مسلمانوخ
 اگر اروپا تقلید ائداخ پشیمانوخ
 دئدیم هر ایشده اروپایه ائتموسن تقلید
 توالتینده قبول ایله ایلمه تنقید
 بیر دیور بیزه لبنان دانیشمیشان هانی بس
 ناهاره قیمه فسنگان دانیشمیشان هانی بس

ایکی ماشین هر آغیزدان گلردی بیر آهنگ
 یتردی حمله دارا اعتراض رنگارنگ
 دئدیم زمانه ده مین دَلته دچار اولاسان
 اداره لرده سیاستله رشوه خوار اولاسان
 فلاکتیله ساتوب بنزی خر سوار اولاسان
 او قدری ایشلیه سن ال ایاق قابار اولاسان
 چتین لرین هاموسیندان چتین بو مشغله دی
 بالیق کیمی دوشه سن، توره حمله دار اولاسان
 نئچه سفر منه قسمت اولویدی توریه
 دمشق کربوبلا مگه عشق و شوریه
 نه شهرین اهلی اولار شهرداری راضی
 نه ده مسافر اولار حمله داردن راضی
 همیشه حمله اندوب حمله داره دانلاقلار
 نه طعنه لر که اگر داغلارا دگه لاخلار
 نئجه دؤزر ختنه اهلی دلاک الگوجونه
 گرک دؤزه دایانا بش تومن پولون گوجونه
 بیر دیردی بو یخچال خرابدی ایش و ثرمیر
 بیر دیور تلویزیون قولاییدی گوسترمیر
 بیر دیردی هتل صاحبی بد اخلاقدی
 بیر دیردی بیزیم حمله دار فریلاقدی

بیری دیردی ناهار شامدا چو خدی سانسورومیز

بیری دیردی بالام ایشله میر آسانسورومیز

یتوب جوماخشامی ارواح مؤمنین آزاد

مقام زینبه یوز قویمشوخ کیشی آرواد

گوزل وجودیدی روحانیمیز آقازاده

ولایت اهلیدی نورانی مرد آزاده

خلوص نیتیه حاجیلار سیاقینده

کمیلی باشلامشوخ باصفا رواقینده

شب ولادت مسعود موسی کاظم

گوزل مقام گوزل گون دئماق دگول لازم

عجب سعادتیدی بهترین زیارتیدی

گئجه گونوز ایشیمیز ذکریدی عبادتیدی

رقیه سوق ائدر انسانی فیض عظمايه

تمام قطره لری وصل ائدندی دریایه

عذاره توک گوزیوین یاشین آغلا وور سینه

بو عشقله یته سن قرب قاب قوسینه

تفاوت ایلمز عشاقه زنده یا مرده

بهار عشقی خزانلار ائدنمز افسرده

بو اوچ یاشیندا بالا شب چراغ عرفاندی

تمامی عرفا درگهینده مهماندی

دعای ندبه‌نین البته چوخ فضیلتی وار
 ولی رقیه حضورینده آیری لذتی وار
 بو نازنین بالادا کربلا خدیجه‌سیدی
 رقیه حضرت پیغمبرین نتیجه‌سیدی
 نجه رقیه بهشت عطری وار رواقینده
 هله بابا باشینون قانی وار دوداقینده
 نجه رقیه سولوب غنچه تک بوداقینده
 یاتوب محبتله زینبون قوجاقینده
 نجه رقیه قاجوب آتلارین قباقینده
 هنوز توختامیوبدی قابر، ایاقینده
 نجه رقیه گزیر ناگران اوطاقینده
 باخار ساغا سولا دائم بابا سراقینده
 نجه رقیه یانوب اکبرین فراقینده
 ترانه لای‌لایی وار اصغر اشتیاقینده
 حضور انوری زوآرینه مبارکدی
 کادوسی خرداجا گهواره‌دی عروسکدی
 دعای ندبه‌ده قوتاردی قیتیشوخ هتله
 کره یومورتا مربّا پنیر قاتق هابئله
 دوباره باب صغیره زیارته گتدوخ
 اون آلتی باشی زیارت ائدوب رجوع ائتدوخ

نماز شامی ادا ایلدوخ جماعتیلن
 گئچردی عمریمیزین اکثری زیارتیلن
 نمازدا بیر کیشینون تا موبایلی قیشقیردی
 ال آتدی گوشیه فوراً نمازینی قیردی
 یاریم دقیقهده ایّاک نعبد اولدی علو
 دئدیم نه ایش گوروسن جانیوه دوشیدی آلو
 کیشی نمازیوی کسدون چوخ اشتباه ائلدون
 نماز واجبی سیندیرمادا گناه ائلدون
 دئدی عم اوغلی نمازین قضاسی آساندی
 ولی موبایلا جواب وئرمین پشیماندی
 دئدیم سؤزون عقلائیدی گئچمرم جهله
 بیزیم بو عصریده هر ایش چاتوبدی نااهله
 موبایل اهلینون اولسا الینده نعمتدی
 ولی سنون کیمی نااهله عین نعمتدی
 موبایل کامپیاتیر ماهواره اینترنت
 بیزیم مذاقیمیزه جور گلن دگول قوی گئت
 بیز استفاده یولون بولمروخ خراب ائدهروخ
 حلال سرکه میزی دوندروب شراب ائدهروخ
 پیچاق وسیله دی نه نادرسته باش کسنه
 موبایل باشقا وسایلدی اهلینه نه سنه

بو گون هامی چالیشور استراحت بشره
 بشرده ایستوری چکسین جهانی شور و شره
 مسلمان اوز اوروجون بیرجه حبه سیندیرماز
 نماز واجبینی مستحبه سیندیرماز
 موبایلی خاموش ائدر وضع مجلسی قاتماز
 الینده ایلوب اسباب بازی اویناتماز
 او کس یاخشی ائدر استفاده نعمتن
 نعیم نعمتینی آرتیرار کرامتن
 نمازی مسخره فرض ائتمه حکم یزداندی
 نقدری ایش میشون اولسا نمازه قرباندی
 حسین داشلارین آلتیندا اوخ قباقلینده
 نماز خوف قیلاردی او غملی چاغینده
 گرک نمازه دوراندا اسیم اسه سن
 نه اینکه تلفونا خاطر نمازیوی کسه سن
 غروب جمعه دی ساعتی بهترین ساعات
 حضور زینب کبرا دعا دعای سمات
 دیلنمیشم قاپی سیندا اگر عطا ائلسه
 چوخ حاجت ایستیمش سیزلره روا ائلسه
 بو آستانه گوزل آستانه دور یاهو
 جناب زینب علی دن نشانه دور یاهو

عقيلة العربین علمی آسمانیدی

کلامی خطبه لری عارفانه دور یاهو
خطابه اَمَنَ العَدْلَ یا بَنی طَلَقاً

بو سۆز معادل مین تازیانه دور یاهو
یزید کاخینی تترتدی خطبه زینب

لسان غیبه خانم نازدانه دور یاهو
او قَدْ سروه باخان مصطفانی یاده سالار

او سرو قده رقیه جوانه دور یاهو
همای گلشن توحید کیمدی زینبدی

سرای وحی اونا آشیانه دور یاهو
خانمدی عالمه بی معلمه عامل

عملدی علمه بلی پشتوانه دور یاهو
قرا گنج قارا توپراقدا قاره معجریله

نماز شب اونا یاحق ترانه دور یاهو
ولی آنادان اولاندان غمیله مونس اولوب

لقبده غمکش دور زمانه دور یاهو
بهشت قیمته گلمز که پول و ثروب آلاسان

ائمه عشقی بهشته بهانه دور یاهو
علینون عشقی جهنّمده ایستمز یاناسان

اورکده سوز محبت زبانه دور یاهو

گوتور امیدله کشکولوی تبرزینی
 «کریمی» گل بورا درویشخانه دور یاهو
 گنچن سفر دئیشم هاییلین زیارتینی
 لزومی یوخ داخی تکرار ائدم حکایتینی
 زمان عیدیدی ایل ایلدن آیریلان گونودی
 تویوق گلوب یولا میمون ایلین سالان گونودی
 یوزوم رقیّه ضریحینده گوزده اشک زلال
 نه عشقیله دیورم یا محول الاحوال
 الهی بو ایلی انسانلارا مبارک ائله
 خصوص شیعه مسلمانلارا مبارک ائله
 خدایه شکر ایلمیز باشلانور زیارتیله
 چاتار بو ایل باشا توفیقیله سعادتیه
 شروع اولور ایلمیز زینین مزاریندن
 گوزل مثل گوزل ایل بللر بهاریندن
 عجب بو خاطره شیریندی خاطراتیمده
 تاپانمارام ائله بیر ساعتی حیاتیمده
 مکان مکان مقدّس زمان زمان جدید
 باخون سعادتہ ایّامکم سعید سعید
 کنار سفره هفسین یادگار حسین
 رقیّه بلبل خاموش لاله زار حسین

«کریمی» بو قاپیدان عیدیا نه سیز گئتمز

حرم کبوتری دور آب و دانه سیز گئتمز

خانم قوی آوجوما ایل سفته سین کرامت ائله

حواله یاز بیزی هر ایل بو قبره دعوت ائله

قوجالمیشام قاپوویزدا آغاتمیشام سقال

تئز اول حسین قیزی وئر عیدیا نه می یولا سال

سخا و لطف و عطا سنده دی خطا مندن

ال آچمارام الیمی کسسه لر بو دامن

هتله بیر نچه بی تربیت اوشاق واریدی

نه ین دیوم بشره عمریله ادب یاریدی

نه بسدی کسدی دیین وار نه بیر آجیق لانی

گوروم قاشینما دوشسون بئله آتا آنانی

نچه اوشاق هتلی قاتدی ایلدی طویله

آتا آناسی دوشونمیر نه سویله سن سویله

دیر عزیزیم عزیز تربیت عزیزدن عزیز

قیروب آسانسوری دوشدوخ نقدری زحمته بیز

دده ننه که اوتوردی اوشاقی اوز باشینا

اوشاقدی کئفلی کیمی آوجونا یاخار قاشینا

ادب غلامینه سلطانی ایلوب بنده

سند ایازیله محمودیدور همین بنده

در این رواق زبرجد نوشته‌اند به زر
 که جور سیلی اوستاد به ز مهر پدر
 بکوش و گوش بهر حرفهای هرزه مده
 بگویمت آدَبُ المَرءِ خَیْرٌ مِّنْ ذَهَبِه
 قلم ادبه بو اوچ حرفده اندر حرکت
 الف امانت اولوب دال دین و با برکت
 اندون اوشاقلاروزا تربیتله پیرایه
 که آنلیانلارا تنها ادبدی سرمایه
 صحیح تربیت اولاده هر نهدن باشدی
 باشارماسون گوره‌سن لابالی عیاشدی
 اولوب روان رفقادن بیر عدّه لبنانه
 سوروشدولار گئدیسن سنده سویلیم لا، نه
 نه گزمه‌لی یرینه حال گردشیم واردی
 نه آما پرتغالین دیشلین دیشیم واردی
 گئدون گزون دولانون عیش کامرانیه
 قویون قالیم منی ویرانه‌ده فغانیه
 رقیه قبری منیم گلنن بهاریمدی
 صفالی باغ بهشتیمدی لاله‌زاریمدی
 رقیه قبرینه هر گوز باخا دولار یاشیلان
 بو خرداجا قیزی رام ائتدیلر کسکک باشیلان

یتیمون هر باخیشی داغ داشا اثر ایلر
 باجینون آغلاماقی قارداشا اثر ایلر
 او قیز که اکبر آلاردی قوجاقینه باشینی
 ئوپردی دائم اوزوندن سیلردی گوزیاشینی
 زمانه بیر گونه قویدی او طفل رعنانی
 آخاردی هی ایاقیندان قابارلارین قانی
 دئدی بابا دئمورم باخ قابار ایاقلاریما
 گوزیوی یوم نظرون دوشمه سین قولاقلاریما
 بابا گوزوندن ایراق یوللاری یوروبلا منی
 سنه من آغلامیشام یانمیشام ووروبلا منی
 الون که یوخ آلسان نازیله قوجاقه منی
 منه وظیفه دی آلآن آلام قوجاقه سنی
 محالدور بابا عشق و وفا یولون ایتورم
 بیلکلریمده توان یوخدی باشیوی گوتورم
 او قانلی گوزلری گزديرمه چوخ او یوز بو یوزه
 اجازه وئر اگیلیم تا دگه او یوز بو یوزه
 وئروم بو جانی جمالون سولان جمالیمده
 قویوم کریمینی آغلار بیان حالیمده
 یاری گئجیدی گئدنلر قیتدی لبناندان
 نه وضعیله هامی یورقون هامی دوشوب جانندان

تمامی خسته‌دی حالسبز دوشوبله لنگردن
 مگر که جبهده سرباز قاچوبدی سنگردن
 دئدیم گئدوب یدوز ایچدوز دولاندوز ایوالله
 آماندی گوردیقوویزدان ائدون منی آگاه
 یتوب سه‌شنبه گونی صاحب‌الزمان گئجه‌سی
 عراقدا سهله یا ایراندا جمکران گئجه‌سی
 گوزل دعای توسل اوخوندی لذتیلن
 زیارتین بالی چیخمیشدی لطف حضرتیلن
 علی‌الصباح یتیشدی تمامه برنامه
 او وقت اولوب که ووراخ خط اقامت شامه
 گلوب هتل قاپی‌سیندا دایاندی سیّاره
 گئدوب فرودگاها اولدوخ سوار طیاره
 نهاری صرف ائلدوخ باغلادوخ کمربندی
 زمان عصریدی طیاره تبریزه اندی
 گلوبله شوقله پیشوازه ساخلاسین الله
 کریم^۱، حبیبیله^۲، داود^۳، ودود^۴، روح‌الله^۵
 «کریمی» یم منه لطف خدا اولوب شامل
 خدا نواقصیمی تک به تک ائدوب کامل

۱- برادرم

۲- برادرزاده

۳- دامادبرادرزاده

۴- فرزندم

۵- نوّه ارشدم

محبتیم گورورم قلبیلرده ریشه سالوب
 آدیم سؤزوم کیمی عارف لرین دیلینده قالوب
 منی مراغه دن آختارمیون دیاریمدی
 تمام قلبلر ئولسم منیم مزاریمدی
 آقام توجه ائدوب اولموشام حمیده صفات
 حقیره بیرده اوز امواتیوه اوخی صلوات



فهرست کتاب

موضوع	صفحه
شناسنامه‌ی کتاب:.....	۲
چگونه به استاد کریمی دل بستم	۴
یوخولی یوخولی	۹
شاندیز مشهد	۱۶
چهار «پ»	۱۷
وصلت	۱۸
دوشان ئیلی	۱۹
افتتاح حمام سونای مراغه	۲۵
تقاضای نفت	۲۹
داغ سفری	۳۰
سیاحتنامه	۳۸
دوست داشی	۵۳
رباعی	۵۳
یاشاماق	۵۴
دیسگینیرم	۵۶
وئله گئتسون	۵۹
ها ها ها	۶۱
نهنگ ئیلی	۶۳
تلویزیون	۶۸
من یینمرم	۷۳
سقله	۷۴
یا شانس و اقبال	۷۵

۷۷	آمان قوجالیق
۷۸	دینمگه دگمزدن تضمین
۸۰	ئیل بایرامی
۸۳	جشن نیکوکاری
۸۵	آختاریرام تاپانمورام
۸۶	سنگ مزار
۸۷	مینى ژوب گئتدی کیسی ژوب گلدی
۹۰	سهندیه کریمی
۹۴	تازا مود
۹۵	خوی ماکو خاطره‌سی
۱۰۵	قوچ ایگیت داییا چکر خاتین قیز خالیا
۱۰۷	تقدیم به کوهنوردان
۱۰۹	ماشاءالله‌نامه از انزاب
۱۱۲	جوابیه از کریمی
۱۱۶	حُبّ الوطنِ مِنَ الایمان
۱۱۸	آیریلیق
۱۱۹	میموندان انسان اولماز
۱۲۷	مجلس تودیع
۱۲۸	مهمان قارپزی
۱۲۹	قوناق
۱۳۲	آقای انزابدن بیر قطعه ییزیم قسمتیمز
۱۳۴	نامه‌ای از آقای عباس‌بارز ارسبارانی و جواب آن در خفقان رژیم‌شهنشاهی
۱۳۸	جواب نامه‌ی آقای بارز
۱۴۴	دوست ناشناسم جناب آقای محمدرضای تهرانی با تقدیم سلام
۱۴۵	باخ - باخ
۱۴۹	یا شانس
۱۵۱	سفر بخیر

- اشغال تلفن ۱۵۹
- انزابدن خطاب ۱۶۷
- کریمی دن جواب ۱۷۱
- الذن دو تماق علی دن قالوب ۱۷۶
- لن تُنالُ البرَّ حتّی تنفقوا ممّا تحبّون ۱۷۹
- فرزانه‌ی دوران ۱۸۱
- لطایف و ظرایف ۱۸۳
- هشدار ۱۸۷
- کریمی ۱۸۹
- انزابدن بیر نامه ۱۹۰
- جواب نامه از آتشین خامه ۱۹۳
- تقدیم به استاد کریمی مراغه‌ای ۱۹۷
- غار آبی سهولان کردستان ۱۹۸
- سفر مبارک ۲۰۶
- حضرت معصومه ۳ ۲۱۰
- اقامت در قم ۲۱۲
- شهر نیشابور شهر خیام و عطار ۲۱۵
- گینه گل‌دیم ۲۱۹
- گریز به اربعین ۲۲۰
- رجوع به مطلب ۲۲۳
- بازنشستگان طبیعت ۲۳۳
- شبی از شبهای سهند ۲۳۵
- درویش ۲۳۸
- آینالی جنگل ۲۴۰
- کله پاچه ۲۶۷
- مشهد اردهال - قالی شویان ۲۷۱
- آمان قارین ۲۷۳

۲۷۸	زیارت حضرت معصومه
۲۸۰	بهاردان خزاناکیمی
۲۸۷	مراغه
۲۸۸	کرایه نشینی
۲۹۲	آرزوی ما
۲۹۵	هر زاد بویاما
۲۹۶	غزل
۲۹۷	شوخیها
۲۹۸	جواب
۳۰۰	بگندیم
۳۰۳	اینک ثودی اینک ساغان سیندی
۳۱۱	مَنْ أَحْيَا النَّفْسَ كَمَنْ أَحْيَا النَّاسَ جَمِيعاً
۳۱۳	اوزون قصیده
۳۱۹	قان قان دیورلر
۳۲۱	اولماز
۳۲۲	یوم الشک
۳۲۳	هئچ ایشیمیز دوز دگول
۳۲۹	سفرنامه ی اصفهان شیراز
۳۶۳	شاعر ثولمز
۳۶۵	بی نماز
۳۶۶	آی منافق
۳۶۸	خیر مقدم
۳۷۰	ایران را سراسر مدرسه میکتیم
۳۷۴	باساباسدی کسه کسدی
۳۷۶	آی رادیو مراغه
۳۷۹	موزه لردن
۳۸۱	آینا

۳۸۲	صافی چایی
۳۸۴	یا حسین مظلوم ادرکنی
۳۸۷	انزایدان بیر غزل - گوروش آرزوی سی
۳۸۸	تشکر
۳۹۱	غزل
۳۹۳	مراغه افتخاری
۳۹۴	باز هم سفر کربلا
۴۰۹	خانم حمله دار
۴۱۸	بقیه مطلب
۴۲۳	قصیده قصه سفر
۴۴۸	من کیمم
۴۵۰	زیارت مشهد
۴۶۷	لایشعرونم
۴۶۸	لیک لییک لاشریک لک لییک
۴۷۳	وداع از دوستان
۴۸۸	خدا حافظی
۵۰۰	أطلبوا العلم من المهد إلى اللحد
۵۰۱	دانشجو
۵۰۳	فارغ التحصیل
۵۰۴	آرزوی دیدار دلدار
۵۰۶	دنیا مکافات خاندی
۵۰۷	قوجا
۵۰۸	قَالَ عَلَيْهِ السَّلَام نِعَمَتَانِ مَجْهُولَتَانِ الصَّحْتِهِ وَالْأَمَانِ
۵۱۰	«ترکی»
۵۱۲	هارا گتندی
۵۱۵	یامن بدنیه اشتغل
۵۱۷	سویمه لی سفر

۵۳۴	نشیب و فراز
۵۳۶	«صدیقی» دن گلبسرنامه
۵۴۱	پاسخ استاد کریمی به «صدیقی»
۵۴۴	جوابیه صدیقی به اشعار استاد کریمی
۵۴۷	آمان الله قوجالیقدان
۵۴۸	آت اولاندا میدان اولماز
۵۴۹	آمان بئل آغریسی
۵۵۳	غزل
۵۵۴	چورک کسمیون
۵۵۵	ویجه گلمز
۵۵۶	دوست آتان داش
۵۵۷	قصیده نصیحت آمیز
۵۵۹	تک یاشارام
۵۶۱	الله پیشیگه قاناد وئرمه سین
۵۶۴	کارت
۵۶۵	آتدیم گئتدی
۵۶۷	تقدیر
۵۶۸	منیت
۵۷۱	غزل
۵۷۲	ئل غمی یم
۵۷۳	قلم
۵۷۵	اَللّٰهُمَّ لَكَ صُمْتُ
۵۷۸	آنا یوردوم
۵۷۹	شی در قلّه سهند
۵۸۷	موبایل
۵۸۸	فرستی فوته وئرمه
۵۹۴	حکایت

۵۹۵	آدام قوروسی
۵۹۶	قوجالیق
۵۹۷	یا شانس یا اقبال
۵۹۸	درده دگن سؤزلر
۵۹۹	اعتکاف
۶۰۰	حکمتدن سؤال یوخدی
۶۰۱	نااهله نصیحت
۶۰۳	می گذرد
۶۰۴	لذت جوانلیقدادی
۶۰۹	تاریخ ازدواج نوهام لیلا با آرش
۶۱۰	ای کریمی
۶۱۱	شعر کریمی
۶۱۲	چکلر شیر شیرین پندلردن - گوارادی عسلدن قندلردن
۶۱۴	روز زن
۶۱۸	کیشی جواب وئورور
۶۲۲	ارومیه دن خاطره
۶۲۴	مناجات
۶۲۶	صلوات چهارده معصوم
۶۲۸	عظمت شعبانیه
۶۳۲	وحدت
۶۳۹	والفجر و لیال عشر
۶۴۶	یاراماز عقوبت
۶۴۷	تاریخ ازدواج نوهام وجیهه با فرزاد
۶۴۸	یاخشیلیق یاخشیدی
۶۵۰	خیرمقدم
۶۵۱	نصیحتها
۶۶۳	علی مولا

۶۷۴	دویتی ها
۶۸۸	صحت و عافیت
۶۸۹	ای مادر
۶۹۰	از مراغه تا قم
۶۹۵	غزل اول
۶۹۷	غزل دوم
۷۰۳	درکارت عروسی نوه عزیزم وجیهه
۷۰۴	نامه دوستانه
۷۰۵	یا الله - یا علی - یا حسین
۷۰۸	قال رسول الله إذا مات العالم الفقیه ثلّم الاسلام ثلّمه لا یضدّها شیء
۷۱۰	نصیحت با وصیت
۷۱۲	میلاد حضرت زینب ۳
۷۱۳	بو حسین کیمدی
۷۱۵	جانباز عشق
۷۱۷	السلام علیک یا اباصالح
۷۲۱	شمات شمشاد به درخت گردو
۷۲۴	حرمخانه مسجد کرمخانه خداست
۷۲۸	«سفره»
۷۲۹	قصیده کوتاه
۷۳۱	«کارت عروسی»
۷۳۲	نامه به شهرستان خوی
۷۳۴	انجمن شعرا
۷۳۵	از تنگنای قبر
۷۳۶	جریمه شاعر
۷۳۷	یا نصیب یا قسمت
۷۳۸	دانلاقار
۷۳۹	«کارت دعوت»

۷۴۰		مجلس تودیع
۷۴۱		جشن تکلیف دختران
۷۴۲		«عذر ایستماق»
۷۴۳		ایّامُکُم سَعِیدَة
۷۴۴		نامه نگاری
۷۴۵		از شجاع الدّین صفائی زنجانی
۷۴۶		غزل کوتاه
۷۴۷		عرض تسلیت
۷۴۸		نیه ال آچمیشان
۷۵۰		ثروت داغیلاندی - از انزاب
۷۵۱		آپارانماز
۷۵۳		نقده - سولدوز
۷۵۴		مراجعت حاج آقا عبادی فرماندار مراغه از کربلای معلّی
۷۵۵		سنگ مزار
۷۵۶		با عرض سلام و تسلیت
۷۵۷		پرستار نمونه
۷۵۹		غزل
۷۶۰		بابادان نوه یه
۷۶۳		دیوانه لرکیمی
۷۶۴		گاز گتندی
۷۶۶		عاشیقلار سۆزی
۷۶۹		از شاهد یک نامه
۷۷۰		نصیحت
۷۷۲		گنه قیش گلدی
۷۷۵		سفرنامه حج
۷۷۸		لیبک اللّهم لیبک
۷۸۱		مقدمات سفر

۷۸۵	 حجّین شرطلری
۷۸۸	 معاینه در تبریز.
۷۹۰	 سلام بر مدینه.
۷۹۵	 جلسات آموزشی.
۷۹۶	 اِنَّ الصَّلٰوةَ عَمُوْدُ الدِّیْنِ
۸۰۰	 وداع از دوستان و همشهریان عزیز
۸۰۵	 تحویل ساکها.
۸۰۸	 تذکر به حجّاج محترم
۸۱۱	 ایضاً تذکر به زائرین بیت الله
۸۱۴	 حرکت از مراغه.
۸۱۹	 در حال حرکت
۸۲۱	 وداع.
۸۲۲	 زبانهال امام به خواهرش
۸۲۴	 حرکت به فرودگاه تبریز.
۸۲۷	 مدینه شهر پیغمبر
۸۲۹	 مدینه گونلری
۸۳۲	 زیارت شهدای احد و مساجد سبعة
۸۳۶	 چتین لردن چتین
۸۳۷	 صفا و صمیمیت
۸۳۸	 وداع از حرم مطهر رسول اکرم (ص)
۸۳۹	 میقات مسجد شجرة
۸۴۲	 احرام باغلورام حجّ عمره دن خاطره
۸۴۹	 شعب ابی طالب
۸۵۳	 مناجات با قاضی الحاجات
۸۵۷	 عمران و آبادی شهر مکه
۸۵۸	 عرفات
۸۶۱	 مشعر

۸۶۲		منا
۱۶۳		قربانی
۸۶۴		مسجد خیف منا
۸۶۶		مکه بلد امین و ام القرائی
۸۶۸		سینه زنی وداع
۸۷۰		کوه ثور و غار حرا
۸۷۶		سفر نوبهار (حج نامه)
۸۸۰		صد و بیست ثواب
۸۸۲		خدا حافظ
۸۸۶		مسجد النبی
۸۹۴		«کتاب کریمی»
۸۹۵		ولادت عسکریه
۸۹۸		مسجد بلال
۹۰۱		غار حرا
۹۰۹		زمزم
۹۱۳		در کنار بیت
۹۱۶		سپاس
۹۲۱		ياهو (زیارت نامه)
۹۲۴		خدا حافظی
۹۳۹		رجوع به مطلب
۹۵۰		بازهم زیارت شام



مراکز بخش

تهران، خیابان ناصر خسرو، کوچه حاج نایب، ساختمان خطی، انتشارات پیری قفزن ۳۳۹۲۴۷۵۳

مراغه، بهراج بازار، کتابفروشی کریمی قفزن ۲۲۲۷۰۹۸